

MANUDUCTIO
AD CONVERSIONEM
MAHUMETANORUM.
PARS SECVNDA.

In qua

FALSITAS MAHUMETANÆ
SECTÆ CONVINCITUR.

AUTHORE

Adm. R. P. THYRSO GONZALEZ
DE SANTALLA, è SOC. JESU, IN SAL-
manticensi Academia SS. Theologiæ Professore
Primario Antecessore Emerito,

Nunc verò

UNIVERSÆ SOCIETATIS JESU PRÆPOSITO,
GENERALI.



D I L I G Æ,

Typis & Sumpt. JOANNIS CASPARI BENCARD, Bibliopolæ Acad.

Per DANIELEM KNAB.

ANNO M. DC. LXXXIX.



PARS SECUNDA
MANUDUCTIONIS AD CON-
VERSIONEM MAHUMETA-
NORUM.

IN QVA FALSITAS MAHVMETANÆ
*secta convincitur, paritérque veritas Religionis
Christiana, quæ prima parte demonstrata est, novis
iterum argumentis stabilitur.*

P R O O E M I U M.



QVAMVIS, quæ prima parte hujus operis dixi-
mus de Christi Divinitate, & veritate Reli-
gionis Christianæ, evidenter sectam Mahu-
metanam de falsitate convincant, specialiter
in hac secunda parte placuit proponere argumenta illa,
quibus sæpe usus sum ad expugnandam Mahumetano-
rum perfidiam, cùm ad illos publicè conciones haberem
in pluribus Hispaniæ Civitatibus, nimirum Malagâ, Velez-
Malagâ, Marvellâ, Gibraltar, Xerez de la Frontera,
Puerto de Sancta Maria, Cadiz, San Lucar de Barrameda,
Hispali, Rondâ, Arcos, & in Curia Matritensi. Nam
his argumentis, gratiâ adspirante divinâ, in his locis du-
centi permoti sunt ad abjurandum Mahumetismum,
& Christianam fidem suscipiendam.


A 2

LIBER

LIBER PRIMUS.
EXHIBENS BREVEM NOTITIAM DE
*Mahumeti vita & moribus, de Alcorani erro-
ribus, & de artibus, quibus secta hac introducta est.*

CAPUT PRIMUM.

*Brevis notitia de Mahumetanorum erroribus, & qua arte
Mahumetus suam sectam invexerit.*

I.  EGEM Mahumeti graphice describit Card. Bellarm. serm. 5. de Fide, his verbis: Nihil aliud est lex Mahumeti, ut ex lib. S. Joann. Damasc. de centum Haresibus cognosci potest, quam monstrum quoddam horrendum, informe, ingens, ex multis haresibus, & superstitionibus conflatum. A Judeis habet horrorem carnis suille, multitudinem uxorum, libellum repudij, Circumcisionem, creberrima baptismata. Ab haresi Arrianis habet, Verbum non esse DEI Filium, neque Patri consubstantiale, sed creatum, & servum. A Nestorianis habet, Christum Dominum de Virgine quidem natum sed solum esse hominem, non etiam Deum. A Manicheis habet, Christum, nec passum, nec mortuum esse; & à vino perpetuo abstinendum. Ab Aristippo, & Epicuro habet, summam beatitudinem in hortorum amantate, & uxorum multitudine, cibo & potu, aliisque corporis voluptatibus positam esse. Porro jejunium religiosè colunt Mahumetani, sed ab ortu Solis usque ad occasum; noctis verò, quando periculum non est, ne saltem à sole videantur, libe-

rum esse putant, comedere & bibere usque ad satietatem. Postremò, quod maxima stultitia signum est, cum Lege Moysis & Evangelio pugnat, & tamen Christum & Moysen, tanquam Prophetas sanctissimos, & veracissimos veneratur. Itaque Mahumeti propositum non fuit aliud, quam difficultatem omnem profligare, quam Christiani homines incredendo, & operando patiuntur. Quia difficile est, una uxore contentam esse, & eam non posse dimittere, adhasit Judeis. Quia difficile erat, credere, unam Essentiam in tribus Personis subsistere, adhasit Arrianis. Quia difficile erat, unam Personam esse in duabus Naturis, adhasit Nestorianis. Quia difficile erat, credere, DEVM Christum pati, & mori voluisse, adhasit Manicheis. Quia difficile erat, propter spiritualia & futura, contemnere corporalia & presentia, quæ videntur, adhasit Epicureis. Quia difficile erat postremò, Christum & Moysen tam perspicuos Sanctos, & DEI amicos, non recipere, & non minus difficile erat, cum Lege Moysis & Evangelio Christi suam Legem conjungere, Christum & Moysen recepit, sed Legem & Evangelium repudiavit.

II. Doct:

II. Doct. Martinus de Vivaldo Author illius operis moralis, quod inscribitur, *Candelabrum aureum*, glossans librum, cui titulus, *Zelus Christi adversus Judæos, & Sarracenos: compositum à Doct. D. Petro de Cavalleria*, fol. 131. n. 448. Catalogum contexuit errorum Mahumetanorum sub hac forma.

1. *Negant Trinitatem cum Sabellio, & Hebræis.*
2. *Christum creaturam esse affirmant cum Hebræis, Arrio, & Eunomio.*
3. *Christum non esse DEVM, sed Prophetam Sanctum, cum Cartoprace.*
4. *DEVM habere Filium, fatetur esse impossibile, quia uxore caret, cum Cerdone.*
5. *Quòd Christus non fuerit crucifixus, sed alius sibi similis, cum Manichæis.*
6. *Negant Christi mysteria, quæ à Christi Passione habent vim, cum Donatistis.*
7. *Dæmones in fine esse salvandos, cum Origene dicunt.*
8. *DEVM habere corpus, affirmant cum Antropomorphitis.*
9. *Felicitatem in voluptate collocant cum Cherinto.*
10. *Circumcisionem admittunt cum Ebionitis.*
11. *Vinum prohibent cum Tacianis.*

III. Eundem Catalogum contexuit Prateolus lib. 10. verb. *Mahumetes*, pag. 304. citâque Authores agentes de erroribus Mahumetanorum, videlicet Ricoldum Ordinis Prædicatorum in libro, quem inscribit, *Confutatio legis Mahumetica: Joannem Turrecrematam;*

Pium II. Papam in Epist. ad Mahumetem Turcarum Principem; Bartholomæum Hungarum; Guilielmum Postellum in libris de Sarracenorum, & Turcarum origine. Agit præterea contra Mahumetanorū errores Euthimius Monachus in sua Panoplia orthodoxæ Fidei, part. 2. tit. 24. ubi enumerat centum, & tredecim fabulas, quas Mahumetus in Alcoranum congestit. Alios Authores, qui contra Mahumetanorum errores scripserunt, invenies apud P. Possevin. tom. 1. Bibliot. select. lib. 9. cap. 8. Copiosius verò contra Mahumet. scribit S. Petrus Pasch. Martyr, Gienensis Episcopus, è Sacra Familia B. Mariæ de Mercede Redempt. Capt. in speciali tractatu, quem scripsit Granatæ ann. 1300. incarceratus cum esset pro Christo, & in vinculis ferreis constitutus; qui tractatus cum alijs S. Martyris operibus denuo excusus est Matriti anno 1676.

IV. Duos ego tractatus evolvi, qui mihi maximo usui fuerunt ad conversionem Mahumetanorum. Primus conscriptus est à Mossen Joanne Andrea lingua vulgari, & typis mandatus Valent. ann. 1515. duodecimque duntaxat continet capita, ejusque titulus est, *Confusio, seu confutatio Mahumetana scilicet*, quem è Bibliot. D. Marchionis de Estepa educatum, Granatæ legi, & in compendium redegi ann. 1669. Fuit hic Author prius Mahumetanus, & Mahumetanorum Alphaquinus, seu Sacerdos in Urbe Xativa: postea autem ad fidem nostram conversus, & prædicator Christi effectus multos in Valentia Regno ab impuro Mahumeto ad Christi Vexilla

traduxit. Pervenit hujus ferventis viri fama ad Reges Catholicos, illumque Granatam adduxerunt, ut suæ gentis homines à tenebris Alcorani ad Evangelij lucem transveheret; & ut majori auctoritate Verbum DEI prædicaret, illum Ecclesiæ Granatensis Canonicum effecerunt: & jussu Regum librum illum edidit ad confutanda Mahumeti mendacia. Secundus tractatus, quo usus sum ad conversionem Mauro- rum, editus est in lucem ann. 1553. à Lup. de Obregon Abulensi Presbytero, & Parochiæ S. Vincentij Parcho, quæ dicavit Illustr. D. D. Didaco de Alava, & Esquivel Abulensis Eccl. Episcop. & Supremi Senatus Granatensis Præsidi, cuiusque approbatus à S. Inquisitionis Tribunali. In hoc tractatu diligenter depingit Mahumeti vitam, mores, & prædicationem, & Alcorani fabulas de- regit, secretiores noticias Mahumetanæ sectæ à Joann. Andrea mutuatus. Hujus tractatus copiam manuscriptam habet Excellentissimus Marchio del Carpio in sua Bibliot. quam ego vidi Ma- turti anno 1670. & ex illa selectiora quæ- que in meos codices retuli. Et hi duo Authores præ cæteris vitam Mahumeti diligentius scribunt, noticias haurientes ex ipsorum Mahumetanorum libris, quæ proinde apud Mahumetanos majorem fidem faciunt.

V. Mahumeti vitam describit Card. Baron. tom. 8. Annal. ad ann. 630. ex Annalibus Cedreni, & aliorum, & explicat, quo pacto nefanda hæresis excreverit: Nimirum, quòd primum ad eum concurrerunt Judæi, existimantes ipsum esse, quem expectarent, Messiam,

decemque ex ijs ipsum sectabantur, quòd eum Circumcisionem amplecti scivissent: verum cum eundem immunda comedere cognovissent, nempe cameli carnem, à sententia recessere: sed non cessarunt commovere eum in Christianos. Excogitavit autem ad sectam propagandam versutus nebulo illecebras ex voluptatibus carnalibus comparatas, faminarum multitudinem suis concedens in hac vita, & in futura ipsdem compositum Paradysum; in quo ipsis omnia ad cibum & potum lautè, abundèque suppetere, & ad coitum pariter adfore pulcherrimarum multitudinem faminarum; his verò potissimum potuitros fore, qui vel hostem occiderent, vel occiderentur ab hostibus; ista satis astute proponens, quò suos in bello fortis officeret.

VI. Ut igitur populos omnes alliceret, ex cunctis ferme aliqua miscuit, nempe ex Judæis Circumcisionem, DEI unius cultum, abstinentiam à carne suilla; ex Christianis Christi nomen, ita tamen ut eum sicuti Arriani, sive Nestoriani coleret. Rursum verò ut omnes facies ejectas ad suam sectam alliceret, & sibi conjungeret, ex Manichæis etiam de Christo illud accepit, ut nequaquam Cruci affixum Christum diceret, sed umbram Christi, Crucemque ponitus abominatus. De eodem Christo insuper blasphemus ista confinxit, quæ his verbis recitat Damascenus; Christum autem, dicit, Verbum esse DEI, & ejus Filium, sed creatum, atque servum, eumque fatetur ex Maria sine semine generatum. At enim, Verbum, ac Spiritum DEI, cum in Mariam introisset, genuisse Filium, qui DEI Propheta, & servus est: Judæos autem contra legem

eum in Crucem agere voluisse, & cum eum tenuissent, ejus quidem umbram egisse in Crucem, Christum autem, nec in Crucem actum fuisse, nec mortuum; DEVM enim ad se transulisse in Cælum, quod ei esset charissimus. Hoc etiam commemorat, Christum, cum in Cælum pervenisset, à DEO interrogatum fuisse, an DEI Filium se esse dixisset? Eumque facit hoc modo respondentem: in me, Domine, sis placato animo; scis, hanc meam orationem non fuisse, meque tuam non fastidire servitutem. Homines sunt isti, qui contra legem hoc me dixisse arguerunt, saloq; me circumvenerunt crimine, & vehementer errarunt. Tum DEVM hac ei respondisse: Scio hanc tuam non fuisse orationem. Aliaque multa monstra similia in eo narrat Commentario, quæ ridicula sunt. Hæc Damascenus.

VII. Ad hac præterea alias circulator adjecit ineptias, nempe sibi, ut veritatis cultori fideli, tradendus claves Paradisi in die judicii. Fatum in super asseruit, & sive ad bonum, sive ad malum homines destinari. Cultum præterea astri, quod Cubas dicunt, nempe Luciferi, sive Lune, commississe tradunt, ne Gentilitia secta exors existeret. Hanc autem de cultu Luciferi fuisse Sarracenorum antiquam superstitionem, testatur S. Hieronymus in Hilarione. Ista itaque, & alia pudenda infarciens, ad omnium conservationem vasrum illud excogitavit; quod enim satis intelligeret, cuncta, quæ misceisset, persacile solvenda fore, si ad exactæ disquisitionis revocarentur examen, de traditis à se institutis vetuit disputari. Sicque miseros, quos decipiebat, conjecio

in foveam, eosdemque, ne inde emergerent, excacavit. Hætenus Baronius.

VIII. Ut autem refert Guilielmus Totani in Fortalitio Fidei fol. 244. calidus iste impostor, ut facilius Judæos atque Christianos deciperet, dicebat, se esse Prophetam ad eorum salutem divinitus destinatum, ut legem Judæis ac Christianis daret, quia nimis rigida & severa erat, mitiorum præceptorum promulgatione temperaret. Quia verò Judæi palam obmurmurabant, Mahumetum non esse Prophetam à DEO missum, siquidem nulla edebat miracula in confirmationem suæ legationis, sicut ediderunt Moyses, & alij Prophetæ, finxit revelationem, quæ postea inserta est Alcorano lib. 2. Zorâ, seu cap. 9. quæ ita habet: *Tu miracula non edis coram incredulis, quia ea ut rem otiosam explodent.* Dicebaturque, quoddam petere miracula, erat DEVM tentare. Et cum Judæi non cessarent, illum coram populo ut seductorem traducere, ne à suis parvi penderetur, aliam confinxit revelationem ibidem insertam, quæ ita habet: *Increduli, quamvis videant miracula, non tibi credent, nisi vi cogantur; semper enim opponent, te illa virtute diabolica conficere.*

IX. Unde suis persuadebat, se à DEO missum ad exterminandam idololatriam, & unius veri DEI cultum introducendum, quia DEUS alios Prophetas miserat, qui multis editis miraculis id præstare non poterant; & ideo à se gladio, & non lingua, veram DEI legem introducendam, & propterea inseruit in Alcorano lib. 2. cap. quodam sub hoc titulo, *De ense, seu gladio*: in

quo

quo sic jubet: *Occidite omnes incredulos.* Quæ verba exponens liber *Zuna*, vel *Suna*, in quo dicta, vel facta Mahumeti continentur, & qui apud Mauros est paræ authoritatis cum Alcorano, ad ipsûmque comparatur, sicut inter Christianos comparantur Aëta Apostolorum ad Evangelia, inquit, *Omnes occidite, donec Mahumetani fiant.* Cùm primùm autem armorum vi Almedinam, & Mecham occupavit, Rex juramento inauguratus est, edictumque promulgavit, in quo severè præcipiebat, ut omnes Gentiles, omnes Judæi, & omnes Christiani in illis urbibus commorantes eum ut Prophetam DEI acciperent, & legem ab eo promulgatam amplecterentur, sub pœna capitis, & confiscationis bonorum, & ita armorum vi legem suam invexit.

X. Magna est dissensio inter Aucthores circa annos vitæ, & mortis Mahumeti. Bellarminus tom. 1. contr. lib. 3. de Romano Pontifice cap. 3. affirmat, Mahumetum natum ann. Christi 597. cepisse autem se Prophetam appellare ann. 623. obiisse verò anno 637. Chronicum Math. Palmer. secutus; postea verò cap. 10. ait, secundùm Joannem Baseum in Chronico Hispaniæ mortuum esse anno 628. & secundùm Cedrenum in compendio Historiæ ann. 630. & in eodem ponit ejus mortem Baron. tom. 8. ad annum 630. Lupus de Obregon affirmat, Mahumetum natum anno 568. mortuum verò anno 631. ac proinde vixisse 63. annos, & idem affirmat Vir magnæ authoritatis, qui circa tempora Mahumeti vixit, ut testatur Dionysius Carthusianus in suo

opere contra Alcoranum lib. 2. art. 1. in fine: *Vixit autem* (inquit Auctor ille) *sexaginta tribus annis, quorum viginti tres in sua prophetia expendit.* Georgius Almacinus celeberrimæ historiæ Sarracenicæ Scriptor Arabs, & professione Mahumetanus, de quo infra mentionem faciemus, affirmat, vixisse 63. annos, & secundùm alios 65. mortuumque esse anno undecimo Egypti die duodecimo mensis Rabij prioris; id est anno Christi 632. die 16. Julij, ut exponit Thomas Erpenius in notis marginalibus ad historiam illam (quam ex Arabico Latinam fecit) pag. 5. & pag. 11. Petavius definire non audet, quot annos vixerit Mahumet. solum refert opinionem Theophrasti affirmantis, decem annis occultam hæresim illum habuisse, ac novemdecim postea vi ferròque propagatam asseruisse: constanter tamen affirmat, obiisse anno 631. Archiepiscopus Rodericus in historia Arabum cap. 6. obiisse annis decem expletis, ex quo apud Damascum Regni sui ceperat Principatum: *Ætâ DC. sexagesimâ sextâ*, anno Heraclij XVII. & Scentillæ Regis Gothorum VII. id est anno Christi 628. Vitam alij duo supra quadraginta annos duxisse attestantur, quos inter eminet R. P. M. Petrus Abarca, qui in Salmantina Academia Primarius Theologiæ Antecessor nobis præluxit, ac modò in Regio nostro Collegio rei litterariæ præest, in suis Arragoniæ Annalibus, ubi miram rerum copiam ad severioris historiæ fidem exactam elegantiam adeo sermonis brevitate circumscribit, ut verbis energiam videatur addidisse, ne rerum dignitati derogaret. Sanctus Petrus Paschusius affirmat,

firmat, eoanno, quo ipse scribebat Græcæ tractatum suum contra Alcoranum, nempe anno Christi 1300. Mahumetanos in Hispania existentes communiter asserere, quod tunc esset annus 699. ab inceptione prædicationis Mahumeti: *Mauri* (inquit) *hac meâ tempestate dicunt, quod nunc sit annus sexcentessimus nonagesimus nonus ab inceptione prædicationis Mahumeti.* Ita ha-

bet pag. 47. num. 56. & secundum hunc computum putat incepisse suam prædicationem anno Christi 600. paulò plus minùsve. Paulò autem antea, nempe pag. 44. num. 50. inquit: *Mauri dicunt, quod Mahumetus, quando mortuus fuit, habebat septuaginta tres ætatis annos; & quod vix in illius capite & barba viginti reperiebantur cani.*

CAPUT SECUNDUM.

Quo pacto Mahumetana secta introducta sit?

XI. Sed merito quis scire desiderabit, **S**quo dolo, quâve astutia Mahumetus le ut Prophetam inceperit venditare, aut quomodo aliquibus persuaserit tam insigne mendacium. Cedrenus apud Baronium sic rem accidisse narrat: *Cum enim* (inquit) *à Damone exagitaretur Mahumetus, & comitali morbo laboraret, uxorem suam, quæ gravem ex eo capiebat dolorem, quod nobilis ipsa egeno homini, & vexationibus obnoxio nupsisset, ita demulset, quod diceret, se ad conspectum Angelis Gabrielis sibi apparentis concidere. Erat amicus ei mulieri Monachus quidam, qui ob falsam fidem ibi relegatus vivebat. Huic mulier totam rem aperit, Angeli etiam nomine propalato. Hic autem Monachus, ut opinionem eam prorsus in animo mulieris confirmaret, verum Mahumetum Prophetam dicere, ait; cum enim Angelum ad quemvis vatem mitti. Mulier verbis impostoris illius Monachi fidem habens, aliis suis gentilibus mulieribus fabulam enarravit, ab ipsis porro ad viros alios dimagavit. Ubi verò semel in-*

notuisse scrivit, & credendum, se esse Prophetam, sibi ipsi per imaginem quedam effinxit, eadèmq; ut divinitus accepta, curioso atque simplici populo facile persuasit, ac volumen vanis figmentis plenum conscripsit, quod è Cælo acceptum effinxit, suisque tradidit sectatoribus observandum: sicque factum est, ut ita error vanè conceptus, non miraculorum virtute, sed vi armorum, magis, magisque apud posteros atque etiam externos invalesceret.

XII. Sed rem hanc diligentius narrat Lupus de Obregon ex Joanne Andrea, & aliis Arabibus rem deducens, & historiam Mahumeti contexens. Ait enim, illum natum fuisse in Ube Mecha in Arabia felice, ex patre gentili, & matre Judæa, ejusque patrem nomine *Abdalab Moralib*, virum fuisse nobilem, & in ea Civitate Prætozem, seu Iudicem ordinarium, seu Merinum, ut loquuntur Arabes; exhibilæque eos, qui dicunt, Mahumetum fuisse servum, vel infimæ conditionis hominem; constat enim ex libro *Azcar*, in quo vitæ Al-

califarum, seu Regum narrantur, & ex libro *Suna*, imò ex ipso Alcorano, Mahumetum, ejusque fratres fuisse nobiles, & ex illustri inter suos stirpe: ejus mater, nomine *Imina*, illum peperit, mortuo jam Abdala, illumque nutriendum tradidit Halimæ, cujusdam agricolæ seu pastoris uxori: post duos annos mortua est Imina ejus mater, ipsæque in domo mansit suæ nutricis usque ad decimum sextum ætatis annum. Tunc verò domum nutricis deferens, suam operam locavit cuidam prædiviti mercatori, nomine Abdemonaphis, qui uxorem habebat *Hadixam* Mahumeti consobrinam, in ejusque domum ut famulus admissus est, & mercium copiam in Cayrum, Persiam, & Syriam connexâ Camelorum serie transportavit simul cum domino suo, cui inserviebat, vel loco illius, novem annorum spatio. Post hoc tempus mortuus est ejus herus, & ipse matrimonium contraxit cum vidua *Hadixæ*, illudque agafonis, seu camelionis officium alijs tredecim annis exercuit. Cùm jam verò trigessimum sextum ætatis annum ageret, & se valde divitem videret, ab illo laborioso officio abstinuit, & camelorum gregem famulo suo *Zeydin* cōmendavit, & per illum mercaturam exercuit. Ipse verò vitam otiosam degens, in urbe commorabatur; & cùm esset ingenij curiosi, & novitatum amans, maximè delectabatur rebus novis audiendis, ut eas suæ gentis hominibus narraret. Libèrque Azear, & Alcorani Glossatores narrant, hoc tempore familiariter egisse, sermonesque habuisse creberrimos cum duobus Christianis, gladiatorum conflatoribus,

qui ei exprobrabant idololatriam, & unus DEI cultum persuadebant: ille verò cùm esset acuto ingenio, ex Christianorum sermonibus facilè cognovit, unum duntaxat DEUM esse adorandum, & idolorum cultum certam esse ad æternam perditionem viam, & decrevit, non amplius ingredi famosum illius urbis sanum, in quo incolæ adorabant idolum quoddam, quod *Halletæ Haluza* vocabatur, & zelo veritatis incensus, uxorem suam, & fratres, & consanguineos ab idololatria avertere satagebat, & identidem ingeminabat, in unum DEUM Creatorem Cœli, & terræ esse credendum; cultum verò idolorum esse cultum dæmonum. Mirificè autem delectabatur conversatione Christianorum, qui illi notitiam mysterij Incarnationis ingesserunt, & miracula, & opera mirabilia Christi Domini exposuerunt. Ille verò à Christianis instructus, quidquid ab illis audierat, uxori & vicinis suis narrabat. Referebat ipsis historiam creationis primorum parentum, & ipsorum lapsum in peccatum, captivitatē generis humani sub statu peccati: & quomodo DEUS misit *Verbum suum ad Mariam Virginem*, & quo pacto post salutationem Archangeli Gabrielis conceptus est in ejus utero Christus Dominus sine semine viri, operatione miraculosa Spiritus Sancti, quæ audientes idololatræ ipsam iridebant. Et sanè Mahumetus initio rectè de Christo videretur sensitse, ut docet Lupus de Obregon, ex Joanne Andrea: ut enim inquit P. Molina. x. part. quæst. 26. art. 1. disp. 1. inter alia hæc scribit in Alcorano: *Christus ꝑ ESVS Filius est Maria,*

Maria, & Apostolus DEI, & Verbum DEI, quod in ea posuit per Spiritum Sanctum. Rursus inducit DEVM dicentem: Dedimus IESVM Christum Filium Mariae, ut faceret prodigia, & miracula manifesta, & perfecimus eum per Spiritum Sanctum sanctificatum, & non communi operatione, sed virtute DEI conceptum ex Maria Virgine Sanctissima & super omnes mulieres mundâ procreatum. Et id quidem docet in Alcorano lib. I. cap. 3.

XIII. Ut testantur Joannes Andreas, & Lupus de Obregon, & S. Petrus Paschasius pag. 65. num. 83. alias laudes Beatæ Virginis habet in Alcorano, inter quas illa celebris, quod illam immunem facit à peccato originali, dicens: *Solam inter filios Adam Mariam non tetigit Satana.* Legatur Sanderus lib. 7. de visib. Monarch. Eccles. Hæresi 125. & Canisius lib. 3. de Deipara cap. 20. Quamquam verò initio de Christo vera prædicaverit, postea verò à Sergio Pseudo-Monacho hæretico Artiano deceptus, disertè docuit, Christum esse purum hominem.

XIV. Sed quidquid de hoc sit, ut ad historiam redeamus, Mahumetus non cessabat suis prædicare, DEUM Creatorem Cœli & terræ adorandum, & Christum Dominum Verbum esse DEI ex Virgine sine opera viri procreatum: & ut eos ad credendum flecteret, pœnas inferni eis minabatur, referens supplicia, quæ DEUS intulit Aegyptiis, & Sodomitis, aliâque historias veteris Testamenti referens, quas à Christianis audierat. Cùm verò animadverteret, Mechæ incolas suis verbis fidem non

dare, nec suam uxorem ipsi credere vel-
le, depositis pretiosis vestibus, & pau-
pere habitu indutus, urbe discedens se-
cessit in montem vicinum, vitam soli-
tariam acturus, ubi diu, nocturne ani-
mo versabat, quo pacto posset uxorem
suam, subque concives in cognitionem
veri DEI adducere. Et hinc narrant Ma-
humetanorum libri, apparuisse Mahu-
meto Angelum Gabrielem, illique an-
nuntiâsse, ipsum à DEO electum in
Prophetam, ut idololatriam destrueret.
Ut autem verè refert Obregon, Diabo-
lus animadvertens Mahumeti ambitio-
nem, & ardens desiderium comparandi
sibi nomen, autoritatem, atque in alios
dominatum, illi persuasit, ut se Pro-
phetam DEI proclamaret, promittens
ipsi auxilium ad introducendam novam
legem, qua populum illum, aliâque
gentes suo subjugaret imperio, verique
DEI cognitionem invehret, nihil cu-
rans, quod Mahumetus hanc veritatem
doceret, dummodo illam doceret con-
junctam cum multis mendacijs, quæ ho-
mines certissimè ducerent in æternam
perditionem, & illos abduceret à Chri-
stiana professione, in qua unicè est sa-
lus. Ut enim optimè observat Guiliel-
mus Parisiensis lib. de legibus cap. 18.
*In hac Mahumeti lege, & mendacijs
multa vera inserta sunt, & malis bona
commixta, malignitate fallendi; ut scili-
cet falsis propter vera crederetur, & mala
propter bona reciperentur.* Si enim nul-
lum bonum præciperet, nec ullum ve-
rum doceret, fidem non inveniret, sed
dolus manifestè innotesceret. Igitur
Mahumetus à solitudine & spelunca sua
ad civitatem crebrè revertens, uxori

sux narrabat, sibi apparuisse Angelum Gabrielem, & jactabat se Dei Prophetam esse, & ab ipso missum, ad exterminandam idololatram. Illa verò hæc cum risu excipiebat, & seridè ei dicebat, illas esse diabolicas illusiones, vel Mahumeti somnia. Dicunt autem autentici Mahumetanorum libri, nempe liber inscriptus, *Azeaz*, & alius inscriptus, *Affisa*, Mahumetum hanc suæ uxoris reprehensionem, & derisionem tam acerbè tulisse, ut quadam die existens in sua solitudine se voluerit ex alta rupe præcipitare, eligens potiùs mori, quàm ex dilectissimæ uxoris suæ gratiâ decidisse: tunc verò ei apparuisse Angelum Gabrielem, & sic illum allocutum; *Le-tare, ô Mahumete, & gaudio exulta, quia Deus te amicissimè salutât, & scito, te ab ipso electum in suum Legatum, Nuncium, & Prophetam, & jubet, ut legas.* Et cum Mahumetus respondisset, se legere non posse, quia legere nunquam didicisset, ne litterarum characteres cognosceret: Angelum reposuisse, nihil hoc obstat: *Quia Deus ipse* (inquit) *tuum erit Magister, & ipso Præceptore calamum sumens pulcherrimos efformabis characteres, & deinceps legere, & scribere scies.* Hoc fabulantur Mahumetani, & hæc fuit prima revelatio, quam Mahumetus confinxit. Occasionem autem illam confingendi sumpsit ex contumeliis, quibus eum impetebat Hadixa, seu *Adissa* ejus uxor, sæpe ingeminans, Mahumetum somnia sua pro revelationibus venditare; se verò nunquam adducendam esse, ut crederet, Angelum illi loqui, nisi revelationem ab Angelo scriptam inspiceret. Tunc verò

callidus impostor, ut uxorem deciperet, elegit in suum Secretarium juvenem Judæum, nomine Abdala Serralle, ex matre sibi cognatum, dicens, Angelum Gabrielem, sibi familiariter sæpe apparentem, hoc ita præcepisse, illique suggerere, quæ secretò ab illis duobus Christianis audierat, illâque sententias eleganti stylo in Arabicum conversas, tanquam Dei revelationem, suo Secretario dictabat scribendas in quadam scheda: illamque secum deferens, uxori ostendebat, & coram illa recitans verba illa, quæ in scheda erant scripta, simulabat, se legere id, quod memoriæ traderat, & schedulas illas, tanquam à Cælo delapsas, custodiebat in arca, quam *legationis arcam nuncupavit.* Tunc simplex scæmina credidit, martium suum miraculosè à Deo edoctum scribere, & legere, illumque ut Prophetam venerari cepit; & quoties à dæmone arripiebatur, vel morbo comitiali correptus in terram cadebat, existimabat, ei Angelum apparuisse, quia callidus impostor dicebat, tunc temporis se secreta Cælestia divinitus haurire, & notitiam mysteriorum accipere, quæ ipsis prædicabat.

XV. Primus Mahumeto credidit Zeidin, ejus servus, eum ut Prophetam veneratus, propter quod ipsum libertate donavit, & legem promulgavit, quòd à servitute liberarentur, quotquot ejus legem susciperent, ut hac arte plures sibi aggregaret. Post Zeidin credidit Hadixa ejus uxor, & horum exemplum secuti sunt viri alii primæ nobilitatis, nimirum Anza, & Alabez, Mahumeti patrui, vel avunculi, Vbequar,

Ho-

Homar, Hozmen, Haly, & alii ex primaria nobilitate, quorum præsidio, & societate roboratus palam contra idolatriam prædicabat, & veritatem hanc, lumine naturæ evidentissimam, facile persuadebat: revelationes verò fingeat, prout tempus postulabat, & prout expediebat ad devinciendos sibi eorum animos. Idololatæ verò ægiē ferentes cultum deorum prædicatione Mahumeti in dies minui, illum persequerentur; Judæi verò, quia magnas de Christo laudes publicabat, ignem accendebant. Interim Abdala Serrale, qui ei erat à secretis, ex Christianis gladiariis cognovit, quæcumque ipsi Mahumetus, ut revelata, dictabat, ab eis accepisse, & fraude detecta à Mahumeto discessit, & ipse Sergium Pseudo-Monachum hæreticum Nestorianum ejus loco substituit, qui ei suos errores circa Christi Divinitatem facile persuasit. Abdala verò, postquam à Mahumeto abscessit, ejus patruis, & avunculis, *Coraxistas*, & *Haximistas* vocabant, & aliis viris primariis, qui ei vinculo sanguinis, vel amicitie juncti erant, apertè dixit, se Mahumetum deseruisse, quia clarè cognovit, eum non esse prophetam, sed impostorem, & ipsis narrabat, se apertè deprehendisse, Mahumetum, ut revelationem Dei, sibi scribendum dictasse, quod de Christo audierat à duobus Christianis, cum quibus familiariter agebat: addebaturque, ad fraudem detegendam, sæpe se substantiam eorum, quæ dicebantur, mutasse, & hoc Mahumetum non animadvertisse, vel non curasse, dummodo enim in schedula servaretur metrum, & ver-

sum consonantia, de cætero nihil curasse. Et hoc referunt authentici Mahumetanorum libri *Azeat*, & *Affisa*, tanquam persecutionem magnam sui Prophetæ, asserentes, Abdala Serrale hanc persecutionem commovisse præ invidia, quia, cum Judæus esset, ferre non poterat laudes Christi, quas Mahumetus prædicabat.

XVI. His accessit, quòd, cum Mahumetus, à Sergio novo suo Secretar, seductus, cepisset hæreses contra Christi Divinitatem prædicare, Christiani, cum quibus familiariter egerat, & à quibus acceperat ea, quæ tanquam Divinitus sibi revelata prædicabat, in Mahumetum inducti, palam publicabant, eum non esse Dei Prophetam, sed nunc contraria docere eis, quæ prius docuerat. Hæc nova lex, quam nomine Dei promulgavit (quæ postea inserta est in Alcorano lib. i. cap. i.) quòd videlicet quilibet vir posset sibi legitimo matrimonio duas, tres, vel etiam quatuor scæminas copulare, si eas alere posset, contra id, quod idololatæ ipsi in ea urbe observabant, apud quos unus unam duntaxat scæminam, ut uxorem habebat, totam Civitatem valde commovit; quia bene noverant, hanc legem promulgasse Mahumetum, quia unâ scæminâ contentus non erat, & probrosum erat, scorta & meretrices quærete, ei, qui se Dei Prophetam, & Dei nuntium proclamabat, ac proinde dicebant, eum sub honesto matrimonii titulo velle suam luxuriam obtere; crevitque procella, cum Mahumetus, non contentus quatuor uxoribus, alias octo sibi copulavisset, fingens secum Deum dispensasse, ut plu-

res uxores habere posset, quàm aliquis alius, quia Dei Apostolus, & Nuntius erat: & hanc dispensationem, tanquam de cælo delapsam, publicavit, & Alcorano inseruit lib. 3. cap. 17. His & aliis Mahumeti criminibus graviter offensi Mechæ cives, præsertim suorum idolorum destructione, & jam Mahumeti astutias timentes, arma parabant, ut illum in comprehenderent, & capite plecterent. Cæterum Mahumetus & sui, cognito eorum consilio, in celeres insilientes equos, fugâ noctu se subduxerunt, & in Almedinam à Mecha octo dierum itinere distantem se receperunt. Hanc fugam Mahumetus adornavit quadragesimo sexto suæ ætatis anno, ut refert Lupus de Obregon, decem annis postquam suas fidas revelationes vulgare cæperat. Degebant ea in urbe quinque Judæorum tribus, & inter eos non pauci gentiles idololatæ: prædices habitabat ea in urbe Ubequar Mahumeti Socer, & ex præcipuis ejus confederatis, qui eum verum Dei Prophetam credebant; & hæc præcipua fuit causa, cur Almedinam confugerit.

XVII. Ibi, astutiâ & scientiâ Sergii adjutus, suam sectam extendere conabatur. Obstabant Judæi, palamque dicebant, Mahumetum non esse Prophetam, quia nulla edebat miracula; ipse verò, ne apud suos notam incurreret, finxit revelationem, qua Deus præcipiebat, ne ederet miracula, quia increduli illa non erant accepturi, ut miracula, sed ut præstigias Dæmonum, finxitque, se à Deo missum, ut gladio cultum veri Dei invehret, quando-

quidem alii Prophetæ parùm profecerant editis miraculis; ut constat ex Alcorano lib. 2. cap. 9. cujus verba supra dedimus. Ut autem Judæos sibi conciliaret, laudabat Moysen, & legem ab eo datam, & jussit, ut discipuli sui, dum orarent, faciem verterent versùs Hierusalem, ubi erat Dei Templum: præcepit, ut sui jejunarent more Judæorum, & ne porcinam carnem comederent; & ut Judæis placeret, circumcisionem ab illis sumpsit, aliâque multa, dicebâque, se id solum in votis habere, ad quod exequendum fuerat ab ipso Deo sociatim deputatus, ut scilicet armorum vi idololatriæ vim repelleret. Judæi tamen palam obmurmurantes, Mahumeti famam minuere non cessabant. Ille verò ardenti odio illos aversebatur, & vindictam cogitabat, & ut æstimationem apud suos sibi adscisceret, finxit, se per scalam quandam in cælum ascendisse, ducente Angelo Gabriele, & suis prædicavit fabulosum illum paradisum, quem Deus promittebat eis, qui eum adjuvarent in hoc magno negotio, quod moliebatur: & ut incredulos terreret, finxit se ab Angelo ductum in infernum, ut oculis suis inspicere pœnas, quas Deus idololatriæ, & criminosis hominibus erat inflaturus, & sæpe inferni pœnas minabatur eis, qui unum Deum non adorarent. Hac arte novos sibi in Almedina discipulos adjunxit, & ut majorem sibi conciliaret authoritatem, hos secum extra urbem eduxit, & ut constat ex Alcorano lib. 4. cap. 13. sub arbore quadam longum sermonem ad illos habuit, eis persuadens, voluntatem Dei esse, ut gladio

gladio idololatriam profligarent, & ut incredulos, qui legem sanctam Dei nolent recipere, interficerent, eorumque bona diriperent: ut autem ad præliandum moveret, eis Dei nomine victorias promittebat, & ingentia hostium spolia, & commentitium illum paradysum post hanc vitam: dicebat, adeo dulcem fore mortem eorum, qui in hoc sancto bello occumberent, ut ii, qui morte naturali obissent, quamvis in Paradiso constituti, desiderarent in hanc vitam regredi, ut tam suavem mortem oppetere possent, & ut refert Joannes Andreas cap. 12. sui operis contra Mahumetanam sectam: *Dicebat suis militibus, eos, qui in eo sancto bello occumberent, statim ad Paradysum evolare;* eis promisit Orbis imperium, eximiamque in hac & in alia vita felicitatem: facile esse, vi capere Almedinam, & Judæos sibi infensos jugulare, eorumque divitias inter se dividere; vi Mecham occupare, & gentes sibi in dies aggregare, quibus veri Dei cultum per Orbem terrarum diffunderent. Hac oratione permoti, Mahumetum Regem renunciârunt, juramento se obstringentes, illi fidem servandi. Ille verò ex eis in Duces suos elegit Ubequar & Homat soceros suos, Hozmen & Haly suos generos (quorum tres primi suo ordine ei in imperio succellere) & alios septem, vel octo ex nobilioribus, dicens, eos à Deo electos, ut nomen suum per Orbem portarent, idololatriam exterminando. Consilium cum suis ducibus secretò inivit de subjuganda Almedina, & Judæis jugulandis; & ne Judæi conjurationem hanc subodorari

possent, suos milites per pagos & villas regionis illius montanæ divisit; bonam autem occasionem hæcussus, eos congregans, civitatem illam omnino imparatam, & nihil tale cogitantem armorum vi expugnavit, & plerosque Judæorum sibi infensos jugulavit, spoliisque illius opulentæ urbis inter milites divisit, quò avidius similia aggredirentur facinora.

XVIII. Citò fama hujus victoriæ à Mahumeto obtentæ Mechâ pervenit; cursorem enim illuc statim miserunt aliqui ex Mahumeti hostibus, qui moneret, ut celerim exercitum compararent, quo Mahumetum opprimerent, nî velent eandem aleam cum Almedinensibus subire: exhoruerunt ad hoc nuntium Mechænenses, & Mahumeti iram timentes, citò citius quingentorum equitum turmam Almedinam mittunt, qui longis itineribus viam conficientes, Mahumetum inopinatò aggredirentur. Sed non defuit patriæ proditor, qui illum de exercitu citò contra ipsum venturo admoneret. Hac notitia instructus Mahumerus prope urbem in silvis suos milites abstruxit, quæ erant hostes transiuri. Adeum locum, in quo Mahumerus insidias paraverat, pervenerunt Mechænenses equites primâ noctis vigiliâ, omnino ex via fatigati, & ut vires resicerent, ex equis desiliârunt & stationem ea nocte fixerunt, ut diluculo urbem invaderent: observabant omnia diligenter Mahumeti speculatores, & cum eos somno sopitos viderent, ex insidiis prodeuntes Mahumeti milites, omnes jugulârunt, quin vel unus superstes maneret, qui Mecham funestum hoc nuntium

tium deferret. Mahumetus quingentos hosce equos, quos ab hostibus ceperant, suos milites conscendere jubet, & incredibili celeritate exercitum movet in Mecham, eamque expugnat, & se Alcalifam, seu Regem coronat die seq. anno Christi 612. die Veneris, quem idcirco Mahumetani colunt, sicut nos diem Dominicam, & quia Almedinæ etiam primò Rex appellatus est die Veneris. Post Mecham captam, editum promulgavit Mahumetus, ut intra octo dies omnes in ea urbe habitantes, sive Christiani, sive Judæi, sive Idololatæ, ipsum ut Prophetam Dei, & promulgatam ab ipso legem sub pœna capitis, & confiscationis bonorum suscipere; ut constat ex Alcorano lib. 2. cap. 3. & quia aliqui ex consanguineis ejus id detrectârunt, crudeliter occisi sunt. Caprâ Mechâ, ad famam tantæ victoriæ, & liberalitatis, qua militibus spolia hostium largiebatur, novæ militum turmæ ipsi adhæserunt, exercitumque formavit, decem millibus peditum, & totidem millibus equitum constitem, quo Arabiam subjugavit, & deinceps majora aggressus est. Quare, ut ait Clenardus apud Posselinum tom. 1. Bibliothecæ selectæ lib. 9. cap. 8. *Mahumetus primò novas leges, quas stupidis ea tempestate Arabibus imposuit, ad Gabrielem Angelum referebat, quo monitore se omnia meniebatur gerere. Deinde postquam fraus in suspensionem venit, præsertim ob Judæos circa Mecham incolentes, quibus odorandi nasus non deerat, robur induit Tullanum, vim omnem in armis ponens, & quos arte capere non poterat, viribus in novum dogma sub-*

jugavit, atque ita deinceps propagata est heresis, jactò quidem dolis fundamento, gladius tamen postea sic prolato imperio, ut victoriis ingentem mundi partem occupârit.

S. I.

*Qualiter Arabum historici sui
Propheta vitam & gesta
narrant?*

XIX. **G**eorgius Almacinus, professio-
ne Mahumetanus, celeberrimus
Historiæ Sarracenicæ Scriptor, in com-
pendiū redegit Historiam Arabum con-
cinnatâ à Mahumete Abugjafari, quem
ipse virum Clarissimum, & Doctissi-
mum appellat, & in meliorem formam
redactam à Kemaluddino Armunzo,
& ex omnibus Mahumetanorum Histo-
riis suam breviter, & dilucidè compo-
suit, in qua vitas, & gesta quadragin-
ta novem Chalifarum, seu Regum, per
tres libros narrat, incipiens à Mahu-
mete sectæ Mahumetanæ institutore,
& finem imponens in Atimedo Abula-
baso Mustadiro Billa, qui floruit ad an-
num Christi 1118. & Chalifatum fini-
vit anno solari ab Hegira Arabum 511.
& ab orbe condito 669. secundum
Chronologiam hujus Authoris, quam
ponit ad finem suæ Historiæ, pag. 369.
Hegiram appellant Arabes fugam Ma-
humetis à Mecha in Almedinam,
quæ accidit, die decimo sexto Julii anno
Christi 612.

XX. Hanc Historiam, antea Christianis
Europæis incognitam, in Bibliotheca
Serenissimi Ducis Bavaricæ asservatam,
Lati-

Latinam reddidit Thomas Erpenius, linguæ Arabicæ peritissimus, & typis mandata est Lugduni Batavorum in Typographia Erpiniana anno Christi 1625. simul cum Historia Arabum Archiepiscopi Roderici Ximenez. In hac Historia (quæ in magno pretio habetur ab omnibus hujus ætatis hominibus, qui Historica & Chronologica eruditione eminent) quem nos Hispanicè vocamus Mahomam, Latine Mahumetum, vel Mahumetem, ipse appellat Muhammed. Et ita loquuntur Arabes: nam cùm ego Malacæ Mahumetanis prædicavi, anno 1670. nobilis vir, qui in urbe Oran diu commoratus fuerat, mihi narravit, Mahumetanos, qui me concionantem audiebant, contra me obmurmurare, quia eorum Prophetam *Mahomam* appellabam, existimantes id à me dñci in ludibrium, & irrisiōem sui Legislatoris, quem ipsi Muhammed accentu brevi nominant, & ita deinceps ego nominavi, ut benevolentiam illorum capta-rem. Mahumetanam verò sectam appellat *Islamismum*. Religionem (inquit) *Islamismi primus manifestavit, & observavit Muhammed Abulcasimus, Filius Abdalla: nomen matris ejus erat Emina, quæ Filia erat Uuahibi.*

XXI. Affermat hic Author, natum fuisse in valle Lapidosa ubi Meccæ, circa auroram diei Lunæ, qui octavus erat mensis Rabii prioris (ita appellant Julium, Augustum verò Rabium posteriorē) anno 882. Alexandri Magni.

XXII. Afferit, obiisse patrē ejus duobus mensibus, antequam Muhammed na-

sceretur: matrem verò, cùm sex annorum esset. Eumque educasse avum suum Abdulmutalib, donec annum ætatis octavum: post mortem verò avi educatum bene fuisse à patruo suo Abutalib.

XXIII. Ut autē annos implevit 40. vocatū fuisse ad munus Propheticum (nimirum, quia tunc incæpit suas fictas revelationes vulgare) die Lunæ, qui erat secundus mensis Rabii prioris, anno 922. Alexandri Magni, qui erat vigesimus Regni Cosroe Filii Hormisdæ (Alexander autem Magnus secundum supputationem Claudii Clementis in tabulis Chronologicis, natus est ante Christum 361. annis.) Primam in prophetiam ejus credidisse Chadigiam filiam patris ejus: deinde ejus servum Zeidum: deinde Alim, postea Abubecrum (Ubequat appellant nostri Historici, Rodericus verò Archiepiscopus Toletanus appellat *Abubacar*) cum aliis quinque, videlicet *Osismam*, Zubeiro, Abdurthamam, Suado, & Obeidalla: *Atque ii novem (inquit) præiverunt ad Islamismum.* Anno autem 44. manifestasse vocationem (id est fictionem) antea enim clanculum tantum invitabat ad Islamismum: *Publicata autem vocatione (inquit Elmacinus) jussit credere in solum Deum, eumque colere, & adorare, destruxitque Idolorum cultum; præcepit circumcisiōem; sancivit jejunium mensis Ramadan; quinque orationes; mundiciem; peregrinationem ad Templum Meccanum, & ne comederetur sanguis, morticinum, aut caro porcina. Atque eos, qui hæc non observabant, bello vexabat, & oppugnabat.*

gnabat. *Iussit quoque credere veritatem Prophetarum, & Apostolorum, quique ad eos demissi sunt, librorum. Item Christum Filium Maria Spiritum Dei esse, & Verbum ejus, atque Apostolorum: approbavitque Evangelium, & Legem Mosaicam.*

XXIV. Præterea ait, Coraisitas fortiter Muhammedi obstinisse, atque inimicitias adversus eum denunciâsse: patrum autem ejus Abutalib ipsum ab eorum insidiis liberâsse. Et refert, anno quinto credidisse Omarem, fidēque sua reliquos Muslismos (id est Muhammedis sectatores) confirmâsse: fuisseque quadragesimum, qui Religionem Islamismi suscepit, quia ante illum crediderant 39. Anno decimo vitā defunctum esse Abutalib Muhamedis patrum in Religione majorū, id est, in idololatria, & bene crevisse Coraisitarum impetum contra Muhammedem, & spem illum vincendi: accessisse hoc tempore ad Prophetam aliquos, tum ex Christianis, tum ex Judæis, tum ex Paganis, accepto prius securitatis symbolo, & fidem ejus accepisse, & juramentum fidelitatis ei præstitisse; ea tamen lege, ut tributum ei solverent. Anno autem decimo Muhammedem, ut insidias Coraisitarum evaderet, Meccā fugisse, & Medinam, seu Almedinam, ingressum esse die duodecimo mensis Rabii prioris. Notat autem Thomas Espernius traductor hujus historiæ in notis marginalibus, incidisse Hegiram, seu fugam Muhammedis in diem 16. Julii: æ Christianæ 622. in quo parū differt à Chronologia Patris Marianæ, qui in suo opusculo de annis Arabum affirmat,

annos Arabum, qui computantur ab hac Hegira seu fuga, incepisse die decima quinta Julii Feriâ 5. Almacinus asserit, accidisse die Lunæ, & secundū alios die Jovis. Paulò aliter supputat Petavius Rationarū temporum partis primæ lib. 7. pag. 485. sic enim habet: *Illud constat, anno Christi 622. Julii die 16. Feria 6. fugam eum arripuisse, cum ob erroris novitatem de vita periclitarentur. Ab hac fuga, quam Hegiram vocant Arabes, id est persecutionem, nova illorum epocha proficiscitur.*

XXV. Refert deinde Almacinus varia Muhammedis prælia, & victorias, atque, eum cepisse Mecham anno octavo Egyptæ (Christi 619.) mortuum verò esse anno undecimo Egyptæ (Christi 632.) Obiit autem (inquit) die Luna, qui duodecimus erat mensis Rabii prioris, tūc natus esset annos sexaginta tres, aut secundū alios sexaginta quinque. Postmodum verò annos lunares ad solares reducens, Chronologiam instituit ab Adamo usque ad Muhammedem iis verbis: *Traditur itaque Muhammed obiisse, completis annis solaribus 6123. mensibus novem, & quatuordecim diebus; elapsis temporis Hegira annis lunaribus decem, & diebus septuaginta: id est annis solaribus novem, & undecim mensibus minis uno die: primus enim Hegira dies fuit Jovis, & ultimus vitæ ejus, Luna.*

XXVI. Nullum hic Author de suo Propheta miraculum scriptis suis prodie: solum eum appellat virum gloriozæ memoriæ: ejus autem virtutes his verbis describit: *Erat optima indolis, vocæ suavi, visivans & excipiens suos,*

suos, ut ipsum visitabant & excipiebant, pauperes munerans, Magnates laudans, conversans cum infimatis, & petentem à se aliquid non repellens sine eo, aut sermone facili. Ex quibus verbis constat, Muhammedem solum habuisse virtutes quasdam politicæ, quæ utiles erant ad devinciendos sibi animos, & benevolentiam captandam, quod facilius imperium acquireret, & conservaret: tradit autem idem, Muhammedem in ultimo suo morbo dixisse: *Ne due in Arabia sint Religiones*: & propterea Omarum, qui tunc tertius Acalifa, Judæos inde ejecisse.

XXVII. Varios enumerat Almecinus Muhamedis scribas, & inter eos Abdallam, de quo ait: *Qui ab Islamismo deficiens Infidelibus se adjunxit: sed impunitatem tempore victoria ei petiit Orisman: quam & ei concessit Muhammed*, postquam ejus sanguinem fundere decreverat. De Sergio mentionem non facit. De morte autem ejus & aegritudine hac tantum dicit: *Cum à peregrinatione Meccanaredisset, & Medina subsistisset ad diem 28. mensis Safari, agrotare cepit, & præcepit Abubecro, ut cum populo oraret, ac prærent omnes orationes septemdecim: obiit autem die Lune*, &c. Et hæc adnotasse sufficiat, ut Christi minister, qui Mahumetanorum conversioni intenderit, his notiis instructus facilius possit cum illis de Religione agere.

MS(o) 32

§. II.

Alia notitia de Mahumeti vita, & moribus.

XXVIII. Nicolaus de Cusa Card. qui obiit A. 1464. vir doctus & pius, in suo opere contra Alcoranum, quod inscribitur, *Cribratio Alcorani*; in Prologo narrat, se exquisitam adhibuisse diligentiam, ut intelligeret librum legis Arabum, seu Alcoranum: & Basileæ invenisse translationem ejus factam à Venerabili Petro Cluniacensi, & disputationem duorum nobilium Arabum, quorum alter Mahumetanus, alter Christianus erat: Mahumetanus namque volens pertrahere Christianum ad Mahumetismum rationes pro sua Religione exposuit; eis verò Christianus, qui doctior erat, scripto satisfecit, clare demonstrans falsitatem Mahumetanæ sectæ. Addit præterea citatus Cardinalis, se Constantinopolim pertransisse, ut plenior legis Mahumetanorum notitiam assequeretur, ibique apud Patres Franciscanos Alcoranum invenisse, & ipsis exponentibus, aliqua puncta adnotasse; & Dionysio Carthusiano persuasisse, ut contra Alcoranum scriberet, idque abunde præstitisse, opusque suum misisse Nicolao Pontifici. Additque, se postea Romæ vidisse l. bellum Fractis Ricoldi, Ordinis Prædicatorum, qui Arabicis litteris in Baldach operam dedit, & istum præ cæteris sibi placuisse.

XXIX. Et in secundo Prologo Cribrationis Alcorani, citans Ricoldum, & nobilem illum Arabem, qui cum Ma-

C 2

hume-

humetano disputavit, & Dionysius Carthusianus lib. 2. in sectam Mahumetanam ar. 2. narrant, Sergium Monachum de Monasterio suo ejectum, Mecham applicuisse, ibique duos populos reperisse, Idololatrias, & Judæos, prædicasseque ibi fidem Christianam, prout Nestorius illam tenuit, ut Fratres suos Monachos, qui Nestoriani erant, placaret ad gratiam, si Idololatrias ad fidem Nestorianam converteret: idque præstitisse, & inter alios Idololatrias Mahumetum convertisse, & baptizasse, & Nestoriana hæresi imbuisse. Tres autem astutissimos Judæos se Mahumeto adjunxisse, & illi multos errores persuasisse. Mortuo autem Mahumeto, omnes ejus Sectatores ad proprias sectas rediisse: Judæos autem illos Haly filio Habitilib, cui Mahumerus testamento legaverat suas collectiones (id est suas schedulas, suosve codices, fictas revelationes continentes) persuasisse, ut se Prophetam Dei appellaret, & obtinuisse: & à scriptis Mahumeti detraxisse, quod ipsis placuit, vel addidisse.

XXX. Post hæc narrata, subnectit Cardinalis hæc verba: *Videtur igitur, quod Muhammed ab initio fundatus fuit per Sergium, ut esset Christianus, & legem illam servaret. Ab illa via non potuerunt Judæi ipsum amovere: sed, ut quantum possent, retraherent, addiderunt illa, per que videretur propria sectæ Prophetæ, & Veteri Testamento non minus quam Evangelio fidem dare.*

XXXI. Addit idem Author, capitula collectionis legis Arabum non continuari, vel connecti invicem, sed quod-

libet per se integrum existere, & proprium esse rithmum, seu carmen plene mensuratum: *In hoc enim (inquit) summum studium adhibuit compilator, ut blanditis distaminis (id est elocutionis) omnes alliceret, & in stuporem verteret, sique distata faceret divina videri.* Itaque certum est, Alcoranum scriptum esse stilo elegantissimo linguæ Arabicæ, & non oratione soluta, sed versibus constare.

XXXII. Dionysius Carthusianus in suo opere contra Mahumetanam sectam l. 2. art. 1. affirmat, inter historias à se lectas de vita, & gestis Mahumeti credibiliorē sibi visam fuisse narrationem, quam invenit in Epistola cujusdam perfecti Christiani; & est ea, de qua nuper mentionem fecit Cusanus, in qua continetur disputatio inter duos Doctores Arabes, alterum Christianum, alterum Mahumetanum, qui inter se erant amicissimi, & erant primi in Palatio Regis ejusdem Sarracenorum, cui ut famuli inserviebant Mahumetanus Doctor scripsit Epistolam, invitans Christianum ad suam sectam, cui Doctor Christianus doctissime & plenissime respondit. Has duas Epistolas, seu disputationem in illis contentam apud se habuit Carthusianus, atque, Epistolam Mahumetani quinque constare foliis in eo libro, quo ipse usus est; Epistolam verò Christiani foliis viginti.

XXXIII. In hac disputatione seu Epistola Doctor Christianus, qui (ut conjectatur Carthusianus) prope tempora Mahumeti vixit, Mahumeti vitam & facta narrat, ut rem apud Mahumetanos

tanos

tanos notam, ut inde convincat, eum non fuisse Prophetam, sed seductorem. In summa autem dicit, Mahometum pupillum fuisse, in sinu patris sui educatum: cultoremque Idolorum in Mecha cum omni domo, & generatione sua; necque vixisse, quousque pervenit ad servitium camelorum Hadigia, seu Chadigia, cujus mercenarius factus fuit: solitumque cum camelis proficisci in Syriam aliisque regiones, donec duxit illam uxorem. Postquam verò dives factus est opibus uxoris, conatum fuisse, super gentem & patriam suam arripere Principatum: & cum hoc ad exitum perducere non potuisset, cum paucos adhuc haberet fautores, arto & ingenio usum fuisse, & quia se Regem facere non poterat, se Dei Prophetam, & Nuntium simulasse. Et cum hoc nomen Prophetæ usurpasset, ingressum fuisse ad homines, qui tanto facilius qualibet astutia machinatione decipi poterant, quanto longius ab omni sapientia, & vita civilis honestate distantes, per agros & vultus sequestrati, quid Dei Prophetæ, & Nuntius esset, & in quo dignosci deberet, penitus ignorabant: ad hos autem decipiendos cujusdam Astrologi ope atque consilio non mediocriter adjutum; homines pestiferos, & viarum insidiatores, & homicidas sibi aggregasse, quos ad devia silvarum, ad cacumina montium, & ad proxima fontibus loca mittebat, ut ex insidiis prodeuntes, mercatores & viatores interficerent, eorumque camelos & merces diriperent; si qui autem ei contradicerent, aut palam obmurmurarent, cum primum per se, vel per suos capere poterat, eos crudeliter interfe-

cisse. Postquam hæc, & alia Doctor Christianus narravit, quæ Mahometanus negare non poterat, statim ipsum alloquens subjungit: Ego autem mirari non sufficio, quæ pactis tibi persuasum est, Dei esse Nuntium, aut Prophetam hominem, cujus (ut breviter vitam facinorosam demonstrarem) nulla fuit alia operatio, aut meditatio, quam homines interficere, aliena diripere, incestus & adulteria perpetrare, quæ etiam tale dedecus, inscriptum prophetæ suæ, sibi facere non erubuit, ut diceret, datum renibus suis à Deo, quadraginta viros potentissimos in coitu fortitudine libidinis adæquare. Ubi etiam rebus odoriferis, & mulieribus super omnia delatari se dicit. Præterea uxores ejus ingenuæ fuerunt quindecim, & duæ ancillæ. O quam longè est ab ista impura, & turbulenta doctrina Mahometi Christiana discipline sancta & pia Religio, quæ per gloriosum Apostolum Paulum ad Dei amorem, & sanctam castimoniam homines invitans, dicit: Qui habet uxorem, cogitat, quæ sunt mundi: si ergo una sola uxor à Dei amore impedit hominem, quomodo qui tantas habuit, & totus in earum libidine versabatur, quique prædas, latrocinia, & alia scelera exercebat, Dei Prophetæ esse potuit? Præterea in ultima sua infirmitate positus Mahomet, suis præcepit, ne eum mortuum sepelirent, eo quod tertio die assumendus esset in Cælum; ipsique observantes præceptum, cum magnis desideriis exitum expectarunt à Feria secunda, in qua obiit, usque ad vespertam quartæ Ferie; & tam longa expectatione fatigati, cum nihil aliud in eo nisi magnitudinem fœtoris

crefcentem cererent, tandem ficut retulit Gumbam, nudum eum projecerunt; Gumbam tamen filius Elufam dixit, quòd lotus, & tribus veftribus indutus feptultus fit. Fuit autem per quatuordecim dies infirmus, & fertur, quòd per feptem dies morbo plenitico agrotavit, amiffique fenfum, quem feptimo die recuperavit. Et iratus eft Haly filius Abitalib, eò quòd perdiderit fenfum. Alià verò feptima die mortuus eft, & intumuit venter ejus, & retro curvatus eft. Quo morituo omnes ab eo decepti reverfi funt ftatim unusquisque ad fuam, quam antea tenerat, feftam feu idololatriam præter paucos fuæ cognitionis, qui expectabant, fe fuccelfores in Regno. Verumtamen fuccelfor Mahumet omni ingenio atque aftutia illos ad præftinas feftas reverfos ad legem Mahumet revocavit. Vixit autem fexaginta tribus annis, quorum 23, in fuâ prophetia expendit. Hadenus Chriftianus ille Arabs apud Carthufianum.

XXXIV. Lupus de Obregon cap. undecimo fui operis contra Mahumetanos Mahumeti mortem in hunc modum narrat: Cùm Mahumet fexagesimum annum impleviffet, Mechant recessit, ubi tribus annis, fine ullo bello tranfactis, extremum diem allaturus morbus illum oppreffit, fexagesimum tertium annum attingentem, & cùm ultimum diem fibi imminere noviffet, nobiliores duces ad fe coëgit, illisque commendavit, ut legem ab ipfo traditam fervarent, additque, ut pro comperto haberent, plurimas provincias à fe debellandas, fi placuiffet illis, ipfas debellare: & ut ejus

mortiadeflent rogavit: nam, adjiciebat, tertio die Archangelum Gabrielem reftitutum illius corpori animum, & ita ornatum animo & corpore fe in Cælos afcenfurum, ubi unicuique eorum fedem paraturus erat. Quod quidem ab illis facile creditum. Invaluit morbus, infanientque Mahumet feptem diebus elinguis permansit; eò veftigia ejus pervenerat, ut brachia, manufque fuas infano furore difcerperet; omnes ejus horribiles motus præfentibus metum ingerebant, enigmum inftar frendebat, immani èrque dentibus ftridebat; intumuit guttur, fubindeque corpus univerfum. Die decimaquarta, poftquam decubuerat, ufu linguæ fibi reddito, adftantibus ejus uxore Haja, & nonnullis ex Mauris, ferociter vociferans diem extremum claufit: ita referunt teftata apud ipfos monumenta Suna, & Alcoranus lib. 3. Azorà 6.

XXXV. Mortuo, vigiliæ egere Mauri, & præcipui Centuriones, ut eum fufcitatum infpicerent: & trium dierum, & horatum exacto numero, cùm ne figna quidem refurrexionis viderent, ab èunt Mauri, & ipfi quoque loceri, cùm ferotem ex corpore exilientem ferre non poffent: itaque duobus aliis diebus ita defertus ab omnibus jacuit, donec Haja duobus mancipiis præcepiffet, ut illum in area fubdiali fepelirent. At fervi, cùm præ nimio furore efferre corpus non poffent, illud in terram projecere: fed gener ejus Haly fervos compulit, ut illud humarent in area fubdiali, ubi ipfum condiderunt. Pudore ftatim omnes ejus affectæ Mauri fuffufi funt, cùm jam, aut mendacium

cium

cium Mahumeti, aut illusio clarè patefceret. Obiit Mahumet Fetià secundà duodecima die mensis (juxta Mauros) Rabæz: anno Christi 631. *Et ab orbe condito 5331.*

XXXVI. In Regnum ejus suffectus est Ubequar ejus focer, Hæz parens, qui duobus annis elapsis morbo lethali, non violento, interiit. Huic alter Mahumeti focer successit Homar. Hic plures Provincias Imperio suo adjunxit, Damascum & magnam partem Egypti subjugavit, Hierosolymam rebellem subegit, qui magis Christi, quàm Maurorum legibus obstrictus vixit, quippe qui Christianis Presbyteris Tempia restitui præcepit; Salomonis Templum denuo excitavit, dudum devastatum à Tito & Vespasiano Imperatoribus; plurimos census Templo donavit ad alendos Christi Sacerdotes: & postquam Christianis Hierosolymam reddidit, Mecham recessit, ubi mortuus est, & ex collo demortui Crux, Ch istique Imago suspensa reperta est; ea propter inensus semper Mauris est, vel ex inctus. Illud de Templo Hierosolymitano, ædificato ab Homar, habet etiam Baronius ad ann. 643. num. 2.

XXXVII. Exempto rebus humanis Homar, ad Regiam dignitatem evectus est Hozmen gener Mahumeti, qui cùm in legis Mahumetanæ observatione divisos Mauros animadverteret, domum Hæz viduæ pergit, tanto malo adhibiturus remedium: quâ invitâ arcam referavit, quam Mahumet arcam *legationis* appellaverat, in

qua recondiderat præcipua dogmata, & capita, quæ Mauris tanquam è Cælo immissa legerat (quæ nec ex theca educere Mahumet, nec in unum scripta voluerat congregari, ne sibi adversantia scripta patefcerent) ex theca schedulas extraxit, & in domum suam relatas transcribi jussit: & ex omnibus librum compegit in quatuor partes distributum, & suis capitibus distinctum; sed hoc fecit absque ullo ordine, quin quod primò dictum fuerat, primum locum obtineret, posuítque sub eadem capitis inscriptione res inter se longè diversas, minimè capitis titulo congruentes. In quavis schedula diversa carmina legebantur, metrum Davidis Psalmorum imitantia. Singula autem capita appellantur Arabicè *Zuar*, vel *Zohara*, ut loquitur Archiepiscopus Rodericus in historia Arabum cap. 6. vel *Zorâ*, ut loquitur Doctor Petrus de Cavalleria, vel *Az nâ*, ut loquitur Cardinalis Cusa. Totum autem volumen his capitibus compactum appellatur *Alcorân*, vel *Alcoranum*: quod teste Joanne Andree petunde est, ac *Congregatio Capitulorum*, seu *Azoratum*, vel *Congregatio Psalmorum*. Quod etiam affirmat Cardinalis Cusanus lib. I. cap. I. *Liber legis Arabum* (inquit) *Alcorân*, ob præceptorum collectionem, atque *Alfurkan* ob discretam capitum separationem nominatur. Lupus de Obregon, ait, *Alcorân*, idem apud Arabes esse, ac revelationem, titulû nque Libri significare, quidquid in lege Arabum continetur, fuisse Mahumeto revelatum à Deo per Angelum Gabrielem.

XXXVIII.

XXXVIII. Dicunt autem quidam observatores hujus libri, (inquit Cusanus ibidem) illum aliter in Oriente, aliter in Hesperis partibus distingui. Occidentales enim post orationem, quæ præmittitur, & mater libri nominatur, ajunt, totum librum Azoras, seu capita habere 123. Orientales verò dicunt primam Azoram durare usque ad *Soretamaran*, quod est quintum caput in libro Hispaniarum. Alcoràn, ut illo utebantur in Hispania Mauri, teste Joanne Andrea, constat quatuor libris, quorum primus quinque; secundus duodecim; tertius novendecim; quartus tandem 175. capita complectitur, ac proinde totum constat 211. capitibus secundum hunc Authorem. At secundum Lupum de Obregon quartus Alcorani liber complectitur 160. capita, ac proinde totum volumen constat 196. Capitibus. Ut mihi autem narravit Martini anno 1670. Christianus Arabs, qui sua sponte è Tuneto in Italiam fugit, ut Christianus fieret, & ab Eminentiſſimo Cardinali D. Paschasio de Aragon inter domesticos admittus est ad obsequia familiaria, Tuncetani Alcoranum habent in quatuor libros divisum; Turcæ autem Constantinopolitani eo utuntur sine distinctione librorum, ut supra notavi.

XXXIX. Agit autem Alcoranus, inquit Joannes Andreas, de his, quæ Mauri debent credere; de his, quæ debent in alia vita sperare, nimirum de gloria bonis conferenda, & de pœna malis infligenda; de iis, quæ debent agere, & de his, quæ ut illicita debent fugere, vel ut licita possunt facere: agit

de creatione mundi, de peccato Angelorum, de expulſione primorum parentum è Paradiso, de missione Moysis in Ægyptum, & de miraculis, & prodigiis, quæ ibi operatus est: de Virgine Maria, & Jesu Christo, aliisque historiis Veteris & Novi Testamenti, quibus mille fabulas admiscet.

XL. Placuit dictis adjicere, quæ scribit in suo Apologetico Sanctus Eulogius Martyr, Episcopus electus Tolentanz Ecclesiæ, qui vixit tempore persecutionis Sarracenorum, qui Cordubæ Sedem Regni fixerant, & floruit ad annum 850. & Martyr occubuit anno Domini 859. *In illo igitur Apologetico exordia Mahumeti describens, inquit: Cùm esset pupillus, factus est cujusdam viduæ subditus: cùmque in negotiis discurreret, capis Christianorum conventiculis quotidie interesse, & ut erat astutior, tenebra filius capis nonnullas collationes Christianorum memoria commendare, & inter suos brutos Arabes cunctis sapientior esse. Libidinis verò suæ succensus femine, cum patrona sua jure barbarico in ira congressus est (id est illa resistente, & ob injuriam indignante), moxque erroris spiritus in specie vulturis ei apparens, & os aureum sibi ostendens, Angelum Gabrielem esse se dixit, & ut Propheta appareret, imperavit.*

XLI. Cùmque repletus esset tumore superbiz, cepit inaudita brutis animalibus prædicare, & quasi ratione quadam, ut ab Idolorum cultu recederent, & Deum incorporeum in Cœlis adorarent, insinuvit. Arma sibi credentes assumere jubet, & qui novo fidei zelo adversarios gladio trucidarent,

darent, instituit. Occulto quoque Deus iudicio (qui olim per Prophetam Habacuc cap. 1. dixerat: *Ecce ego suscitabo super vos Chaldeos, gentem amaram, & velocem, ambulantem super latitudinem terra, ut possideat tabernacula non sua, cujus equi velociores lupis vespertinis, & facies eorum, ut ventus urens, ad arguendos fideles, & terram in solitudinem redigendam*) nocere eos permisit. Primum namque fratrem Imperatoris, qui illius terræ ditionem tenebat, interimunt, & ovantes de triumpho victoriæ gloriosi effecti, apud Damascum Syriæ Urbem Regni principium fundarunt. Psalmos denique idem Pseudo-Propheta in ore insensibilium animalium composuit, virulæ scilicet rubræ memoriam faciens. Araneæ quoque muscæque ad capiendas muscas historiam texuit. Upupæ præterea, & ranæ cantus quosdam composuit, ut sætor unius ex ejus ore eructaret, garrulitas verò alterius in ejus labiis non desineret.

XLII. Alios quoque ad condimentum sui erroris, in honorem Joseph, Zachariæ, & genitricis D. Mariæ stylo suo digessit. Cùmque in tanto vaticinii sui errore duraret, uxorem vicini sui nomine Zeidi concupivit, & suæ libidini subjugavit. Quod scelus maritus ejus sentiens exhortuit, eamque Prophetæ suo, cui contradicere non valebat, permisit. Ille verò, quasi ex voce Dominica, in lege sua illud annotavit, dicens: cùmque mulier illa displicuisset in oculis Zeidi, & eam repudiasset, sociavimus eam Prophetæ nostro in conjugium: quod cæteris in exemplum,

& posteris fidelibus id agere cupientibus, non sit in peccatum. Post cuius tanti sceleris factum mors animæ, & corporis illius simul appropinquavit. At ille interitum sibi met imminere præsentens, quia propria virtute se nullo modo resurrectorum sciebat, per Angelum Gabrielem, qui ei in specie vultus apparere, ut ipse aiebat, solitus erat, resuscitandum se tertia die prædixit.

XLIII. Cùmque animam inferis tradidisset, solliciti de miraculo, quod eis pollicitus fuerat, ardua vigiliâ cadaver ejus custodiri jusserunt. Quem cùm tertia die fatentem vidissent, & resurgentem nullo modo cernerent, Angelos ideo non adesse dixerunt, quia præsentia suorum terrentur. Invento igitur salubri, ut putabant, consilio sine custodia cadaver ejus reliquerunt: statimque vice Angelorum ad ejus factorem canes ingressi, latus ejus devoraverunt. Quod repentes factum, residuum cadaveris ejus humo dederunt, & ob ejus vindicandam injuriam, annis singulis canes occidere decreverunt, ut meritò cum eo haberent illi participium, qui pro eo dignum meruerunt subire martyrium. Dignè ei quidem accidit, ut canum ventres tantus ac talis Propheta replet, qui non solum suam, sed multorum animas inferis tradidisset. Multa quidem, & alia scelera operatus est, quæ non sunt scripta in libro hoc: hoc tantum scriptum est, ut legentes, quantus hic fuerit, agnoscant. Hactenus Divus Eulogius apud Baronium tom. 8. ad annum Christi 630.

D.

XLIV..

XLIV. His relatis subdit Baronius: porro hæc, & alia plura in detestacionem sectæ nefandæ publicis scriptis ab eodem Authore vulgata, in oculis ipsorum Sarracenorum tunc grassantium in Hispanias liquet: ut planè non contemnenda ea sint scripta, quæ in opprobrium ipsorum Sarracenorum, de tali impostore, veluti Prophetâ, gloriantium, coràm ipsis objecta fuere.

XLV. Venerabilis quoque Abbas Petrus Cluniacensis, qui D. Bernardo Coætaneus fuit, & floruit ad annum Christi 1130. cùm visitaret sui Ordinis Monasteria in Hispaniæ Regnis, legem, vitam, atque doctrinam Mahumeti de Arabico in Latinum transferri curavit, ut testatur Carthusianus lib. 2. art. 3. & inter alia scribit: *Mahumetum paulatim crescendo, contiguosque insidiis, rapinis, incursionibus frequenter infestando, quos poterat furtim, quos poterat publicè occidendo, errorem sui auxisse, ac tandem ad Regnum gentis suæ aspirare capisse: cùmque universis resistentibus, videret hac via non posse se consequi, quod sperabat; Religionis velamine, ac divini Prophetæ nomine Regem fieri attentasse: interim conjunctum ei Sergium Monachum Nestorianum, qui Scripturas Sacras secundum Nestorii intellectum ei exponens Christianum Nestorianum effecit. Atque ut tota iniquitatis plenitudo in Mahumetum conflueret, adjunctos illi fuisse Ju-*

deos, qui, ne verè Christianus fieret, dolosè præcavescentes, homini rebus novis inhianti, non Scripturarum veritatem, sed fabulas suas, quibus nunc usque abundant, insibilârunt: sicque ab his Doctoribus Judæis, & Hæreticis instructum, Alcorum suum condidisse, & tam ex Judaicis fabulis, quàm Hæreticorum figmentis confectam Scripturam barbato suo modo contextuisse, cùmque sibi à Gabriele Angelo per partes allatam mentium, gentem ignorantem lethali haustru infecisse, tandemque in Regem ab eis, ut concupiscerat, sublimatum esse: & languescente, immò penè deficiente Romano Imperio, permittente eo, per quem Reges regnant, Principatum Arabum, seu Sarracenorum hac peste infectorum surrexisse, vique armata maximas Asiæ partes cum tota Africa, ac parte Hispaniæ paulatim occupando, in subiectos, sicut Imperium, sic & errorem transfudisse: denique Mahumetum in virtute gladii se missum perhibuisse; cùm enim ipse legem suam prædicans per paucos sibi attraxisset, idcirco tam ipsum, quàm sibi adherentes concorditer stantuisse, legem suam vi armorum inferre, quoniam ensis timor sape plus, quàm rationis efficit amor.

Hæc ille.



CAPUT TERTIUM.

Mores, & instituta Mahumetanorum.

XLVI. **U**T Christi minister planè instructus notitiâ morum, & Religionis Maurorum, possit illorum conversionem faciliùs procurare, & avidiùs desiderare, utile mihi visum est, hîc describere modum, & formam vivendi, quam Turcæ Mahumetani tenent. Et totum hoc extraxi ex Prologo cujusdam Authoris Galli, Constantinopolim ad Turcam Regii Christianissimi legati, quem Prologum facit ad Alcoranum, Gallicè ex Arabico ab ipso versum: quod volumen mihi ostendit Excellent. Dominus Comes de Oropesa, & ipse ex Gallico Idiomate in Hispanum versâ dogmata, & mores mihi dedit: & ita se habent.

XLVII. Turcæ in unum Deum credunt, sed unam tantùm personam, Creatorem Cœli & terræ, bonorum remuneratorem, punitoremque malorum, qui Paradisum condidit ad munerandos bonos, infernum ad ultimam & extremam punitionem delictorum.

XLVIII. Firmissimè credunt, Mahumetum esse maximum Dei Prophetam à Deo in orbem delegatum, ut homines viam salutis doceret: illi verò suo Idiomate seipso vocant *Musulmanos*, quod idem est, ac in Deo resignati, aut salvati.

XLIX. Credunt Moyfis Decalogum, & illum observare tenentur. Dies Veneris illis festus, sicut dies Dominicus Christianis: & hac die in Templum conveniunt ad habendum orationes suas, & preces. Tenentur quinquies in die orare, manè, meridiè, vesperi, Occidente Sole, & unâ horâ post Occasum Solis.

L. In Menſe, aut Lunâ, apud ipsos Ramazam, jejunium servant: & hoc tempore totum diem jejuni agunt, nec cibum, nec potum libant, usque dum Sol occidat; tunc verò ex omnibus comedunt, & cibis cunctis, & potatione multiplici se onerant, excepta tamen porcina carne, & vino: quæ res omni tempore illis interdictæ sunt. Hoc jejunio peracto celebrant festum Magni Bairam, sicut Christiani Pascha celebrant.

LI. Expendunt plurimum in ædificatione Templorum, & Xenodochiorum, obliganturque pauperibus in elemosynas decimam partem lucri anno præcedente facti, prima die anni elargiri.

LII. Persuadent sibi, post lotionem corporis, factam dicendo aliquam orationem huic ritui accommodatam, omnem maculam peccatùmque animi abstergi: quapropter sæpiſsimè lavantur, & præsertim antequam orationes suas recitent.

LIII. Præter circumcisionem alia Sacramenta non habent : dant operam , ut filii septimum annum , aut octavum agentes circumcidantur , & hoc statim ac proferre possunt hæc verba : *La illa illa Alba Mehemet Rasulalha : id est : Unus Deus tantum est : Mahumet est ejus Propheta , & Apostolus.* Hæc est eorum fidei protestatio. Attamen in toto Alcorano de circumcisione non fit mentio ; sed dicunt , se illam observare , imitantes Abrahamum , cujus legem venerando approbat Mahumet.

LIV. Credunt , Alcoranum missum fuisse è Cælo per Angelum Gabrielem in diversis temporis intervallis Mahumeto , Mecham & Medinam habitanti : nam Judæi , & Christiani sacras litteras , & legem Dei corruperant.

LV. Permittit illis simul quatuor uxores habere , & tot filios , & ancillas , quot alere possunt.

LVI. Uxores dimittere , ubi placuerit , possunt , soluta earum dote , & iterum alias ducere , prout illis libuerit ; verumtamen fœminæ expectare tenentur , donec clarè constet , grossiores factas fuisse , quàm ante nuptias.

LVII. Mariti tenentur alimenta filiis præstare , & illorum curam agere.

LVIII. Filii ex ancillis suscepti ejus conditionis sunt , ac ex uxoribus suscepti , & omnes legitimi reputantur.

LIX. Habent Tempia , & Xenodochia longo censu instructa. Habent Religiosorum cænobia , qui austerè , & in exemplum aliorum vivunt ; obediunt superioribus suis ; ad fistularum , & aliorum musicorum instrumentorum

sonitum saliant , suas preces & orationes dicunt.

LX. Sunt apud ipsos alii Religiosi per orbem vagantes : hi sæpius nudi vagantur ; utuntur interdum veste vesanorum illius plagæ ; pellem in frustra dissecant ; ut sancti coluntur ; sipe collecta vivunt , quæ nunquam illis deficit. Utrique Religiosi *Drenis* vocantur , & noti sunt ob peculiarem vestem ; tamen possunt religionem deferere , & uxorem ducere , ubilibuerit.

LXI. Nec credunt , Christum esse Filium Dei , nec credunt in Trinitatem. Ajunt , Christum esse magnum Prophetam , & natum fuisse ex Virgine Maria , illæsa ejus virginitate , ante & post partum , conceptumque fuisse inspiratione , aut inflatione Divina sine Patre , sicuti Adamus creatus fuit sine Matre , Christumque non fuisse crucifixum , sed assumptum à Deo in Cælum , iterumque venturum ad terras ante exitium mundi , ad confirmandam legem Mahometi : & asserunt , Judæos , arbitantes , se Christum crucifigere , crucifixisse alium illi similem.

LXII. Preces pro mortuis fundunt : Sanctos suos invocant , quorum longam historiam habent ; at Purgatorium esse minimè credunt : plurimi illorum sibi persuadent , animos & corpora simul in sepulchris condita jacere usque ad diem Judicii.

LXIII. Mecham , & Medinam Villas Arabiæ maximè venerantur ; nam Mechæ Mahumet natus est , Medinæ Coronam Regni accepit. Frequentes peregrinationes faciunt ad has civitates apud ipsos Sanctas : Hierosolyma quoque

quoque illis venerationi est, nam ibi orti, & commorati sunt plurimi Prophetæ.

LXIV. Campanarum usus apud ipsos non est: ad horam orationis in summum fastigium turris ascendunt Sacerdotes, quæ semper ad latus Templi porrigitur; hinc elata voce populum ad orationem congregant, precem aliquam fundendo in hunc finem dispositam. Hucusque Author Gallus.

LXV. Qui plura desideraverit de Mahumetanorum moribus, legat R. P. Fr. Antonium del Castillo, Ordinis S. Francisci in suo *Devoto peregrino, & itineraio Terra Sancta*, lib. 3. cap. 6. ubi describit vitam eorum, quos Mauri Santones vocant; eamque coram Mahumetanis referre, sufficit ad confusionem magnam ipsorum; nemo enim rationis particeps, & in regione politica educatus est, qui non erubescat, & pudore suffundatur, cum audit, ut San-

ctos à Mauris haberi eos, qui talia agunt: & incredibile videretur, nisi à Viro Religiosissimo, & teste oculari eorum, quæ narrat, referrentur. Quid enim absurdius, quàm homines rationis compotes magnæ felicitati sibi tribuere, quod Santones illi domos eorum ingrediantur, & cum ipsorum uxoribus congreantur, vel eorum filias corrumpant; & de tanto dedecore gratulationes ab amicis, & à concivibus excipere, sibi que persuadere, uxores suas, & filias ex hoc pudendo congressu sanctificatas manere? Et tamen ita revera est, ut refert Religiosissimus Author, qui multas Turcarum Civitates peragravit. Certè Mahumetani in Hispania, his auditis, ita erubescunt, ut dicere cogantur, illa ita non se habere, sed à Christianis confingi in opprobrium Turcarum. Sed hæc hic scribere,

nec vacat, neclibet: tu apud hunc Authorem lege.



LIBER SECUNDUS.

IN QUO CONTINENTUR APERTÆ

*aliquæ demonstrationes contra hanc sectam, quæ
confirmantur ex mirabilibus quorundam Mahumetano-
rum conversionibus: specialiter verò falsitas Alco-
rani convincitur ex eo, quòd ponat ultimam
felicitatem hominis in delectationibus
corporis.*

CAPUT PRIMUM.

Prima Demonstratio.

*Inde petita, quòd ante Mahumeti adventum per sex-
centos & amplius annos, homines in Christiana Religione salvari
poterant: ex quo evidenter infertur, illam esse veram, &
sectam Mahumetanam ipsi oppositam esse falsam.*

I.



HANC Demonstrationem ex dictis in tota disputatione circa Christi Divinitatem, sic conficio. Evidens est, Deum existere, & habere providentiam circa hominum salutem; neque eos creasse ad comedendum, & bibendum, & querendas delectationes corporeas, sicut querunt bruta: sed ad hoc, ut ipsum tanquam Creatorem in hac vita colerent, & super omnia diligerent, & aliquam veram felicitatem in alia vita obtinerent: ergo evidens est, Deum tradidisse hominibus legem, per cujus observationem ipsi colerent, & æternam felicitatem obtinerent. Unde sicut

evidens est, Deum semper fuisse, ita evidens est, post conditum universum semper habuisse in mundo aliquam veram Religionem, & legem, in qua homines salvari possent: cum enim evidens sit, in omni tempore verè procurasse hominum salutem, evidens quoque est, omni tempore providisse hominibus legem, & Religionem, per cujus observationem tenderent in felicitatem ultimam, ad quam sunt creati: nec enim Deus serio potest desiderare, ut homines perveniant ad terminum, nisi præstituendo viam, per quam ambulando pervenire possint ad ipsum: nec potest serio procurare finem, quin provideat mediū necessariū ad ejus consecutionē.

II. Ma-

II. Manifestum deinde est, ante adventum Mahumeti non fuisse legem à Mahumeto promulgatam : ergo cum manifestum quoque sit, sexcentis annis ante adventum Mahumeti fidem Christi fuisse per totum orbem promulgatam : vel dicendum est, illis sexcentis annis nullum hominem salutem æternam obtinuisse, immò nec obtinere potuisse, vel dicendum est, illam obtinuisse, vel obtinere potuisse, fidem Christi amplectendo, & ejus legem Evangelicam observando.

III. Probatur assumptum, quia si nulla erat tunc in mundo vera fides, veraque Religio à Deo data, nullus tunc salvabatur; quia sine vera fide impossibile est placere Deo, & sine observatione legis à Deo provenientis, impossibile est, veram felicitatem, ultimumque finem consequi: unde tunc Deus creasset homines dumtaxat ad comedendum, & bibendum in hac vita, sicut bestias, quod est per se falsum, & Deo indignum. Si autem erat tunc aliqua vera fides, veraque Religio, nulla alia esse poterat, quam Christiana. Nam ante adventum Mahumeti solum erant in mundo tres Religionēs, leges, vel fides: nempe Religio & fides Gentilium, qui idola colebant: Religio & fides Judæorum, qui Messiam expectabant: fides & Religio Christianorum, qui Deum Unum, & Trinum colebant, & Christum tanquam verum Deum & hominem adorabant: ex iis autem tribus fides gentilium erat manifestus error; nam Mahometus ipse in Alcorano sæpe dicit, se esse Prophetam à Deo missum ad exterminandam idololatriam, Fides

autem Judæorum erat etiam post adventum Christi omnino vana, & inutilis ad salutem: nam Mahometus in Alcorano sæpe repetit, Christum esse Messiam in lege, & Prophetis promissum, & fuisse insignem Prophetam, Virumque sanctissimum; Judæi verò illum ut Impostorem, & blasphemum execrabantur, ac proinde erant certò extra viam salutis: quare, vel dicendum est, nullum hominem illis sexcentis annis fuisse salvatum, vel dicendum est, solum in Religione Christiana fuisse salutem: cum ergo primum sit manifeste absurdum, & Deo indignum, debet necessariò dici secundum: ergo tunc Religio Christiana erat apta ad salutem: ergo erat vera. Patet consequi, quia lex falsa non est à Deo, neque descendit de Cælo; lex autem, quæ non est à Deo, neque è Cælo descendit, non potest ad Deum ducere, neque ad Cælum evehere. Unde evidens est, fidem, in qua homines salvantur, esse veram, & esse à Deo. Ergo vera erant dogmata, quæ lex Christiana tunc profitebatur, nempe Deum esse Trinum & Unum, & Christum esse Hominem & Deum simul. Nam si hæc dogmata essent falsa, fides ipsa Christiana falsa & erronea esset, ac proinde non esset à Deo, sed à diabolo, neque ad Cælum duceret, sed ad infernum.

IV. Quod si illis sexcentis annis verum erat, Deum esse Trinum & Unum, & Christum esse Deum & Hominem, evidens quoque est, Deum post adventum Mahumeti esse Trinum & Unum, & Christum esse Deum & Hominem: ergo Alcoranus disertè hoc

negans,

negans, non est lex vera, sed manifestè erronea, neque Deum habet Authorem, sed diabolum; & Mahometus non fuit Propheta, sed impostor, & deceptor. Sequela est evidens: quia, cum Deum esse Trinum, non sit accidens, sed substantia, si Deus aliquando fuit Trinus, semper necessariò est Trinus, & cum propositio aliquid affirmans de præterito, si semel vera est, semper permaneat vera; sanè si illis sexcentis annis verum erat affirmare, Deum factum fuisse hominem, sanè id etiam modò verum est, semperque erit verum. Et cum Christus, qui tunc existerat in Cælo, idem sit, qui modò existit ibidem, sanè si tunc erat Deus, etiam modò est Deus.

V. Hoc argumentum primum Deus mihi suggessit, cum in Urbe Malaga è nostro Collegio tenderem ad Theatrum Comædiatum ad concionandum Mahumetanis: hic enim locus consultò electus fuerat ad eas conciones habendas, in eumque confluebat tota Civitatis nobilitas, tam Ecclesiastica, quam secularis. Venerat ad concionem invitus quidam Mahumetanus cum sua uxore, & timens, ne illa peteret Baptismum, mortem ei minatus est, & dum me concionantem audiebat, oculis torvis minas repetebat. Sed cum hanc demonstrationem audivit, divinam gratiam repentinè illuminatus, & filium parvulum, quem inter brachia complegebatur, dimittens, à sede profiliit, & in tabulatum ascendit, alta voce

Baptismum petens, cum ingenti Christianorum plausu, & maximâ uxoris mestitiâ. Posteaque seipsum explicans dicebat: tres dumtaxat sunt domus, nempe domus Moysis, domus Christi, & domus Mahumeti: domus Moysis aliquando fuit domus Dei, sed postquam Christus venit, jam domus illa corruit, & jam non est domus Dei: domus Christi est planè domus Dei: domus autem Mahumeti postea superveniens nequit esse domus Dei, quia est domus contraria domui Christi, & Deus nequit sibi ipsi contrarius esse. Et hunc aliosque triginta duos infideles ad veram Christi fidem convertos, sacrificiis mysteriorum imbutos die Evangelizæ Joanni Sacra è Collegii nostri Ecclesia: in Cathedrali ingenti comitatu duobus sacro fonte lustravit Illust. ac RR. D. D. Ildephonso à S. Thoma è Sacro Prædicatorum Ordine, Episcop. Malacensis, quem dum memoro, gratum denuo animum pulsar effusissima illa humanitas, quâ tenuitatem nostram excepit, & de victu, vestituque indulgentissima nobis largitate providit. Quæ cum mente nequaquam exciderint, nec calamum subterfugere potuerunt, quin eorum rursus memoriam jucundissimè reficere, figereque monumentum nostræ ad-

versus tantum Virum observantissimæ gratitudinis.

MS(O)G

CAPUT SECUNDUM.

Secunda Demonstratio.

*Petita ex eo, quòd Mahumetus prohibuerit suis omnem
de Religione disputationem, & voluerit legem suam gladio
potius, quàm rationibus persuaderi.*

VI. **A**LIA deinde conficitur ratio ex di&is in tota disputatione, quâ falsitatis convincatur Mahumetana secta: nam cum unus sit Deus, una tantum debet esse vera fides, verâque Religio, in qua homines salventur, & omnes sectæ, oppositæ veræ Religioni, debent esse falsæ. Ergo cum Deus velit omnes homines salvos fieri, vult omnes homines venire ad profitendam veram fidem, verâque Religionem amplecti. Ergo vera Religio, verâque fides debet habere signa & notas, quibus possit ab omnibus dignosci; & ideo dicitur Deus posuisse in sole Tabernaculum suum, quia nimirum veram Religionem, veram Ecclesiam, in qua homines salvari possint, ita conspicuam reddit, ut possit ab omnibus videri, si illam verè querant. Unde P. Valentia 2. 2. disp. 1. q. 1. punct. 7. omnium Theologorum nomine sic sapienter pronuntiat: *Ab orthodoxis Doctoribus secundum certissima, & clarissima Sanctæ Scripturæ testimonia Ecclesia visibilis dicitur, id est, sic in luce hominum, & in conspectu posita, ut quovis seculo evidenter internosci, & quasi digito demonstrari queat congregatio illa, quam Ecclesiam veram determinatè credere possis, ac debeas. Quare de vera Religione, verâque Dei Ec-*

clesia, intra quam possunt homines salvari, debet verificari illud, quod dicitur Sap. 6. *Clara est sapientia, & quæ nunquam marcescit, & facile videtur ab iis, qui querunt eam.* Debet ergo vera Religio, verâque Dei Ecclesia habere argumenta evidentia credibilitatis, seu argumenta, quibus possint homines induci, & obligari ad credendum, illam esse veram Religionem, & à Deo datam. Si enim hæc argumenta non haberet, non esset civitas supra montem posita, nec esset Tabernaculum Dei in Sole, id est in clara luce positum, nec daretur obligatio illam suscipiendi, nec homines possent dignoscere, illam potius, quàm sectam ipsi oppositam, esse veram, ut eam amplecterentur: quod planè est absurdum, & impossibile; implicat enim, Deum velle, ut homines amplectantur veram Religionem, & non dare illis media, quibus dignoscere possint, quænam sit vera Religio, seu quænam sit à Deo. Ex hoc principio deducitur, Mahumetanam sectam, prohibentem disputationes in materia Religionis, & præcipientem, ne ratione persuadeantur homines illam amplecti, sed gladio, & vi cogantur, non esse legem à Deo laram, & Mahumetanos temere illam profiteri. Nam vel habent rationes, & fun-

E

fun-

fundamenta, quibus sibi persuadeant, & aliis persuadere possint, Mahumetanam professionem Deum habere Authorem, vel non? Si non habent: ergo temere illam amplectuntur, nam magna est temeritas, aliquam Religionem seu professionem, ut divinam & à Deo datam, amplecti, quin præcedat prudens fundamentum, quo inducaris ad credendum illam esse à Deo, & possis alios inducere. Si habet: ergo injustè prohibet ea fundamenta profecti. Sanè qui habet nummum aureum, non adulterinum, sed legitimum, & justiponderis, illius examen non metuit, nec oculos refugit aurificis, qui explorandis ponderibus præfectus est. Si ergo Mahumetana Religio examen sapientium timet, & prohibet examinare, an à Deo fuerit data, non est lex à Deo data, sed à Pseudo-Propheta dolose composita, ad subjugandos populos, & illos in propriam ditionem trahendos. Astute prohibuit hic impostor suis, etiam sapientissimis, & in Alcorano

peritissimis, cum Christianis vel Judæis disputare de veritate suæ sectæ, quia probè noverat, illius falsitatem vi disputationis manifestè detegendam, nec posse vi prædicationis persuaderi, Mahumetum fuisse verum Dei Prophetam, ab ipso missum ad promulgandam novam legem, cum nec vitæ sanctitas, nec morum probitas, nec prophetiæ, nec miracula illi testimonium perhiberent: non vitæ sanctitas, cum fuerit Mahumetus luxuriosissimus, adulter, & perjurus, & sceleratissimus regnorum deprædator: non prophetiæ, cum nec in lege veteri, nec in Christi Evangelio fuerit promissus, licet in Apocalypsi fuerit sub nomine Anti-Christi adumbratus, nec ullum miraculum fecerit ad probandum, se fuisse à Deo missum; quamvis enim in Alcorano aliqua miracula à se patrata narret, ea tamen narrat, quæ à nullo visa sunt, ne possent palam de falsitate redargui.

CAPUT TERTIUM.

Tertia Demonstratio.

Inde petita, quòd Alcoranus docet, unumquemque posse in sua lege salvari, Christianum in Christiana, Mahumetanum in Mahumetana, & Judæum in Judaica.

VII. Cardinalis Bellarminus tom. 1. Controversiarum lib. 4. de notis Ecclesiæ cap. 12. inter notas veræ Ecclesiæ Dei ponit sanctitatem doctrinæ, quæ in eo consistit, quòd nihil contineat falsum, quoad fidei doctrinam;

nihil injustum, quoad doctrinam morum: unde in Psalm. 18. appellatur: *Lex Domini immaculata, testimonium fidele, præceptum Domini lucidum.* Atque, ex hac nota evidenter ostendit, nullam esse veram Ecclesiam, nisi nostram,

stram, nempe Ecclesiam Christianam Catholicam Romanam: *Nulla est enim* (inquit) *secta, vel Paganorum, vel Philosophorum, vel Judaeorum, vel Turcarum, vel Hæreticorum, quæ non contineat aliquos exploratos errores, & rectæ rationi manifestè contrarios.* Et enumeratis erroribus Paganorum & Philosophorum, subjungit: de Mahumetanis idem patet ex Alcorano: nam capite secundo docet, omnes salvari in suis legibus, si eas servant, Judæos, Christianos, Turcas: cap. §. 28. 47. 48. & alibi passim docet, beatitudinem futuræ vitæ consistere in cibo, & potu, & uxorum multitudine, nec unquam in toto Alcorano mentio fit actionum spiritualium, visionis, vel amoris Dei: & capite quadragesimo tertio dicit, Deum & Angelos orare pro Mahumeto. Hic adverto, Alcoranum apud Turcas haberi sine distinctione partium, vel librorum, ut constat ex Alcorano, quem in linguam Gallicam transtulit Legatus Regis Christianissimi Constantinopoli degens, quem è Gallico in Hispanicum idioma convertit Excellent. Comes de Oropesa ann. 1672. ut Missionariis usui esse posset, & ego codices manuscriptos vidi, & in illis notavi, apponi titulos capitum, non exprimentes, quæ in capitibus continentur; & seriem capitum continuari ab initio usque ad finem sine distinctione librorum. Nam caput primum inscribitur, *De bove seu juvenca: secundum, de stirpe Joachims: tertium, de Mulieribus,* & sic de aliis.

VIII. At apud Mahumetanos, qui olim Hispaniam occuparunt, Alcoranus legebatur cum distinctione libro-

rum, totusque Alcoranus dividebatur in quatuor libros, quorum primus quinque capita habebat: secundus duodecim; tertius novemdecim; quartus, centum, & septuaginta quinque; atque adeo integrum Alcorani volumen continebat undecim supra ducenta capita. Ita tamen libri illi sunt dispositi, ut primus tantam faciat molem, quantam secundus; secundus verò tantam, quantam tertius & quartus. Hoc constat ex Mossem Joanne Andrea prius Mahumetano, qui in Prologo sui libri testatur, Alcoranum in quatuor dividi libros, & idem testatur Lupus de Obregon supra citatus. Hæc adnotare libuit, quia magna est varietas in citandis Alcorani capitibus, seu *Zoris*, & Cardinalis Bellarminus Alcoranum citat, secundum quod eo utuntur Turcæ sine distinctione librorum: fidelissima tamen est ejus citatio. Nam Joannes Andreas refert Alcoranum lib. 1. cap. 2. asserentem: *Evangelia Jesu Christi, & Pentateuchum Moysis à Deo esse data hominibus, & in Cælum ducere eos, qui doctrinam eam observant.* Idemque dicit de suo Alcorano, & cap. 4. iterum ait: *Toram Moysis, id est Pentateuchum, & Evangelium Jesu Christi esse legem, & viam salutis.* Idemque testatur S. Petrus Palschius in suo tractatu contra Mahumetanos (cujus supra §. 1. mentionem fecimus) pag. 30. num. 26. ubi hæc habet: *Multis in locis Mahumetus in Alcorano affirmat, Christianos optimam habere, & colere legem, esseque in statu salvationis, unde sic ait: Certum est, quod illi, qui in Deum credere, & Judaeorum legem*

custodièrunt, & sapientes, & Christiani, qui in Deum crediderint, & ultimum esse diem confessi fuerint, benèque fecerint, & operati fuerint, mercedè à Deo, & primum accipient; error non erit super illos, neque formido, dolorèque carebunt.

IX. Hinc evidens conficitur ratio, ad convincendum, Alcoranum non descendisse de Cælo, neque ejus doctrinam esse à Deo traditam. Nam evidens est, doctrinam falsam non habere Deum Authorem, & evidens est, esse falsam hanc doctrinam, quæ asserit, utramque legem, tam Christianam, quàm Mahumetanam, esse aptam, ut in ea homines salventur. Nam evidens est, ex duabus doctrinis contradictoriè oppositis non posse esse utramque veram, sed alteram necessariò esse falsam: at doctrina Evangelii, & doctrina Alcorani sunt contradictoriè oppositæ, quod attinet ad mysteria Fidei: nam Evangelium docet, Deum habere tres Personas realiter inter se distinctas, Alcoranus hoc negat, unam dumtaxat Personam in Deo constituentem: Evangelium docet, Christum Dominum esse Deum & Hominem, Alcoranus hoc negat, asserens esse purum Hominem: ergo vel est falsa doctrina Evangelii, vel doctrina Alcorani: ergo

non est utraque à Deo: ergo Alcoranus affirmans, esse utramque doctrinam à Deo, & utramque de Cælo descendisse, mentitur, & manifestum continet errorem. Ergo lex in Alcorano contenta non descendit de Cælo: ergo lex illa nequit in Cælum ducere suos observatores: nam lex, quæ de Cælo non descendit, in Cælum ducere nequit: ergo manifestè mentitus est Mahumetus, dum dixit, Christianum salvari in sua lege, si illam observet, nimirum credendo, quæ præcipit credi, & opere exequendo, quæ præcipit fieri: & simul salvari Mahumetanum in sua lege, si illam observet. Nam si uterque observet suam legem, uterque credit, quod lex ut articulum Fidei proponit: & cum leges istæ articulos è diametro oppositos proponant, vel Christianus, vel Mahumetanus credit aliquid falsum, ac proinde falsam habet fidem. Qui autem falsam habet fidem, in ea salvari non potest, quia falsa fides non est Fides divina, siquidem fides est credere Deo loquenti: sine fide autem impossibile est placere Deo; est enim fides salutis fundamentum, & impossibile est, ut sine fundamento consistat salutis ædificium.

CAPUT QUARTUM.

Quarta Demonstratio

Inde petita, quòd salvatio in lege Christi sit certa ex dictis Alcorani, in Mahumetana autem sit dubia.

X. **H**Inc manifestè cõvincitur, Mahumetanos ex ipsa doctrina Alcorani compelli ad deferendũ Mahumetis-
mum, & amplectendam Domini no-
stri

stri Jesu Christi Fidem. Sic enim arguo: Alcoranus vester, vestraque lex palā fatetur, posse homines in Christiana professione salvari: contra verò omnes Christiani ut infallibilem Fidei articulum credimus, extra Christi Ecclesiam homines salvari non posse: quia sicut unus duntaxat est Deus, ita unica duntaxat in mundo debet esse Religio vera, in qua homines suam salutem operari possint: reliquæ autem sectæ, & professiones illi contrariæ, necessariò sunt falsæ, quia, quod veritati opponitur, falsitatem continet. Hanc autem Religionem unicam dicimus esse Religionem Christianam; quia, hanc esse à Deo, evidenter convincunt argumenta, ut patet ex tota hac disputatione. Vos probè nōstis, Deum habere in mundo aliquam Religionem, seu professionem, vel fidem, in qua homines salvari possint: probè item nōstis, legem Mosaicam post adventum Christi jam non esse utilem ad salutem; quia ut articulum Fidei in Alcorano habetis, Christum esse Messiam in lege promissum; perfidi autem Hebræi, qui modò legem Moysis observant, hoc negant, & Messiam adhuc expectant: illi ergo meridiana in luce caligant, & omnes infallibiliter peribunt, nisi Christum agnoscant esse verum Messiam; ut ipsis palam dixit ipse Christus: *Si non credideritis, quia ego sum, moriemini in peccato vestro.* Joan. 8. 24. Rursus etiam nōstis, professionem Gentilium, qui verum Deum non agnoscunt, esse certissimam ad æternam perditionem viam. Ergo palam fatemini, ad salutem æternam obtinendam necessarium esse, vel Religio-

nem Christianam, vel Mahumetanam profiteri. Inde verò ego evidenter concludo, vos esse stultos, & imprudentes, si Religionem Christianam non amplectamini: quia stultum est, ex duabus viis, quæ in opinione hominum ducunt ad aliquem terminum, illam deferere, de qua apud omnes convenit esse rectam, & ad terminum ducere; & illam capere, de qua dubium est, an ducat ad illum terminum, an ad ingens præcipitium. De Religione Mahumetana vos soli, ô Mahumetani, dicitis esse viam rectam ad æternam salutem: nos verò Christiani omnes ut Fidei articulum credimus oppositum, & certissimum judicamus, illam non esse semitam ad cœlestem Hierusalem, sed viam latam ad infernalem Babiloniam, neque ad optatum terminum ducere, sed ad inferni præcipitium. De Religione Christiana, & vos, & nos censemus, esse rectam viam ad salutem: ergo Religio Christiana est via certa ad salutem; Religio verò Mahumetana est via saltem dubia. Quis autem non videat, stultissimum esse, quando de summo omnium negotio agitur, viam certam dimittere, per quam certissimè possumus ad salutis portum pervenire; & viam capere dubiam, quæ forsàn pro portu ducit ad naufragium æternæ damnationis.

XI. Ut Barbari Mahumetani vim hujus rationis penetrent, eis exponenda est aliquo simili. Huc adesto Haly, Amete, vel si aliud tibi nomen est: Si tuâ maximi interesset, Matritum pervenire, & ignorans viam, dubius hæreret in bivio, anceps, an tibi pergendum esset

esset per semitam, quæ est à dextris, an per illam, quæ est à sinistris, & tunc casu duo viri graves tibi occurrerent, ab eisque sciscitareris, quænam ex illis viis duceret Matritum? Et alter tibi diceret; amice, hanc, quæ à dextris est, elige, quia illam calcans certissimè Matritum pervenies; si autem sinistram elegeris, longè aberrabis, & præcipitium atque mortem invenies: alter verò tibi diceret, Amice, utraque viâ, tam dextra, quàm sinistra Matritum ducit; dextra tamen planior, & faciliior est: elige, quam malueris. Quid tunc, quæso, faceres? Abs dubio, inquires, dextram eligerem: quia illa ex confessione, & confessione utriusque est certa, & secuta; sinistra verò foret dubia, & illi me committens, præsentissimo periculo me exponerem errandi, & operam perdendi, immò & vitam. Rectè respondisti: sed nunc ex ore tuo rejudico. Via Christianorum est via certissima ad salutem; quia tam Christiani, quàm Mahumetani credunt, eum, qui per illam incedit, perventurum ad Cœlestem Patriam. Via autem Mahumetanorum saltem est dubia: quia Christiani omnes credimus, certissimè ducere ad infernum, & soli Mahumetani creditis, ducere ad Cælum. Tene ergo certum, & di-

mitte incertum, & noli te exponere manifesto periculo amittendi salvationem, & incidendi in æternam damnationem. Hoc argumento multi Mahumetani convicti sunt ad abjurandum Mahumetismum.

XII. Simili argumento permotus est inclitus ille Galliarum Rex, & strenuus Dux Henricus Quartus, ut Hæresim Calvinianam abjureret, & fidem Romanam amplecteretur. Quæsit enim à Magistris Religionis reformatæ, an in Ecclesia Romana esset salus? Et affirmant. Quæsit à Magistris Parisiensis Academiæ, qui omnes erant Romanæ Ecclesiæ filii, an in Ecclesia reformatâ esset salus? Et omnes constantissimè responderunt, certissimum esse, neminem posse extra navim D. Petri, seu extra fidem Ecclesiæ Romanæ, naufragium æternæ damnationis effugere. Tunc prudentissimus Princeps conclusit: Ergo salus est certa in Ecclesia Romana, si quis firmiter credat, quæ credenda proponit, & opere exequatur, quæ faciendâ præcipit: in Ecclesia autem reformatâ, est dubia, quamvis quis, & credat, & operetur secundum ejus præscriptum. Re-

linquamus ergo viam dubiam, & attingamus certam.

CAPUT QUINTUM.

Quinta Demonstratio.

Petita ex eo, quòd ex confessione Alcorani Christus est Messias in lege Antiqua promissus, & Sanctissimus Prophetâ.

XIII. **M**Ahumetani credunt, Christum Dominum esse Messiam in lege antiqua promissum, & esse Prophetam Sanctissimum; nam, ut inquit

Inquit Sanctus Petrus Paschasius pag. 65. num. 83. *Mahumetus dixit, ac in suo Alcorano scribi fecit: quod JESVS Christus Verbum fuit Dei, & Spiritus Dei.* Et ut testatur Joan. Andreas in sua confutatione sectæ Mahumetanæ, quam per tot annos professus est, cap. 11. Alcoranus lib. 1. cap. 3. vocat JESUM Christum: *Quali metu Allah, id est, Verbum Dei.* Item vocat illum, *Spiritum Sanctum Dei,* & in eodem capite inquit: *Non est aliud Messias JESVS Christus Filius Maria, nisi Verbum Dei missum Maria, & Spiritus illius Dei, & nuntius ipsius.* Et in eodem lib. cap. 2. dicit Alcoranus: *JESVM Christum cum corpore & anima ad Cælos ascendisse.* Et lib. 1. Alcorani cap. 1. inquit: *Nos, Deus, dedimus Evangelia JESV Christo Filio Maria, & adjuvimus eum Spiritu Sancto.* Id testatur quoque Lupus de Obregon supra citatus, & liber Zuna, seu Suna, qui magnæ est autoritatis apud Mahumetanos, & continet dicta & facta Mahumeti, affirmat, *JESVM Christum venturum, ut judicem verum ad judicandum hunc mundum.*

XIV. Hoc supposito, sic argumentor: Christus Dominus fuit per vos Messias in lege promissus, ac proinde Doctor justitiæ, & veritatis, ut eum Hieremias cap. 23. appellat. Ipsæque Mahumetus in Alcorano Zorâ 44. quæ intitulatur Zora Mariæ, vocat Dominum JESUM Verbum veritatis, ut testatur Doctor Petrus de Cavalleria in Zelo Christi. Fuit Propheta Sanctissimus, & à DEO missus, qui veritatem suæ doctrinæ innumeris confirmavit miraculis: ergo vera est doctrina, quam

prædicavit. Atqui ipse dixit, se esse verum, & naturalem DEI Filium, verumque DEUM, ut constat ex dictis in tota disputatione præcedenti; & dixit, in DEO esse tres Personas: ergo vera est hæc doctrina: ergo falsa est doctrina Alcorani, illi ex diametro opposita. Rursus Christus dixit: *Hæc est vita æterna, ut cognoscant te verum DEVM, & quem misisti JESVM Christum,* id est, hac sola via obtinenda est vita æterna, Fide Divinitatis, & mysterij Incarnationis, ut explicavimus disp. præced. sect. 2. Ergo nemo potest salutem æternam consequi, nisi cognoscat JESUM Christum esse verum DEI Filium. Ulteriùs: ergo nemo potest salutem æternam consequi, nisi Baptismum Christi suscipiat, nam ipse Christus dixit Joan. 35. *Nisi quis renatus fuerit ex aqua, & Spiritu Sancto, non potest introire in regnum DEI.*

XV. Quodsi Mahumetani responderint, hæc Christum non dixisse, sed ejus Discipulos hæc falsò scripsisse, & mundo prædicasse: contrà manifestè est: quia vel id malitiosè fecerunt, & scientes illum fuisse purum hominem, mundum deceperunt, prædicantes esse verum DEUM, & falsò testificantes, de seipso hoc affirmasse JESUM Christum: vel hoc fecerunt ex ignorantia, & quia non bene perceperunt Christi verba? Primum dicere non possunt Mahumetani, qui credunt cum Alcorano, Apostolos Viros fuisse Sanctissimos, ut testatur S. Petrus Paschasius pag. 19. suorum operum num. 17. & testatur Joannes Andreas in sua confutatione sectæ Mahumetanæ cap. 11. ubi ait Alcoranum lib. 1. cap. 2. lib. 3. cap. 18. multa referre miracula

racula Apostolorum, eoque vocare *Haguarim*, id est mundos, & Sanctos, auri & argenti contemptores. Deinde penitus incredibile est, Apostolos malitiosè prædicasse, ut Filium Dei, Magistrum suum, si scirent hoc esse falsum, & nunquam ab ipso assertum: quia hoc ipso sine ullo lucro, vel emolumento temporali enorme committerent crimen, dignumque damnatione æterna, stultèque defudarent in persuadendo tam insigni mendacio, quod Judæis apparebat scandalum, Gentibus verò stultitia, nempe hominem crucifixum esse verum Deum. Multoque facilius potuissent mundo persuadere veritatem, nimirum JESUM Nazarenum esse Messiam promissum in lege, insignemque Sanctum, & injustè fuisse à Judæis occisum; ceterum fuisse, & esse purum hominem, si scirent, hanc esse veritatem & mendacium esse, quòd Christus sit Deus: stultè ergo tam insigne mendacium prædicarent, frustra que tot peregrinationes & labores aggredierentur. Quid enim ex hoc lucrarentur? Sanè nihil aliud, quàm persecutiones & tormenta, ipsamque mortem in hac vita, & æternæ damnationem in alia: ergo incredibile est, Apostolos tantà constanti prædicasse Christi Divinitatem, si scirent, hoc esse falsum, & voluisse tantum imponere crimen suo Magistro, si scirent, Christum nunquam dixisse, se esse Filium Dei. Ergo certum est, hæc non prædicasse, vel scripsisse malitiosè. Deinde dici non potest, hoc ignoranter fecisse, quia Evangelista Joannes discretè narrat, Christum dixisse, se esse Filium naturalis Dei, & propterea Judæos contra

eum lapides sustulisse, & ideo illum crucifixisse, quia hoc de se dicebat: si autem hoc de se Christus non dixit, non ignoranter, sed malitiosè Evangelista scripsit. Deinde incredibile est, Deum permisisse, ut Apostoli per ignorantiam totum mundum deciperent, & quòd miraculis veris falsam fidem invexerint.

XVI. Quod ulterius urgetur: quia si Apostoli mundum deceperunt, falsa fuit fides, quæ ante Mahumetum mundus credidit, Christum esse verum Deum: ergo nullus mortalium in illis sexcentis annis ante adventum Mahumeti salvationem obtinuit: quia nec illam obtinuerunt, qui Moysis legem illis sexcentis annis observarunt, quia post adventum Messie jam lex Mosaica abrogata est, & qui illam proficentur, non habent veram fidem, siquidem credunt, Messiam nondum venisse: nec item Gentiles, ut patet; nec Christiani, quia falsam habuerunt fidem, credentes esse verum Deum Jesum Christum, si verus Deus non est: falsa autem fides nequit esse fundamentum salutis, quia sine vera fide impossibile est placere Deo. Est autem evidentè falsum, mundum caruisse vera fide sexcentis annis, & nullum hominem salutem tunc obtinuisse. Deinde si Christus non est Deus, nec unquam de seipso hoc affirmavit: ergo fuit planè mentitus, cum dixit Petro: *Tu es Petrus, & super hanc Petram ædificabo Ecclesiam meam, & porta inferi non prævalerunt adversus eam*: prævaluerunt enim, si Apostoli falsam fidem in mundum invexerint, nam Ecclesia vera nequit esse fundata supra fidem falsam.

Quodsi Mahumetani respondeant
(ut

(ut respondere solent, ne palam convincantur) Apostolos quidem sincere, & juxta veritatem scripsisse Evangelia ; Christianos tamen postea adulterasse, & corrupisse illa, addentes ea, quæ de Christi Divinitate, & Trinitate personarum habentur in Evangeliiis, & Apostolorum

libris : postea latè hoc deliramentum impugnabimus, manifestè demonstrantes, non alia esse Evangelia, quæ modò habet Ecclesia, quàm illa, quæ Apostoli scripserunt, eaque pura, & incorrupta existere.

CAPUT SEXTUM.

Sexta Demonstratio.

Quòd vera Religio est illa, quam homines ad moriendum eligunt ; sectam autem Mahumetanam nullus unquam Christianus ad moriendum prælegit ; cum interim passim Mahumetani eligant ad moriendum Religionem Christianam, quam ad vivendum nunquam suscipere voluerunt. Ubi narrantur mirabiles conversiones Maurorum in hora mortis.

XVII. **A**rgumentor sextò : quia illa est vera Fides, veraque Religio, quam homines, in periculo mortis constituti, post sinceram orationem ad Deum suscipiunt, ut eos viam veritatis doceat, ad moriendum eligunt sua sponte, & quin ab alijs cogantur : illa falsa, quam homines ob lucrum, vel commodum temporale, vel ob consuetudinem majorum eligunt ad vivendum. & à qua in hora mortis rem attentè considerantes recedunt. Cum enim Deus sit summè bonus, & misericors, & velit omnes homines salvos fieri, & ad agnitionem veritatis venire, ut ait Apostolus 1. ad Timoth. 2. v. 4. credi non potest de tanta pietate, quòd hominem, qui bene moraliter in vita se gessit, & honestè vixit, & in morte ad eum fidenter orat, ut viam veritatis ipsi aperiat, in morte de-

ferat, & permittat, ut diabolus contra illum prævaleat, & in falsa secta finiat vitam, & damnetur. At quotidianà experientià discimus, multos Mahumetanos, qui moraliter bene vixerunt in sua secta, in illaque per multos annos perseverarunt, quia eam quasi jure hæreditario à parentibus, avis & proavis acceperant, postea vel ante mortem, vel in mortis articulo, post preces Deo suscipiunt ad inveniendam salutis viam, sectam illam deseruisse, & Christianæ Religionis nomen dedisse, unice ob desiderium æternæ salutis, & quin ad ullum temporale emolumentum, vel lucrum intenti essent. Econtra verò à sæculo non est auditum, quòd aliquis legem Christi fideliter servaverit, & vitam bonam & honestam secutus sit ; & quòd iste sua sponte, dum mortì propinquus est, Christianam Re-

F

ligio-

ligionem deferat, & in secta Mahumeti velit mori. Ergo manifestum signum est, Religionem Christianam esse sanctam, & Deum habere Authorem, & esse rectam, & securam ad Cælum viam eis, qui Christiana præcepta observant. Et contra Mahumetanam sectam non esse sanctam, nec Deum habere Authorem, neque ad Cælum, sed ad infernum ducere eos, qui illam observant. In Africa & alijs Regionibus à Mahumetanis occupatis sæpe contingit, ut Christiani captivi à fide deficientes Mahumetanam sectam profiteantur; id verò ideo evenit, quia gravibus peccatis irretiti, & à diabolo in captivitatem redacti, facile à corruptione morum ad infidelitatem transeunt; abyssus enim abyssum invocat, & peccatum, quod per penitentiam non deletur, in nova trahit peccata; hæc verò multiplicata mentem occæcant, & animam disponunt, ut radicem omnium sanctitatis, nempe fidem, amittat. Cum enim peccata fidem quasi captivam teneant, nec sinant, ut in opera sancta prodeat, Deum provocant, ut permittat, illam radicem è corde evelli à diabolo. Sic multi propter nimiam avaritiam, & cupiditatem rerum temporalium erraverunt à fide, ut docet Apostolus 1. ad Timoth. 6. v. 10. *Radix omnium malorum cupiditas, quam quidam appetentes, erraverunt à fide.* Et ideo Apostolus Petrus Epist. 1. cap. 2. v. 6. testatur de quibuldam, quòd ob malam vitam amiserunt fidem, *derelinquentes rectam viam, erraverunt sequentes viam Balaam.* Et Paulus ad Timotheum scribens Epist. 1. cap. 1. v. 19. testatur, aliquos propter malam conscientiam nau-

fragasse in fide, *habens fidem, & bonam conscientiam, quam quidam repellentes circa fidem naufraga verunt: ex quibus est Hymeneus & Alexander.* Et de quibusdam peccatoribus narrat, quia eis defuit charitas, Deum permisisse, ut crederent mendacijs contrarijs fidei 2. ad Thessalon. 2. v. 10. *Eò quòd charitatem veritatis non receperunt, ut salvi fierent: ideo mittit illos Deus in operationem erroris, ut credant mendacio.*

XVIII. Deinde ob commoda temporalia mali Christiani sæpe apud Mauros ad sectam Mahumeti transeunt, quia frequens est apud illos, ut, qui Mahumetani fiunt, libertate donentur. Deinde lege sancitum est inter Mauros, ut servus, qui ex Christiano factus est Mahumetanus, una cum filijs defuncti domini sui hæreditatem adeat, possitque cum vidua matrimonium contrahere. Ita mihi narravit in Portu Sanctæ Mariæ anno 1671. Dominus D. Augustinus de la Cerda, antea Muley Larbe Gerise nuncupatus, Regis Tafleti in Africa ex fratre nepos, & legitimus illius Regni successor, qui à Deo ad Christi fidem vocatus, solemniter baptizatus est in ea Civitate, me præseente, ejusque in Baptismo Patrinus fuit Excellentissimus Dominus Dux de Medinacæli. Ejus patruus Rex Tafilere tyrannus erat: quia cum esset spurius, fratrem suum legitimum Regem per insidias occidit, & Regnum occupavit, quod jure sanguinis spectabat ad Muley Larbe, utpote primogenitum germani fratris è patre & matre Regis occisi; ejus namque parens, antequam Rex occideretur, vitâ functus erat morte naturali, ac proinde ipse legitimus

gitimus erat Regni successor. Tyrannus verò timens, ne Muley Regnum invaderet, ei necem parabat; quam ut effugeret, ad arcem Christianam de Alarache confugit; cujus Gubernator, timens, ne per vim Rex Tafilete veller arcem adoriri, ut fugitivum Principem caperet, eum in Hispaniam transmisit: & in custodia Portus Sanctæ Mariæ servabatur, cum ad Fidem à Deo vocatus esset ex conversatione cum Religioso Augustiniano; & quia, ut ipse narrabat, ei apparuit D. Augustinus, qui Baptismum petere iussit. Inde eductus traditus est Religiosis Sancti Augustini in mysteriis Fidei instruendus, & in eorum Cœnobio commorabatur, cum P. Joannes Gabriel Guillen, & ego à Gadibus ad Portum transfretavimus, vocati ab Excellentissima Ducissa ad Missionem habendam in ea Civitate; & ex ejus præscripto in sacro illo Cœnobio hospitio excepti sumus, & à Religiosis illis Patribus benignissimè & liberalissimè accepti. Princeps iste non modico nobis adjumento fuit ad conversionem Mahumetanorum, qui cum ut legitimum Regni successorem colebant, & antequam Fidem Christi susceperet, ei necessaria ad victum, & vestitum suppeditabant. Hujus conversionis conscia Regina Marianna Austriaca, quæ Hispaniæ Regna pro minoritate Caroli Regis filij sui gubernabat, regia liberalitate eum beneficiis cumulavit, & iussit, ut in Mediolanensi ditione Ducem cum duplici equitum turma ageret. Ab hoc igitur principe eam notitiam hausit.

XIX. His ergo de causis sæpe accidit, ut Christiani in Africa Fidem Christi

deserant, & sectam Mahumetanam, exterius saltem, profiteantur. Nunquam tamen in Africa hoc monstrum visum est, quod aliquis captivus Christianè inter Mauros vixerit, legem Christi fideliter servans, & in ea constanter perseverans, quin nec minis, nec promissis ab ea divelli potuerit; & tamen quod morti propinquus sectam Mahumetanam sponte amplexus sit. Imò omnino nullus inter Mahumetanos unquam Christianus versatus est, qui Christianam & honestam vitam agens, ex desiderio suæ æternæ salutis, & non ex cupiditate temporalis lucri, & meliorem experiendi fortunam in hac vita, sua sponte circumcissionem Mahumetanorum subierit, & Mahumetanam sectam suscepit. Contra verò quotidie in Hispania invenire est Mahumetanos, qui, si à Christianis invitentur ad nostram Sanctam Fidem, obstinatè sic respondeant: *Pater meus Maurus, avus meus Maurus, & proavus meus Maurus extitit, & in Fide Maurorum mortuus est; & ego quoque Maurus ero usque ad mortem.* Sic in Bætica sæpius mihi responsum est à Mahumetanis, quos in familiari conversatione ad Christum pertrahere tentabam. Et tamen ipsi, cum mortem appropinquantem vident, Baptismum petunt, & Christiani fiunt. Hujus rei aliqua exempla subijciam.

XX. Postquam Malacæ Mauris consecratus sum, & solemniter una die triginta tres baptizati sunt ab Illustrissimo Episcopo, præter alios, qui privatim sacro fonte lustrati fuerant, invaluit apud Mahumetanos perfidos fama, & per finitimas urbes, & oppida vulgata est, Sa-

cerdotem Christianorum (Papacem ipsi vocant) fascinis infecisse Mahumetanos in Malaca degentes, & veneficiis eos ad Fidem Christi traxisse: caveréntque proinde reliqui, ne ab hoc insigni Migo, & venefico deciperentur, & annulerum pararent ad amovenda veneficia. Post Missionem Malacensem, & alias per finitima oppida peractas, Illustrissimus Episcopus à Marchione de Assentar Ceutæ gubernatore per litteras rogatus, nos in eam urbem misit cum tribus alijs Sacerdotibus secularibus, ut in ea de more Missioni incumberemus. Ea verò Missionem peracta, P. Joannes Guillen amantissimus meus socius (quem per sex continuos annos in Missionibus comitatus sum, viri zelum, conscientię puritatem, & acrem animi contentionem ad indefessè laborandum in vinea Domini, illustréque alias virtutes admiratus, ob quas meruit gratiam Baptismalem Cœlo inferre, ut testatus est Sacerdos nostrę Societatis, qui ejus confessionem generalem in nostro tyrocinio Matritensi, ubi Rectorem agebat, à Missionibus avulsus, ad extremum vitę excepit: obiit Matriti 19. Januarij anni 1675. ætatis 48.) cum uno Sacerdote seculari Esteponam profectus est: ego verò cum reliquis duobus Maruccam perveni: & vix illuc adventāram, cum Mahumetanus quidam, inter suos magnę autoritatis, & qui omnium sapientissimus habebatur, qui in illis martiribus oris captivi tenebantur (utpote qui in Fez Mauritanię urbe in Collegio quodam alumnus, & collega fue-

rat, & in Mahumetana lege peritus erat, totumque Alcoranum memoriā tenebat) Mahumetanos omnes ibi commorantes congregavit, illisque persuasit, me præstigiatores, & veneficum esse; attendite, inquit, hunc Papacem è pulpito prædicantem, & animadvertetis, eum brachia, & manus identidem movere, ut fascina & veneficia diffundat, & audientes seducat: gestus ipsos, & oratorias actiones præstigias interpretatus. Unde quoties movebam brachia, vel manus ad exprimendos mentis affectus, toties dicebat, me virulenta incantationes spargere. Et quò illos facilius deciperet, convivium eis paravit, à singulis sponsonem, vel jusjurandum exprimens, non petendi baptismum: & ne attenderent, & quę dicebantur, intelligerent, ante concionem ipsos inebriabat. Et ita obturaverunt aures suas, & nullus eorum ad Fidem Maruccę conversus est, quamvis fortius ibi, quàm alibi prædicaverim.

XXI. Interim Esteponę P. Joannes Gabriel Guillen, qui nunquam Mahumetanis prædicaverat, quadam die, dum ad Christianos de morte concionem haberet, in qua defuncti cranium populo ostendens, & hominem mortuum, qui ad vivos verba faceret, introducens, audientium animos vehementer commovebat: ad finem concionis pauca, sed ardentia ad Mahumetanos verba locutus, quinque, qui soli in eo oppido detinebantur, & concionem audiebant, ad Christum traxit, & Baptismum petere persuasit.

Sed

Sed ô divinæ misericordiæ abyssum! Illum eundem Mahumetanum, qui suos Africanos à Christo averterat, Clementissimus Dominus ad se convertit: post aliquot menses illum affixit lecto, gravem corpori ægitudinem immit- tens, ut animam sanaret: agnovit ille mortem jam appropinquantem, & in illo periculo constitutus, mentis oculos aperiens, Deum rogat, ut, si Ma- humetana secta non sit bona ad salutem via, cor ejus commoveat ad Christi Fidem amplectendam. Hoc ego sæpe in concionibus, quas coram ipso habui, ingeminaveram, ut scilicet Deum Cæli, & terræ creatorem in se rogarent, ut, si verum sit, quod Christiani dicunt, Christi Fidem esse unicam ad æternam salutem viam, & Mahumetanam Reli- gionem ad infernum certissimè ducere, cor eorum inclinaret ad Religionem Christianam, sin verò Mahumetana Religio sancta, & è Cælo delapsa sit, ut ipsi credunt, ab ipsis averteret cogitationem omnem petendi Baptismum. Audivit Clementissimus Dominus ora- tionem illam; & ut, ubi abundavit delictum, abundaret & gratia, illu- minavit hujus Mahumetani tenebras ille, qui illuminat omnem hominem venien- tem in mundum. Igitur sua sponte, & solo Deo internè prædicante, Baptis- mum petiit, & magnâ sui spiritus con- solatione cœlestis lavacri aquâ lustratus paulò post moritur. Illustrissimus Ma- lacensis Episcopus, qui obstinationem hujus hominis audierat, & quanto fuerat impedimento ad aliorum con- versionem, noverat, pro sua in me benevolentia & benignitate, me de

hac conversione per litteras certiore[m] fecit, sciens, faustum hoc nuntium mihi fore gratissimum. Quis non agnoscat hanc mutationem à Deo fuisse? certe hæc adin-pletum est, quod ipse pro- misit Math. 7. & Luc. 11. *Petite, & dabitur vobis, quærite & invenietis, pulsate, & aperietur vobis: omnis enim, qui petit, accipit, & qui quærit, invenit, & pulsanti aperietur.* Quis de summa Dei bonitate credere possit, quodd hominem, ex toto corde ad se clamantem pro animæ suæ æterna salute, sinat à diabolo seduci, ut veram Religionem, in qua salvetur, deserat, & eam, in qua damnetur, eligat? Ut enim in- quit veritas ipsa Luc. 11. *Si vos, cum sitis mali, nōstis, bona data dare filiis vestris, quanto magis Pater vester de cælo dabit spiritum bonum petentibus se?* ergo Religio Christiana, quam Ma- humetani ipsi ad moriendum eligunt, post- quam rem Deo impensè commendā- runt, vera est, & à Deo. Quodd autem in vita Mahumetani sectam suam obstinatè sectentur, non probat, illam esse à Deo, sed probat, illam esse carni, & sanguini conformem; probat, con- naturale esse, ut homines ægrè, & diffi- culter sua sponte deserant Religionem, in qua educati sunt, & quam à ma- joribus acceperunt. At quodd homines in secta aliqua blanda, & molli, atque concupiscentias carnis foventi educati, illam deserant, & Religionem ample- ctantur strictam, & quæ concupiscen- tias carnis cohibere, & crucem mortifi- cationis amplecti jubet, & ea solùm exequi, quæ rationi consona sunt; hoc profectò probat, illam Religionem

Deum habere Authorem, & Deum ad illam capeffendam internè movere.

XXII. Huic exemplo alia subjungam, quæ manibus contrectavi: dum Malacæ operam Missioni navarem, accidit, ut ægrotaret ad mortem Mahumetana femina, nomine Fatima. Erat nobilis, & pii Ecclesiastici ancilla, qui ejus conversionem sæpe tentaverat, sed incassum; erat enim obstinatissima, nec exemplo duorum fratrum suorum, qui simul cum illa in captivitatem redacti, Christi Fidem susceperant, quidquam mota est, nec de conversione ad Fidem Christianam verbum audire volebat. In reliquo vitam agebat honestam, & moraliter bonam, & fideliter domino suo inserviebat. Intimè dolebat bonus Sacerdos, ancillam suam in æternum perire; fratres ejus Christianos admonet, ut eam invitant, &, ut baptismum petat, suadeant: & cum illi nihil profecissent, ne aliquid intentatum relinqueret, me vocat, ut eam alloquerer. Adivi, Christiano more salutavi, & Christiana viscera ei ostendens, dixi: Soror Fatima, huc me duxit Christi charitas, & tuæ æternæ salutis desiderium; quia Sacrosancta Jeshu Christi Fides, quam profiteamur, jubet, ut proximorum nostrorum salvationem sicut nostram optemus, & illam pro vinctis procuremus: ego autem à Deo vocatus ad procurandam æternam animarum salutem, tuam ut propriam exopto, & ejus desiderium huic me lubentem adduxit. Nihil temporale quero: tu scis, quot sermones in hac Civitate fecerim, & quantum laboraverim, ut Christianos peccatores à vitiis ad virtu-

tem vocarem: pro his curis, & laboribus nullam ego mercedem in hac vita requiro, sed unicè Dei gloriam, & proximorum salutem inspicio. Tu, quamvis Mahumetana, ad imaginem Dei facta es, sicut Christiani, & Christus pro te passus est, non minus quam pro nobis. Tuam proinde salvationem ardentè desidero, & paratus sum quoscunque labores temporales pro illa obtinenda subire. His præmissis adjeci: Tu Deum creatorem Cæli, & terræ adoras: tu scis, illum, quantum est ex se, velle, ut omnes homines salvi fiant, ac proinde non ignoras, Deum hominibus providisse legem aliquam, & Religionem, in qua salvari possint; cum enim desideret, ut homines perveniant ad terminum, nempe ad gloriam Paradisi, debuit eis præstituere viam, quâ ad illum terminum perveniant: via autem ad gloriam est lex, & vera Religio; aliquam ergo habet Deus in mundo Religionem, in qua homines salvari possint. Hoc unum ergo maximi nostrâ interest, scire, quænam lex, & Religio vera, & à Deo descendens; lex enim falsa, & quæ à Deo non descendit, non potest ad Deum, & cælum ducere. Et hoc omni animi contentione debemus sedulo querere, & enixè à Deo postulare, ut nos illuminet ad cognoscendum, quænam sit hæc vera lex, in qua ipse vult coli, & per quam vult homines ad se ducere. Quatuor tantum sunt in mundo leges; lex Gentilium, lex Judæorum, lex Christianorum, & lex Mahumetanorum: Tu bene scis ex tuo Alcorano legem Gentilium nunquam fuisse ad Cælum

Cœlum viam. Etiam scis, legem Judæorum, postquam Christus in mundum venit, jam non esse viam ad Cœlum. Hoc breviter, & dilucidè exposui. Restat ergo, ut vera sit, vel lex Christianorum, vel lex Maurorum. Christiani omnes firmissimè credimus, legem Maurorum esse falsam, & à Mahumeto confictam ad parandum sibi Regnum & imperium, sub honesto & specioso Religionis titulo: certissimè scimus, & persuasi sumus, eum non fuisse Prophetam Dei, sed seductorem. Ac proinde ut quid indubitatum credimus, in sola Religione Christiana posse homines salvari. Vos Mahumetani creditis, Mahumetum esse Dei Prophetam, & vera esse omnia, quæ in Alcorano docet; in Alcorano dicit, in Deo non dari tres Personas, sed unam duntaxat; Christum fuisse quidem Prophetam sanctissimum, sed non esse Deum, nec pro hominibus fuisse crucifixum, nec tertia die surrexisse à mortuis; ac proinde vos creditis, rem ita se habere. Christiani omnes oppositum constanter credimus, quia ita scripserunt Apostoli, & Evangelistæ, qui cum Christo conversati sunt, & ab ejus ore audiunt, dari in Deo tres Personas, & ipsum esse Deum; & qui eum viderunt in Monte Calvario crucifixum, & post tertium diem redivivum. Necessè est, ut ex his duabus legibus altera sit vera, & altera falsa; quia impossibile est, ut utrumque sit verum, & quod docet lex Maurorum, & quod docet lex Christianorum. Si lex nostra est falsa, omnes Christiani damnatur: si vestra lex est falsa, omnes Mauri ad

infernum tenditis. Ego tibi in Deo nomine annuntio, quod in æternum peribis, si Christiana non fias. Si mihi non credis, hoc unum à te enixè rogo, ut Deum super hoc negotio consulas, & ex toto corde ab illo postules, ut, si vera sunt, quæ tibi dico, tibi inspiraret efficaciter voluntatem, & desiderium suscipiendi Baptismum, & moriendi in lege Christi: sin autem sunt falsa, talem tibi cogitationem non injiciat. Bonus sermo, respondit Fatima, optimè dicis, Pater; ego rem Deo commendabo, & lucem ab ipso petam ad veritatem cognoscendam, & cras tibi responsum dabo.

Præstitit, quod promissit; rem impensè Deo commendavit, enixè lucem petivit, & ad januas divinæ misericordiæ pulsavit, & primo mane divinitus tacta, clamat, se velle esse Christianam, & Baptismum suscipere petit: admonitus de hac subita mutatione illuc advolavi, mysteria ad salutem necessariæ docui; quid Baptismus conferret, exposui, & quæ esset dispositione suscipiendus; & post sufficientem instructionem baptizata est ingenti cum gaudio spiritus sui. Attuli Imagines Christi, & Beatæ Virginis, & eas devotissimè osculabatur, & pectori admovebat: petivit à me, ut ejus confessionem exciperem: ipsam docui, peccata ante Baptismum commissa, non esse materiam confessionis, ipsique exposui, peccata venialia, in quæ homines incidunt post Baptismum, esse sufficientem materiam confessionis, exposuique, quænam sint peccata venialia; & rogavi, ut conscientiam discuteret, an post Baptismum

occa-

occasione dolorum in aliquam impatientiam incidisset, an verbum aliquod amarum protulisset, vel alicui malæ cogitationi consensum dedisset. Et postquam conscientiam discussit, post varias interrogationes altera die post Baptismum susceptum, materiam, quam potui, absolutionis eliciens, absolutionem Sacramentalem impertivi: paulò post magna cum devotione Sacram Eucharistiam accepit; & denique Sacramento Extremæ unctionis munita ad Cælum evolavit felix illa anima. Accidit casus iste ad extremum anni 1669.

XXIII. Huic exemplo aliud adjicio. Anno 1672. cum Hispalim vocati sumus ab Illustrissimo Archiepiscopo D. D. Ambrosio Ignatio de Espinola & Guzman ad iterum faciendam Missionem in illa urbe, & toto Archiepiscopatu (nam primam habueramus ann. 1669, tempore Illustrissimi D. D. Antonii Payno) monitus sum à viro nobili, & illius urbis in Consilio seculari Senatore, esse in Parochia Magdalenz Mahumetanum octogenarium gravi morbo oppressum, & in periculo mortis constitutum: illum visitavi frequenter, & de rebus Religionis cum eo collocutus, & confectis argumentis pro illius captu opportunioribus, tandem persuasi, ut enixè à Deo postulatet lucem ad vitam finendam in Religione vera, & à Deo hominibus datâ, eisdem ferme rationibus, quibus idipsum Malacæ persuaseram Fatimæ. Oravit, & quod quærebat, invenit, & subito mutatus est in alium virum, & toto corde cepit abominari sectam Mahumetanam, & de-

plorare cæcitatem, in qua per tot annos vixerat: nam quadraginta integros Hispali egerat in Alcorani tenebris, & octogesimum primum ætatis jam agebat annum. Rogatus autem, quænam illa fuisset tam subitæ mutationis causa; respondit, se post preces ad Deum fusas, ut ipsum doceret viam bonam, in qua esset salus, in somniis vidisse in amænissimo horto duos Religiosos, pulcherrima colligentes poma, & ab eis postulâsse, ut sibi aliquod donarent; illos verò respondisse, poma illa esse Christianis reservata, & non posse Mahumetanis concedi: hinc verò cor suum inflammati cepisse Baptismi desiderio, & hoc desiderium crevisse, quia post somnum, dum jam esset ex-pergefactus, vidit propè Cælum suum imaginem magnam Christi è Cruce pendentis, & cum ipse ad illam adorandam ad Christi pedes se abjecisset, eisque oscula magnâ cum devotione infixisset, Christus pedes retraxit, & subito disparuit, quasi eum repelleret, quia Christianus non erat: ita narrabat ipse; & eam non fuisse imaginationis delusionem probavit eventus, quia ingenti cum gaudio Baptismi suscepit, & ingravescente postea morbo Sacram Communionem, quæ ipsi solemnè cum pompa administrata est, certatim contendentibus primæ nobilitatis viris munia daduchorum, seu cerisferorum, & æditi obire, & accepta Extrema unctione, elicitis ferventibus Fidei, Spei, Charitatis, & contritionis actibus, animam Deo reddidit, cum ingenti totius Civitatis consolatione, & spirituali lætitia; anno 1672. mitantibus omnibus divi-

divinæ misericordiæ abyssum. quæ tot annos expectavit hunc felicem peccatorem, qui in Baptismo voluit Joannes Baptista appellari.

XXIV. His duobus exemplis recentibus addo aliud antiquius, quod narrat P. Ignatius de las Casas nostræ Societatis Sacerdos, qui ob peritiam linguæ Arabicæ missus est à Gregorio XII. Summo Pontifice ad reducendum in unionem cum Ecclesia Romana Patriarcham Græcorum, aliisque Prælatos Schismaticos, de quorum conversione spes affluerat, plurimisque Provinciis peragravit, & propria manu itinerarium scripsit, in quo fidelissime narrat ea, quæ in tam longo itinere acciderunt; & data occasione interfert aliqua exempla conversionis Mahumetanorum, quæ ipse vidit. Hunc librum manuscriptum habet R. P. Petrus Hieronymus de Cordova, secundæ Provincialis Societatis Jesu in Provincia Castellana, dum hæc scribo, nempe mense Januario, anni Domini 1680. & cum illum librum legerem, hoc & alia exempla ex illo manuscripto excerpti. Ut autem constaret ex illo itinerario, conversio referenda accidit post annum 1562. & ante annum 1570 nec enim ex manuscripto annum certum eruere potui. Rem narrabo verbis Authoris ex Hispano in Latium conversis.

XXV. Canonicus quidam S. Corduensis Ecclesiæ Africanum servum habebat, qui ei à viginti annis magnâ curâ & diligentia inserviebat. Apparebant in eo tot virtutum moralium signa, ut nisi dominus ejus seris restatus sit, se nunquam in servo suo quidquam vi-

disse, quod gravem culpam redoleret. Propter has virtutes herus servum amabat, ejusque æternam salutem enixè exoptabat. Ille verò sectam Mahumetanam tam constanter servabat, ut, quamvis bis aut ter quotidie dominum suum in templum euntem comitaretur, numquam iste ab illo impetrare potuerit, ut intra sacra limina ingrederetur, ne eo quidem titulo, quod olim templum illud celebris fuerat Mahumetanorum Mezquita. Erat jam longævus, & uti agebant Mauri in ea Civitate commorantes, fuerat inter suos Alphaquinius, seu Sacerdos. Incidit in gravem morbum, & ejus herus de æterna servi salute sollicitus, Collegium Societatis adit, & superiorem rogat, ut mittat aliquem ex Patribus, qui illum Christo associet. Assignati sumus Pater Baena, & ego, ut ejus interpretem agerem. Illuc statim convolvimus, & quantum potuimus, laboravimus pro ejus conversione; sed frustra; quia ille non tantum benignas aures præbere nolebat, sed amaris verbis, & indignatione plenis nos repellebat. *Ego verò ejus obstinationem videns: Non à te (inquam) posulo, ut sectam tuam deseras, vel quidquam contra illam agas, sed tantum ut eam orationem ad Deum fundas, quam in Alcorano Mauri habetis. Et ita habet: docenos Domine viam rectam, & bonam: siquidem probè nōsti, omnes Christianos inconcusè asserere, Mahumetanos in æternum damnandos, si in sua secta vitam finiant. Roga ergo Deum, ut, si à vera Religione aberras, veram tibi ostendat salutis viam, & ad illam*
G. capef-

capessendam cor tuum moveat. Annuit ille, & manus, & oculos ad Cælum attollens, *Duc me Domine* (inquit) *per salutis viam.* Hoc audito, discessimus, quia spes non erat aliquid aliud ab eo eliciendi.

Sed cum Dei proprium sit, cujus vult, misereri, vel quem vult, obdurare, die sequenti accitus sum, ut festinanter in domum ægrotantis Mauri descenderem. Cum primùm cubiculum jacentis ingredior, illum conspicio, devotè Christum crucifixum amplexantem, & osculantem; & causam felicitis hujus mutationis sciscitatus, ab ejus ore hoc responsum accepi. Petivi, inquit, juxta præceptum tuum à Deo, ut è Cælo mihi lucem inmitteret ad cognoscendam certam salvationis meæ viam; audivit benignissimus Dominus orationem meam; historiâque suæ conversionis texens, narravit, sibi vigilanti apparuisse duodecim feroces Æthiopes, ipsum circumdantes, & è lecto rapere gestientes; tunc se expavisse, & interpellasse Christianum, qui jussu heri sui illi assistebat, & Christianum facere satagebat. Accessit Christianus, & rogavit à Mauro, quid illud novi esset, quidve ipsum defatigaret? respondit ægrotus: Nonne vides hos duodecim Æthiopes, qui me è lecto eripere, & discerpere tentant? At verò Christianus (qui tamen nihil horum videbat) Crucifixum apprehendit, illumque ante oculos ægrotantis objiciens, opem, inquit, posce à Christo, & à sanctissima ejus Matre Maria, qui ab hoc agmine Æthiopum, qui caecædæmones abs dubio sunt, te liberabunt. Tunc sublati in Cælum oculis

infirmus (ut narravit Christianus) stupenti similis hæsit, obfirmato obtutu prospiciens. Visibilem se illi ostendat Deipara, & benignò vultu sic illum allocuta est Arabico idiomate: *Cave ab his Æthiopibus: Et scito, quòd, nisi Christianus fias, & credas, Jesum Christum Filium meum esse Deum, te violenter rapiant dæmones isti.* Ille verò in se reversus, & ad Christianum conversus: cird, inquit, Sanctum Crucifixum mihi porrige, quia ego firmissimè credo, Jesum Christum esse verum Deum, qui pro me passus est: volo Christianus esse, & baptizari desidero. Testatùsque mihi est Maurus, Virginem sibi manifestasse omnia, quæ credenda sunt ad salutem æternam obtinendam. Ego verò illum, quâ potui diligentia, in rebus fidei nihilominus instruxi, prout tempus, & morbus exigebant. Enixè ab hero postulavit, ut Baptismus ipsi, non in lecto, sed in Ecclesia, in quam nunquam intrare volebat, administraretur. Illi annuit herus, & candida serica veste indutus in sella gestatoria ad Ecclesiam Cathedralem vectus est: & coram Augustissimo Eucharistiz Sacramento, magnâ animi sui lætitiâ, & circumstantium gaudio, salutari lavacro tinctus est à suo hero, & in Baptismo appellari voluit Joannes Maria de Jesu. Et cum morbus invalesceret, statim in domum reduxerunt illum: in via autem cum liquato cibo eum reficere vellent, vix illum gustaverat, cum cibum dimittens, & Crucifixum amplectens, & dulcissimum Jesu nomen invocans, spiritum illi tradidit in eadem sella, in qua Baptismus susceperat; lachrimanibus pro-

spiri-

spirituali gaudio eis, qui sellam circumstabant; nondum enim herus cum reliquo comitatu supervenerat. Ut autem felicitatem Mauri in Cælum jam admissi cognovère, in divinas laudes effusi sunt. Hucusque P. Cafas.

XXVI. Hæc exempla cum proposuissem anno 1679. mense Aprili, cum in Missione Hispalensi per sex continuos dies ad Mahumetanos publicè concionatus sum, eis auditis statim me invisit Illustris Dominus D. Alphonfus Verdugo Albornoz & Sotomayor, Alcantarensis Militiæ Eques, & nunc Comes de Torrepalma, Vir nulli Hispalensium Equitum ingenii acumine, judicii que maturitate cedens, & pietate non minus, quam nobilitate clarus; & ut in similibus concionibus possem Mahumetanos uberiùs confundere, singulare exemplum mihi narravit, quod totam Hispalim haberet in testem; ab ipsoque postulavi, ut scripto rem ad unguem traderet, ut palam possem illud exemplum Mahumetanis postea proponere: id quod diligenter præstitit, historiam sequentem transcribens ex libro funerali Parochiæ S. Andreæ, in quo memoria hujus mirabilis conversionis conservatur: & ita ad verbum habet.

XXVII. Die vigesima quarta Maii anno millesimo sexcentesimo quinquagesimo septimo Hispali evenit, quod referam. Vivebat in prædicta Civitate Maurus Almanzor nomine, servus D. D. Alphonfi Fernand. Martolexo, qui cum Mahumetanz legis observator acerrimus esset, acriter insectabatur, persequereturque omnes, qui, perfida Alcorani fide relicta, ad nostram, veram & Ca-

tholicam convertebantur: accidit quadam die, ut propè portam Domus Professæ Societatis Jesu in quemdam Neophitum Tingitanum offenderet, servum D. Marchionis de Algava, & cum Neophitum incepisset contumeliis onerare, & conviciis, quoddam a vitam legem Mahumeti deseruisset, ulteriùs vesanus processit, manùsque iniecit, quin ab isto incepto precibus repetitis Neophitus eum amovere potuisset; at cum Christianus Tingitanus effugere violentiam aliter non potuisset, pugionem extraxit, extraxitque in Almanzoris alvum illum percutientis adexit: tunc Almanzor humi sternitur, visceribusque per vulnus emissis, mira res! vix ceciderat, cum facram aquam Baptismi poposcit, dictitans, se velle Franciscum appellari: accurrunt undequeque prætereuntes, inter quos Presbyter Benedictus de las Heras accessit, Capellanus Didaci de Payva, qui juxta ipsiusmet limina Baptismi Sancti Almanzori ministravit. Hinc percussus Maurus, jam Christianus, in domum sui Domini D. Alphonfi Martolexo curandus desertur. Habitabat tunc prædictus Dominus D. Alphonfus in ædibus Domini Comitæ de Pennafior, quæ ædes pertinent ad Parochiam S. Andreæ, cujus Parochus erat D. D. Laurentius de Maldonado (qui nunc inter vivos agit) qui cum rectè novisset, ab ipso baptizato, & prædicto Presbytero Benedicto rem totam, & cum animadvertisset actus fidei ferventes, quos eliciebat Franciscus Andreas paulò antea baptizatus, pergit ad consulendum Illustrissimum Dominum D. Frat. Petrum de Tapia, an vulnerato, & recens

Christiano posset Sacram Eucharistiam, & Sanctam Unionem ministrare: responsum illi fuit ab Illustrissimo Tapia, tunc Archiepiscopo Hispalensi, licere, & expedire, tam Sancta Sacramenta morienti Francisco Andrez præstare: & eadem nocte Sacro Viatico, & Extrema Unctione munivit jacentem. At vulneratus magna devotione, tantique beneficii Cœlestis conficius, ea Sacramenta excepit. Res quidem mira!

Adeo ferventi spiritu, lachrimarumque copiâ ignovit aggressori, & homicidæ, ut adstantes omnes stuperent, videri in recens Christiano tot signa pietatis. Spiritum emisit inter hos pios, & ferventes divini amoris singultus. Adsumus (inquit Perillustus Dominus Comes de Terrapalma) ejus funeri, omnes majoris notæ hujus Civitatis: quod quidem juramento firmabimus, quot quot nunc vivimus.

CAPUT SEPTIMUM.

Septima Demonstratio.

Ubi mira vocationes Mahumetanorum ad fidem Christi enarrantur.

XXVIII. **H**oc argumentum prædenti affine est, sumiturque ex alia experientia notissima: constat, nunquam aliquem Principem Christianum, immò nec ullum Virum nobilem, vel plebeium, patriam, uxorem, filios, divitias, & temporalia commoda deservisse, & in Africam, trajecisse, ex desiderio salutis æternæ, ut ibi Mahumetanus fieret, & in secta Mahumetana moretetur. Econtra verò certissimum est, non paucos Mahumetanos reliquisse patriam, parentes, divitias, immò & regna, & ad terras Christianorum transfugisse, ex desiderio salvationis, & ut Christiani fierent, & in Religione Christiana vitam finirent; vel in captivitatem à Christianis redactos, postea noluisse reverti ad patriam,

ad patentes, ad filios, ad uxores, ad divitias, cum facile possent illuc remeare. Hoc autem signum clarum est vocationis divinæ, intus moventis ad querendam viam salutis: ergo in Religione Christiana unicè est salus; in Mahumetana verò certissima est æterna perditio. Hoc argumentum Christi prædicator facile amplificare poterit.

XXIX. Ego hic aliqua tantum subijciam exempla, quæ ad movendos Mahumetanorum animos non parum momenti habent. Novi ego Mattiti Christianum novum Africanum, qui inserviebat Eminent. Cardin. & Archiepiscopo Tolet. D. Paschasio de Aragon, & curam habebat argenteæ suppellectilis illius principis; virum verè pium, & devo-

devotum, qui quotidie per duas horas vacabat orationi mentali, & singulis hebdomadis bis vel ter ad Sacram Eucharistiam accedebat ex consilio Patris Spiritualis. Hic Tunesanus erat, & à Deo illuminatus ex conversatione cum captivo Christiano, fugam ad terras Christianorum diu meditatus est, & cum modum non inveniret, vota sua adimplendi, Deum ex intimo cordis rogabat, ut eum duceret in eorum terras: & ut à Christianis capi posset, voluntariè aggregatus est Matris, qui in eorum terras navigabant ad captivandos Christianos, sperans fore, ut sic posset inter illos remanere. Ut tamen posset aliquo argumento comprobare, se non coactè, sed voluntariè illuc advenisse, in quadam insula maris Mediterranei, in qua exarabat facellum: seu ædicula sacra, reliquit syngrapham, seu schedulam propria manu exaratam, in qua nomen suum, patriam & desiderium suscipiendi Baptismi exponebat: reliquit autem sub pedibus Sanctæ Imaginis, cui facellum illud dicatum erat. Deus vota ejus exaudivit; & in mari cum socijs à treremibus Christianorum captus est, & Neapolim ductus, Cardinalem Aragonium tunc Proregem adit, votum suum exponit; & ne existimaret, se narrationem confingere, ut libertate donaretur, affirmat, se in tali insula reliquisse schedulam, ex qua veritas constare posset. Non fuit difficile rem explorare; compertum est, vera esse, quæ ille narrabat, & sic declaratum, cum non esse servum, sed liberum manere; & Eminentiissimus Cardinalis illum solemniter baptizatum in suam familiam admisit, & postea secum

in Hispaniam transvexit: & dum ego Matrino anno 1670. Missionem feci, cum illo familiariter egi, & illius operâ usum ad conversionem Mahumetanorum, quos ille ferventer adhortabatur ad Baptismum petendum, & vocationem suam ad Christianismum eis narrabat, quò illos faciliùs ad Christum traheret.

XXX. Aliud exemplum in suo Itinerario adducit P. Ignatius de las Casas cujusdam nobilis adolescentis Turcæ, qui cum parente suo, & alijs inter Turcas primariæ nobilitatis Viris à Christianis in navali prælio captus, Romam delatus est, ubi cor ejus B. Virgo ad Christi fidem ambiendam mirabiliter accendit. Rem sic narratque Autor.

Turca quidam duodecimum, aut decimumtertium annum agens Romæ delatus est, ubi unâ cum parente, & alijs patricijs Turcis in Palatio nobili, non longè à Basilica S. Petri hospitatus est. Turcæ in custodiam traditi sunt Germanicis Prætorianis Papæ, qui adolescenti juveni inscio patre papiraceam imaginem B. Virginis Dominæ nostræ dedere. Turca puerili genio ductus illam sapius intueri gaudens, in pectore ipsam recondiderat, ne, si aliquis ex Turcis videret, raperet. Aliquibus diebus eam retinuerat, cum Mater misericordiarum gratiam illi majorem fecit: apparuit enim illi per quietem, eodem habitu, quo in imagine viscebatur, Virgo venustè ornata, Cælesti stipata comitatu, & divinis splendoribus micans veniebat; inde adolescentem accessit blandè, benignèque illum aspiciens Turcico idiomate illi locuta est, docuitque ipsum, aliam salutis viam non esse quàm Baptismi Sacri. Ita edoctus

à Virgine fuit, ut illucescente die ex fenestra transeuntibus, ut rectius poterat, diceret, se Christianum esse velle; nec semel, sed iterum, atque iterum pater illum à fenestra removit, sed nec minis, nec blanditijs à proposito juvenem removere potuit; quin immò sæpius è fenestra vocitabar, clamitabaturque, se Christianum esse velle. Pater eapropter asperè filium tractabat, donec re à Prætorianorum Germanorum Duce cognitâ, Dux causam originemque illius supplicij exquisivit, & tandem è manibus parentis, filium suffocare nitentis, abripuit adolescentem, clamantem *Christianus, Christianus*. Dux per interpretem ab adolescente, quid intenderet? rogavit. Turca, quod retuli, respondit: Dux Pontifici totum renunciavit, qui misit Cardinalem Guastavilani ejus nepotem, ut veritatem rei inquireret; quâ compertâ Cardinalis cum in Palatium suum detulit, ubi, postquam rebus fidei satis instructus fuit, insigni pompa Baptismum suscepit, nomenque sortitus D. Joannes Guastavilani. Et postquam idiomate Italico loqui, & scribere didicit, ad Seminarium Romanum delatus est: sed magis ad arma, quàm ad litteras propensus evasit. (Ego familiariter cū illo egi, & quæ narravi, ipsemet mihi retulit.) At ubi Turcæ patricij & nobiles redempti fuere, pater adolescentis inter ipsos maximè nobiles in patriam suam rediturus enixè Pontificem summum rogavit, ut cum filio loqui sibi liceret, dictitans, filium puerorum instar deceptum fuisse, & ut hoc clarum fieret, sinerent cum colloqui, nam statim ac Patrem videret, omnia relicturum, & abiturum secum

filium. Scivit Pontifex, minimè deceptum fuisse juvenem, & nullum adesse periculum, & ita copiam patri fecit, ut cum filio loqueretur coram aliquo honorato Viro, ne violentiam adolescenti inferret. Pater pervenit ad fores Seminarij Romani, quod tunc situm erat in ædibus D. Marci Antonij Colonnæ prope Templum Sancti Apostoli. Descendit Pater Claudius Aquaviva, tunc Rector Seminarij, & cum ipso aliqui ex Societate descendimus (& ego præcipuè comitabar D. Joannem Guastavilani, illumque consolabar, ne deficeret), descenditque Paulus Ursinus Jordan. Magna erat frequentia thedatorum, cathucarumque Turcarum nobilium, & aliorum eos usque ad litus comitantium, in foro Sancti Apostoli: itaque jucundum omnibus, & mirabile spectaculum fuit. Accessit parens D. Joannis in theda cum alijs nobilibus, loquutusque est cum filio D. Joanne, qui nec amplexus parenti abitato concessit, nec ejus manum exosculari voluit; licet nobis, ut faceret, persuadentibus; pater lachrimis madens dolorem suum aperuit, parèmq; matris futurum, si filium non videret: adjecitque pater, sibi facultatem concessam à Papa, ut illum secum abduceret; quapropter sine metu, & periculo in thedam ascenderet: at juvenis, quod magis ejus pater animi dolorem lachrimasque ostendebat, dictitando, *Deceptus fuisti, deceptus fuisti*, eò magis animosus, despiciensque paterni affectus D. Joannes ostendebatur. Itaque animosè respondit, se minimè deceptum, sed potius à Cælo edoctum, & illustratum fuisse, seque parvi habere parentes in

æternum arduos in inferno : & cum lachrimas inanes patrem fundentem aspiceret, quin cum vellet amplecti, exoscularique manum (ut dixi) juvenis terga vertit, & parentem reliquit. Ego

juvenem vidi lætè exultantem, scalam Seminarii ascendere, triumphanti firmilem, & sibi de victoria magna gratulantem. Hæc Pater Casas.

CAPUT OCTAVUM.

Mirabilis conversio Regis de Fez, postea Balthasaris de Loyola Societatis JESU.

XXXI. **N**Ota est in Italia & Hispania mirabilis hujus Principis conversio ad nostram Sanctam Fidem, & ejus in Societate nostram ingressus. Obiit Martiti anno 1667. omnisque Hispaniæ nobilitas supremis honoribus funeris exequias prosecuta est. Et R. P. Petrus Esquex Concionator Regius ejus virtutes, & conversionem magno cum auditorum plausu, & admiratione è pulpito exposuit. Ejus vera effigies in Collegio Imperiali cum hac inscriptione appensa est.

P. BALTHASAR DE LOYOLA, Olim Muley, Mahumer, Athasi, Gerife, Rex, Pater, & Filius Regum Fez, miraculosè factus ex Mauro Christianus; ex fortissimo Duce, qui armorum vi in suam potestatem redegit jam amissa Regna Tafilæ, & Maroci, pauper miles Societatis JESU; ex observantissimo Alcorani Zelatore Eximius Evangelii præco, missus à Summo Pontifice ad illud disseminandum in vastissimum Mogoris Regnum, diem extremum clausit in Collegio Imperiali Martitensi, ætatis suæ anno 37. à Baptismo suscepto

14. à Presbyteratu in Societate JESU 6. die 15. Septembris anni 1667.

Fuerunt, qui revocarent in dubium ejus stirpem, cum præsertim ipse abstinere ab omni verbo, quod talem gloriam posset redolere, quod ipsum à malignis malè capiebatur. Quare ei Pater Spiritnalis injunxit, ut scriberet genus suum, & vocationem ad Christianissimum; idque ipse præstitit fidelissimè, & ego epistolæ ab eo super hac re scriptæ exemplar ad verbum transcriptum apud me habeo, quod statim subiiciam. Et Pater noster Generalis, ut Fidem apud externos posset facere minimè dubiam, curavit, à Patribus nostris, qui erant in Africa, perscribi: abesse à Regno Fez filius Regis, fuisseque ductus à Melitenensibus navibus captivus? Quomodo vocaretur? Quo tempore abisset? A quibus responsum tulit omnino idem cum eo, quod P. Balthasar descriperat ex mandato Patris Spiritnalis. Illud autem ita habet.

✱ ✱
✱

EGO

EGO BALTHASAR DE LOYOLA MENDEZ, INDIGNISSIMUS DOMINI nostri JESU Christi, ac SS. ejus Genetricis servus, hæc ad ipsorum majorem Cloriam.

XXXII. **C**UM MIHI A PATRE meo Spirituali imponatur, ut rationem reddam de ijs omnibus, quæ ad me attinent circa res tam temporales, quàm spirituales, ejus imperio obsecutus quoad memini, hæc omnia subijcio: (Et plurima subdit infimæ animi demissionis, & altissimæ in Dominum laudis, quoddam misericorditer secum agere dignatus fuerit, quæ operi intermiscet; ego brevitas causa omitto.)

In Urbe Fez ortum duxi, fuitque mihi nomen datum Mahummed Anazi; Patrisque meus dicitur Agid, Aluaid, Intab, Mahummed, & in presentia toti Regno Fez: uti Rex dominatur. Partu iste precum fructus videtur posse dici; nam Parens mea: vocat Dea, Cæli terræq. Creatori, si marem conciperet, se cum Divina Majestati consecraturam fuisse; & ita contigit. Cum ad quinquennium perveni, dati fuerunt mihi Præceptores, ut me, & in litteris, & Religione erudirent. Sed accidit sapiens res mira, quod, cum ijs sacrilegis doctrinis imbuerer, sepius ea intrinsecus execraber, & blasphemius insectarer. Quod coactè cum agerem, quodammodo, displicebant: inde mihi non paululum: Quin: semel SS. JESK, & MARIE nomina protuli

prorsus ignarus, quid illa significarent; & cum Parens mea adesset, increpavit acerbè; & extorquere conata, undenam ea audivissem, timore fassum me, nec scire, quid sibi vellent, nec unquam intellexisse, monuit, ne amplius proferrem, cum essent Christianorum Mahumet: infensorum verba: in suo cubiculo me noctu quiescere volebat; nocturnos radios supra caput meum, vel ut lucantes vidi, nec timens tegumento ullo. valebam effugere illorum splendorem; & sepius vidi mulieres pulcherrimas albis induas vestibus. Cum attigi. 14. an. petij connubio jungi, & intra annum, qui præterijt, dum & travelaretur res, & pararentur festa, duxi Principem Dominam: sed inter hæc gaudia non cumulati gaudebat cor meum, & bene jam novi, quid mihi deesset, cum à Domino meo JESU abessem; qui solum cumlata potest gaudia præstare. Incessit cupido, postquam binas ex uore filias susceperam, invisendi Mecham, ut ea omnia spiritualia bona consequerer, quæ illuc euntibus largè impertiri acacis illis, ducibusque cæcorum audiebam; & me præsertim incitabat, quod sapiens intellexeram, qui Mecham non visisset, mortem appetiturum, vel Judæum, vel Christianum, Ne igitur huic periculo subjacerem, illuc

illuc iter destinavi; sed incredibile est, quanta vi Parentes, uxor, Magnates id impedire conati sint: cò genitor devenit, ut mihi omnia negaret ad iter necessaria; sed ego contrà adeo flagrabam desiderio eundè, ut panè ignis esset meo in corde. Tantò hic magis inflammari, & corroborari videbatur, quantò ei aditus erat magis occlusus, adeo ut decernerem absque ulla re iter capessere: sed rogatus, ut per annum saltem differrem, aequitate postulationis flexus veni in hanc sententiam; & interim natus est mihi filius. Demum summa vi obstaculis omnibus superatis, quamvis, ut prius, omnibus inuitis, & sola genitrice mei miseratà itineris viaticum suppeditante, suscepi iter. Pervenì Tunetum; ubi magnificè fui exceptus, ibique fui per plures dies ob maris exagitationem vehementissimè: his diebus vidi noctu dormiens hominem albis indutum, qui me circumducebat variis Tuneti viis. Cui dixi: Quò me vis ducere? Et ille reposuit mihi: in Christianorum regiones, nam Deus vult te ibi mori. Dixi hanc rem variis, qui respondebant mihi, hanc diaboli fuisse impressionem, ut me deviares; & ego revera intra me contemnebam: quomodo namque id futurum, si modò abeam? Et quidem abivi, sed non quò credebam: nam intriduum in naves Melitenses, quæ summa pace in nos impetu facto fecerunt captivos. Non deeras nobis, tum ob navium numerum, tum ob militum experientiam, quomodo resisteremus; sed Dominus voluit, ut non essemus simul, ut non timeremus, & (nescio modum certè) capivi duceremur, sed gloriosa captivitate nulli comparabilis libertati. Ductus fui

Melitam, & nihil ego de me dixi; aliusquis tamen meorum dixit, quis ego essem. Propterea non siverunt me esse utimos est. 40. diebus extra Melitam; sed statim fui oblatas ad magnum Magistrum, & statim conflatus equitum adfuit me interrogantium de Patria, & genere: sed dies mei tunc erant maxime tristes; semper enim eram in luctu, in suspensis, in afflictionibus. Occurrebant Patria, Parentes, uxor, Filij, cognati, charique: displicebat mihi agere cum hostibus Mahumetis, & spem concepì rem meam promovendi in his miseriis, restans labantem Melita apud Turcas Religionem Mahumetis; eram enim ego maxime peritus illarum sacrilegarum nugarum. Scripsi igitur Alcoranos, impugnati Christi veri Domini, Patris mei, & Veri Regis sanctissimam doctrinam. Nunc bene novi, Domine, & scio, te mihi condonasse hac scelera, cum fui lustratus Sacro Christmate. Quinque annis Melita fui semper in his triciis; libertatem querebam, & non erat modus. Regio mea nimium aberat; qui redimeret, non erat nisi Rex Tunetanus, cuius me cura jam intinere fuerat demandata. Sacra Equitum Religio nolebat indicere Redemptionis pretium. Demum facta fuit conventio pro me, ac meo 40. millium scutorum Melitensium, quæ Tunetanus Rex persolvit. Interim Melita videndam se mihi præbuit SS. Mater mea Mater Domini mei IESU Christi, quæ dormienti mihi dixit ter: Te in filium meum accipiam. Expergefactus credidi id futurum post mortem: nam Turca B. Virginem, ut Messia Matrem, non tamen Dei credunt. Scripsi ad Regem Tuneti, ut expectaret me redeuntem, &

iter inde proseguiturum ad Mecham. Respondit, ut proficiscerer: sapius rebus ad iter adornatis reperi difficultates. Demum ad extremum discessurus, cum noctem insomnem transgressum, ante me contuli in cubiculum, ut paulum quiescerem, totus in his cogitationibus. Quid sibi volunt tot impedimenta, tot adversitates, in hisce annis? Aliquid à me quarit Dominus. In his curis obdormiscens, ecce videre mihi videor duo maria, alterum nigerrimum, alterum igneum; & quòd, cum natàsssem nigro, jam advenirem ad igneum; quapropter accerrimè capì inclamare: Adjuva me Domine. Tum in altissimo monte vidi virum, manum porrigentem, inde extrahentem, & in suto ponentem; petij ab eo, ecquisnam esset; ille mihi: ego sum Sanctum Baptisma: ego si tibi desim, nullus hominum saluum te reddere potest: te ideo Deus tot obstaculis in Christianorum finibus distinxit, ut Christianorum albo adscribaris. Sopora excussus, visus mihi repente sum alter homo; negligere Patriam & Parentes, frigere cupiditas abeundi, detestari propositum visenda Mecha; abominari Mahumetem, & solum habere curam de dando Sancta Christianorum Religioni nomine. Accidit id in pervigilio S. Antonij Patavini anno 1656. Ecquis festa, & admirationes equitum, ac Magni Magistri valeat referre? Sed difficile est, gaudia cordis mei exprimere, & quàm dulce sit, Domine, tibi servire, & quàm suavis conversatio tua & verè mandata tua dulciora super mel, & farum. Nihil sonabat in auribus meis tunc acerbius, crudelius, magisque abominandum, quàm iter, quàm Turca, quàm Mahumetes; & Equites illi de

industria fingebant, advenisse, qui me redimeret, gaudentes, cum cernerent, me adeo ab illo mutatum. Sed mihi bellum exortum est inde cum meis antiquis sociis, famulis obtendentibus Fidem demandatam sibi de me; sed largitus erat Dominus constantiam ad longè graviora. Dicebant: Quomodo vives? Nespera à Patria; ne à Rege Tunetano. Sed ego: precariò vivam, & mendicus. Interim à meis derelictus, & rebus omnibus destitutus, adjì, decretum meum cum eo collaturus, Dominum Balian de Mandola, qui audità re abiecit se in terram, deosculans; & gratias agens Deo accepit me ut Filium, & suppeditavit largissimè omnia, edes suas, famulatus, & dominium rerum omnium suarum, duxit me ad Magnum Magistrum: qui dixit mihi: Dominus esto rerum omnium, quæ sunt Melita. Et aliquibus è suis imposuit, ut quacumque vellem, mihi darent, & intervirent. Non petijtamen ab ullo quicquam, assatim desideria praveniente D. Balio. Inde traditus fui P.P. Societatis, ut instruerent me. Fuit assignatus Pater, qui me omnia docuit. Injussit in Patronum peculiarem accipere S. P. Ignatium apud Dominum Deum: accepi, & verè innumera beneficia suscepì. Et ejus die Festo bene instructum, sacrà me aqua tinxerunt in Missa solemnì. Interim domestica persecutiones augmentum non contemnendum fecèro; nam prater eas, quas Melita usque ad mortem sustinebam (nam occidere me volebant) ab uxore mea tenerimam epistolam accepi, quà nuntiabat mihi Patris obitum, & impatientiam, quàm (me ad Regnum vocans, ad quem jure spectabam) me praesolabatur. Sed omnibus

bus restitit, asserens me nihilominus quicquam velle prater Deum; & cogitantibus Equitibus de conferenda mihi Cruce, nihil decernebam, idem perpetuò reiterans. Assignavit Religio 15. scuta Melitensia singulis mensibus, quoad vixero, & ut filium acceptârunt. Dedit mihi juxta ritum enssem, quem ad S. Virginis aram appendi post aliquod tempus in Domo Professæ Adessanensi: ubi habitum indui Clerici, & fui apud PP. in eorum Domo.

XXXIII. Et hic desinit Autor. Ad-
dit autem Pater spiritualis, quæ sequun-
tur. Quorum omnium Fidem maximam
præstat præclarissima ejus vita, omnibus
ornata virtutibus, & quidem adeo emi-
nenter, ut Religiosis, quibuscum vivit,
& adeo parùm profecerunt, uti sum ego,
sic pudoti non exiguo. Ad obedientiæ
signa promptissimus, in Refectorii pœ-
nitentiis frequens, in recreationibus hi-
laris, sed semper de rebus divinis; & il-
lustrationibus adeo vivis, adeo acutis, ut
mirum sit. Sed quod semper præ omni-
bus admiratus sum, est candor, quo agit
cum P. Spiritualis: nihil decernens, quin
ei primùm aperiat, & ab ipso approbe-
tur; ne largum quidem unguem ab ejus
voluntate discedat. Quæ omnia, qui in
tali Viro non admiratur, injuriam infer-
re mihi videtur omnipotenti divinx gra-
tiæ, quæ sua pietate præstet, ut quoti-
die in eius sancto servicio crescat in mille
millia, ut & omnes ejus Fratres. Nam
in Societatem JESU est jam adoptatus,
quam tanto prosequitur amore, ut nemo
possit amare magis.

Postquam in Societatem admissus,
brevis annorum decursu tum in litteris,
tum præcipuè in pietatis studio maxima

sedulitate versatus, jam sapientiâ, ac san-
ctitate publico bono maturus, Sacrum
B. V. Sodalitium servorum in Domo
Professæ Neapolitana, moderandum
suscepit, in quo solerti, non minis in
concionibus, quàm in confessionibus
curâ ingentem animatum fructum exci-
piens, magnum ardentis suæ in proximis
charitatis exhibuit argumentum. Resi-
denti in Portu Navali triremium classi
assiduus aderat: Mahumetanos hic ma-
xima in copia emancipatos convocabat,
quibus tanto rationum pondere, tantâ
spiritus vehementiâ prava Mahumeti
dogmata opponebat, ac refellebat, ut
frequenti horum Maurorum conversio-
ne iratus Avernus, proditorio unius im-
pij Mauri astu, qui deinde fidâ conv-
ersione, doli improbitatem in propriæ sa-
lutis argumentum convertit, venenife-
ram tanto Viro oblatam in flore mor-
tem, ab ipso divini luminis monitu decli-
natam, intentaverit. Pari eventus feli-
citate, sed non minori propriæ vitæ dis-
crimine, Genuæ non paucos hujusmodi
Mauros convertit. Nam cum plurimos
illorum ab errorum tenebris in lucem
Catholicæ veritatis adduxisset; accidit
quadam die, ut, dum in quadam triremi
Genuensi magna circumstante Mauro-
rum caterva concionaretur, Alcoranum
confutaturus extraheret; primo Alcora-
ni aspectu omnes, dimissis in obsequi-
um frontibus, in faciem provolvuntur.
Exarsit tali intuitu Patris Zelus, librum
in terram proiicit, pedibus conculcat,
conterit; diffingit, & vocibus divino
spiritu afflatis in insanum tam perfidi Le-
gislatoris volumen exoneratur. Accen-
dit barbaros Maurorum animos Patris

in Alcoranum contemptus; quem ultro, in ipsum efferrato impetu irruunt, & proculdubio crudeli morte trucidassent, nisi adstantes triremis milites districtis ensibus invadentium Maurorum furorem retudissent. Italiam igitur tot eximii suæ charitatis exemplis illustraverat, grandi animo in spem Africæ conversionis erectus, nulla laborum asperitate detentus, nulla periculorum arduitate dejectus, nulla mortis severa fronte perterritus, omnibus votis ad maiora divinæ gloriæ incrementa anhelans, discessum in Africam Divino Christi Imperio submittendam meditabatur.

Suscipit iter, cui ineunte ætate maxima celeritate se committens ex Italia discedit; in Hispaniam tendens, quò brevi temporis intervallo pervenit, undique in itinere virtutis vestigia imprimens Galliam pervadit. Nobilem non minùs Hispaniæ, quàm Europæ Urbem Matritum petit, ubi tum assidua longi itineris agitatione, tum exstnuante tunc temporis calore concepto, viribus exhaustus, inopino morbo corripitur, qui illico eò excrevit, ut omni salutis spe destitutus ad mortem celeriter properaret. Hæc inter Nobilissimus Aulæ Regiæ Eques, Mauro mancipio comitatus, Patrem invisurus adest. Admittitur, ex-

ceptus ab ægroto ea humanitate, quæ pierati non minùs, quàm nobilitati tanti viri debebatur. Post brevem cum tanto equite discursum de suis in Africam votis, ad Maurum convertitur, quem tanto spiritus fervore alloquutus est, ut omnes adstantes, quantum ipsius zelum mirarentur, tantum Africæ infelicitatem intempestiva tanti viri morte, deplorarent. Nam paulò post inflammatis Cœli defetiis conflagrans, & veluti novus Paulus cupiens dissolvi, & esse cum Christo, sive cum Regio Psalte lætatur, quoddam in domum Domini ibit, totus æquo divinæ voluntatis imperio conformis, ex hac vita discessit, eò magis in posterorum memoria immortalis victurus, quò liberalius vitam in vitidii suæ ætatis flore, immatura morte recidam, in animarum salutem immolavit.

Tam celebris fuit Principis huius fama in Matritensi curia, in qua obiit, ut celeberrimus Poëta Comicus D. Petrus Calderon de la Barca selectissimam de eius conversione, & rebus gestis Comædiam ediderit, sub hoc titulo *Magnus Princeps de Fex, D. Balthasar de Loyola*, quæ ingenti cum plausu à Scenicis sepe in præcipuis Hispaniæ Urbibus representata est.

CAPUT NONUM.

Alia Exempla.

XXXIV. **H**is exemplis aliud adnecto, quod narrat Sanctus Eulogius Episcopus Toletanus, & Martyr

in opere, cui titulus *Memoria Sanctorum*. Refert itaque Sanctus Martyr, eo tempore, quo Hispania Mauris subiecta erat,

erat, juvenem Cordubensem professione Mahumetanum sæpe rogatum esse ab amita Christiana, ut Christianus fieret; ejus autem consanguineos Mahumetanos sollicitè curasse, ut linguam Arabicam addiceret; quod cum ille feliciter præstitisset, legisset Alcoranum, & ex ejus lectione clarè cognovisset, sectam Mahumetanam falsam, & inventionem hominum esse, & idcirco illam ex intimo cordis affectu execratum fuisse; Christianam Religionem cum Baptismo suscepisse, & eam palam professum fuisse, & ob eam causam illustre martyrium subisse à Mauris, qui illum crudeliter trucidarunt, quia cum esset à parente Mahumetano genitus, à Religione parentis discesserat. Additque S. Eulogius, si aliquis Catholicus velit falsitatem sectæ Mahumetanæ clarè deprehendere, nullo alio opus ipsi esse, quam cum sapientioribus Mahumetanorum sermones de Religione miscere, & ab iis interrogare, quid credant: eis enim auditis, quæ ipsorum lex docet, statim cognoscet, illam esse mendacem, & Deo Authore indignam.

XXXV. Sed ut ab exemplis conversionis Maurorum ad alia transeamus: sanè mirabilis modus, quo multi, vel à Judaismo, vel à Gentilismo tracti sunt à Deo ad credendum firmiter, hominem crucifixum esse Deum; & Deum unum in essentia, esse in Personis Trinum, manifestè evincunt Religionis Christianæ veritatem. Talis fuit miraculosa Sauli conversio Act. 9. Eunuchi Candacis Reginae Act. 8. conversio Constantini Imperatoris: conversio Augustini: conversio Aeditui Idolorum; quæ legi-

tur in vita S. Gregorij Taumaturgi: conversio Principis Josaphat à S. Barlaam, quam habes apud S. Joannem Damascenum, & apud P. Petrum de Ribadeneira in extravagantibus. Conversio Pauli de Sancta Maria, qui cum esset Hebræorum Rabbini sapientissimus, legens glossas, quibus perfidi Hebræi contra veritatem Evangelij Sacras Litteras exponunt, agnovit, eas mendacia multa contra sacros libros continere; & sic Talmudi fabulas dimittens, ad Christum accessit, secum ad Baptismum pariter ducens filios; & quia uxori persuadere non potuit, ut ipsum imitaretur, ab ea discedens, factus est Christi Sacerdos, & strenuus Evangelij præco; & inter omnes suæ ætatis homines litteris, & sanctitate excelluit, & Episcopus Burgensis, magnusque Cancellarius Regum Castellæ creatus est, & sapientissimè contra Judæos scripsit ad ann. 1430. Celebris quoque fuit conversio Rabbi Samuelis in secta Judæorum educati, qui cum magno esset præditus ingenio, res suæ sectæ considerans, & veritatem Sacræ Scripturæ contemplans, clarè cognovit cæcitatem, quâ miseri Judæi laborabant, & Christianæ Religionis nomen dedit, validissimisque argumentis è Sacra Scriptura petitis probavit, JESUM Nazarenum, à majoribus suis crucifixum, esse verum Messiam, Judæis promissum, verumque Deum, & hominem, qui mundum à captivitate peccati liberaturus advenit; ut refert Genebradus in Chronol. an. 1200.

XXXVI. Insignis etiam fuit conversio Magistri Andreæ à secta Judæorum; qui cum magno ingenij acumine pol-

polleret, appetere cognovit, falsa & vana
esset suæ sectæ dogmata, & cupiens veri-
tatis semitam agnoscere, per quam
ad æternam felicitatem tenderet, Hie-
rosolymam peregrinationem instituit,
precæque ad Deum fudit, ut mentis
suæ tenebras illuminare dignaretur: &
ea in oratione inspirationem accepit, ut
doctrinam antiquorum Rabbiorum
legeret, qui ante adventum Nazareni
floruerunt. Quod cum opere com-
plevisset, clarè cognovit, eos Sacram
Scripturam exposuisse, sicut eam expo-
nit Evangelium, de Regno scilicet Mes-
siæ, non temporali, sed spiritali,
non de bonis terrenis, sed de spiritali-
bus à Messia adducendis. Quare Chri-
stum in Baptismo induens, peritissimus
fuit Sacræ Scripturæ interpres, eamque
publicè Romæ interpretatus est, ac-
cepto annuo stipendio à Summo Ponti-
fice, qui Judæis præcepto injunxit, ut
eum singulis sabbatis audirent, cum
magno animarum fructu, sapientiorè-
que stupebant viri sapientiam, & in
sacris litteris exponendis peritiam. Et
vitam protraxit usque ad Pontificatum
Sixti Quinti.

XXXVII. Sed maximè eminuit
Romæ conversio Marii Victorini in-

signis Philosophi, & Oratoris præstan-
tissimi, & Romanorum Senatorum
Magistri, quam describit S. Augusti-
nus lib. 8. confess. cap. 2. cujus exem-
plo se quoque arsisse affirmat ardore Fi-
dei suscipiendæ: tanta ille claritudine
apud Romanos Ethnicos floruerat, ut
ex Senatûs-Consulto donari meruerit
statuâ in foro Trajani, ut tradunt Au-
gustinus, & Hieronymus. Hic talis
tantusque vir in senectute à Deo illu-
minatus est, ut cognosceret, Christum,
à Judæis crucifixum, esse verum Deum,
ejusque Crucem libentissimè ample-
xus est. Quis hanc mutationem fecit,
nisi omnipotentia Crucifixi?

XXXVIII. Denique ut alia omit-
tam exempla, Justinus Philosophus,
qui propè tempora Apostolorum flo-
ruit, post tentatas omnium Philoso-
phorum sectas veræ sapientiæ adipi-
scendæ causâ, veram Christianæ Re-
ligionis sapientiam invenit, Christum
crucifixum adorans, ut verum Deum;
& hanc Fidem scripto defendit, & tan-
dem pro illius veritate sanguinem fu-
dit. Martyrioque coronatus est Ro-
mæ, anno Christi

165.

CAPUT DECIMUM.

*Singularis Dei Providentia, quam Auctor expertus est
in Maurorum conversione satis probat, Religionem Christia-
nam esse necessariam ad salutem viam.*

XXXIX. F Ideliter narrabo, quod mi-
hi accidit, circa conver-

sionem Maurorum, ut hoc exemplo
excitati alii Religiosi viri, majori vir-
tute

tute præditi, in Deo totam suam spem collocantes, opus hoc intrepidè aggrediuntur, & publicè ad Mahumetanos conciones habeant; quandoquidem ego, talento & spiritu carens, opus hoc ferè imparatus incæpi, & felicissimum exitum expertus sum.

Incubueram Missioni Granatenfi, anno 1668. tempore Adventûs, & quamvis in illa Civitate plurimi sicut Mahumetani, nunquam mihi occurrit cogitatio, concionem ad illos habendi. Transivimus postea Hispalim, & per quadagesimam in ea Civitate Missionem fecimus, & in aliis urbibus, & oppidis Hispalensis ditionis per verum tempus. Æstatis autem tempore, quando ardentes calores Missiones intermittere cogunt, in Collegium Granatense nos recepimus: cùm autem appropinquaret jam tempus iterum procedendi ad sacras has expeditiones, & quinque vel sex duntaxat superessent dies ante conditum à Collegio egressum, in familiari & Religiosa conversatione post prandium incidit sermo de lege Mahumetana, & tunc R. P. Thomas de Leon, Primarius Theologiz Professor jam emeritus, dixit, se habere librum quendam adversùs Mahumetanam sectam, quem commodatum acceperat ex bibliotheca Dom. Marchionis de Estepa. Pulsavit statim animum cupido, librum illum legendi; petivi, obtinui, & legi, & in compendium redegi. Erat autem liber iste compositus à Joanne Andrea, de quo mentionem fecimus sectione 1. Egressi sumus ad finem mensis Septembris P. Joannes Gabriel Guillem, & ego ad sacras

expeditiones continuandas: cæterùm antequam Malacam contenderemus, invicem separati sumus cum aliis sociis, ille Alhamam, ego Lojam profectus fui; & die Sanctæ Teresiæ Sacro Malacæ convenimus, ubi Illustrissimus, & Reverendissimus Episcopus D. Fr. Alphonsus à S. Thoma nos benignissimè excepit, Missioni Malacensi operam dedimus per aliquot hebdomadas, in cujus decursu accidit conversio Fatimæ, quam suprâ commemoravimus pag. 87. illâ verdè inescatus, sensi cor meum vehementer pulsari desiderio concionandi Mahumetanis. Finita itaque Missione Christianorum, Illustrissimum Episcopum adeo, rem communicaturus: sentio, inquam, in corde meo, Illustrissime Domine, ardens desiderium habendi conciones publicas ad Mahumetanos; & puto, quòd hæc cogitatio à Deo sit; certus sum enim, quòd nihil temporale hic quero, neque lucrum, neque plausum: forsitan Deus hanc cogitationem immisit, quia vult aliquos Mahumetanos hic convertere per hoc medium, vel causam suam magis iustificare, quòd minorem suæ obstinationis in die iudicii excusationem habeant, vel aliquà alium finem suæ gloriæ nobis occultum intendit. Respondet primò Illustrissimus Dominus, multùm se timere, ne in vanum laborarem, quia Barbari isti, inquit, nec attendent, nec intelligunt, quæ dicuntur. Cui ego: probemus, inquam, Illustrissime Domine, experiamur, & quasi periculum faciamus; quia lucrum sperare possumus, damnum timere non possumus; si labor iste non proficit illis ad conversionem,

sionem, mihi proderit ad meritum; ego conciones istas ita disponam, ut, si infidelibus Eidem non persuaserint, fideles in fide confirmet, quæ res in his oris maritimis, in quibus Christiani quotidie à Mauris captivi abducuntur, maxime utilis est; quia his concionibus auditus in fide amplius radicabuntur, & difficilius postea ab illa deficient. Approbavit consilium prudentissimus, & Religiosissimus Princeps; restabat eligendus locus opportunior ad has conciones habendas; non visum est Illustrissimo expediens, ut haberentur in Templo, ne infideles irreverentiam aliquam in Augustissimum Sacramentum ostenderent. Postea tamen experientia docuit, Mahumetanos non se irreverenter gerere in Templo, & ideo Gadibus, Xeræ, in Portu Sanctæ Mariæ, Matriti, & alibi in Templis conciones habuimus. Diu deliberatum est de loco his concionibus apto, & tandem præelectum est Scenicum theatrum; quò incredibili studio confluit civitas ad has conciones audiendas. Eventus monstravit, cogitationem illam concionandi Mauris è Cælo demissam: nam in prima concione quinque infideles publice Baptismum petierunt, & in tabulatum ascenderunt, ad amplectendum concionatorem, & ab illo accipiendum Rosarium Beatæ Virginis, quod in signum desiderii, quo flagrabant, suscipiendi Baptismum, è collo pendulum gestabant. In secunda Baptismum petierunt octo: in tertia decem. Et sic completus est numerus viginti trium, qui solemniter eadem die baptizati sunt, ut diximus supra pag. 61. præter alios

non paucos, qui privatim Baptismum suscepere.

XL. Jam supra dixi, nos cum tribus Sacerdotibus sæcularibus missos ab Illustrissimo Malacensi Episcopo in Ceutam. Antequam illuc è Calpe navigaremus, stetimus in urbe hac per duos, vel tres dies, expectantes navigiū Ceuta mittendum, quo illuc deferremur; in eum namque scopum accensa fuit ræda in vertice montis Calpe, ad cujus radicem Civitas sita est, quo signo movebatur Ceutæ Gubernator, ut navigium transmitteret, quo veheremur. Interim Calpe brevem Missionem consecimus, in qua ego duos sermones habui in foro ad Mahumetanos; in eisqueduo, vel tres conversi sunt. Postmodum cymbam conscendentes in Ceutam navigavimus, quæ à Calpe quinque leucis distat, sine cogitatione in Calpem regrediendi. Finita Missione Ceutica, in scapham altam ascendimus, navigationem versùs Esteponam dirigentes, ad sinistram relinquentes Calpensem Portum. Sed ecce, cùm ad medium freti pervenimus, naulerus nubeculam detegit, quæ ventum contrarium, & tempestatem portendebat; admonuit, ut ad fugiendum naufragii periculum in Calpensem Portum descenderemus: & illico scapham versùs montem Calpem direxit, ut ad ejus radicem navigantes securè portum possemus ingredi. Et ita incolumes eò pervenimus. Petivimus ab Excellentissimo Domino Marchione de la Laguna illius arcis, & urbis Gubernatore, ut nobis suppeditaret equos ad iter faciendum primo mane; instabat enim tem-
pus

pus pergendi Matritum, quod nos vocabat Excellentissimus Marchio de Aytona, qui per litteras rogaverat Illustrissimum Episcopum, ut Patres Missionarios in Curiam Matritensem mitteret, ut ibi tempore quadragesimæ Missionem instituerent, jusserrat tamen Illustrissimus Episcopus, ut per transfirum duo illa suæ Diocesis oppida, ad oram maritimam sita, Esteponam scilicet, & Marvecam Missionem lustraremus: nos autem cupientes jussa ejus adimplere, professionem maturare satagebamus. Jam omnia parata erant ad nos itinere propè accingendos, pluebat tamen incessanter, & nos expectavimus aliquantulum temporis intervalum, ut pluvia quiesceret: & cum non cessaret, nihilominus discessum meditabamur, sed pro sua in nos benignitate Dominus Marchio non permisit, ut illinc abiremus, donec Cælum tantisper serenaretur; cum verò jam meridies appropinquaret, decrevimus, illic ea die remanere. Vix hoc consilium remanendi inivimus, cum subito mutatus est ventus, & ab occidente perfans, nubes dissipavit, & Cælum serenum reddidit. Tunc ad me accedens vir nobilis: non hoc casu, inquit, factum exstimo; dum Paternitates vestre non mutarunt consilium proficiscendi, Cælum faciem non mutavit; nunc verò, quia melius consilium inierunt, hodie hic remanendi, Cælum ipsum se aperire cepit, & serenum factum est: aliquid hic, ut suspicor, intendit Deus; ego ancillam Africanam habeo, quæ mihi dixit, aliquas Mauræ, postquam vestram Paternitatem

concionantem audierunt contra sectam Mahumetanam, aliis jam oculis Christianam Religionem prospicere, & earum cor non parùm illis concionibus emolliitum esse; contingensque proinde esse, ut aliquæ convertantur, si aliam concionem ad Mahumetanos habeat: rogo ergo Paternitatem vestram, ut hoc vespere aliam concionem ad illos habear. Visum nobis est hoc consilium à Deo venire: decrevimus, ut Pater Guillem concionem exhiberet Christianis, & ego per modum tradentis Catechismum, & doctrinam explicantis ante concionem Christianorum, pulpitum conscenderem, & cum Mahumetanis de Religione loquerer. Probavit consilium Dominus Marchio, & voce præconis per vicos & plateas edictum promulgavit, quo jubebat, ut omnes, qui ancillas vel servos Mahumetanos habebant, eos in Ecclesiam adducerent, quartâ post meridiem horâ. Congregata est tota Civitas, & ante concionem Patris Guillem ego de necessitate Christianæ Fidei ad salutem disserui per dimidiam horam, vel tres quadrantes: & ut omnibus clarè pateret, illam pluviam, quæ nos detinuit, à Deo speciali providentia ordinatam fuisse ad conversionem infidelium, quinque fœminæ Mahumetanæ, quæ ad audiendam concionem venerant, alta voce Baptismum in media Ecclesia postulârunt. Quis hic non miretur Divinam Providentiam, quæ homines ad Religionem ita vocat? Signum ergo manifestum est, Religionem Christianâ, ad quam Deus homines ita trahit, esse verâ, & rectâ ad Cælum viam.

Sequenti die, cùm esset jam tempus tranquillum, Capham iterum ascendimus, & versus Esteponam navigavimus, ad cujus oram Patrem Guillem cum uno ex Sacerdotibus secularibus dimittens, navigationem continuavi Marvecam usque, cum aliis duobus, ut sic invicem separati citius Missiones illas absolveremus. Et hìc contigit,

quod suprà pag. 83. narravi de obstinatione Maurorum, qui Marvecæ commorabantur, & facilitate, quâ omnes, qui Esteponæ habitabant, ad Christum conversi sunt. Et Malacacæ regredientes, accepta benedictione ab Illustrissimo Episcopo, ad Missionem Matritensem profecti sumus 2. die Februarii, anni 1670.

CAPUT UNDECIMUM.

Convincitur falsitatis secta Mahumetana ex eo, quòd ponat hominis beatitudinem in delectationibus carnalibus gustûs, & tactûs.

XLI. *Mahumetus in secundo Alcorani capitulo ita habet: Deum predicare, bonos in paradysum inducturum, ubi dulcissimas aquas, pomâque multimoda, fructûsque varios, & decemissimas ac mundissimas mulieres, omnèque bonum in aeternum possidebunt. Rursus capite seu Zorâ 28: Credentes, & benefacientes sua non amittent opera. Illic namque paradysum fontibus amenum, & illic annulos, & torques aureos, & ornatus sericos virides & deauratos possidebunt, & in lectis auleatis accumbent: & hac est maxima merces, & interminabilis. Et rursus Zorâ 47. 48. & 62. paradisi bona enumerat, nempe, mulieres mundas, fructus dulcissimos, aquas limpidissimas, lectos sericos, aulea, pulvinaria, scyphos, pincernas, hortos, viridaria, fontes, &c. Neque hæc mysticè, sed propriè, & corporaliter intelligi voluit, & omnes intelligunt.*

XLII. Joannes Andreas, qui priùs fuit Mahumetanorum Doctor, & Alfaqinus, in suo opere contra Alcoranum cap. 9. affirmat, Mahumetum in Alcorano asserere, Deum creavisse septem paradisos, vel septem Mansiones, quarum singulæ paradysus appellantur; omnèque ex auro, argento, lapidibusque pretiosis constare, multaque ibi esse palatia. Insuper testatur, Mahumetum asserere, paradysum promissum Mauris magnitudine æquare cœlos, & terram. Et meritò à Mahumetanis rogat, ut sibi exponant, ubinam futurus sit iste paradysus, si ejus amplitudo tanta est, quantam continent cœlestes orbes, & terra? Insuper affirmat, Mahumetum ponere in suo illo paradiso fontem quandam nomine *Alcauzar*, qui ipsius Mahumeti peculiaris est, tantæ magnitudinis, ut penes longitudinem & latitudinem septuaginta mille dierum iter contineat, ejusque

ejusque aquam esse lacte candidiorem, & melle dulciorem, totque esse prope fontem illum vasa aurea, pateras, crateres, & scyphos ad hauriendam aquam, quot sunt in cœlo stellæ. Et in medio paradiso arborem ponere tantæ magnitudinis, & proceritatis, quantæ est ipse paradysus, quæ ramos proinde diffundat usque ad paradisi muros; ejusque folia aurea, & argentea esse, & in singulis inscriptum esse nomen Dei, & nomen Mahumeti.

Insuper testatur, Mahumetum in Alcorano asserere, Deum in quadam paradisi Mansionem, quæ appellatur *Genem Alcoduz*, idest paradysus sancti, paraturum Mauris convivium magnum, lautumque epulum, quod Arabicè appellatur *Aldrate Alcoduz*: mensam verò, in qua dapes sunt apponendæ, adamantem esse tantæ molis, ut pènes longitudinem & latitudinē septem mille dierum iter ambiat: dicit præterea, pincernas pulcherrimos, post alios cibos, ad extremū adducturos in mensam singulis convivis singula mala citrea, & ex eis prodituras Virgines pulcherrimas mirè ornatas, & usumquemque Maurorum suam Virginem arctissimè amplexaturum, & per quinquaginta continuos annos hunc amplexum duraturum; post hoc verò tempus Deum ostensurum illis faciem suam, amotis velis, quibus tegitur: postquam verò Dei faciem viderint, abituros ex illa Mansionem paradisi in aliam, ibique per totam æternitatem mansuros cum illis pulcherrimis feminis, ut ex cibo, potu, & mulierum consortio æternam capiant delectationem.

Quis hæc sine risu audire queat? quis non miretur, non stupeat, homines rationis compotes has fabulas, hæc ridicula somnia, ut articulum fidei credere, & tanquam magnum Prophetam venerari Mahumetum, qui talia confixit? Certè Alcoranum ipsum sine alio argumento manifestè probat, legem illam non esse à Deo: & inexcusabiles sunt Mahumetani perspicaces, & ingeniosi, qui hæc legentes, non agnoscunt, has esse fabulas detidiculas, indignaque, ut eis ulla fides adhibeatur.

XLIII. Joannes Andreas, postquā hæc retulit, Mauros irridens, meritò animadvertit, latrinas & cloacas desiderari in illo paradiso, in quo tam splendide epulantur, & bibunt Mauri. Rursusque per jocum ait, feminas Mahumetanas meritò de suo Propheta conqueri posse, quia eis non assignat completam felicitatem in suo paradiso: si enim Virgines illæ, quibus siuentur Mauri, non sunt hujus generationis, ut Mahumetus docet, sed in paradiso de novo creatæ, & ab æterno Mauris præparatæ ad æternam felicitatem, quia sine usu feminarum arbitratur, non posse dari beatitudinem virorum; necessario sequitur, feminas Mahumetanas non fore beatas, sed in æternum miseras, quia carebunt consortio virorum: quia si delectatio venerea necessaria est viris ad beatitudinem, etiam erit necessaria feminis: unde istæ erunt in æternum miserræ, & præ invidia tabescent, animadvertentes, feminas in paradiso creatas frui viris, quibus non inservierunt, se verò post tot labores ab illa felicitate repelli. Quare Mahumetus.

cogitur alterum è duobus dicere, nimirum vel feminas non resurrecturas in corpore femineo, vel non habituras beatitudinem, si in illo resurgant: & utrumque est falsum. Primum quidem, quia cum feminae in corpore femineo sustinuerint dolores, ærumnas, & mortificationes propter Deum, ratio postulat, ut in eodem corpore resurgant, ut ipsummet individuum, ipsemet homo, qui laboravit, præmium recipiat; & ita meritò docent Theologi Christianicum D. Thoma in 4. dist. 44. & 4. contra gent. cap. 88. & planè colligitur ex verbis Christi Joan. 5. *Venit hora, in qua omnes, qui in monumentis sunt, audient vocem ejus, & procedent, qui bona fecerunt, in resurrectionem vitam, qui vero mala egerunt, in resurrectionem judicii.* Ergo femina ipsa, quæ in hac vita per corpus bona opera fecit, eademmet numero resurget, ut præmium in eodem corpore recipiat, in quo laboravit: & similiter de illa, quæ mala opera per corpus exercuit, &c. Unde S. Dionysius lib. de Ecclesiast. Hierar. part. 1. capit. 7. meritò dixit, eos, qui animabus aliorum corporum conjugati tribuunt, *quantum in se est, injuriis afficere corpora, quæ cum sanctis animæque laborarunt, sacris retributionibus privantes, quæ ad finem sanctissimi cursus pervenerunt.* Et ideo Sanctus Job, cap. 19. seipsum, & suam carnem exhortabatur ad laborem, quia in ipsa resurrecturus esset, & visurus suum Redemptorem: *Quem visurus sum ego ipse, & non alius, &c.* Hinc Eximius Doctor P. Suarez tom. 2. in 3. p. disp. 43.

sect. 3. asserit, certum esse ex sententia omnium Theologorum, in resurrectione hominum servandam esse sexuum diversitatem, neque aliquem Catholicum id vertere in dubium, sed solum illos hæreticos, qui humanum corpus organicum negarunt futurum esse in hominibus resurgentibus.

Secundum verò, nempe quòd feminae in alia vita non habituræ sint plenam & veram felicitatem, si in hac vita piè & sanctè vixerunt, est manifestè falsum, & contra Dei justitiam. Cum enim femina possit virum in hac vita excedere in sanctitate, esset contra justitiam, illam fraudare beatitudine, quæ conceditur viro.

Quare convincitur, Mahometum in illo suo paradiso confingendo unicè fuisse intentum in captandam gratiam, & benevolentiam virorum, quia illis indigebat ad bella, quibus regnum sibi parare cogitabat; de felicitate verò feminarum non fuisse sollicitum, quia illis non indigebat ad certamina: unde de illa neque verbum fecit.

XLIV. Docet autem liber *Sana*, qui apud Arabes paritè est autoritatis cum Alcorano, Virgines illas in paradiso retribuendas Mauris, fore adeo pulchras & venustas, ut si aliqua earum se spectandam præberet, & in extrema cœli parte appareret, totum mundum mira claritate illustraret: fore adeo suaves & dulces, ut si aliqua earum in mare salivam regereret, totam aquarum abyssum in aquam dulcissimam, & melleam converteret.

Dubium autem est, an Mahometus in paradiso singulis viris multas feminas assignet ad plenam felicitatem, an singulis singulas duntaxat? S. Petrus Paschasius in suo tractatu contra Mahumetanos, pag. 68. num. 86. ait, unicuique virorum in paradiso assignare ex virginibus valde pulchris & decoris quatuor mille, & ex aliis octo mille. Certè de impurissimo Mahumeto, qui in hac vita contentus non fuit una uxore, sed plurimas simul habuit, credi non debet, quoddam unam duntaxat pro alia vita, ubi gaudia & delectationes debent esse majora, suis promiserit. Joannes Andreas in sua confutatione Alcorani cap. 7. testatur, Mahumetum cum quindecim mulieribus matrimonium contraxisse, & eodem tempore undecim simul uxores habuisse, præter ancillas. Ita enim testatur liber inter Arabes magnæ auctoritatis, cui titulus *Assameyl*, id est de bonis Mahumeti dotibus, & indole. Et liber *Azear*, testatur, quando Mahometus obiit, novem simul uxores ejus viduas remansisse. Qui ergo in hac vita tot uxores habebat præter concubinas, exiguam putaret suam felicitatem, si unam tantum in alia vita esset donandus.

XLV. Hunc paradysum indignum esse creatura rationali, vel ipsi Philosophi Mahumetani cognovère. Siquidem Averroës præstantissimus Philosophus, & Aristotelis commentator, quamvis professione Mahumetanus, fassus est, melius sensisse, & scripisse Aristotelem, quamvis Philosophum Ethnicum, de ultimo fine, & felicitate hominis, quam Mahumetum: nam Aristoteles posuit felicitatem hominis in excellentissima

hominis operatione, nempe in contemplatione Dei: Mahometus verò in abjectiore, & sordidiore, qualis est comedere, & bibere, & feminis uti. Quod nihil aliud est, quam pro paradiso lupanar, & prostibulum constituisse; potiusque appellari deberet paradisus bestiarum, quam hominum. Unde meritò Guilielmus Parisiensis lib. de legibus cap. 19. inquit: *Quid est paradisus iste, nisi taberna indefesse ingurgitationis, & perpetua turpitudinis prostibulum? Et ad finem capitis: Manifestum est, quòd paradisus iste non est nisi volutabrum porcorum, & quòd vociferatio ipsius pecudum est, non hominum.* Avicenna verò vir niagni ingenij, Philosophusque & Medicus insignis lib. 9. de prima Philosophia, felicitatem hominis spiritualesse debere agnoscit, non materialem, & corpoream, qualem posuit Mahometus: *Lex nostra* (inquit) *quam dedit Mahomet, dispositionem felicitatis & miseria, qua sunt secundum corpus, attendit. Sed est alia promissa, qua attenditur intellectus.* Sapientibus verò Theologia multò major cupiditas fuit ad apprehendendam istam, quam corporum, qua quamvis daretur eis, non tamen attenderunt eam, neque in pretio habuerunt in comparatione felicitatis, qua est conjunctio cum veritate. Hæc ille. Quibus verbis satis significavit, felicitatem consistentem in delectationibus sensuum & tactus, non posse esse ultimum finem hominis, qui rationalis est.

XLVI. Maximæ olim inter Philosophos extitère concertationes circa finem hominis, videlicet qua in re consistat hominis beatitudo, quòdque sit sum-

mum ejus bonum. Tres autem hac de re fuerunt sententiæ celebriores. Prima, summum hominis bonum consistere in voluptatibus corporis. Hæc passim tribuitur Epicuro, ejusque sectatoribus. Secunda, summum hominis bonum consistere in virtute, sive in eo, quod est *vivere convenienter naturæ & rationi*. Ita Sroici. Tertia Aristotelis, qui constituit beatitudinem potissimum in perfectissima operatione præstantissimæ facultatis circa præstantissimū objectum, hoc est in contemplatione Dei, & rerum Divinarum, quantum fas est homini.

XLVII. Ex his tribus Philosophorum sententiis prima Epicuri, & sequacium contemnitur à cordatoribus Philosophis; & nihilominus illam sectatus est Mahumetus, & quidem absurdus, quàm Epicurus. Nam iste, licet posuerit felicitatem in voluptate, non tamen in voluptate solius corporis, sed in voluptate corporis, & animi, & utrasque voluit esse moderatas. At Mahumetus in solis voluptatibus corporis, illisque immoderatissimis beatitudinem, & felicitatem hominis collocat. Unde ejus sententia est absurdissima, & contrarium lumen rationis. Cum enim homo sit animal rationale, & ab omnibus brutis differat essentialiter, non potest consistere ejus felicitas, & beatitudo in illis operationibus, quas habet communes cum brutis: delectatio autem, quæ capitur ex cibo & potu, & ex usu Venæris, communis est homini cum brutis: ergo in illa non potest consistere hominis beatitudo.

XLVIII. Hunc bestiarum paradysum multis impugnat Guilielmus. Alvernus.

Episcopus Parisiensis, qui floruit ad ann. 1240. lib. de legibus cap. 19. qui inter alia argumenta, quæ contra illum conficit, arguit ab inconvenienti; quia cum in homine sit pars superior, nempe ratio, quæ semper in hac vita pro virtute pugnat contra rebellionem appetitûs, & pars inferior, nempe appetitus & caro, quæ pugnant contra spiritum, juxta illud Apostoli: caro concupiscit adversus spiritum, & spiritus adversus carnem; esset planè injustitia, portionem inferiore æterna felicitate donare, & partem superiore sine beatitudine relinquere: *Sequeretur (inquit) ex hoc manifesta Dei iniquitas atque perversitas, pars enim ista semper rebellis est in nobis, dum hic vivimus, honestati, & repugnans Dei voluntati. Reliquum verò, quod est in nobis nobile atque precipuum, semper pugnat pro honestate, & pro Dei voluntate contra residuum: hæc igitur esset manifesta Dei iniquitas, quod servientem sibi partem in nobis, & pro eo semper pugnantem, non remuneraret propria felicitate & gloria: hæc verò perversitas, quod inimicam sibi & honestati partem, virtutumque omnium fomitem remuneraret.*

XLIX. D. Thomas, qui paulò post Guilielmum Parisiensem floruit (siquidem natus est anno 1224. & obiit anno 1274.) lib. 4. contra gentes cap. 83. latè probat, post resurrectionem non fore usum ciborum, & venereorum. Evidentissimèque constat, felicitatem atque beatitudinem hominis non posse in illis delectationibus consistere. Quis enim non erubescat, & tanquam contumeliam excipiat, quod ei dicatur: *Tu solum ad comedendum, & bibendum, &*

vacandum delectationibus venereis creatus es. Nulli autem potest esse probrosum, quod ipsi exponatur finis, ad quem conditus est, ergo homo conditus non est ad vilissimum illum finem, bestiarum proprium.

L. Et sanè cùm beatitudo hominis sit res pretiosissima, & margarita maximi valoris, & supellex maximi pretij; & nullus sapiens gemmam pretiosam in theca sordida reponat, quomodo Deus sapientissimus beatitudinem in corpore vili, & non in spiritu nobilissimo collocaret?

Si delectationes venerex, etiam licet, indecentiam quandam habent, & ideo naturâ duce homine latebras querunt ad vacandum generationis operi; quomodo in eis beatitudo hominis consistere potest? Certè de adeptione sui finis, & de potissima suæ felicitatis parte, homo erubescere non potest. Erubescit autem de opere uxorio, ergo in illo nec in toto, nec in parte potest beatitudo hominis consistere. Si camelus & elephas, ut refert Aristoteles lib. 5. de Histor. Anim. cap. 2. latibulum querunt ad coitum, & elephas post coitum iterum absconditur, quasi facti eum pudeat, & mox se abluit, quasi sordes contraxerit; quomodo beatitudo hominis potest in tam pudendo opere consistere?

Si Seneca, cùm esset Philosophus Gentilis, serid dicebat Epist. 65. *Major sum, & ad majora natus, quàm ut corporis delectationes, & gulæ, & Venæri indulgendo.* Si Socrates interrogatus, in quo ipse differret ab aliis hominibus, qui delectationes gustûs immode-

ratè quærebant, respondit: *Alij vivunt, ut edant, ego edo, ut vivam.* Si Horatius lib. 2. Epist. 2. ad Lælium, homini, quem deprimere & humiliare volebat, per opprobrium & contemptum dixit, ipsum ad hoc solum natum esse, ut comederet, *Nos numerus sumus, & fruges consumere nati*: quid isti Philosophi dicerent, si Mahumetum audirent prædicantem, supremam hominis felicitatem consistere in ventris ingluvie & venereis delectationibus? Certè dicerent, illum non hominum, sed pecudum Magistrum appellari debere.

Si Vir nobilis & honestus noller in domo sua filios, vel famulos habere, qui tota die nihil aliud curarent, quàm ventrem cibo & potu onerare, & venereis delectationibus inhiare: quomodo Deus in purissima Empyreï domo ferre posset homines, qui in hoc ipsum unice intenti forent? Profectò cùm homo substantia sit rationalis, intellectiva & volitiva, ejus suprema felicitas & beatitudo debet esse participatio quædam altissima illius beatitudinis, quâ Deus in se beatus, & summè felix est: Deus autem beatus est, quia seipsum contempletur, seipsum amat, & de seipso summè gaudet, nec enim aliquid extra Deum potest esse beatitudo objectiva Dei, seu materia felicitatis Dei: ergo hominis beatitudo debet consistere in altissima Dei contemplatione, & amore, & gaudio de Divinis perfectionibus inde resultante: ergo nequit consistere in delectationibus sensûs & tactûs. Facessat ergo impurissimus ille Mahumeti paradysus, & longè sit ab hominibus rationalibus bestialis illa beatitudo,

LI. O quàm longè est ab hac cæcitate Divina Christi doctrina, qui Matth. 22. Saducæis negantibus resurrectionem, & ab incommodo arguentibus, quia si eadem fœmina successivè nupsisset septem Viris, in resurrectione non posset determinari, cujusnam de septem uxor futura esset; Dominus respondit: *Erratis, nescientes scripturas, & virtutem Dei. In resurrectione enim, nec nubunt, nec nubentur: sed erunt sicut Angeli Dei in Cælo.* Et Luc. 20. *Nec nubunt, nec ducunt uxores, qui digni habentur sæculo illo.* Meritoque dicuntur homines in beatitudine futuri sicut Angeli, quia, cum convenient cum Angelis penes intellectum & voluntatem, quæ sunt potentie spirituales, eorum beatitudo debet consistere in actibus intellectus, & voluntatis, & in delectatione spirituali ex illis actibus resultante. Dubium non est, eò in hac vita quemvis esse perfectiorem, quò magis assimilatur vitæ Beatorum: si ergo perfectio vitæ beatæ consistit in cumulo delectationum carnalium, nimirum in suavium ciborum sumptione, dulcium liquorum haustu, & in venerea delectatione, eò quis in hac vita melior, & perfectior existeret, quò avidius hæc oblectamenta quæsiverit, & plenius affecturus fuerit. Quis autem non videat, hoc esse absurdissimum? O quàm longè fuerunt ab hac sententia, vel ipsi Gentiles solius rationis naturalis ductu! Audiant Mahumetani celebre illud Catonis pronuntiatum, qui dixit, *Si sine uxoribus mundus esse posset, vitam nostram futuram esse, qualis est Deorum Cælestium: quare eas malum esse, sed malum necessarium.*

Quis non videat, creaturæ rationalis perfectionem consistere in imitatione Creatoris, seu in eo, quòd, quantum fas est creaturæ, mores Divinos in se exprimere conetur? Unde Christus aiebat: *estote ergo perfecti, sicut Pater vester cælestis perfectus est.* Idque cognovit Pythagoras Philosophus Gentilis, quando dixit: *Vita finis est Dei assimilatio.* Cum ergo Deus incapax sit delectationum carnalium, cibi, potus & Veneris, nequit hominis beatitudo in illis consistere; eòque perfectius homo Deum imitatur, quò ab illis magis recedit, & magis rebus intelligibilibus & spiritualibus inhzret.

LII. Sed placeat in medium proferre elegantem & dilucidum discursum, quo Pater Lessius lib. I. de summo bono cap. 4. in hunc Mahumeti Paradisum invehitur. Primò. Summum bonum hominis debet esse tale, ut hominem faciat meliorem & perfectiorem: immò debet efficere optimum & perfectissimum. Ideo enim dicitur summum bonum, quia summè perficit, & in summo dignitatis & perfectionis gradu constituit. At voluptas corporis hominem non solum non facit optimum & perfectissimum, sed etiam reddit deteriozem. Nihil enim est, quòd æquè lumen rationis offuscet, ac mores corrumpat, atque voluptas: ut videre est in illis, qui ventri & libidini sunt dediti; nihil enim his stupidius, nihil ad sapientiam & divinam percipiendam ineptius, nihil moribus, & vitâ inquinatius. Idem testantur etiam Ethnici Scriptores: Cic. in Cat. *Divinè Plato escam malorum appellat voluptatem; quòd eà videlicet homines capiunt,*

ut hamo pisces. Et Seneca Epist. 3. *Indulgere voluptati initium omnium malorum est.* Ratio est: quia, cum voluptas mentem excæcet, ut virtutis pulchritudinem, & vitiorum fœditatem non consideret, & ex altera parte suis blanditijs affectum hominis vehementer alliciat, fit, ut nullum sit peccatum, nullum crimen adeo detestabile, in quod hominem non præcipitet.

Secundò, summum bonum priorem hominis partem, nempe mentem, perficere & ornare debet. At voluptas hanc non solùm non perficit, sed illius perfectione, & functionem maximè impedit, ipsamque brutâ & stupidâ reddit.

Tertio, summum bonum facit honore & veneratione dignum, quia summam homini excellentiam confert, & in summo dignitatis gradu constituit; ita ut aliùs conscendere, aut aliquid, quod sublimius sit, obrinere nequeat. Si enim aliquid sublimius posset consequi, hoc ipsum potius esset summum, non illud. Denique maximè elevat hominem supra se, facitque Deo simillimum: at voluptas facit hominem vilem, abjectum & despicibilem; qui enim voluptatibus dediti, passim contemnuntur, tanquam inertes, & gule, Venerisque mancipia. Hinc illud Poëta:

Epicuri de grege porcus.

Facit enim similem porcis, qui ad passum & libidinem abjecti; non Deo, qui longissimè ab omni corporali voluptate & contagione segregatus, contemplatione veritatis, hoc est sui ipsius, delectatur. Itaque voluptas hominem

maximè dedecorat: *Quis hostis* (inquit Seneca) *in quemquam tam contumeliosus fuit, quam in quosdam voluptates suasunt? quorum impotenti, & insana libidini ob hoc unum possis agnoscere, quòd, quæ fecere, patiuntur.*

Quartò, si voluptas esset summum bonum, fas esset illam quærere in omni re, in qua reperitur, & ad eam obtinendam adhiberi possent quæcumque ad hoc opportuna. Itaque licita esset omnis libidinum turpitudine, licitæ comestiones & ebrietates, licita furta, rapina, homicidia, & omnia scelera, per quæ ad voluptates pervenitur: summum enim bonum in omni re, in qua reperiri potest, & omnibus medijs, per quæ obtineri potest, quærere licet. Idem suis moribus confirmant ij, qui in voluptate summum bonum constituent: nullum enim scelus, nullam turpitudinem, si absit merus legum, reculant. Nihil illicitum, aut reculandum, quod summo bono est consentaneum, vel aliquid opis, commodive adferre potest ad illud obtinendum.

Quintò, rursus si voluptas esset summum bonum, vita ista esset expetenda propter cibum, potum & venerea, in quibus consistit illa voluptas, & hæc non propter vitæ conservationem, aut naturæ propagationem, sed propter voluptatem, ordine planè inverso, & naturæ contrario, quæ statuit, ut cibo & potu utamur ad vitæ conservationem, re venerea ad naturæ propagationem. Adjunxit autem his functionibus voluptatem, tanquam eondimentum & illecebram, ne propter molestiam negligantur. Itaque voluptas est propter has func-

functiones; functiones propter vitæ & speciei conservationem.

Sexto denique, qui voluptatem statuit summum bonum, eo ipso suum ventrem statuit sibi Deum, juxta illud Apostoli: *Quorum Deus venter est.* Ratio est, quia illud cuique est Deus, in cujus obsequio & cultu summum bonum suum constituit. Nihil enim agnoscit præstantius, aut quod huic sit præferendum: atqui iste summum bonum suum constituit in obsequio & cultu ventris; servire enim ventri & libidini, est illi summum bonum. Ergo venter est illi Deus. Confirmatur: quia illud cuique est Deus, ad quod omnia sua, etiam suam beatitudinem, ultimò refert & dirigit; ad Deum enim ultimò omnia referenda. Atqui hic omnia sua dirigit, etiam cibum & potum, &c. quorum frutione se putat beatum, ad bonum ventris, ibique sistit: ergo, &c. Talis erat ille Cyclops apud Euripidem in Cyclope, qui dicebat, se Jovem non curare, sed maximum Deorum sibi esse suum ventrem: huic se assidue sacrificare, &c.

LIII. Ex his manifestum est, voluptatem corporis non solum non esse censendam summum bonum, sed potius numerandam in malis, ac proinde sapienti, quò majori conatu poterit, fugiendam. Erri enim per se sit quiddam adiaphorum, tamen tanta mala secum trahit, ut potius in malis, quàm in adiaphoris sit numeranda: nam mentem excæcat, virtutem elidit, in viciâ præcipitat, corpus & animus enervat, naturam humanam dedecorat, molles, inglorios, viles & despicabiles efficit, brutis assimilat. Denique omnes hujus vitæ voluptates sunt

valde imperfectæ, multis sordibus & sceleribus inquinatæ, multis doloribus permixtæ, & pleræque dolorum & molestiarum duntaxat solatia. Voluptas enim edendi, solatium est molestiæ, quam affert fames; bibendi, quam sitis; Veneris, quàm incitatio libidinis: ac proinde pares illæ voluptates sunt voluptati, quàm leprosi & scabiosi, dum scabuntur, sentiunt. Præclare hæc omnia confirmat Architas Tarentinus apud Ciceronem in Catone, cum ait: *Nul- lam capitaliorem pestem, quàm corporis voluptatem, hominibus à natura datam. Hinc patria proditioes, hinc rerum publicarum everisiones, hinc cum hostibus clandestina colloquia nascuntur. Nullum denique scelus, nullum facinus esse, ad quod inscipientium non libido voluptatis impellat. Stupra verò, adulteria, & omne tale flagitium nullis aliis illecebris excitari, nisi voluptatis. Cumque mente nihil sit præstabilius homini à Deo datum, huic Divino muneri nihil esse tam inimicum, quàm voluptatem. Nec enim libidine, dominante temperantia locum esse, nec omnino in voluptatis regno virtutem posse consistere. Quod quò magis intelligi posset, fingere jubebat animo quempiam maxima voluptate incitatum: nemini censebat fore dubium, quin tamdiu, dum ita gauderet, nihil agitare mente, nihil ratione, nihil cogitatione consequi posset: quocirca nil esse tam detestabile, tamque pestiferum, quàm voluptatem. Siquidem ea, cum major esset, atque longinquior, omne anima lumen extingueret. Hæc ille: qua sententia optime ostendit, tantum abesse, ut voluptas sit summum bonum, ut potius sit dicenda summum*

malum, ac pestis quædam naturæ humanæ, cum id, quod optimum est in homine, nempe lumen rationis extinguat, & ad omne malum animos incitet.

LIV. Denique Mahumetanorum sententia etiam multis aliis nominibus est absurda. Vel enim beati post hanc vitam egebunt cibo & potu ad corporis & vitæ sustentationem, vel non egebunt? Si egebunt, non sunt beati, nec immortales, sed corpore sunt labili, quod fame & siti cruciari possit, & dissolvi, sicut in hac vita: illique edendum & bibendum erit, vitæ potius conservandæ causâ, quàm captandæ voluptatis. Si non egebunt, cur illis utentur? An ideo, ne videlicet careant hac voluptate? Ita planè illi sentiunt, quia nihil majus aut dulcius, gulæ ventrisque voluptate, animo concipere possant. Sed comedere, & corpus purum sordibus implere, solius voluptatis causâ, naturâ id minimè postulante, res est absurda, rationi & naturæ adversa. Necessè enim est, hoc totum, cum natura non postulet, verti in sordes & excrementa.

& locum beatorum inmani fœtore compleri. Pari modo, vel erit procreatio post hanc vitam, vel non erit? Si erit, vel proles erunt beatæ, & immortales, & sic crescet numerus beatorum in infinitum; vel non erunt beatæ, sed mortales, ac proinde Cælo exturbandæ, donec beatitudinem mereantur. Si non erit procreatio, quorsum usus Veneris? Solius enim voluptatis causâ uti Venere, brutorum potius est animalium, quæ cum non possint intelligere, in quem finem usus Veneris sic institutus, solam voluptatem apprehendunt, & in illam cæco sectantur impetu, quàm hominum luce rationis præditorum, qui scopum enique operi præfixum spectare, & opus ad eum dirigere debent. Solent Turcæ Christianos per convitium vocare *canes*, sed nullo fundamento, cum Religio, & institutum Christianorum potius sit Angelicum, vel Divinum, quàm caninum. Longè verius & justius ipsi vocari possent *Porci & canes*, quorum limum bonum, sicut porcorum & canum in ventre est, & ijs, quæ sub ventre, nihilque spirituale continent.




LIBER TERTIUS.

*IN QUO EX DICTIS ALCORANI, ET
ex Scripturis Divinis, quas admittit, & ex Divinis
visionibus, & miraculis probatur Divinitas Christi, & Trinitas
Personarum. Ubi etiam apponitur longum colloquium, quod Au-
thor habuit cum arguto Mahumetano: & variis similitudinibus ex-
ponuntur mysterium Incarnationis, & Trinitatis; & docetur, quo-
modo agendum sit cum Infidelibus, qui ob difficultatem mysteriorum
nostra Fidei illam recipere detrectant: & demonstratur, legem
Christi abrogari non potuisse per legem Mahumeti,
quamvis lex Moysis sit abrogata per legem
Christi.*

CAPUT PRIMUM.

*Demonstratur Divinitas Christi ex dictis Alcorani,
ubi Christum appellat Verbum Dei, & ex libris Divinis, qui-
bus Mahumetus jussit haberi Fidem.*

I.  Ahumetus in Alcorano
cap. 1. clarè, & disertè
asserit, *Christum Filium
Maria esse Dei Verbum;*
idque testatur etiam
Georg. Almac. apud Arabes Author
summæ autoritatis, ut vidimus supra,
qui lib. 1. hist. Sarracen. cap. 1. cujus
titulus est: *Primus Muslimorum Im-
perator fuit Mahumet Abulcassimus glo-
riosa memoria*, agens de his, quæ Ma-
humed jussit credere, inquit: *jussit
quoque credere Christum Filium Mariae,
Spiritu Dei esse, & Verbum ejus.*
Muslimorum nomine intelligit Mahu-

metanæ Religionis professores, id est,
Turcas, ut explicat Calepinus, sed
ego suspicor hoc nomine aliud signifi-
cari: nam Legatus Regis Galliæ Con-
stantinopoli degens, qui Alcoranum in
Gallicum idioma convertit, in Prologo
illius operis refert, Turcas seipfos ap-
pellare, *Musulmans*, id est, Deo ad-
dictos, seu in Deo resignatos, vel sal-
vandos.

II. Hoc supposito sic argumentor:
Christus est Dei Verbum; sed Verbum
Dei est Deus, ergo Christus est Deus.
Maj. est expressa doctrina Alcorani.
Min. prob. nam dum Mahumetus dicit,
Chri-

Christum esse Dei Verbum, non loquitur de Verbo externo, & vocali, quo nimirum Deus externè cum hominibus, vel Angelis loquatur, vel formando & articulando voces significativas in aëre, vel infundendo verba interna mentalia, sicut loquutus est cum Prophetis: nam verba hæc, quæ extra Deum sunt, seu per quæ externè Deus loquitur, non sunt substantia aliqua, sed accidens, nec sunt persona, vel suppositum, sed sunt accidentia aliqua, quibus vel homo formaliter intelligit, vel ad intelligendum manuducitur, & excitatur: Christus verò non est accidens, sed substantia: ergo Christus non est Verbum Dei externum. Fuerunt olim Hæretici, quorum meminit Athan. homil. in illud *Missus est Angelus*, &c. quid dicebant, Verbum illud Angeli, quod locutus est B. Virgini in Annuntiatione, esse Incarnatum, & factum Carnem, quam hæsesim ut deliramentum impugnant PP. quia illud Verbum fuit sensibile, in aëre formatum, transitorium, sicut nostrum, & quoddam accidens, quia sonus erat: at Verbum factum Caro, substantia est permanens, & insensibilis; verbæque Evangelistæ hunc errorem convincunt: nam hoc Verbum, quod Caro factum, idem est, quod in principio erat apud Deum, & Deus erat, & per quod omnia facta sunt: Joannes enim de eodem Verbo suam texuit narrationem, & de illo præmisit illa omnia, ut significaret, non incepisse tunc illud Verbum, quod Caro factum est, quando factum est Caro, sed fuisse ab æterno, ac proinde esse

unigenitum, & æternum Dei Filium, qui in tempore suscepit humanitatem, ut in illa pro hominibus pateretur, & per illam homines doceret, ergo certum est, Christum non esse Verbum Dei externum, sed Verbum Dei internum, & mentale. Et confirmatur: nam Verbum externum, vel conceptus mentalis creatus à Deo infusus, non est Apostolus, & Nuntius Dei; quia, esse Apostolum, solum potest convenire personæ. At juxta Alcoranum hæc tria æqualiter competunt Christo, nempe esse Verbum Dei, esse Apostolum, & Nuntium Dei. Ergo sicut nomen Apostoli est nomen personæ, & non accidentis; ita nomen Verbi est nomen personæ: ergo Verbum, quod de Christo prædicatur, non est Verbum externum: ergo est Verbum internum Dei, quod Deus intra se producit; est Verbum per se subsistens, & substantiale. Ergo Christus est Verbum illud æternum, quod Deus intra se producit, dum seipsum, & alia intelligit. Sed Verbum mentale Divinum, quod intra Deum est, Deus est: cum enim Deus sit entitas simplicissima, infinita, & compositionis incipax, quidquid in Deo est, Deus est. Ergo Christus est Deus. Quod ut Mahumetani intelligant, hoc ipsis explicandum est per similitudinem eorum, quæ in nobis inveniuntur. Sanè quoties nos aliquid intelligimus, & penetramus nostro intellectu, formamus intra nos imaginem quandam illius rei, de qua cogitamus, & quam intelligimus. *Quicumque enim intelligit, ex hoc ipso quod intelligit*, (inquit S. Thom. 1. part.

quæst. 27. art. 1.) procedit aliquid intra ipsum, quod est conceptio rei intellecta ex intellectu proveniens, quam quidem Conceptionem vox significat, & dicitur Verbum cordis significatum Verbo oris. Ergo Deus seipsum intelligens, hoc ipso quod seipsum intelligit, producit intra seipsum imaginem sui expressam, & vivam, quæ suum principium representat: quæ imago est partus quidam & conceptio, seu conceptus intellectus divini: & cum sit intra Deum, est Deus. Ergo Christus hoc ipso, quod est Verbum Dei, est Deus.

III. Deinde ex Alcorano. sic argumentor, & ex Scripturis, quas Mahumetus admittit, probō Christi divinitatem. Mahumetus in Alcorano præcipit Muslimis, seu Sarracenis: *Ut libri Moysis, Christi, Apostolorum, aliorumque Prophetarum firmam adhibeant Fidem.* Ut constat ex cap. 1. Alcor. & ex Georg. Almac. Atqui libri Christi, nempe Evangelia, & libri Apostolorum, nempe Epistolæ Apostolorum, Acta Apostolorum, & Apocalypsis, & libri Prophetarum, Christum esse Deum aperte dicant: ergo firmiter credendum est, Christum esse Deum: ac proinde Alcoranum hoc negans non est liber Dei.

Probatue minor ex Evangelio Joannis cap. 1. nam imprimis Evangelium Joannis aperte testatur, Christum esse Deum: sic enim incipit: *In principio erat Verbum, & Verbum erat apud Deum, & Deus erat Verbum; hoc erat in principio, apud Deum, omnia per ipsum facta sunt, & sine ipso factum est nihil.* Ecce Evangelista Joannes aperte dicit, quod in

principio, seu rerum initio, quando Deus mundum condidit, & omnia ex nihilo creavit, jam erat Verbum; aludit enim ad illa Verba Genesis: *In principio creavit Deus Cælum, & terram,* id est, in principio durationis & temporis: ergo planè significat, Verbum Dei non solum esse in Deo nunc, sed quod erat in Deo, antequam mundum conderet, ac proinde significat, Verbum Dei non esse aliquid creatum, quia omne creatum aliquando incipit, ac proinde de nullo creato verificari potest, quod jam erat in principio temporis & durationis, quando Deus mundum condidit. Rursus significat, Verbum Dei esse æternum; illud enim Verbum, quod jam erat, quando Deus mundum condidit, seu quando incipit duratio rerum, non habet initium suæ durationis; de illo enim, quod aliquando habuit initium suæ durationis, verificari non potest, quod jam erat, quando incipit duratio rerum: quod autem non habet initium suæ durationis, æternum est: ergo Verbum illud, de quo Joann. loquitur, æternum est. Sic ipsa sapientia genita, seu Verbum, & Filius Dei dicit Prov. 8. *Dominus possedit me in initio, viarum suarum, antequam quidquam faceret à principio: nondum erant abyssi, & ego jam concepta eram.* Quare idem est, *In principio erat Verbum; ac, antequam principium erat.* Parum enim erat, in principio fuisse, si antea non fuisset: nam & Cælum, & terra in principio erant, sed ante principium non erant, quia in ipso principio creata sunt: & ideo, quod hic simpliciter dicitur:

In principio erat Verbum, in lib. Salomonis explicatur, *Antequam quidquam faceret à principio*. De Verbo hoc æterno subdit, quòd *erat apud Deum*, quia cum Verbum hoc sit productum ab æterno à Deo per actum intelligendi & dicendi, manet in suo principio, nempe in Patre, sicut Verbum mentis, quod producit homo intra se, dum seipsum intelligit, manet in intellectu ipsius producentis; unde duo sequuntur, nempe Verbum esse distinctum personaliter à principio, à quo producit, nempe à Patre, quia cum nemo propriè dicatur esse *apud seipsum*, dum dicitur Verbum esse *apud Deum*, significatur, in Deo esse personam distinctam à Verbo, nempe Patrem, à quo Verbum procedit (ut argumentatur Aug.) & in quo manet, tanquam terminus immanenter productus: rursus sequitur, Verbum esse unum cum Patre in natura, quia hoc ipso, quòd Verbum istud sit intra Deum, est Deus, & ideo subdit Evangelista, *Et Deus erat Verbum*: illud enim Verbum, quòd jam erat, antequam mundus fieret, hoc ipso quòd erat in Deo, erat Deus; & Deus erat illud Verbum; nequit enim Verbum esse Deus, quin Deus sit Verbum, quia identitas debet esse mutua. Subdit, *Quòd omnia per Verbum facta sunt*, ex quo evidenter infertur, quòd Verbum illud non est factum, neque creatura, sed factor, & creator omnium: nihil enim potest facere, & creare seipsum: ergo si omnia per Verbum facta sunt, Verbum non factum, neque creatura est.

IV. Ex ijs evidentè probatur, Christum esse Deum; nam Evangelista per *Verbum* intelligit Christum; quòd pa-

ter, quia de Verbo isto paulò pòst subdit: *In propria venit, & sui eum non receperunt*. Ubi per eos, qui Verbum hoc non receperunt, intelliguntur Judæi, de quibus Mahumetus ipse in Alcorano dicit, ideo à Deo derelictos, quia Jesum eis missum non receperunt. Et patet rursus, quia de Verbo hoc addit: *Et Verbum caro factum est*, id est Verbum hoc indutum est carne, seu Verbum hoc factum est homo: ibi enim nomine carnis intelligitur homo. Sicut Isai. 40. *Videbit omnis caro salutare Dei*. Et Job. 12. *Spiritus universe carnis*. Et Psal. 117. *Domine mihi adiutor, non timebo, quid faciat mihi caro*. Et Psalm. 64. *Qui dat escam omni carni*. Et Luc. 3. *Ad te omnis caro venit*. Frequens est enim in Script. Sac. Hebræorū phrasis, qui per synecdochem nomine carnis totum hominem intelligunt, præsertim cum humiliter ac modicè de illo loquuntur. Dum autem Verbum, quòd est Deus, dicitur *factum homo*, non significatur, naturam Dei transiisse in naturam humanam, quasi per identitatem substantia Verbi sit humanitas: hoc enim est impossibile; sed solum significatur, personam Verbi Divini unitam fuisse cum humanitate, ita ut Verbum, quòd ab æterno habuit naturam Divinam, sibi communicatam à Patre per generationem æternam, in tempore incæperit habere naturam humanam, sibi communicatam à Matre per generationem temporalem: eatenus enim Deus factus est homo, quatenus facta est unio personalis & hypostatica inter hypostasim, seu personam Verbi, & humanitatem miraculosè formatam in utero Virginis sine sem-

femine, & operâ viri. Sicut enim, dum anima rationalis, quæ est purus spiritus, unitur verè & propriè, intrinsecè & intimè corpori, ex animâ & corpore resultat homo; ita dum persona Verbi Divina, verâ & physica unione intimè unita est cum natura humana, ex persona Verbi & humanitate intimè & physicè unitis, resultat Christus, qui est Deus & homo; quia est persona habens naturam Divinam & humanam; Divinam per identitatem, humanam per unionem. Unde cum dicimus, *Deus est homo*, illa propositio non facit hunc sensum, *Deus est natura humana*: sed hunc: *Deus habet naturam humanam sibi hypostaticè, seu personaliter unitam*, sicut cum dicimus, *homo est albus*, non significamus, quod *homo est albedo*, sed quod *homo habet in se intrinsecè albedinem*, quâ afficitur, & à qua denominatur, & in ratione albi constituitur.

V. Addit Evangelista, & habitavit in nobis, tum ut significaret, ideo personam Verbi Divini vestitam fuisse carne in utero Virginis, ut visibiliter posset cum hominibus conversari, & inter illos habitare, sicut dixit Propheta Baruch cap. 3. *Post hæc in terris visus est, & cum hominibus conversatus est*: tum quia volebat significare, se vidisse Verbum carne indutum, & testem illius rei oculatum esse: *Et vidimus gloriam ejus, gloriam, quasi Unigeniti à Patre*; quasi diceret, non ita Verbum factum fuisse carnem, ut ejus majestas penitus obscuraretur, sed potius multis iudiciis ita se prodidisse, ut oculis ipsis videri posset. Ita enim in humanitate assumpta latebat Divinitas, ut per opera mirabilia, quæ per humani-

tatem faciebat, seipsam proderet & manifestaret. Unde gloriam ejus vocat signa Divinitatis, quæ multis in rebus in Christo manifestè apparebant. Et sic etiam Epist. 1. cap. 1. ait: *Quod fuit ab initio, quod vidimus oculis nostris, & manus nostra contrectaverunt de verbo vita, annuntiamus vobis*.

Certum ergo est, Christum esse Deum; nam quæ Joan. in hoc 1. cap. dicit de Verbo Incarnato, seu Christo, verificari nō possent, si ille esset purus homo: nam si esset purus homo, non fuisset ante Mariam Matrem suam, sed ex ea sumpsisset exordium: ac proinde non fuisset in principio, nec omnia per ipsum facta fuissent, sed potius ipse fuisset post creationem Cœli & terræ, & incepisset ultra quinque mille annos post orbem conditum; siquidem juxta Chronologiam, quam sectatur Ecclesia in Martyrologio, Christus natus est anno ab orbe condito 5199. & ut Baronius ait, Ecclesia in hoc computu annorum secuta est sententiam Eusebij, & Chronologiam septuaginta Interpretum. Et hanc esse exactam, & certam, testatur Venerabilis Maria à Jesu, in sua Mystica Civitate Dei part. 2. lib. 3. cap. XI. n. 138.

Et hanc sententiam novissimè acriter tuetur insignis Mathematicus P. Joannes Baptista Ricciolus nostræ Societatis, tom. 1. Chronologiæ reformatæ, impresso ann. 1669. lib. 6. cap. 1. pag. 248. impugnans computum Chronologicum Petavij, Saliani, Tursellini, & aliorum.

Probatur tertio, Ex illis verbis Christi: *Antequam Abraham fieret, ego sum*. Nam si esset purus homo, non potuisset præcedere Abraham, sicut ipse dixit Ju-

dæiz

dzis Joan. 8. v. 58. & quasi juramento affirmavit: *Amen, amen dico vobis, antequam Abraham fieret, ego sum.* Audite Tertullianum probantem Divinitatem Christi ex hoc loco: *Christus cum ex Abraham sit, ante Abraham se esse dicit; mentitur igitur, & fallit, si ante Abraham non fuit, qui ex Abraham fuit.* At non fallit, si etiam Deus est, dum ante Abraham fuit: *Quod nisi fuisset, consequenter, cum ex Abraham fuisset, ante Abraham esse non posset.* Fit igitur hoc dilemma: vel Christus mentitus est, dum dixit, se esse ante Abraham, vel verum dixit. Primum dicere non possunt Mahumetani, qui fatentur, Christum fuisse Prophetam Sanctissimum, & mendacium nunquam dixisse: ergo debent dicere secundum. Atqui secundum nequit esse verum, nisi sit Deus, & simul homo: nam si esset purus homo, unicæque esset ejus nativitas, fuisset 2023. annos natus post Abrahamum; totidem siquidem anni transierunt ex Nativitate Abrahami ad Nativitatem Christi ex utero Mariæ; siquidem Abraham natus est anno 1978. secundum Chronologiam communiorum post creationem mundi: ac proinde fuisset unicæ post Abraham, & non fuisset ante. At cum sit Deus & homo, simul est simpliciter ante Abraham, quia est Deus; Deus verò est ante omnia, & ab æterno: & pariter, quatenus homo, est post Abraham, quia, quatenus homo, natus est ex B. Virgine, descendente ex Abrahamo.

VI. Audite Augustinum deducentem ex hoc loco, Abrahamum fuisse creaturam, Christum verò esse Creatorem. *Appendæ (inquit tract. 43. in Joann.)*

& cognosce mysterium. Antequam Abraham fieret, intellige, fieret ad humanam facturam; sum verò ad Divinam pertinere substantiam. Fieret, quia creatura erat Abraham; non dixit, antequam Abraham esset, sed antequam Abraham fieret, qui nisi per me non fieret, ego sum. Nec hoc dixit, antequam Abraham fieret, ego factus sum. In principio enim Deus fecit Cælum & terram; nam in principio erat Verbum. Sed antequam Abraham fieret, ego sum. Agnoscite Creatorem, discernite creaturam.

VII. Probatur quartò Divinitas Christi: nam Joan. 8. v. 25. Judæi interrogaverunt Christum: *Tu quis es?* Et JESUS respondit: *Principium, qui loquor vobis.* Additque Evangelista: *Et non cognoverunt, quia Patrem ejus dicebat Deum.* Quasi responderet: vos me interrogatis, *Quis ego sum?* Et ego respondeo vobis, quod ego, qui loquor vobis, *Sum Principium*, nimirum per antonomasiam, absolute & simpliciter, & sine addito diminuyente, nimirum principium omnium rerum, quia sum Verbum illud, per quod omnia facta sunt, & sine quo factum est nihil. Ita exponunt August. Ambr. Prosper, Bernardus & Rupertus apud Maldonatum: quasi diceret, non puteris me id solum esse, quod exterius apparet, nempe solum hominem, qui loquor vobis; sum enim præterea Deus & primum principium: *Sum primus & novissimus* (Apoc. 1. 17.) primus, quatenus Deus, novissimus quatenus homo: vel quasi diceret, ut explicant August. & Beda: *Ego sum principium, qui cum hujusmodi sim, tamen eo*

me usque demitto, ut vobiscum loquar. Velut exponunt alij: *Ego loquor vobis, id est, quem loquentem auditis, sum principium, sum Deus, sum Author rerum omnium, quamvis vobiscum humano more loquar.* Ut autem Maldon. explicat, Christi responsio hunc reddit sensum: *Ego sum id, quod vobis à principio loquor, id est, quod jam inde ab initio, quod semper vobis dico, semper dixi vobis, me esse Christum, me esse Filium Dei, ab eo ad liberandos à peccatis homines missum, panem vite, mundi lucem, & cætera, quæ suprâ sepe dixi.*

VIII. Probatur quintò, quia si Christus homo tantùm esset, non posset verificari, quodd esset filius David, & simul Dominus David: cùm enim Christus, quatenus homo, natus sit 1081. annis, postquam David regnare cæpit, non potuit, quatenus homo, esse Dominus David, qui ultra mille annos antea floruit. Atqui ex Divinis litteris constat, Christum esse Filium David, & simul Dominum: primum constat ex Matth. 1. & 2. Reg. 12. *Juravit Dominus David veritatem, & non frustrabitur eum, de fructu ventris tui ponam super sedem tuam.* Secundum constat ex illis verbis Psalm. 109. *Dixit Dominus Domino meo, sede à dextris meis.* Hic enim Davidem loqui de Messia, seu Christo, fatentur Rabini apud Burgenf. 1. part. Scrutinij Scripturarum dist. 9. cap. 9. & tanquam quid manifestum supponebant Pharisæi, cum quibus disputavit Christus, Matth. 22. v. 41. cùm enim ipsos interrogasset, cujus filius futurus erat Christus, promissus in Scripturis, & ipsi respondissent, Davidis: statim eos ob-

mutescere fecit hoc argumento: *Si ergo David vocat eum Dominum, quomodo Filius ejus est?* Cui argumento respondere non potuerunt, quia falsò existimabant, futurum purum hominem: Et planè argumentum convincit, Christum esse Deum & hominem simul, ut ita verificetur, esse Dominum Davidis secundùm naturam Divinam; esse autem ejusdem filium secundùm naturam humanam. Si enim unam duntaxat haberet naturam, non posset simul esse Filius & Dominus Davidis: si esset solùm Deus, esset solùm Davidis Dominus, non verò filius: si esset solùm homo, esset Davidis filius, non autem Dominus: unde ut sit Dominus, & Filius simul, debet esse Deus, & homo simul.

IX. Prob. sextò, quia Christus Apocal. 1. v. 8. de seipso dicit: *Ego sum Alpha & Omega, principium & finis*, absolute scilicet & simpliciter primum principium, & ultimus finis, sicut α & ω , sunt prima & ultima littera Alphabeti Græci, quod de seipso falsò diceret, nisi esset Deus. Solus enim Deus est Alpha & Omega, primum principium & ultimus finis. Quodd Christus sit, qui ibi loquitur, probat Alcazar in eum locum ex Nazianzeno, Athan. Ruffino, Idacio Claro, & Sebadio, Agennensi in Gallia Episcopo. Item probat ex verbis immediate sequentibus: *Dicit Dominus Deus, qui est, & qui erat, & qui venturus est:* Verbum enim *dicit*, designat eum, qui Joanni Apocalypsin misit; hic autem fuit Christus, ut patet ex v. 1. *Apocalypsis Jesu Christi, quam dedit illi Deus, palam facere servis suis, quæ oportet fieri citò, & significavit mittens per Angelum suum servo*

seruo suo Joanni. Et probatur etiam ex verbis immediate antecedentibus, v. 7. Ecce venit cum nubibus, & videbit eum omnis oculus, & qui eum pupugerunt.

X. Prob. 7. ex his, quæ de Christi Conceptione, Nativitate, vitâ, & gestis testatur ipse Mahum. in Alcor. Illa enim satis ostendunt, Christum non solum esse Prophetam, sed plusquam Prophetam; non solum esse Sanctum, sed Sanctum Sanctorum; non solum hominem, sed etiam Deum. In primis enim Matrem habuit Virginem, quæ non operâ viti, sed Spiritûs Sancti operatione ipsum concepit, & sine detrimento suæ Virginitatis peperit, idque multò antea annuntiaverat DEUS per Prophetas, nempe per Isaiam, qui cap. 7. hoc annuntians inquit: *Ecce Virgo concipiet, & pariet Filium, id est Virgo manens concipiet, & pariet: Et vocabitur nomen ejus Emmanuel, quod est interpretatum, Nobiscum Deus.* Ut sinit Math. cap. 1. vers. 23. nam rem tam stupendam, & novam operatus est Deus, ut nobiscum esset, & nobiscum conversaretur visibiliter, naturâ humanâ indutus: quare Virginitas Matris concipientis, & parientis, probat divinitatem Filii; nec enim Deus ulli unquam Prophetarum talem Matrem destinavit, quæ Virgo manens Filium conciperet, & pareret, sed hanc mirabilem nativitatem reservavit Filio suo, ut in mundum veniens carnem sumeret de Virgine Matre; nec enim decebat, ut Filius Dei nasceretur, nisi de Virgine. Unde Augustin. serm. 23. de temp.

Videte miraculum Matris Dominicæ: Virgo concepit, Virgo parturit, Virgo post partum permansit. Dignum enim erat, ut Deo nascente meritum cresceret castitatis, nec per ejus adventum violaretur integritas, qui venerat sanare corrupta, nec per ejus pudicitia corporalis laderetur, per quem donatur castitas spiritualis. Et Ambros. in tract. de symb. Apostolor. cap. 12. Hic ergo unicus in Deitate Filius, in Nativitate etiam carnali, per quam hominem nostrum, ut salvaret, assumpsit, unicui invenitur. Solum enim natus ex Virgine, quæ neque Conceptionem de Virgo, neque corruptionem sensit ex partu. Et S. Leo Pap. serm. 2. de Nativit. cap. 2. Nova autem Nativitate genitus est, conceptus à Virgine, natus ex Virgine sine paternæ carnis concupiscentia, sine maternæ integritatis injuria, quia futurum Hominem Salvatorem talis partus decebat, qui & in se haberet humana substantia Anchorem, & humana carnis inquinamenta nesciret. Et Bernard. serm. 4. de Assumpt. Quæ jam poteris lingua, etiam si Angelica se, dignis extollere laudibus Virginem Matrem, Matrem autem non cujuscumque, sed Dei? Duplex novitas; duplex prerogativa; duplex miraculum: sed dignè prorsus amplissimèque conveniens, nec enim Filius alius Virginem, nec Deus decuit partus alter.

Certè tam ingens miraculum, & nunquam in mundo visum, nisi in Conceptione, & Nativitate Christi, ut fatetur ipse Mahumetus, Deus non faceret, nisi quia Christus non est solum homo, sicut cæteri Prophetæ; & cæ-

teri Sancti, sed est simul Deus. Unde tam stupendum miraculum admiratus, Hierem. cap. 31. v. 22. inquit: *Creavit Dominus novum super terram: Femina circumdabit Virum.* Id est intra uterum gestabit sœrum, qui licet sit ætate, & corpore infans, erit tamen sapientiâ, & intellectu vir, nimirum quia in Christo à primo suæ Conceptionis instanti fuerant omnes Thesauri sapientiæ, & scientiæ Dei. Hæc autem novitas unicè facta est in Nativitate Christi, & non in Nativitate cujuscunque alterius Prophetæ, & Sancti; quia solus Christus est Deus, & homo.

XI. Deinde ex confessione ipsius Mahumeti ad annuociandam Christi Conceptionem mittitur Angelus Gabriel ad Beatam Virginem. Eligitur in ejus Matrem Virgo sine labe culpæ originalis concepta, ut fatetur ipse Mahumetus, qui dixit: *Solum inter filios Adam Mariam non tetigit Satan; ut vidimus supra.* Impletur gratiâ femina, quæ futura erat ejus Mater, & propterea ab Angelo salutatur: *Ave gratia plena, Dominus tecum, benedicta in in mulieribus: ecce concipies, & paries filium, & vocabis nomen ejus Jesum: hic erit magnus, & filius altissimi vocabitur, & dabit illi Dominus Deus sedem David Patris sui, & regnabit in Domo Jacob in æternum, & Regni ejus non erit finis.* Luc. 1. v. 28. & 31. Apparet Pastoribus Angelus, & Christi Nativitatem eis annuntiat: *Nobis tinere, ecce Evangelizo vobis gaudium magnum, quod erit omni populo; quia natus est hodie vobis Salvator, qui est Christus Dominus in Civitate David,*

In ejus Nativitate multitudo Cœlestis canit Deo gloriam dicens: *Gloria in excelsis Deo, & in terra pax hominibus.* Luc. 2. v. 10. & 13. Apparet in oriente stella Regibus, illisque mirabiliter ducit, ut Christum natum adorent: *Eccce Magi ab oriente venerunt Hierosolymam, dicentes, ubi est, qui natus est Rex Judæorum? Vidimus enim Stellam ejus in oriente, & venimus adorare eum.* Matth. 2. v. 2. Assignatur Joannes Baptista, quem Mahumetani, ut Virum Sanctissimum colunt, & in cujus nativitate singulis annis festum celebrant, ut Christi præcursor: *Hic est enim, qui dictus est per Isaiam Prophetam dicentem; vox clamantis in deserto: parate viam Domini, rectas facite semitas ejus.* Matth. 3. v. 3. Luc. 3. v. 4. & cum Joannes tantus esset, tamen de Christo testimonium perhibens, inquit: *Ego quidem aquâ baptizo vos, venit autem fortior me, cujus non sum dignus solvere corrigiam calceamentorum ejus; ipse vos baptizabit in Spiritu Sancto.* Luc. 3. v. 16. & cum præ humilitate non auderet Christum baptizare, tamen Christi verbis obtemperans, ipsum baptizavit in Jordane. Matth. 3. Et postquam Christus ascendit de aqua, vidit Spiritum Sanctum sub specie columbæ super eum descendentem: *Et testimonium perhibuit Joannes dicens: Quia vidi spiritum descendentem quasi columbam de Cælo, & mansit super eum: & ego nesciebam eum.* Sed qui misit me baptizare in aqua, ille mihi dixit: *Super quem videris spiritum descendentem, & manentem super eum, hic est, qui baptizat in Spiritu Sancto.* Et ego

vidi

vidi, & testimonium perhibui, quia hic est Filius Dei. Ecce ô Mahumetani, magnus ille Baptista, quem vos tantopere colitis, de Christo testatur, esse Filium Dei, & illum digito demonstrans, dixit, esse Agnum Dei, qui tollit peccata mundi; tollere autem peccata soli Deo competit: *Vidit Joannes Jesum venientem ad se, & ait: Ecce agnus Dei, ecce qui tollit peccata mundi.* Ubi notandum est cum Chrysostramo, non dixisse, *Ecce qui tollit*, sed de presenti, *qui tollit*: ut significaret, Jesum naturâ suâ habere vim tollendi, & penitus auferendi peccata, ac proinde esse Deum, quia qui naturâ suâ vim habet tollendi peccata, Deum esse necesse est. Sic non dicimus, ignis calefaciet, sed ignis calefacit, ut significemus, naturâ quidem suâ, omni tempore, omni loco, omnem materiam, nisi quid obster, calefacere.

XII. Ultrimò omnia quæ de Christo narrant Evangelistæ, circa ejus Conceptionem, Nativitatem, Magorum adorationem, fugam in Ægyptum, Baptismum, prædicationem, Apostolorum electionem, miraculorum operationem, Passionem, mortem, & Resurrectionem, prænuntiata erant omnia singillatim à Prophetis multis retro sæculis, ut constat ex dictis disput. præcedenti sect. 7. ergo cum Mahumetus in Alcorano fateatur miraculosam Christi Conceptionem, & Nativitatem, Pastorum & Magorum adorationem, testimonium Joannis Baptistæ de ipso, miracula ab ipso facta, & alia hujusmodi; & manifestè constet, hæc omnia fuisse multò antea prænuntiata à

prophetis, cogitur concedere, hunc Prophetam aliquid specialissimum habere, quod in nullo alio reperitur, neque in Moyse, nec in Elia, nec in ullo alio Propheta: quorsum autem tantus miraculorum apparatus erga hunc Prophetam, si esset tantum, sicut unus ex reliquis, id est purus homo?

XIII. Probatur octavò, quia Mahumetus in Alcorano docet, Christum esse Messiam Judæis promissum. Atqui Messias promissus Judæis in veteri testamento futurus erat Deus; ergo Christus est Deus. Major constat ex Alcorano Zorâ 2. quæ est Zora *Humbram*, & Zorâ 3. Idque probat Petrus de Cavalleria linguæ Arabicæ peritus in *Zelo Christi*, fol. 4. num. 19. & 20. ubi notat, in Alcorano Jesum appellari *Iee*, & Messiam appellari Arabicè *Maceh*. Constâtque manifestè, esse inter Arabes articulum fidei, quod Christus est Messias promissus in lege Judæis. Minor, in qua sola est difficultas, probatur i. ex illo Isai. 35. *Deus ipse veniet, & salvabit nos; tunc aperientur oculi cæcorum, & aures surdorum patebunt, tunc saliet sicut cervus claudus, & soluta erit lingua mutorum.* Quæ verba de Christo, & de nullo alio intelligi debent. Perinde enim fuit dicere, Deus ipse veniet, & salvabit nos, ac dicere: ipse per se, & non per legatos veniet. Deus autem per se immediatè non venit ad salvandos homines, nisi quatenus factus est homo, & homo factus salvavit homines. Et negato Mystério Incarnationis Filii Dei, nequit verificari, Deum ipsum per se

venturum, & salvaturum hominem. Ergo Christus est Deus. Et confirmatur, quia si Christus esset purus homo, & purus Dei minister in salute hominum procuranda, & non esset salvator, sed Dei salvatoris merum instrumentum, merusque minister: inde Apostoli à Christo missi in universum mundum ad procurandam hominum salutem, essent comministri Christi, non autem ministri Christi. At constat, Apostolos se Christi ministros, non comministros appellasse, siquidem Paulus I. Corinth. 4. ait: *Sic nos existimet homo, ut ministros Christi, & dispensatores mysteriorum Dei*, planè significans, Christum esse verum hominum salvatorem, & non purum ministrum Dei, sed verum Deum, & mysteria ejus esse mysteria Dei.

XIV. Constatque apertè, Isaiam in illis verbis loqui de Christo: tum quia ipse Christus, cum Joannes Baptista misit Discipulos suos ad ipsum, ut eum interrogarent, an ipse esset Messias in lege promissus, illa verba Isaia de seipso exposuit Matth. 11. v. 3. *Tu es qui venturus es, an alium expectamus?* & respondens Jesus, ait illis: *Euntes renuntiate Joanni, quia audistis, & vidistis: Cæci vident, claudi ambulant, leprosi mundantur, surdi audiunt, mortui resurgunt, &c.* Quæ erant signa, quæ Isaias assignaverat ad dignoscendum Messiam. Tum quia nunquam Deus per ullum Prophetam hæc signa fecit, de quibus loquitur Isaias, nisi per Christum. Nam qui tempore veteris testamenti miracula fecerunt, sunt Moyses, Josue, Elias, Eliseus, & ipse Isaias: nullus autem

eorum fecit ejusmodi signa, quia nullus eorum illuminavit cæcos, surdos, mutos, claudosque sanavit. Tum quia Isaias loquitur de futuro, *Deus*, inquit, *ipse venit*: omnes autem Prophetæ, qui signa aliqua fecerunt, ante Isaiam floruerunt. Ergo de nullo alio Propheta, nisi de Christo, illa verba intelligi possunt. Et propterea ipse Christus Joan. 15. v. 24. dixit: *Si opera non fecissem in eis, quæ nemo alius fecit, peccatum non haberent: nunc autem, & viderunt, & oderunt, & me, & Patrem meum.* Quibus verbis significavit, Judæos esse inexcusabiles, quia videntes in ipso concurrere omnia signa, quæ de Messia futuro prædixerant Prophetæ, nihilominus eum recipere noluerunt, sed persecuti sunt usque ad necem Crucis.

XV. Probatum secundò, Messiam promissum Judæis esse Deum, ex Baruch 3. *Hic est Deus noster, & non astimabitur alius ad eum, hic adinvenit omnem viam disciplina, & tradidit eam Jacob dilecto suo, post hæc in terris visus est, & cum hominibus conversatus est.* Hic de Deo Israël clarissimè agitur; ut probant Cyprianus lib. 2. contra Judæos cap. 5. Ambros. lib. 1. de Fide cap. 2. Augustinus lib. 18. de Civit. cap. 33. Nazianzenus orat. 4. de Theologia, Basilus lib. 4. contra Eunomium, Chrysostomus in oratione, quòd Christus sit Deus, Hilarius lib. 5. de Trinit. & alii. Unde Athanasius lib. de Incarnatione ait, ideo Filium Dei factum esse hominem: *Ut homines ipsi intuentes, ex mirabilibus ejus operibus persuaderent sibi, non duntaxat homi-*

hominem, sed etiam Deum, & veri Dei Verbum ac sapientiam: quemadmodum enim, quæ minimè spectabilis est, ex creationis operibus cognoscitur: sic homo factus, & in corpus receptus ex operibus dignosci potest: Dei esse virtus, & Verbum; non homo (simplex) qui hæc operatur. Et in Epistola ad Antiocheneses, quam Alexandrina Synodus scripsit: Cum reverà Dei esset Filius (inquit) factus est etiam hominis Filius, idem & primogenitus factus est in fratribus. Ideo non alter quidem erat, qui ante Abraham fuit Dei Filius, alter verò, qui post Abraham exiit: alter ille, qui Lazarum excitavit; alter qui de illo sciscitatus est: sed idem planè erat, humano quidem more dicens: ubi Lazarus jacet? Divino autem, hunc à mortuis suscitans.

Quare Propheta loquitur de DEO Israël, qui solus similem non habet, & qui, postquam tradidit disciplinam Israël, id est legem in monte Sina, tandem homo factus in terris visus est, & cum hominibus conversatus est.

XVI. Tertiò, quia Messias promissus erat ad salvandos homines à servitute peccati; ut constat ex dictis disputatione præcedenti, sect. ultima, & redemptione, quam allaturus erat Messias, erat redemptio spiritualis, eripiens homines à potestate diaboli, non corporalis, liberans eos à tyrannide alicujus Principis temporalis. Unde Deus loquens apud Isaiam cap. 49. cum Messia, inquit: Parùm est, ut sis mihi servus ad suscitandas tribus Jacob, & facies Israel convertendas. Ecce dedite in lucem Gentium, ut sis salus mea usque

ad extremum terræ. Quod perinde est, ac si Deus Pater diceret Filio suo incarnato, seu Messia: Non mitto te ad salvandum duntaxat Judæorum nationem, sed totius generis humani redemptorem te constituo, & salvatorem: munus autem salvatoris spiritualis, solius Dei proprium est; salvatio opus est proprium Dei; ut ipse Deus testatur Isai. 43. Ego sum Dominus, & non est absque me salvator. Et cap. 25. Deus iustus, & salvator non est præter me. Et Osee 13. Ego sum Dominus Deus, & salvator non est præter me. Tum sic: sed Christus est verè, & propriè salvator: ergo Christus est verè, & propriè Deus. Minor constat ex Matth. 1. Vocabis nomen ejus Jesum, ipse enim salvum faciet populum suum à peccatis eorum. Et Luc. 2. 11. Angelus dixit pastoribus: Natus est hodie vobis salvator, qui est Christus Dominus. Et Joann. 4. vers. 42. Samaritani post Samaritanæ conversionem factam à Christo, cognoverunt, ipsum esse verum mundi Salvatorem: Scimus, quia hic est verè Salvator mundi. Et Apostolus ad Timum cap. 2. vers. 11. Apparuit gratia Dei Salvatoris nostri erudiens nos, ut abnegantes impietatem, & secularia desideria, sobrie, piè, & juste vivamus in hoc sæculo. Et Petrus Epist. 2. cap. 1. v. 1. Simon Petrus servus, & Apostolus Jesu Christi iis, qui coequali nobiscum sortiti sunt Fidem, in justitia Dei nostri, & Salvatoris Jesu Christi. Et Joann. Epist. 1. cap. 4. v. 14. Et nos vidimus, & testificamur, quoniam Pater misit Filium suum Salvatorem mundi. Hinc Augustinus, serm. 81. de

de tempore: *unigenitus Dei* (inquit) *factus est hominis Filius, ut qui Creator mundi erat, fieret & Redemptor.* Et Ambros. lib. 3. de Fide cap. 2. *Dei enim, ut ille nos redimeret, qui creavit.*

XVII. Quartò, quia Isaias de futuro Messia loquens cap. 45. inquit: *Hac dicit Dominus, labor Ægypti, & negotiatio Æthiopia, & Sabaim, viri sublimes ad te transibunt, & tui erunt; post te ambulabunt, vincti manibus pergent, & te adorabunt, teque deprecabuntur; tantum in te est Deus, & non est absque te Deus: verè tu es Deus absconditus, Deus Israël salvator.* Hæc tam manifestè dicuntur à Domino Deo de Filio suo incarnando, ut Hieronymus in hunc locum scribat, nullum esse effugium à laqueis hujus testimonii.

XVIII. Quintò, idem luculenter docet Isaias cap. 9. nam de Christo loquens inquit: *Parvulus natus est nobis, & Filius datus est nobis: & factus est principatus super humerum ejus; & vocabitur nomen ejus, Admirabilis, Consiliarius, Deus, fortis, pater futuri sæculi, princeps pacis, &c.*

Mitto alia plura testimonia, quia hæc sufficiunt; & ex omnibus concluditur ad hominem contra Mahumerum, Christum esse verum Deum; quia Mahumetus docet, vera esse, quæ Prophetæ scripserunt: ac Prophetæ scribentes de Messia dixerunt, illum futurum esse Deum. Ergo Messias est verus Deus. Sed Mahumerus fatetur, Christum esse Messiam promissum in lege antiqua, & à Prophetis: ex-

go cogitur fateti, Christum esse Deum.

XIX. Probatur præterea, Christum esse Deum omnibus argumentis, quibus disputatione præcedenti ostendimus hanc veritatem. Primò, quia Christus palam dixit, se esse Deum, & in confirmationem hujus doctrinæ mortuos suscitavit, cæcos illuminavit, & alia miracula operatus est. Ergo hæc est veritas certissima. Secundò, quia Judæi eo titulo præcipuè Christum crucifixerunt, quia dixit, se esse Filium Dei naturalem, verumque Deum; & tamen Deus illos propter necem Christo illatam severissimè punivit, & usque modò punit: quod argumentum manifestum est, Christum, dum seipsum appellavit Deum, non blasphemiam dixisse, sed veritatem certissimam. Tertio, quia Deus Christum eo nomine crucifixum, quia Filium Dei se fecit, tertia die suscitavit à mortuis, hoc opere evidenter manifestans, illum vera dixisse. Quartò, quia Apostoli innumerabilibus miraculis mundo persuaserunt rem humanæ sapientiæ penitus incredibilem, nempe hominem crucifixum esse verum Deum. Quintò, quia nisi Christus esset verus Deus, opere complere non potuisset, quod promiserat, dicens: *Tu es Petrus, & super hanc petram adificabo Ecclesiam meam, & porta inferi non prevalebunt adversus eam.* Sextò, quia Christus majora operatus est, postquam à Judæis crucifixus est, quam dum viveret, quod argumentum manifestum est, eum non esse nudum hominem, sed hominem Deum. Septimò, quia Apostoli, innumerabiles

Matth-

Martyres, utriusque sexus, & in omni ætate, constanter, & alacriter in testimonium hujus veritatis atrocissima tormenta passi sunt, & necem acerbissimam; Deusque illos manifestis illustravit miraculis. Oportet, quia Fides falsa veram nequit generare sanctitatem; Fides autem hæc de Divinitate

Crucifixi innumerabiles genuit sanctos. Christi prædicator Mahumetanorum conversioni intentus, enumeret illustriores sanctos, qui in singulis Ecclesiæ sæculis floruerunt, illos præsertim, qui gloriâ miraculorum eminuerunt,

CAPUT SECUNDUM.

Probatur Divinitas Christi, & veritas Religionis Christiana ex notis, & insignibus, quibus dignoscitur, illam esse à Deo.

XX. **S**ANDE in Religione Christiana, tanquam primam basin statuerent, Christum esse Deum & Hominem, mortuum & crucifixum pro salute humani generis, & tertio die resurrexisse à mortuis, atque in Deo dari Trinitatem personarum, tot concurrunt notæ & signa, ut credamus, illam esse à Deo, ut evidenter convincant, illam habere Deum Authorem, & posse ac debere hominem mysteriis ab illa propositis infallibili, & firmissimo assensu credere: notas autem, & signa ex dictis in hac, & antecedenti disputatione breviter hic appendam.

1. Quoddam mysteria nostræ Fidei in Scripturis Sacris spiritu prophetico tot sæculis antè fuerunt, & prænuntiata, & præfigurata.

2. Quoddam à paucis hominibus plebeis, nulla doctrina seculari instructis, solo Spiritu Divino afflatis, doctrina

Fidei mundo sit persuasa, totâ sæculi potentia, & sapientia repugnante.

3. Quoddam infinitis miraculis confirmata.

4. Quoddam pro ea doctrina tot Martyrum myriades libentissimè, & fortissimè omne tormentorum genus subierint, & sanguinem profuderint.

5. Quoddam eadem doctrina à sexdecim nunc sæculis jugiter toto penè orbe viguerit.

6. Quoddam à sapientissimis viris, qui diversis temporibus, vel distinctis locis vixere, summo consensu tradita.

7. Quoddam omnes, qui vel sanctitate vitæ, vel gloriâ miraculorum clari fuerunt, eam sectari sint.

8. Quoddam homines ad pietatem, justitiam, benignitatem, animi fortitudinem, vitæ puritatem, contemptum rerum terrenarum, innocentiam, at-

M

que

que adeo ad omnem virtutem informet & instruat.

9. Quòd nihil à recta ratione alienum contineat.

10. Quòd efficacissima præsidia, & incentiva ad rectè & innocenter vivendum, & ad peccatum vitandum suppeditet.

XXI. Hæc & alia signa & notæ clarè demonstrant, Religionem Christianam esse à Deo datam hominibus, ut in illa suam salutem operentur, & hoc velle de se credi, quod Christi Ecclesia Catholica Romana credendum proponit; & eo modo velle ab hominibus coli, quo illa tradit esse colendum. Cùm enim

evidens sit, unum duntaxat esse Deum, evidens quoque est, unam duntaxat esse veram Fidem & Religionem in mundo: reliquas verò ipsi oppositas, quoad id quod de Deo, & divinis jubent credi, esse falsas. Quod lumine naturæ ductus agnovit Cicero, qui cùm in libris de natura Deorum proposuisset varias Philosophorum opiniones de natura Deorum, & de Fine, ad quem homo conditus est, sic concludit: *Quorum opiniones cùm tam varia sint, tamque inter se dissidentes, alterum fieri profectò potest, ut earum nulla, alterum certe non potest, ut plus unâ vera sit.*

CAPUT TERTIUM.

Iterum ostenditur Divinitas Christi, & pluralitas Personarum in Deo ex ipso Alcorano, & ex Scripturis, quas Mahumetus admittit.

XXII. **M**Ahumetus in suo Alcorano hæreses renovavit, quas Ecclesia Catholica in pluribus Conciliis Generalibus damnaverat, nempe hæresim Artianam, quæ negans intra Deum pluralitatem personarum, negabat consequenter, JESUM Christum Dominum nostrum esse naturalem Dei Filium consubstantialem Patri, consequenter negabat, esse verè & propriè Deum, & in hoc sequebantur Artiani Ebionem, & Cherintum Hæreticos, qui Divinitatem Christi primi negarunt tempore Apostolorum: renovavit quoque hæresim Nestorij, affirmantis, Christum fuisse, & esse hominem Deiserum, id est, in quo Deus moraliter habitavit, non tamen

verum Deum, ac proinde Beatam Virginem non esse appellandam Matrem Dei, sed Matrem Christi, non Theotocon, sed Christotocon, Christum dividens in duos Filios, alterum Dei, alterum Virginis. Hos errores damnaverat Ecclesia in quinque Conciliis Generalibus. 1. Nicæno. 2. Constantinopolitano primo. 3. Ephesino. 4. Calcedonensi. 5. Constantinopolitano secundo. Et post hæc omnia Mahumetus hæc hæresim renovavit.

« Siquidem in Alcorano Zorâ 4. in principio hæc habet: *Hæretici sunt illi, qui dixerunt, quòd Deus est Messias Filius Mariae.* Et Zorâ 1. *Habuit Deus Filium? Absit ab ipso, laudetur ipse, sed omnia*

sunt

sunt sua, qua sunt in Cælo & in terra, omnia sibi subiecta. Et Zorâ 4. negat Trinitatem his verbis: Hæretici sunt illi, qui dicunt; quod Deus est tertius de tribus; intendens per hoc damnare Christianos, qui dicunt, Deum esse Unum & Trinum. Ita refert ex Alcorano D. Petrus de Cavalleria, linguæ Caldaicæ, Arabicæ & Hebraicæ apprime peritus in suo Zelo Christi, fol. 129, quem librum eruditissimis notis illustravit Doctor D. Martinus Alphonſus de Vivaldo, anno Christi 1592. qui in Prologo testatur, se in illo libro glossando tres annos consumpsisse. Et ut testatur Carthusianus lib. 1. art. 2. Mahumetus in Alcorano cap. 19. sic ait: Nihil præter opiniones sequuntur, dicentes Deum sumpsisse Filium, quo nequaquam indignis. An habent rationes hoc demonstraturas? An hoc necessarium Deo imponunt? Et in cap. 12. Sciendum, eos incredulos esse, qui & ESVM Filium Maria Deum esse dicunt. Et iterum: Omnes dicentes Christum, Maria Filium, Deum existere, mendaces inventi sunt, atque increduli, cum Christus ipse dixerit: Filij Israël in Deum vestrum ac meum credite. Cui quicumque socium ac participem posuerit, ignem intrabit perpetuum. Et frequenter asserit, quod Deus non habet Filium sibi æqualem, quia Deus non habuit uxorem: atque, omnes, qui Deum Trinum asserunt in personis, tres Deos affirmare.

XXIII. Hoc supposito probò, Alcoranum librum esse mendacem, & diaboli suggestionem compositum. Primò, quia cum ex ipso constet, Christum esse Verbum Dei, missum à Deo in hunc mundum, sequitur dari in Deo plures personas, nempe personam missam, &

personam mittentem. Nam Verbum Dei Persona Divina est, ut manet probatum suprâ; quia Verbum Dei est conceptus intellectus paterni, & imago Patris intra Deum existens; quia conceptus mentis intra intelligentem est, & verbum seu sermo internus in loquente est. Persona autem Divina nequit seipsam mittere. Unde Augustinus lib. 2. de de Trinitat. cap. 5. dicit: *Quod solus Pater nunquam legitur missus.* Quia neque potest dici missus à seipso, nec à Filio; quia in Divinis Persona, quæ mittitur, debet procedere à mittente. Et ideo Christus Dominus Joan. 8. dicebat: *Non sum ego solus, sed ego, & qui misit me Pater.* Quare ut rectè explicat magnus Christianorum Doctor S. Thomas 1. part. q. 43. art. 1. *Missio Divina Persona convenire potest, secundum quod importat ex una parte processionem originis à mittente, & secundum quod importat ex alia parte novum modum existendi in alio.* Sicut Filius dicitur missus à Patre in mundum, secundum quod incipit in mundo esse per carnem assumptam; & tamen antè in mundo erat, ut dicitur Joan. 1.

XXIV. S. Vincentius Ferrerius Domin. 3. post Pascha serm. 4. narrat, quod cum ipse prædicaret in quadam Synagoga Judæorum, accessit ad eum quidam Mahumetanus, Sarracenorum Alfaqinus, seu Sacerdos, illumque interrogavit, quomodo Deus posset habere Filium? Cui sanctus respondit quadam interrogatione: *Tu credis, Deum esse æternum?* Et cum ille annuisset, subjunxit S. Vincentius: *credisne Deum esse mutum, aut credis eum loqui?* fixū

M 2

habeo,

habeo, inquit, Deum non esse mutum, sed loqui. *Eccē igitur* (reposuit S. Vincentius) Verbum hoc æternum, quod Deus loquitur, & intellectu suo profert; hoc est Verbum, de quo loquitur S. Joannes, quando dicit: *Verbum caro factum est*; & istud Verbum est Filius Dei.

XXV. Sanè cū Mahumetani credant, Deum ab æterno nihil creatum produxisse, quia in principio temporis initium habuit rerum creatio; si concedant, Deum ab æterno loqui, necessariò fateri debent, Deum ab æterno loqui intra se; nam locutio externa importat aliquid creatū, quia repugnat Deū ad extra loqui, quin ad extra aliquid producat. Deus ergo ab æterno ore suo, id est, intellectu suo loquitur: (cū enim Deus non sit substantia corporea, non potest habere os materiale, sed tantū spirituale, nempe intellectum) ergo Deus medio intellectu suo profert Verbum: hoc autem Verbum ab æterno intra Deum existens, Deus est, non minùs quàm Deus sit Persona Divina, hoc Verbum producens. Hoc ergo Verbum æternum est Filius Dei, quia est substantia vivens, quæ Patrem perfectissimè repræsentat.

XXVI. Nunc veniamus ad argumenta petita ex Scriptura. Nam Mahumetus ait, credenda esse, quæ scripsit Moyses, & scripserunt Prophætæ, & credendum esse Evangelio JESU Christi. Argumentor ergo 1. ex Psalm. 2. v. 7. *Dominus dixit ad me, Filius meus es tu, ego hodie genui te.* Certum est, Prophetam loqui non de seipso, sed in persona Christi: nam ut probat Bellarminus, totus hic Psalmus est manifestissima pro-

phetia de Christo; David enim in spiritu prænoscent Messiam venturum, & persecutiones multas adversus eum exorturas, & eum tamen felicissimè regnaturum, incipit ab increpatione persecutorum illis verbis: *Quare fremuerunt gentes, & populi meditati sunt inania? Astiterunt Reges terra, & Principes convenerunt in unum adversus Dominum, & adversus Christum ejus*: & sensus est, frustra Gentiles & Hebræos, tum Principes, tum populos infrenuisse indignatione contra Messiam, & cogitavisse rationem impediendi Regni ejus. Constatque manifestè, Davidem non loqui de seipso, sed de Christo, nam statim post illa verba: *Ego hodie genui te*, addit: *postula à me & dabo tibi gentes hereditatem tuam, & possessionem tuam terminos terra*: quæ de Davide verificari non possunt: verificantur autem ad litteram de Christo, & eorum sententia est apertissima, ac si Deus Pater dicat: quia tu Christe Filius meus es naturalis, & virtute mea incarnatus, & à mortuis suscitatus, jure potes à me petere imperium in omnes gentes, tanquam hereditatem tuam, & omnem terram usque ad ultimos fines ejus, tanquam possessionem tibi debitam. Ipsique Rabbini & Magistri Judæorum, qui floruerunt multis annis ante adventum Christi, fatentur, Davidem non loqui de seipso, sed loqui in persona Christi, ut testatur Paulus de S. Maria, qui prius fuit Rabbini Hebræorum, & postea ad Fidem Christi conversus, fuit Episcopus Borgenfis, & floruit ad ann. 1430. & scripsit doctissimum librum adversus Judæos, in quo probat, Jesum Nazarenum,

renum, quem Judei crucifixerunt, esse Messiam, & Christum promissum per Prophetas, & inter alia argumenta id probat ex ijs verbis Psalmi, 1. part. Scuturini Scriptur. dist. 9. cap. 9. affirmans, Rabbinos ipsos Hebræorum ea exposuisse de Messia venturo.

XXVII. Et Apostoli Christi, quos Mahumetus fatetur fuisse viros sanctos, & vera esse, quæ scripserunt, hunc locum exponunt de Christo, Act. cap. 4. vers. 25. cum enim Petrus in nomine Jesu Nazareni miraculosè curasset hominem claudum, qui sedebat ad portam Templi Salomonis, quæ dicitur speciosa, ut peteret eleemosynam ab introeuntibus in Templum, dicens: *Argentum aut aurum non est mihi; quod autem habeo, hoc tibi do: in nomine JESU surge & ambula.* Et apprehensa manu eius dextera, allevavit eum, & protinus consolidata sunt bases ejus & plantæ, Act. 3. 7. cum hunc hominem, qui annorum erat amplius quadraginta, curasset D. Petrus, magna persecutio contra ipsum suborta est, & contra D. Joannem, qui illum comitabatur, quia prædicabant populo JESUM Nazarenum resurrexisse: ipsi verdè constanter dixerunt Scribis & Phariseis: *Principes populi & seniores audite. Notum sit omnibus vobis, & omni plebi Israël, quia in nomine Domini nostri JESU Christi Nazareni, quem vos crucifixistis, quem Deus suscitavit à mortuis, in hoc iste stat coram vobis sanus.* Et allegabant varia Scripturæ testimonia, ad probandum, JESUM Nazarenum esse Christum in lege promissum: *Et non est (inquiunt) in alio*

aliquo salus. Nec enim aliud nomen est sub Cælo datum hominibus, in quo oporteat nos salvos fieri: & ad probandum, JESUM Nazarenum esse Christum, adduxerunt verba Psalmi, quæ modò citavimus, & cum Deo loquentes dicebant: *Domine, tu es, qui fecisti Cælum & terram, mare & omnia, quæ in eis sunt: qui Spiritu Sancto per os Patris nostri David pueri tui dixisti: Quare fremuerunt gentes, & populi meditati sunt inania? Asisterunt Reges terra & Principes convenerunt in unum, adversus Dominum, & adversus Christum ejus; convenerunt enim verè in Civitate ista adversus sanctulum puerum tuum JESUM, quem unxisti, Herodes & Pilatus, cum Gentibus, & populis Israël, facere, quæ manus tua, & consilium tuum decreverunt fieri.* Ergo Apostoli Spiritu Sancto pleni, quamvis essent ex se rudes piscatores, acceperunt à Deo lucem ad interpretandas Scripturas, & testati sunt, Davidem in illo Psalmo loqui de JESU Nazareno, qui est verus Messias, & verus Christus in lege promissus. Ergo certum est, verba illa: *Dominus dixit ad me, Filius meus es tu, ego hodie genui te*, intelligenda esse de Christo: ergo Christus est Filius naturalis Dei, ab æterno à Patre genitus ex sua substantia. Perinde enim fuit dicere: *Ego hodie genui te*, ac: *ego in die æternitatis genui te*, *Dens Deum*, ut inquit Bellarm. Unde Origenes tom. 1. in Ioannem circa medium, hunc locum exponens inquit: *Manifestè Filij nobilitas declaratur, cum, Filius meus es tu, ego hodie genui te, dicitur ad illum à Deo, cui sen. p. est ho-*

die. Neque enim est vesp̄era Dei, neque mane; sed ipsi dies est hodie, in qua genitus est Filius. Et Augustinus exponens hæc verba, ego hodie genui te, sic habet: Hodie, quia presentiam significat, atque in æternitate neque præteritum quidquam est, quasi esse describit, neque futurum, quasi nondum sit, sed præsens tantum, quia, quidquid æternum est, semper est, divinitus accipitur secundum id dictum, ego hodie genui te, quo sempiternam generationem virtutis & sapientiæ Dei, qui est unigenitus Filius, Fides sincerissima & Catholica prædicat. Et lib. 11. Confess. cap. 13. in fine: Hodiernus tuus, æternitatis, ideo coæternum genuisti, cui dixisti: Ego hodie genui te. Et in Enchir. cap. 49. Ego hodie genui te. non unum illum temporis diem, quo baptizatus est, sed immutabilis æternitatis ostendit, ut illum hominem ad unigeniti personam pertinere monstraret. Vbi enim dies nec hesterni sine inchoatur, nec initio crastini terminatur, semper hodiernus est:

XXVIII. Nec potest locus ille intelligi de filiatione per adoptionem, secundum quam omnes iusti sunt Filij Dei; quia, ut observat Paulus Burgenſis 1. part. scrutinij d. st. 9. cap. 9. *Filium suum in singulari*, quem ipse genuerit, nullibi Deus appellat, nisi Christum; quia nimirum solus Christus est Filius Dei naturalis. Quare illud; *Filius meus es tu*, intelligendum esse de filiatione naturali, efficaciter confirmat D. Tho. 4. contra gent. cap. 7. initio, ex Paulo ad Hebræos 1. ubi volens probare, quod Christus est verus Deus, per quem fecit & sæcula, qui est splendor gloria & figura substantiæ ejus, portansque omnia ver-

bo virtutis sua, purgationem peccatorum faciens; quæ sunt certissima consubstantialis, ac veræ Deitatis indicia: ita argumentatur ex hoc loco: *Cui enim dixis aliquando Angelorum, Filius meus es tu, ego hodie genui te?* Ergo Christus est alia ratione Filius Dei, quam sit quilibet Angelus, etiam sanctissimus: ergo non est Filius adoptivus, sed naturalis & consubstantialis Patri; nam si propter filiationem adoptivam dixisset Pater de Christo, *Filius meus es tu, ego hodie genui te*; etiam posset dicere Michaëli, *Filius meus es tu, ego hodie genui te*. Ergo id dixit propter filiationem naturalem.

XXIX. Argumentor secundò, ex illis verbis Psalmi 109. vers. 4. *Tecum principium in die virtutis tuæ in splendoribus sanctorum; ex utero ante Luciferum genuisti.* In quibus certum est, sermonem esse de Christo; quia de illo loquitur in hoc versu, de quo versu 1. dixerat: *Dixit Dominus Domino meo, sede à dextris meis.* Ut autem inquit Bellarminus in eum Psalmum: certum est, non alium hoc loco Dominum vocari, nisi Messiam, qui fuit Filius David secundum carnem, & Dominus David secundum Divinitatem: totus enim Psalmus id clamat, cum neque Abraham, neque Ezechias (de quibus ridiculè Rabbini cæcorum Indæorum id exponunt) sederint ad dexteram Dei, neque geniti sint ante Luciferum, nec Sacerdotes fuerint secundum ordinem Melchisedech. Quare Iudæi interrogati à Christo Matth. 22. v. 42. quomodo David in spiritu vocet Messiam Dominum suum? non sunt ausi negare, Psalmum intelligendum esse de Messia.

Ex

Ex his verbis probant efficacissimè Patres Christi Divinitatem: quæ verba sic ad litteram explicat Bellarminus: dixerat: *Dominare in medio inimicorum suorum*, quod intelligitur in hoc tempore, dum regnum Christi ab omnibus, oppugnat: declarat nunc, quid erit in novissimo die, quando omnes inimici subiecti erunt, ut scabellum pedum ejus: *Tecum*, inquit, *principium in die virtutis tuae*, id est, tecum erit principatus manifestus, tunc apparebit omnibus, tuum esse regnum, & apud te solum esse verum principatum. *In die virtutis tuae*, in die videlicet novissimo, quando potentia tua Cælum movebit, Cælum obscurabit, terram concutiet, mortuos excitabit, & omnes ad Tribunal tuum adducet. *In splendoribus sanctorum*, id est, quando circumdatus eris sanctis tuis, qui omnes fulgebunt sicut Sol: *Ex utero ante Luciferum genuisse*, id est, ideo tecum erit tantus principatus, quia ego Deus Pater omnipotens genui te, non ex nihilo, ut res creatas, sed ex utero meo, ut Filium verum, connaturalem, & substantialem, *ante Luciferum*, id est, antequam Stellas crearem, ante omnem creaturam, ante omnia sæcula. Hæc est communis expositio Patrum, Hieronymi, Augustini, Chrysostomi, Theodoret, Euthimii.

Quod si placet (inquit Bellarm.) non accipere principium pro principatu, sed simpliciter, pro principio, exponere poterimus: *Tecum principium*, id est tecum est principium omnium rerum, quia tu es in Patre, & Pater in te. Sed prior expositio vide-

tur præferenda, utpote magis conformis textui Hebraico. *Ex utero*. Ex hoc verbo efficacissimè probant Patres Christi Divinitatem: nam si Christus creatura esset, non posset dici genitus ex utero: nemo enim dicit, se genuisse ex utero domum, vel scamnum, vel aliud quidpiam ex arte factum. Nec Deus dixit unquam, se genuisse ex utero cælum, aut terram. Porro per uterum intelligitur essentia Dei secreta, & intima; & quamvis uterus propriè ad matrem, non ad patrem pertineat: rectè tamen Deus Pater dicitur ex utero genuisse, tum ut clariùs ostendatur Filius consubstantialis genitori (clariùs enim Filius est ex substantia Matris, quàm ex substantia Patris) tum quia Deus opus non habuit uxore ad Filium gignendum, & pariendum. Unde dicit Isaia ultimo: *Nunquid ego, qui alios parere facio, non pariam?* *Ante Luciferum*. Hinc significatur æternitas Filii, qui penitus fuit ante Luciferi creationem, ac per hoc ante omnes creaturas. Sed posuit nomen Luciferi, quoniam ipse etiam Filius est quidam Lucifer increatus; est enim lux vera, quæ illuminat omnem hominem, & omnem Angelum.

XXX. Argumentor tertio, ex illis verbis Ecclesiast. 24. *Ego ex ore Altissimi prodixi, primogenita ante omnem creaturam*. Quæ Ambrosius, Cyprianus, Augustinus, & alii Patres communiter exponunt de generatione Verbi, quod est sapientia Divina genita; textus enim expressè loquitur de sapientia increata; ut autem expendit Lyranus: *Non loquitur de sapientia Divi-*

Divina essentialiter dicta, quia has non est generans, nec genita. Nec etiam de substantia quacumque creata, per hoc quod dicitur, ante omnem creaturam. Nam sapientia illa quæ genita est ante omnem creaturam, creatura esse nequit: rursus sapientia illa est per se subsistens, seu sapientia sapiens, idest persona, id enim denotat illud, Ego. Ergo in Deo datur persona generans, & persona genita, sapientia generans, & sapientia genita. Ergo cum nulla persona possit generare seipsam, concluditur dari in Deo plures personas. Ex ore altissimi. Per os Dei intelligitur intellectus fecundus Patris, ex quo procedit Verbum. Cum enim certum sit, Deum non habere os corporale, quo vocaliter loquatur, concluditur, ibi sermonem esse de ore spirituali, quo substantia spiritualis loquitur, nempe de intellectu, quo loquitur, dum Verbum mentale producit. Ergo in Deo datur Verbum substantiale æternum, & increatum, distinctum realiter à Patre.

XXXI. Simile argumentum sumitur à Patribus contra Arianos ex illis verbis Prov. 8. *Nondum erant abyssi, & ego jam concepta eram; ante colles ego parturiebar, quando preparabat celos, aderam, &c. cum eo eram cuncta componens, quæ de sapientia Divina æterna, & genita intelliguntur à Patribus, nempe de Verbo.*

XXXII. Argumentor quartò, ex illis verbis Michæ 5. *Estu Bethleem Ephrata parvulus es in millibus Juda: ex te mihi egredietur, qui sit dominator in Israël. Et egressus ejus ab initio à diebus æternitatis.* Manifestum est enim,

loqui de Christo; & ideo ipsi Judæi Principes Sacerdotum, & Scribæ populi interrogati ab Herode Matth. 2. ubi Christus nasceretur, responderunt, nasciturum in Bethleem. Ex hoc autem textu evincitur, duplicem esse Christi Nativitatem, alteram temporalem, & humanam in Bethleem, alteram sempiternam, & Divinam. Ergo Christus, qui nasciturus dicitur in Bethleem, quatenus homo; est simul Filius naturalis Dei; procedens ab æterno à Patre per spirituales, & intellectualem generationem.

XXXIII. Omisissis aliis pluribus, veniamus ad novum Testamentum, quod Mahumetus admittit, & jubet credi: ex quo manifestè constat, Christum esse verum Deum, ut liquet ex testimoniis allegatis disp. præc. Et nunc probatur 1. ex illo Pauli ad Philipp. 2. *Qui cum in forma Dei esset, non rapinam arbitratus est, esse se aequalem Deo, sed semetipsum exinanivit, formam servi accipiens.* Ubi clarissimè explicatur, Christum esse verum Deum, cum habeat formam, idest naturam Dei, & secundum illam non sit rapinà, sed naturà æqualis Patri. Secundò ex illo Rom. 9. *Ex quibus Christus est secundum carnem, qui est super omnia Deus benedictus.* Cum enim super omnia nihil sit, nisi verus Deus, si Christus est super omnia Deus, sequitur esse verum Deum. Tertio, ex illo 1. Joan. 5. *Ut simus in vero Filio ejus, hic est verus Deus, & vita æterna.* Audi Aug. lib. 1. de Trinit. c. 6. *Et Filius non tantum Deus, sed & verus Deus, quod Johannes aperitissimè in sua Epistola dicit: Sci-*

mus, quia Filius Dei venit, & dedit nobis intellectum; hic est verus Deus, &c. 1. Joan. 5. v. 20. *Audi & Cyrillus l. 12. Theſauri cap. 23. Quid (inquit) dicent Hæretici ad hæc Beati Joannis verba, quibus apertiffimè Deus verus Filius appellatur? Nam si Deus verus est substantialiter, non participatione hoc ipsum est, sicut creatura. Neque Mahumetani respondere poterunt, Christum ab Apostolis appellari Deum, quia erat ejus legatus. Sic enim non esset verus Deus, sed solum Dei minister, & ut inquit S. Irenæus lib. 3. cap. 6. neque Dominus, neque Spiritus Sanctus, neque Apostolicum, qui non esset Deus, definitivè, & absolute Deum nominassent aliquando, nisi esset verus Deus.*

Quare Mahumeto quadrat illud, quod ait S. Joannes Epist. 1. cap. 4. *Omnis Spiritus, qui solvit Jesum, ex Deo non est, & hic est Anti-Christus. Quid est enim, solvere Jesum, nisi dividere Jesum à Deo, dicendo Jesum non esse personam Divinam, sed creatam, non Deum, sed purum hominem? Mahumetus ergo Anti-Christus est, idest spiritum Anti-Christi habuit.*

XXXIV. Denique probatur; quia Christus non dicitur in Evangelio utcumque Filius Dei, sed Filius unigenitus; est ergo Filius naturalis, consubstantialis Patri, & Filius unicus. Ergo non est Filius per adoptionem, quia sic non esset unigenitus. Assumptum probatur ex Joan. 1. *Vidimus gloriam ejus, gloriam quasi unigeniti à Patre.* Et paulò post: *Unigeni-*

tus, qui est in sinu Patris, ipse enarravit. Et cap. 3. *Sic Deus dilexit mundum, ut Filium suum unigenitum daret.* Et paulò post: *Qui non credit, jam judicatus est, quia non credit in nomine unigeniti Filii Dei.* Et 1. Joan. 4. *Filium suum unigenitum misit DEUS in mundum.* Hæc Patres manifestè convincebant Arrianos. Sic Cyrillus lib. 10. Theſauri cap. 4. initio: *Non est unigenitus, nisi qui ita natus est, ut nullos habeat fratres.* Athanasius oratione in illud dictum: *Deus de Deo: Christus ideo unigenitus est, eò quòd nullus alius ex Patre sit genitus.* Et Cyrillus lib. 4. de Trinit. *unigenitus significat id, quod ex natura cujusdam genitum est.* Et lib. 5. Theſauri cap. 5. *Si Filius creatus est, non erit unigenitus, quem multis sequuntur similes; non enim quia primò creatus est, erit unigenitus; nam & Ruben principium factus est filiorum Jacob, nec tamen idcirco unigenitus, aut alienus à natura fratrum suorum.* Igitur Joannes, teste Cyrillo lib. 1. in Joan. cap. 22. *Unigenitum Filium appellavit, & in sinu Patris esse affirmavit, ut ab omni creatura enim dispararet, & ex Patre propriam substantiam habere, & in Patre esse ostenderet.* Denique Chrysost. hom. 14. in Joan. *Evangelista sinu meminit, quo uno verbo multa, substantia cognitionem, propinquitatem, parem Patri cognitionem, potestatem ostendit.* Non enim diversam substantiam in sinu haberet Pater: sed neque ipse anderet, si servus, si ex multitudinem unus esset, in sinu Domini versari. *Vt autem no-*

rat Cyrillus, *Evangelista sinum pro substantia, per similitudinem corporum, quarebus intelligibilibus manifestiora sunt, posuit.* Et sanè cùm Filius hominis ho-

mo debeat esse, & filius equi equus, Filius naturalis, & unigenitus Dei, Deus debet esse. At Christus est Filius naturalis, & unigenitus Dei, ergo est Deus.

CAPUT QUARTUM.

Solvitur crassa quadam obiectio Mahumeti, & exponitur, quo pacto sine uxore propriè Filius Deo conveniat.

XXXV. **Q**ualis est unusquisque, taliter judicat, ut docet Aristoteles: & ut inquit Paulus: *Carnalis homo non percipit ea, quæ sunt spiritus.* Carnalis nimis erat Mahumetus, & ideo non potuit nisi carnalem generationem apprehendere: obicit ergo, Deum non habere Filium, quia uxorem non habet, quæ ei Filium pariat æternum, & sibi consubstantialem. Ita enim loquitur in Alcorano Zorâ s. paulò post medium: *Quomodo Deus haberet Filium, si non habuit uxorem, aut sociam?* Ut testatur *Zelus Christi*, fol. 131. pag. 1. Sed hæc obiectio pinguis, & crassa est, & quæ magis risum moveat, quàm solutionem postulet. Sed tamen res ipsa explicanda est.

XXXVI. Dum auditis Mahumetani, Deum habere Filium, elevare debetis mentes vestras supra faciem omnis creaturæ, præsertim corporeæ. Quia Deus substantia est spiritualis, omnino purissima, simplicissima, molis corporeæ expers; ac proinde essentialiter incapax habendi Filium per generationem corporalem, quæ est propria ani-

malium, quæ corpore constant. Unde generatio Filii, quæ Deo competit, non est carnalis, sed spiritualis, non corporea, sed intellectualis: cùm enim Deus sit substantia spiritualis intellectualis infinitè perfecta, non aliter filium generare potest, quàm per intellectum. Ideoque generat Filium, quia Deus Pater seipsum comprehendens, & in nitidissimo suæ divinæ essentiae speculo seipsum intuens, & contemplans, hac ipsa actione seipsum videndi, & contemplandi producit quandam vivam sui imaginem, cui communicat suam essentiam, suam omnipotentiam, suam sapientiam, & reliqua omnia attributa; & hæc imago viva, & vivens, producta à Patre seipsum intelligente, est Verbum Patris, & simul Filius. Quare idem est, Patrem generare Filium, ac producere intra se Verbum mentale, quo tota perfectio Patris representatur. Illa enim imago representans divinas perfectiones, quam Deus producit, dum seipsum contemplatur in speculo nitidissimo, & pellucido suæ essentiae, est Filius: quia illa imago est per se subsistens,

sistens, est imago substantialis, participans per identitatem essentiam Patris, ac proinde est, *Vivens à vivente, à principio conjuncto in similitudinem naturæ*, quæ est definitio filii.

Id vobis exemplo exponam: Dum quis seipsum intuetur in speculo, ipsa actione se intuendi producit imaginem sui in speculo, quæ ejusdem figuræ est cum homine seipsum intuite, & illi similis. Illa imago in speculo producta non est filius ejus, qui seipsum intuetur, quia est imago mortua, non imago vivens, quia est accidens, non substantia, quia est similitudo, species, effigies, & simulacrum hominis; cæterum non est homo, quia non est quid consistens & permanens, sed statim evanescens. Quod si illa imago resultans in speculo esset verus homo, & substantia vivens, profecto esset verè filius hominis seipsum intuentis; quia si per actionem ipsam videndi communicaret suam substantiam illi imagini, & produceret hominem sibi similem, ut suas perfectiones repræsentaret, sanè per ipsam actionem se videndi generaret sibi filium. Deus ergo Pater, dum seipsum intuetur in cristallino, & purissimo suæ divinæ essentię speculo, producit quandam imaginem perfectissimam sui, producit Verbum: *Quod est, & speculum, & character, & imago Patris, in omnibus Patri similis*: ut loquitur S. Clemens Papa, & Martyr, & Discipulus D. Petri in Epistola ad Jacobum. Hæc autem imago non est mortua, sed viva, non est transiens, sed permanens, non est accidens, sed substantia, non est in hærens, sed per se subsistens; ac

proinde est imago manens intra Deum, quia est partus quidam, & conceptio intellectus; conceptio autem, & partus intellectus intra intelligentem manet; dum enim intelligimus, non producitur aliquid extra nos in exteriori materia, sed intra nos producimus imaginem expressam rei, quam cogitamus: quidquid autem est intra Deum, Deus est, essentiamque Dei habet: ergo Pater Æternus, dum seipsum intelligit, seipsum cogitat, & intuetur, atque contemplatur, producit imaginem substantialem sui, quæ Deus est, non minus quàm Pater producens. Hæc imago est Verbum, & est Filius: immò ut loquitur maximus Christianorum Doctor post Apostolos, in Africa natus, & educatus, & qui in Africa obiit, nempe S. Augustinus lib. 7. de Trinit. cap. 2. *Eo Filius, quo Verbum, & eo Verbum, quo Filius*. Dicitur enim Verbum, quia est similitudo expressa, & producta ad repræsentandum objectum, nempe Patrem, & dicitur Filius, quia est similitudo substantialis, per se subsistens, & ejusdem naturæ cum principio producente.

XXXVII. Id alio exemplo explico: homo, dum seipsum cogitat, & seipsum internè contemplatur, producit intra se quandam imaginem sui, quæ est Verbum mentis: hæc imago est imperfecta, quia est accidens, non substantia, ac proinde est Verbum accidentale, non substantiale, unde hoc Verbum non est filius. At Verbum Divinum, ut inquit Basi. orat. 16. in illud Joan. *In principio erat Verbum: ideo Verbum dicitur, quia est imago genitoris*,

ris, totum in se monstrans genitorem: & quia est imago perfectissima, & substantialis, & per se subsistens, est filius: ut enim inquit S. Aug. lib. 6. de Trinit. cap. 2. *Filius, & imago, quod Filius*, & ut ait S. Anselm. in Monol. cap. 53. *Verbum, mox ut consideratur, se prolem esse ejus, à quo procedit, evidentissimè probat, promptam praeferendo Parentis imaginem.* Unde S. Athan. in Epist. de decret. Nicæn. Syn. *Quemadmodum (inquit) unus est Deus, necessarium quoque est, unam esse ejus imaginem, quæ ipsius est Filius. Si eum imaginem nomines, filium hoc ipso eum esse judicaveris; quid enim simile est Deo, nisi sua ipsius progenies?* Et S. Greg. Nazianz. orat. Theologiæ: *Brevis, & compendiosa, facilisque Paterna natura declaratio est filius; omne enim, quod genitum est, genitorem suum tacita quadam voce definit.* Hinc S. Thom. I. p. q. 27. art. 2. probat, Verbum in Deo esse Filium, *Quia Verbum est conceptio intellectus, Conceptio autem intellectus est similitudo rei intellectæ, & insuper Verbum in Deo est in eadem natura existens.* In nobis Verbum, quod quis format de seipso, non est filius, quia cum in nobis aliud sit intelligere, aliud esse; Verbum, quod homo format de seipso, *Est quidem homo intellectus, seu homo in esse intelligibili, quia est similitudo expressa hominis ipsum representans, non tamen est verus homo, sed aliquod accidens existens in homine.* Cæterum cum in Deo idem sit, intelligere, ac esse, quia Deus per suam substantiam non solum est potens intelligere, sed actu intelligens;

ideo in Deo Verbum mentis, quod format de seipso, est Deus, quia non solum est *Deus intellectus, seu Deus in esse intelligibili*, id est representativo, & Imago Dei, sed est verus Deus, quia habet idem esse, & eandem essentiam cum Deo, quia, quidquid existit in Deo, Deus est. Ac proinde, non solum est Deus intellectus, sed Deus intelligens, non solum Deus in esse representativo, & intelligibili, sed Deus in esse reali.

XXXVIII. Cur autem Verbum mentis appelletur proles, & conceptio, & partus intellectus, explicat optimè idem S. Thom. opusc. 2. seu in compendio Theologiæ cap. 37. ubi probat, ponendum esse Verbum in divinis: *Quia Deus seipsum intelligit, omne autem intellectum in intelligente est; unde oportet, Deum in seipso esse, tanquam intellectum in intelligente; intellectum autem, prout in intelligente, est Verbum quoddam intellectus; hoc enim exteriori voce significamus, quod interius intellectu comprehendimus: sunt enim secundum Philosophum voces signa intellectuum: oportet igitur in Deo ponere Verbum ipsius.* Postquam hoc probavit, subjungit in cap. 38. *Id autem quod in intellectu continetur, ut interius Verbum, ex communi usu loquendi conceptio intellectus dicitur: nam corporaliter quidem aliquid concipi dicitur, quod in utero animalis vivifica virtute formatur, mare agente, & femina patiente, in qua sic conceptio, ita quod ipsum conceptum pertinet ad naturam utriusque, quasi secundum speciem conforme.* *Quod autem intellectus comprehendit, in intellectu for-*

formatur, intelligibili quasi agente & intellectu quasi patiente. Et ipsum, quod intellectum comprehenditur, intra intellectum existens, conforme est, & intelligibili moventi, cuius quadam similitudo est, & intellectui quasi patienti, secundum quod esse intelligibile habet. Unde id, quod intellectum comprehenditur, non immerito conceptio intellectus vocatur. Rursus cap. 39. in hoc differentiam considerat. Nam cum id, quod intellectu concipitur, sit similitudo rei intellecta, ejus speciem representans, quadam proles ipsius esse videtur. Quando igitur intellectus intelligit aliud a se, res intellecta est, sicut pater Verbi in intellectu concepti; ipse autem intellectus magis gerit similitudinem matris, cuius est, ut in ea fiat conceptio. Quando vero intellectus intelligit seipsum, Verbum conceptum comparatur ad intelligentem, sicut proles ad patrem. Cum igitur de Verbo loquamur, secundum quod Deus seipsum intelligit, oportet quod ipsum Verbum comparetur ad Deum, cuius est Verbum, sicut filius ad patrem.

XXXIX. Itaque dum Christiani credimus, Deum habere Filium, credimus, Deum, dum seipsum intelligit, producere Verbum quoddam internum, quod omnes ejus perfectiones perfectissime representat; & credimus, hoc Verbum esse personam distinctam a persona producente, & esse Filium Dei. Unde idem est formalissime, in Deo dari Verbum productum ad exprimendas perfectiones personæ producentis, ac dari in divinis Filium. Sicut ergo certum est, Deum non indigere feminâ, ut intra se producat Verbum mentis; ita certum est, non

indigere feminâ, ut habeat Filium sibi consubstantialem. Et ideo Evangelista Joannes illud Verbum, quod erat in principio, & per quod omnia facta sunt, postea appellat *Unigenitum Dei Filium*, dum ait: *Et Verbum caro factum est, & vidimus gloriam ejus, gloriam quasi unigeniti à Patre.*

Non caret autem mysterio, quod Joannes Filium Æternum Dei voluerit potius explicare nomine Verbi, quam nomine Filij, quamvis re ipsa idem omnino sit Verbum Dei, & Filius naturalis Dei. Ut enim inquit D. Thomas ibidem cap. 40. *Ne aliquis audiens nomen Patris, & Filij, carnalem generationem suspicaretur, secundum quam apud nos Pater dicitur, & Filius, Joannes Evangelista, cui revelata sunt secreta Cœlestia, loco Filij ponit Verbum, ut generationem intelligibilem cognoscamus.*

XL. Rem hanc egregie explicat S. Thom. opusculo tertio; interrogatus enim à Cantore Antiocheno, quomodo respondendum esset Sarracenis irridentibus Christianos, quia dicimus Christum esse Dei Filium, cum Deus uxorem non habeat; respondet cap. 3. *derisibilem esse irrisiorem, quia nos irrident, quia ponimus Christum esse Filium Dei vivi, quasi Deus uxorem habuerit; cum enim carnales sint, non possunt nisi ea, quæ sunt carnis & sanguinis, cogitare, & statim explicat modum, quo Deus sine uxore filium habere potest.*

Quilibet enim sapiens (inquit) considerare potest, quod non est idem generationis modus in omnibus rebus, sed in unaquaque re invenitur generatio secundum proprietatem suæ naturæ. In animalibus

quidem per maris & semina commixtionem, in plantis verò per pillulationem seu generationem, atque in aliis aliter. Demum autem non est carnalis natura, ut feminam requirat, cui commisceatur ad prolis generationem, sed est spiritualis natura, sive intellectualis, immò magis super omnem intellectualem. Est ergo in eo accipienda generatio, secundum quod convenit intellectuali naturæ. Et quamvis intellectus noster ab intellectu divino deficiat, non possumus tamen aliter loqui de intellectu divino, nisi secundum similitudinem eorum, quæ in intellectu nostro invenimus. Est autem intellectus noster aliquando quidem in potentia intelligens, aliquando in actu: quandocumque autem actu intelligit, quoddam intelligibile format, quod est quædam proles ipsius; unde & mentis conceptus nominatur. Et hoc quidem est, quod voce exteriori significatur: unde sicut vox significans, verbum exterius dicitur, ita interior mentis conceptus, verbo exteriori significatus, dicitur verbum intellectus, seu mentis. Hic autem mentis nostra conceptus non est ipsa mentis nostra essentia, sed est quoddam accidens ei, quia nec ipsum intelligere nostrum, est ipsum esse intellectus, aliquis nunquam intellectus esset, quin actu intelligeret. Verbum igitur nostri intellectus secundum quandam similitudinem dici potest, vel conceptus, vel proles; & præcipue cum intellectus seipsum intelligit, in quantum scilicet est quædam similitudo intellectus procedens ab intellectu naturali ejus virtute: sicut & filius habet similitudinem patris, procedens ab ejus generativa virtute. Non tamen proprie Verbum nostri intellectus potest dici proles, vel

filius, quia non est ejusdem naturæ, cujus est intellectus noster. Non autem omne, quod procedit ab aliquo, etiam si sit ei simile, dicitur filius, aliquis imago sui, quam aliquis pingit, proprie filius diceretur; sed ad hoc, quòd sit filius, requiritur, quod procedens ab altero similitudinem habeat ejus, à quo procedit, & sit ejusdem naturæ cum eo.

Quia verò in Deo non est aliud, intelligere, quam suum esse, consequenter neque Verbum, quod in intellectu ejus concipitur, est aliquod accidens, aut aliquid alienum ab ejus natura. sed ex hoc ipso, quòd Verbum est, habet rationem procedentis ab altero: & ut similitudo ejus, cujus est Verbum: hoc enim in Verbo nostro reperitur, sed istud Verbum Dei habet alterius quòd non sit aliquod accidens, nec aliqua pars Dei, qui est simplex, nec aliquid alienum à Divina natura, sed quoddam completum subsistens in natura divina, habens rationem ab altero procedentis: sine hoc enim Verbum intelligi non potest. Hoc autem secundum humanam locutionis consuetudinem nominatur filius, quod procedit ab alio in similitudinem ejus, subsistens in eadem natura cum ipso. Secundum igitur quod divina verbis humanis nominari possunt, Verbum intellectus divini Filium Dei nominamus; Deum verò, cujus est Verbum, nominamus Patrem; processum Verbi dicimus esse generationem filij immaterialem, non autem carnalem, sicut carnales homines subsistantur; est autem aliud, in quo excedit prædicta filij Dei generatio omnem generationem humanam, sive materialem, secundum quam homo ex homine nascitur: sive intelligibilem, secundum quam Verbum

bum accipitur in mente humana. In utraque enim illud, quod per generationem procedit, invenitur posterius tempore eo, à quo procedit. Pater enim non generat statim à principio sui esse, sed oportet, quòd de imperfecto ad statum perfectum veniat, in quo generare possit. Nec iterum statim ut generationi operam dat, filius nascitur, quia carnalis generatio in quadam mutatione consistit, & successione: secundum intellectum etiam non statim à principio homo est aptus ad intelligibiles conceptus formandos, sed postquam ad statum perfectionis venit. Unde non semper actu intelligit, sed potentia est intelligens tantum, & post fit intelligens actu, & iterum desinit actu intelligere, & remanet intelligens in potentia, vel habui tantum. Sic ergo Verbum homine posterius invenitur tempore, & desinit aliquando esse, antequam homo. Impossibile est autem, ista duo Deo convenire, in quo nec imperfectio, nec mutatio locum habet, nec etiam exitus de potentia ad actum, cum sit actus purus, & primus. Verbum ergo Dei coeternum est ipsi Deo. Est autem & aliud, in quo Verbum nostrum differt à Divino: Intellectus enim noster non

simul intelligit omnia, neque unico actu; sed pluribus & diversis, & ideo verba intellectus nostri sunt multa, sed Deus omnia simul intelligit, & unico actu, quia ejus intelligere non potest esse nisi unicum, cum sit sum esse; unde sequitur, quòd in Deo sit unum Verbum tantum. Alterius est consideranda alia differentia, quòd scilicet Verbum intellectus nostri non adequat intellectus virtutem, quia cum aliquid mente concipimus, adhuc possumus alia multa concipere: unde Verbum nostri intellectus imperfectum est, & in eo potest compositio accidere, dum ex multis imperfectis fit unum Verbum perfectum, sicut cum intellectus concipit aliquam enuntiationem, seu definitionem alicujus rei: sed Verbum Divinum adequat virtutem Dei, quia per suam essentiam seipsum intelligit, & omnia alia: unde quanta est essentia, tantum est Verbum, quòd concipit, per essentiam suam, se, & omnia alia intelligendo. Est ergo perfectum, simplex, & æquale Deo, & hoc Verbum Dei Filium nominamus ratione jam dicta, quòd ejusdem naturæ, cum Patre, & Patri coeternum, Unigenitum, & perfectum confitemur.

CAPUT QUINTUM.

Cur Evangelista non dixit, Verbum homo, sed

*Verbum caro factum est: ubi refutantur varia Hæreses
contraria mysterio Incarnationis.*

XLI. PRIUS explicanda sunt verba illa: *Et verbum caro factum est.* Particula illa, *Et*, denotat illud ipsum Verbum, de quo paulò antè dixerat, *In*

principio erat Verbum, & Verbum erat apud Deum, &c. factum esse carnem. Caro autem ibi, ut suprà ostendimus, pro toto homine sumitur, ut idem sit,

ac:

ac: *Verbum factum est homo*; frequens enim figura est, ut pater pro toto accipiat, & sic sæpe accipitur in scriptura caro pro homine, ut Genes. 8. *Omnis caro corrumpet viam suam.* Et Isai. 40. *Videbit omnis caro salutare Dei.* Et Rom. 3. *Ex operibus legis non justificabitur omnis caro.* Ut autem notat Cyrillus lib. 1. in Joan. cap. 15. Non dixit Evangelista, *Verbum venit in carnem*, ne sic Verbum esse in Christo intelligeremus, sicut est in Prophetis & iustis. In hos enim per lumen prophetiæ, aut per gratiam venisse dicitur: sed dixit, *Verbum caro factum est*, ut significaret, unionem physicam & realem factam esse inter personam Verbi, & naturam humanam, ita ut inciperet in tempore esse homo, qui semper est Deus: & denotaret, in Christo convenire duplicem naturam, divinam & humanam, in eandem personam, ita ut Deus sit homo, & homo sit Deus, id est, eadem persona sit habens naturam divinam & humanam.

In illis tamen verbis impeerunt Hæretici. Nam in primis Arius, ut testatur Ambr. lib. de Incarn. Domin. Sacram. cap. 7. asserbat, Verbum carnem solam assumpsisse, & in Christo Verbum esse loco animæ. Verum Hæresis hæc, præterquam quod in multis Conciliis Oecumenicis est damnata, & in symbolo Athanasij reprobatur, falsitatis convincitur ex illis verbis Christi Joann. 12. *Anima mea turbata est.* Et Matth. 27. *Tristis est anima mea.* Turbatio enim, & tristitia nequit convenire Christo ratione Verbi, quod incapax est tristitiæ; debet ergo convenire ratione animæ creatæ vivificantis carnem, nam

caro capax non est tristitiæ & doloris, nisi informetur animâ. Deinde cum Verbum assumpserit naturam nostram, ut eam sanaret, eam præcipue debuit assumere partem, quæ plus indigebat sanitate; hæc autem est anima rationalis, quæ initium fuit peccati, & in qua peccatum immediate existit. Præterea Apollinaris impugnatus à Nazianzeno Episc. 1. ad Clidon. sciens, carnem propriè dici non posse, nisi sit animata, concedebat quidem, Verbum assumpsisse carnem animatam animâ sensitivâ, non tamen animatam animâ rationali, ac proinde dicebat, Verbum assumpsisse animam sensitivam, non rationalem. Hæc etiam Hæresis in multis Conciliis damnata, manifestè impugnatur ex illis verbis Ioan. cap. 23. *In manus tuas Domine commendo spiritum meum*, ex quibus constat, Christum habuisse spiritum, id est animam rationalem, quem emisisse dicit Evangelista, dum expiravit, Matth. 27. v. 50. *IESVS autem iterum clamans voce magna, emisit spiritum.* Et ratio facta contra Arium, hanc etiam Hæresim jugulat. Et utraque apertè rejicitur; quia de fide est, Christum esse hominem, & Filium hominis, ut constat ex illis verbis Pauli Roman. 5. *Gratia unius hominis IESV Christi in plures abundavit.* Et ex illis 1. ad Corinth. 15. *Primus homo de terra terrestris, secundus homo de Cælo Cælestis: & per hominem mors, & per hominem resurrectio mortuorum*; ex qua comparatione liquet, Christum verè & propriè esse hominem, similem Adamo quoad omnem perfectionem & proprietatem naturalem. Non foret autem homo, si non hab-

haberet animam rationalem; quia homo essentialiter est animal rationale, Habet ergo animam rationalem, quæ simul est sensitiva, & munus etiam vegetativæ exercet in vita mortali.

XLII. Hoc supposito inquirimus, cur Evangelista dixerit, *Verbum caro factum est*: nec enim existimandum est, carere mysterio, quoddam ita loquatur, cum potuerit facilius, & non oblatâ occasione errandi Atrio, & Valentino, dicere: *Verbum homo factum est*. Varias rationes assignant Patres, & Doctores, quas referre expedit, ut Christi minister possit plenius mysterium Incarnationis explicare.

Cyrillus lib. 1. in Joann. cap. 15. ait, ideo usum fuisse Evangelistam illâ loquendi formâ, ut significaret, humanam carnem, quæ per peccatum mortalis facta fuerat, per conjunctionem Verbi, id est, naturalis & immortalis vitæ, immortalitatem esse consecutam. Augustinus: ut commendaret Christi humilitatem, qui nostræ salutis causâ carnis nomen sibi indignum non putavit. Theophilactus: ut singularem Deo erga homines benevolentiam declararet, qui propter ipsos caro, id est, res omnium ferè vilissima, factus est.

XLIII. Alias rationes satis congruas adducit Toletus: Prima est, ut sic magis exprimeretur extremorum distantia; sicut enim cum dixit, *Verbum*, natura spiritualis & intellectiva significatur, quam vox *Filius* non ita indicabat: sic dum dicit, *caro*, ostendit, quod sensibilis est, & magis remotum à natura intellectuali; atque ita duorum extremorum maxima distantia describitur,

dum dicitur, Verbum intellectuale, spirituale & invisibile ad carnem sensibilem, corporalem & visibilem descendisse, factamque esse unionem inter extrema adeo distantia: quæ enim major dissimilitudo, quàm ea, quæ intercedit inter summum spiritum, & corpus? Altera causa est, quia sic magis declaratur conjunctio Verbi cum natura nostra. Si enim dixisset, *Verbum homo factum est*, posset existimari, hoc esse factum, quia Verbum assumpsit animam rationalem existentem in carne, non tamen quia immediatè sibi univert carnem: at dum dicitur, *caro factum*, non relinquitur dubitandi locus, an assumpserit animam. Si enim univert secum carnem, à se maximè distantem, dubitari non potest, quoddam univert animam, quæ cum sit immortalis & spiritualis, minùs ab ipso distat. Ultima denique causa fuit, quia illo loquendi modo significare voluit, Verbum naturam humanam assumpsisse ex illa eadem massa, in qua erat peccatum; seu carnem derivatam, & descendentem ab Adamo, qui peccavit, id est carnem mortalem, & passibilem, similem nobis, sine peccato quidem, sed tamen in similitudine carnis peccati, ut loquitur Paulus Rom. 8. Ante peccatum non appellatus est homo caro, post peccatum verò vocatus est à Deo caro in contemptum, & opprobrium, ut agnosceret, quantum dignitatis amiserit per peccatû; quia enim sprevit rationem, & Dei mandatum, subjectus est carni rebeli, & passibili, dictumque ei est, *Non permanebit spiritus meus in homine, quia caro est*. Ut ergo signi-

ficaret Evangelista, Verbum non assumpsisse carnem aliquam à Cælo de lapsam, dicit, *Verbum caro factum est*, id est, factum est homo similis Adamo, & nobis, qui in pœnam peccati *caro* dicimur: quamvis enim Christus segregatus fuerit à peccatoribus, & rebellionis appetitus incapax fuerit, tamen assumpsit carnem passibilem, similem nostræ in omnibus, uno excepto peccato.

XLIV. Maldonatus arbitrat, veram rationem, ob quam Evangelista usus est illo loquendi modo, fuisse, quod hominem Verbo opponere voluerit, id est infimum summo. Propterea Filium Dei, qui homo factus est, non Filium, sed Verbum appellavit (inquit) quod summam declarat potentiam: *Tribuitur enim potentia Verbo Dei, quia omnia, quæ vult, Verbo facit. Omnipotens* (inquit Sap. 18. v. 15.) *sermo tuus exiliens de Cælo à regalibus sedibus, durus bellator in mediam exterminii terram profilivit.* Et Hebr. 13. *portans omnia Verbo virtutis sue. Ideo hominem è contrario, non hominem, sed carnem vocavit, quod verbum summam subjectionem, summam significat infirmitatem, ut appareat, quantus Deus quantillus sit factus homo.*

XLV. Nec ex eo quod Evangelista dicat, Verbum factum fuisse carnem, sequitur, divinam Verbi naturam conversam fuisse in carnem, ut somniarent Hæretici, quos impugnat Ambros. lib. de Incarn. Domin. Sacr. cap. 6. unde enim inquit Gregor. Epist. 61. hanc hæresim impugnans, *Verbum carnem dicimus factum, non immutando, quod*

erat, sed suscipiendo quod non erat, nostra auxit, sua non minuit. Sic ex eo quod dicamus, hominem factum esse sanum, non sequitur, hominem conversum esse in sanitatem, sed solum sequitur, recepisse sanitatem, manente natura hominis, & natura sanitatis. Sic cum Genes. 2. dicitur, *Factus est homo in animam viventem*, non significatur, conversum esse in animam viventem, sed solum significatur, suscepisse à Deo animam viventem. Ex eo ergo, quod Verbum caro factum sit, non sequitur, quod conversum fuerit in carnem, sed solum sequitur, quod manente propriâ naturâ, suscepit carnem, seu naturam humanam sub unitate personæ, uniendo personæ divinæ naturam humanam, à qua Deus denominatur homo, ad modum quo homo à sanitate denominatur sanus, & ab albedine denominatur albus. Quamvis enim humanitas sit substantia, dum tamen unitur Personæ divinæ, comparatur ad illam quasi entis ens, quia jam illa humanitas non est sui, sed est Verbi, cui tribuuntur operationes illius, sicut operationes accidentis tribuuntur substantiæ, ut explicui t. 3. selectarum Disputationum ex universa Theologia Scholastica, disp. 27. sect. 5. & 6. Verbum enim est, quod denominatur homo, & non ipsa humanitas, quia Verbum est suppositum habens humanitatem, & per illam tanquam per instrumentum sibi conjunctum operatur, siquidem mediante unionem hypostatica impeditum est, ne humanitas illa sit suppositum, & persona, quia mediante unionem hypostatica factum est, ut existat

in

in alio digniore se, cui tribuantur ejus operationes; foret autem homo, si per se ac separatim existeret, ac proinde tunc foret persona creata: at dum est in Christo, non est persona, sed existit in alio, tanquam in supposito, & personâ.

XLVI. Et ex illis verbis: *Verbum caro factum est*, confutatur Hæresis Valentini, qui, ut refert Tertull. lib. 1. de Carne Christi, dicebat, corpus Christi esse naturæ & substantiæ cœlestis, non de nostra substantia. Confutatur etiam Hæresis Eutychetis, qui asserbat, ante Incarnationem duas fuisse naturas, Divinam, & humanam; post unionem verò utramque fuisse permixtam, & unam tertiam ex utraque resultasse naturam; quam hæresim damnavit Concilium Calcedonenſe sub Leone I. anno 451. quod fuit quartum generale, & Oecumenicum. Confutatur, inquam, quia, si Verbum caro factum est, manet post unionem natura carnis, & non est in tertiam conversa naturam. Quod si conversa esset in tertiam naturam, Christus nec esset Deus, nec esset homo, quia nec haberet naturam Divinam, nec humanam, sed aliam, à quolibet ex illis distinctam. Fides ergo vera docet, Divinam naturam & humanam in Christo verè & propriè reperiiri sine confusione, & permixtione destruyente distinctionem.

XLVII. Confutatur etiam ex illis verbis Hæresis Manichæorum, qui teste August. lib. de Hæresib. cap. 46. veritatem carnis negaverunt in Christo, affirmantes, illius carnem apparentem fuisse, non veram: nam si res

ita se haberet, falsum dixisset Evangelista.

Item impugnatur Hæresis Cherynthi, qui teste Irenæo lib. 1. cap. 25. affirmavit, Christum esse purum hominem, & tunc incepisse, quando natura humana in utero Virginis concepta est: contra quem Joannes scripsit Evangelium, & dum dixit, Verbum fuisse ante omnia, & per ipsum omnia creata facta fuisse, & postea ait, hoc Verbum factum esse Carnem, apertè definit, Christum esse illud Verbum æternum indutum carne, id est naturâ humanâ, ac proinde apertè significat, Personam Christi non incepisse, quando incepit ejus natura humana, sed ab æterno fuisse in natura divina, & in tempore existisse in natura humana, illam sibi physicè uniendo.

XLVIII. Denique illis verbis confutatur hæresis Nestorii, damnata in Concilio Ephesino sub Cælestino I. anno 431. qui, ut perhibet S. Gregorius lib. 4. Epist. 32. duas personas in Christo ponebat, Divinam & humanam, increatam & creatam, negabátque, duas naturas, Divinam & humanam, convenisse in eandem personam. Confutatur, inquam, quia si *Verbum caro factum est*, id est, si Verbum factum est homo: ergo persona Verbi, quæ ante Incarnationem erat præcisè Deus, incepit esse homo in ipso instanti Incarnationis, quia incepit habere naturam humanam, sibi verè & physicè unitam: idem enim est, esse hominem, ac habere naturam humanam verè & propriè; sive per identitatem, ut illam habet purus homo, v.g. Petrus, vel per unionem

nem physicam & realem, ut illam habet Verbum. Nec enim homo solum habet verè & propriè animam, cum quaidentificatur inadæquate, sed etiã habet verè & propriè accidentia, cum quibus unitur, & habet brachium continuatum per physicam unionem cum corpore, quo amputato, manet nihilominus essentia vera hominis. Illa autem verba, *Verbum caro factum est*, denotant veram & physicam unionem inter hypostasim Verbi, & naturam hu-

manam; posita autem hac unione physica, non potest dari in Christo, nisi unica persona cum duplici natura: & ideo S. Cyrillus Alexandrinus, qui præfuit Concilio Ephesino, ut Legatus Sedis Apostolicæ, dixit, fore in Ecclesia Dei pacem, si Nestorius admitteret veram, & physicam unionem inter Verbum & humanitatem, & non tantum unionem moralem per conformitatem voluntatum, ut dixi 1. 3. select. disp. 27. num. 56.

CAPUT SEXTUM.

Ostenditur contra Mahumetanos pluralitas personarum in Deo, & Christum esse Filium naturalem Dei, verumque Deum; ex Divinis testimoniis, visum, & miraculorum.

XLIX. **Q**UÆ supra rationem sunt, positionibus persuaderi non possunt, sed Deo revelanti credenda sunt: sicut autem *qui cito credit, levis est corde*; ita qui credere non volunt, ubi sunt urgentissima credendi fundamenta, quæ morali cum evidentiã probant, mysterium aliquod esse à Deo revelatum, inexcusabiles sunt apud Deum. Et in utroque Mahumetani peccant, qui sine ullo fundamento credunt, Mahumetum fuisse verum Dei Prophetam, & vera esse, quæcunque in Alcorano scripta reliquit: & credere nolunt, Christum esse Deum, & dati in Deo Trinitatem personarum, quamvis denter evidentiã argumenta credibilitatis, quæ manifestè convincunt, illa mysteria fuisse à Deo revelata, si attentè, & sine præjudicio

considerentur. Ideo postquam auctoritate Scripturarum, quas Mahumetus non negavit, apertè probavi Divinitatem Christi, & pluralitatem Divinarum Personarum, placuit adjicere argumenta petita à divinis visionibus, & miraculis, quibus Deus confirmare voluit fidem Catholicam contra Arrianos, & Nestorianos, quorum hæresim, toties damnatam in Ecclesia Christi, Mahumetus renovavit, quæ ut majorem fidem faciant, hic narrare libet verbis sapientissimi, & venerabilis Cardinalis Bellarmini, qui contra Hæreticos quosdam modernos sui temporis, eandem hæresim renovantes, ea scripto tradidit tom. 1. Controversiar. lib. 1. de Christo cap. 12. fidelissimè omnia referens. Sic ergo ait,

Pro-

L. Providens Spiritus Sanctus Arrianā hæresim sapiens renovandam, & plurimum Ecclesiæ nocivam, testatissimum esse voluit, eam verissimam esse Hæresim.

Primò igitur annis circiter quinquaginta ante exortam Arrij hæresim apparuit S. Gregorio Thaumaturgo Virgo Maria, & cum ea S. Joannes Evangelista: & Virgine imperante, Joannes tradidit Gregorio eam fidei confessionem, in qua prædicatur Verbum Deus verus, æternus, invisibilis, increatus, & Trinitas consubstantialis. Refert hanc visionem Gregorius Nyssenus in oratione de laudibus ejusdem Thaumaturgi.

Secundò paulò ante Arrianam hæresim revelavit Deus S. Antonio, ut Athanasius scribit in ejus vita, horribilia illa mala, quæ Arrius in Ecclesiam invehiturus erat. Ex quo factum est, ut Antonium nullum Arrianum ad montem suum ascendere pateretur, sed ut pestem quandam ex toto illo monte fugaret.

Tertiò, circa idem tempus S. Petro Martyri Episcopo Alexandrino, cum jam prima semina Arrianæ Hæresis apparere cepissent, apparuit in carcere Christus veste scissa à summo usque deorsum; & cum S. Petrus rogaret, quid hoc sibi vellet, responsum accepit: Arrius hoc fecit, quia populum meum à me separavit. Scribunt Beda & Ado in Martyrologiis 25. Novembris.

Quartò, Arrius ipse Constantinopoli in publicis latrinis subitâ ventris solutione occupatus, intestina omnia cum vita profudit. Scribunt hæc Athanasius in oratione prima contra Arrianos, Ruffin.

lib. 10. Histor. cap. 13. Gaudentius in Epist. ad Paulum. Epiphanius in hæresi 68. 69. & alij. Addit Athanasius in Epist. ad Serapionem fratrem, antequam hoc fieret, Arrium Constantino jurejurando affirmasse, se Catholicam fidem colere: à Constantino autem audivisse. Si recta est fides tua, bene jurasti; si autem impia est, & tamen jurasti, Deus re pro juramento condemnnet. Deinde cum vellet Arrius vi in Ecclesiam intrare, scribit ibidem Athanasius, S. Alexandrum Episcopum Constantinopolitanum orasse Deum, ut, si permitteret Arrium ingredi Ecclesiam, tolleretur se de hoc mundo: sin autem Ecclesiæ parceret, tolleretur Arrium.

Ex quo intelligimus, non casu factum fuisse, ut tam secunda morte Arrius extingueretur, sed planè Dei providentia singulari, qui ea ratione implere voluit, & pij Principis comminationem, & S. Pontificis orationem. Ipse Dominus, inquit Athanasius, Judicem se præbens, Arrianam hæresim condemnnavit.

Quintò, cum Lucius Episcopus Arrianus Catholicos ubique persequeretur, Monachi his verbis miracula faciebant. In nomine JESU, quem Lucius persequitur, surge, & ambula. Scribit Ruffinus lib. 11. histor. cap. 4.

Sextò, S. Hilarius ab Arrianis in exilium relegatus, Insulam quandam solo imperio, & præsentia suâ à serpentibus liberavit, postmodum etiam mortuum ad vitam revocavit, ut scribit Fortunatus in ejus vita.

Septimò, cum S. Martinus, ut Sulpitius scribit, quia adeo vehementer Arrianis resistebat, publicè virgis cæsus, &

à patria expulsus esset, interim innumera-
merabilibus quotidie miraculis coru-
scabat.

Octavò, S. Basilius, cùm quæstio es-
set de quadam Ecclesia, utrùm eam Ca-
tholici, an Arriani possidere deberent,
conditionem illis obtulit, ut Ecclesia
firmis-
simis repagulis clauderetur, & eo-
rum esset, qui juxta suam fidem orantes,
solo verbo, nullâ vi aliâ externâ adhi-
bitâ eam aperirent. Accepta conditio-
ne priores Arriani diu orantes juxta fi-
dem suam nihil efficere potuerunt: de-
inde Basilio eum Catholicis orante tanta
vi continuò fores Ecclesiæ apertæ sunt,
ac si verba illa tonitrua quædam fuis-
sent. Scribit hoc Amphilo-
chius in vita
Basiliij.

Nonò, cùm Justina Imperatrix Ar-
riana cum suis Ambrosium & Catholi-
cos persequeretur, revelavit Deus eidem
Ambrosio corpora incorrupta S. Ger-
vasij & Protasij, & per ea cæcum il-
luminavit, multaque alia edidit miracu-
la. Fuisse autem hæc ad Arrianorum
confusionem, docet Augustinus lib. 6.
confess. cap. 7. & idem etiam patet ex
eo, quòd Arriani, quantum poterant,
ista miracula calumniabantur, ut ipse
Ambrosius testis est in sermone de S.
Gervasio & Protasio.

Decimò, scribit Victor Uticensis lib.
1. de persecutione Wandalica, cùm SS.
Martyres pro fide Catholica ab Arrianis
flagellarentur usque ad ossium denuda-
tionem, sæpe accidisse, ut sequenti die
divino miraculo incolumes conspiceren-
tur. Lib. 2. idem Author scripsit, à S.
Eugenio cæcum illuminatum eo ipso
tempore, quo Arriani Catholicos maxi-

mè vexabant. Lib. 3. scribit, aliquot Ca-
tholicis hominibus jussu Regis Arriani
linguas radicitus evulsas fuisse, & eos ta-
men semper loquutos optimè, quous-
que vixerunt. Cujus miraculi meminit
etiam S. Gregorius lib. 3. dial. cap. 32.
ac dicit, se loquutum eum quodam E-
piscopo sene, qui unum ex illis viderat
sine lingua loquentem.

Undecimò, idem Gregorius eodem
lib. 3. cap. 29. 30. & 31. tria mirabilia nar-
rat, quæ suo tempore acciderunt. Pri-
mum accidit in Urbe Spoletana: cùm
enim Arrianus Episcopus in Ecclesiam
S. Pauli intrare, & suo errori eam Ec-
clesiam dedicare veller, Catholici me-
tuentes, Ecclesiam lampadibus omnibus
extinctis diligentissimè clausurunt: sed
cùm accederet Arrianus, cum suorum
grege impetum facturus, continuò om-
nes portæ simul magno fragore edito
per se patuerunt, & effuso cœliis lu-
mine lampades omnes accensæ sunt, sed
simul cæcitate Episcopus percussus est,
tantòque terrore omnes affecti, ut in-
trare ausi non fuerint, sed Episcopum
suum cæcum effectum in domum suam
confusi retulerint. Secundum Romæ
accidit: nam cùm Ecclesiam quandam,
quæ Arrianorum fuerat, ipse B. Grego-
rius introductis Sanctorum reliquiis re-
conciliasset, diabolus in specie horrenda
suis exivit. Item nubes lucidissima su-
per altare descendit, & simul ingens
suavitas odoris in eum omnem locum
effusa est, lampadèque omnes accensæ
divinitus. Tertium in Hispania; ubi
cùm Hermenegildus Regis Filius à Patre
Arriano propter fidem necatus esset, vi-
sæ sunt noctu circa eum lampades ac-
censæ,

censæ, & Angelorum cantus à multis est auditus.

Duodecimò, ut scribit Gregorius Turonicus lib. 2. Histor. Franc. cap. 3. cùm in Africa Cirola quidam Patriarcha Arianorum Catholicos persequeretur, & eodem tempore tres Sancti Episcopi, Eugenius, Vindemialis & Longinus, qui præter cæteros ei resistebant, omnes miraculis coruscarent, voluit etiam hæreticus miraculum facere : itaque cuidam quinquaginta aureos numeravit, ut se cæcum fingeret; sed dum, transeunte per viam Cirolâ, ille cæcum se simulans Cirolæ auxilium postularet, accessit Cirola, & oculis ejus tetigit, imperans ut videret, in signum veritatis, quam prædicabat : repente verò tantus ardor oculos illius miseri occupavit, ut coactus fuerit manibus eos comprimere, ne è fronte exilirent : tum verò detexit dolum & fidem Catholicam alta voce confessus, à Sancto Eugenio signo Crucis repente curatus est.

LI. His igitur, aliisque divinis testimoniis satis apertè probatur, eorum sententiam Deo inimicam esse, qui Dei Filium Deum verum esse negant. Hucusque Bellarminus. Idque ipsum aliis miraculis comprobatur, nimirum omnibus illis, quæ Sancti ediderunt in nomine JESU Christi Filii Dei vivi, & quia credebant, Christum esse Deum. Talia sunt omnia miracula, quæ operati sunt Martyres & Confessores in testimonium Fidei Christianæ, & quæ operati sunt Apostoli. Adducat in medium Christi Prædicator illustriora ex iis, quæ leguntur in Breviario Romano in lectionibus Sanctorum : ut in lectionibus S.

Clementis, S. Cæciliæ, S. Catharinæ, S. Priscæ Virg. & Martyris, S. Agnetis, S. Gregorii Thaumaturgi, S. Nicolai Episcopi, S. Martini Episcopi, S. Pauli Eremitæ, S. Antonii Abbatis, S. Sylvestri, S. Stanislai Episcopi, S. Ildephonsi, S. Bernardi, S. Xaverii, & aliorum Confessorum & Martyrum, qui gloriâ miraculorum manifestâ floruerunt.

Quibus addo miraculosam vindictâ, quam Deus sumpsit de quodam Præfæcto Ægypti Mahumetano fratre *Abdulmelici* Regis Sarracenorum, quem Rex ipse præfecerat Ægypto, & vocabatur *Abdulazizus*. Egrediebatur Barbarus iste, quod Christiani Imagines Christi, tanquam Filii Dei, & Imagines B. Mariæ Virginis, tanquam Matris Dei venerarentur : & sacrilegè expuit in Christum & ejus Matrem; & statim cœlestis vindicta venit super eum. Rem narrat Georgius Almacinus Mahumetanus historicus summæ autoritatis apud Turcas lib. 1. historiz Sarracenicæ cap. 12. pag. 81. his verbis : *Habent autem vita Patriarcharum (Alexandrinorum Jacobitarum) Abdulazizum ingressum Templum Monasterij Hulivanensis vidisse figuram Domine habentis Dominum Christum in ulnis suis, & fuisse in eos : atque ea nocte in somno suo vidisse Dominum Christum jubentem, ut occideretur, seque illico lanceâ in latere suo transfixum, indeque mox exspectum valde fuisse consternatum, & expiravisse eadem nocte. Hæc ille, quam historiam, dum non reprobat, approbat Author iste Christianorum inimicus. Accidit hic casus anno Ægyptæ Maurorum 85. & Christi 734.*

LII. In.

III. Innumera etiã miracula, quæ B. Virgo Maria, invocata ut Dei Mater à Catholicis, omni sæculo patravit, clarè probant, illam esse Dei Matrem, & consequenter Christum ejus Filium esse verum Deum; neque enim alià ratione est Dei Mater, nisi quia est Mater Christi, qui est verus Deus & homo. Inter hæc miracula celebre est illud, quod operata est cum Sancto Joanne Damasceno, cui accusato de proditiōe apud Regem Sarracenorum amputata fuit manus dextra, anno Christi 728. sed ipse domum se recipiens, in oratorio suo ante Imaginem Dei Genitricis provolutus, magna Fide excisam manum pristinæ suæ commissuræ admovit, & ferventibus orationibus à B. Virgine ejus integram restitutionem expetiit, ut posset illius ministerio Christi Domini, ejusdemque ipsius Matris laudes celebrare. Nec mora; cum obdormisset, visione potitus S. Dei Genitricis, expectatus manum sanatam reperit, lineâ tantummodo quadam relicta, quâ locus excissionis demonstraretur. Quâ re cognitâ, cum veller eum Rex dignitati pristinæ restituere, ipse impetrata ægrè missione, cunctis bonis suis in pauperes, propinquos & Ecclesiis distributis, Hierosolymam primò profectus est; inde Syriæ petens eremum, apud S. Sabæ Lauram, monasticam vitam egregiè excoluit: ut narrat Baronius ad ann. 728. ex Joanne

Patriarcha Hierosolymitano, qui in ejusdem Sancti Damasceni vitâ id fusiùs scribit.

III. Huic miraculo annexam aliud modetum evidentiſſimum, quod ultra octodecim mille testes habuit, quod operata est B. Virgo Cæsaraugustana, vulgo del *Pilar*, quod typis vulgavit Matrì Petrus Neurath Germanus, Medicinæ Doctor, in confirmationem Fidei Catholicæ, & confusionem hæreticorum, & in fronte libelli expressa est vera effigies B. Virginis supra columnam marmoream stantis, & coram illa effigies juvenis crure carentis, cum hac inscriptione: *Crus puero abscissum Virgo Sanctissima reddidit Cæsarauguste 29. Martij ann. 1640.* Cujus miraculi testis ocularis fuit P. Joannes Gabriel Guilen, è nostra Societate, meus per sex annos in Missionibus Socius, ut dixi in præfatione hujus operis; qui sæpe vidit Cæsaraugustæ ad januam Ecclesiæ B. Virginis del *Pilar* adolescentem uno crure trunctum, eleëmofynam petentem, & postea eundem intuitus est utroque crure insistentem, & crus à B. Virgine redditum manibus suis contrèxit. Hoc miraculum sæpe coram Mahumetanis prædicavimus, & Malacæ, Hispali & Matrì non paucos testes invenimus, qui illud oculis suis spectârunt. Et ideo illud placuit hic subijcere illius Authoris verbis.



CAPUT SEPTIMUM.

Narratur miraculum Divæ Virginis, quæ Casaraugustæ crux puero abscissum restituit anno 1640.

LIV. **N**E tam mirâ rerum varietate, ordine & majestate, quæ in universa hæc machina splendet, humanum obrueretur ingenium, & creaturam pro Creatore coletet; supremus ille mundi Dominus quædam præter rerum ordinem, & omnem naturæ vim exsuperantia omni ævo patrare solitus est. In Genesi, ubi orbem ex nihilo condidit, & naturæ primas leges dixit, Adamum operum suorum testem constituit; primis Patribus coram loquutus est, & abdita rerum penitus revelavit: Prophetas factis mirandis comprobavit: Moyse mare scidit: Josue solem detinuit: Helias ignem de Cælo evocavit: Helisæus puerum ad vitam reduxit: Angelus postremò inter Judæos, ægros in piscina sanavit. Ipse Christus haud minoribus ostentis se Filium Dei asseruit: Lazatum putrescentem è sepulchro resurgere jussit: cæco à nativitate visum dedit: quid alii in intimis cordis penetralibus absconditum gererent, cognovit. Et talia quidem facta veræ Ecclesiæ suæ symbola esse voluit: sic enim loquitur, Marci 16. *Signa autem eos, qui crediderint, hæc sequentur: In nomine meo dæmonia ejicient: linguis loquentur novis: serpentes tollent, & si mortiferum quid biberint, non eis nocebit: super ægros manus imponent, & bene habebunt. Et Dominus quidem IESVS, postquam loquutus est eis, assumptus est in Cælum, &*

sedet à dextris Dei. Illi autem profecti prædicaverunt ubique, Domino cooperante, & sermonem confirmante sequentibus signis.

Horum igitur signorum patratio solis in Christum credentibus data est, non aliis (neque enim rationi consonum est, supremam illam Majestatem sigillum illud, quo suos signavit, adulterari nullo unquam tempore voluisse) sed nec singulis fidelibus (quod Julianus Apostata cavillabatur) talia concessa sunt. Ecclesiæ universa eis semper claruit, & hunc usque in diem claret: idque jure merito, si enim hodie æquè ac olim multis ignota est, signo centè aliquo supernaturali opus habet, quo se semper eandem à Christo electam sponsam universo orbi ostendat.

LV. **C**onstans apud omnes Hispanos traditio est, Divum Jacobum Apostolum Casaraugustæ primum Deo Templum, sub Desparæ Virginis nomine, consecrâsse: in eo columnæ marmoreæ, atque super illam Divæ Mariæ statua visitur. Sacellum est celeberrimum, & totius Hispaniæ antiquissimum, quod Maurotorum etiam tempore substitit. De eo Calixtus Tertius Romanus Pontifex in Bulla, 23. Septembris, an. 1456. datâ, sic ait: *Beata Maria, antequam ad Cælum assumereetur, cum IESU Christo Filio suo, & Domino nostro, B. Jacobo Maiori in columna marmorea apparuit,*

P

es ob

Ob hoc ipsa Ecclesia nomen Beata Maria de Pilar assumpsit: ac inibi quamplurima & infinita miracula divinâ provisione diutim fiunt. Hicce nostris diebus juveni crus abscissum ibidem restitutum est.

Erat autem juvenis ille Michaël Joannes Pellicer annorum novemdecim, Calandâ ortus (pagus Arragonum est, Ordinis Calatravæ) filius Michaëlis Pellicer agricolæ, & Mariæ Blasco ejusdem pagi incolarum. Hic dum Castelloni de la Plana (pagus Regni Valentiani est) avunculo suo Jacobo Blasco serviret, ex curru, in quo triticum vehebatur, excidit, atque crus illi dextrum ab rota confectum est. Cùmque & ipse, & avunculus ejus pauperes essent, Valentiam ad domum hospitalem delatus est: ubi cùm variis tentatis remediis nihil proficeret, magnum illud Cæsaraugustæ nosocomium petijt, & se Joanni de Estanga chirurgo expertissimo, & medicinæ publico ibidem professori commisit; qui crus ex toto corruptum videns, ad quatuor digitos infra genu abscidit, ac terrâ mandavit. Juvenis cicatrice obducta, ædem Sanctæ Mariæ adiit, ibique nunc opem Virginis implorans, nunc stipem à prætereuntibus petens, biennio integro omnibus se notum fecit. Anno 1640. ut parentes inviseret, Calandam patriam suam petivit, unde ad vicina oppida proreprens, sibi, parentibusque victum quærebat.

Die vigesima nona Martij, anno à Virginis partu millesimo sexcentesimo quadragésimo, sænum colligendo fessus, ad focum assistentibus patre, matre, aliisque duobus contrerraneis, lignum

crus deposuit, ac cubitum ivit. Undecimâ noctis horâ mater cubiculum intrans, duos in filij lecto pedes mirata est, & militem (eorum enim cohors ibidem tunc morabatur) esse suspicata, ad maritum cucurrit, qui filium agnoscentes excitavit; ille verò in hæc verba prorupit. Somniabam, me in sacello Divæ Virginis de Pilar lampadis oleo crus ungere. Et pater: gratias Deo redde, Deipara tibi crus restituit; hoc enim juvenis eousque ignorabat.

Stupendum hoc factum mox illâ ipsâ nocte divulgatum est, & omnes incolæ oculati testes id arbitrati sunt. Die sequenti juvenis à frequenti populo ad Templum ductus est; ibi pes (quem Virgo sanctissima distortum, ut omnes miraculum intuerentur, reliquerat) situm naturalem recepit; agnoveruntque eum verè bipedem, quem pridie altero crure destitutum viderant: cui scriba publicam fidem tunc quidem dedit; juvenis autem Cæsaraugustam adductus est; res in judicium vocata, datus causidicus, examinati testes, causa ventilata, & tandem die vigesima septima Aprilis, anni millesimi sexcentissimi quadragésimi primi sententia, qua factum illud verum, & omnem naturæ vim excedens dicitur, lata est ab Illustrissimo & Reverendissimo Domino Domino Petro Apaolaza, Archiepiscopo Cæsaraugustano, subscriptentibus Domino Antonio Xavierre, Priore Sanctæ Christianæ, Domino Joanne Perat Vicario Generali, & Officiali Canonico S. Metropolitanæ Ecclesiæ Cæsaraugust. Domino Vito de Vera Archidiacono Cæsaraugust, Domino Ioanne Plano à Frago

Officiali,

Officiali, Domino Philippo Bardaxi, Sac. Canonum primario interprete, Domino Didaco Chueca, Canonico Magistrali Cæsaraugust. Domino Martino Irribarne, Canon. Lectore Cæsaraug. Frat. Bartholomæo Fojas, Provinciali Ordin. S. Francisci, Frat. Antonio Ortin Abbad, Provinciali Ordin. Minorum S. Francisci de Paula, Domino Domino Cebriam, Cathedr. primario Theologiæ Cæsaraugust. Promulgata est sententia à iuris utriusque Doctoribus, Domino Philippo Bardaxi, Domino Egidio Fuster, & Michaele Cypres Causidico, & Notario. Signata ab Antonio Alberti Zaporta, Notario Apostolico, & Scribâ principali Curie Ecclesiasticæ Cæsaraugustanz. In Annale verò retulit Dominus Thomas Tamayo de Vargas, Hispaniarum, ac Indiarum Historiographus regius, in eis, quæ addidit Enchiridio temporis R. Patris Frat. Alphonsi Veneri, Ord. S. Dominici, Compluti nuper linguâ vernaculâ editis.

Videant hæretici, si hoc tam facile explodent, ut illud S. Joannis Damasceni, & reliqua, quæ à majoribus accepimus, quæque apud Indos hodie sunt. Hoc enim, & nostro sæculo, & coram multis oculatis contigit, Cæsaraugustæ in Civitate frequentissima, & Arragonum Regiâ, spectantibus Hispanis, & Gallis: testes examinati, causa per integrum annum agitata, & sententia ab Archiepiscopo juridicè lata est. Quodd si rei tam notæ contradicere ausing: quis illos non impudentes, & Judæis magis incredulos inculcabit? Hucusque Author ille. Hoc insigne miraculum Beatæ Virginis *del Pilar* succinctè narrat Pater Jacobus Masenius è nostra Societate in opere illo, quod inscribitur *nilis* curiositas de humanæ vitæ felicitate, excuso Coloniz Agrippinæ, anno 1672. c. 25. num. 6. ubi plura addit, quæ ejus verbis referre placet.

CAPUT OCTAVUM.

Alia Beata Virginis miracula, ex certis historiis à

P. Jacobo Masenionarrata, quibus probatur, illam esse Dei Matrem, & Christum esse verum Deum.

LVI. **I**gitur hic Author in eo cap. 25. à pag. 514. num. 4. sic loquitur: *In Catholica Ecclesia* miraculorum virtus nunquam deficit. Omne ævum, omnique Ecclesiastica Historia eisdem referta est. Jam triginta, & amplius

tomos (quorum octo jam vidimus) moluntur Belgæ Patres, Bollando, & Henchenio auspiciantibus, ubi per singulos anni dies, & superiora usque ad Christum sæcula, infinita penè deprehendimus miracula ex ipsiis plerumque

autographis locorum, aut certè coartaneis scriptoribus deprompta, ne auctoritas decisset. Neque hac etiamnum ætate gens, aut natio Catholicæ Religionis addicta reperitur, quæ non aliqua celebrata miraculis loca possideat. Imò vix ulla, quæ singulari Deiparæ Virginis Parrocinio in gravissimis etiam morborum, ac mortis casibus non perfruat. Quis enim ignorare potest in Italia Lauretanam, in Hispania Cæsaraugustanam, in Germania Oetinganam, in Belgio Aspricollensem? Quorum miracula locorum non solum Europæ incolis, sed Barbaris etiam nationibus, & innotuere, & quandoque etiam communicata sunt, ut constat Turcarum Bassam Coreum anno 1552. Constantinopoli ex pectoris apostemate in extrema jam vitæ linea constitutum, consilio servi orthodoxi, ad Lauretanam conversum Virginem, sanitati redditum, quod in chirographo his Arabicè verbis testatum reliquit: *Quod* (inquit) *bonum, fortunatumque bonum nobis esse velit magnus, & misericors Dominus mundi. Cum mihi ipsi Divinitus quiddam eveniret, ego Coreus Bassarem omnem ordine exponam. Ortum erat atrox apostema in pectore, iamque haud dubium imminere exitum: cum desperata à Medicis salute meum me servus adiit, & sanè fidenter: si mihi libertatem polliceris, inquit, Dei mei Matrem exorabo, ut pristinam tibi restituas valetudinem. Itaque ego confestim accersio tabellione, libertatem ei promisi, si ipse promissa præsaret. Ex templo servus positus humi genibus, & quadam super se signa ducens manu, co-*

git, ut semet verba præcuntem sequar: unde ipse præire his verbis cepit: Ego Beata Maria Lauretana opem implovo. Monenti obsequutus triduo post, DEO favente convalesci. Ergo servo in libertatem vindicato, hoc chirographum dedi cum votivis donis, quæ meæ observantia, gratique animi monumenta sint Beata Mariæ parentis præpotentis Dei, qui nos salvos velit. Venit Lauretum cum donis servus, obtulitque præter argenti non vile pretium rari operis mantile, pharetramque cum sagittis, ac cereos ingentes. In Gallia meminit Gregorius Turon. excitatam à Constantino Magno Ecclesiam Deiparæ raro, visendoque opere, pro quo excisæ columnæ pedum in ambitu sedecim, cum levati nulla arte possent, D. Virgo per quietem artificum machinam ostendit, quâ, tribus solum è schola adhibitis, quò luberet, columnas traduxit. Sed memorandum in primis Cæsaraugustanum in Hispania B. Virginis Templum, quod vulgò dicitur nostra Domina de Pilar, &c. & hæc breviter refert historiam à nobis fusè cap. præcedenti descriptam, atque ab Historiographo Regis Joanne Tamayo de Vargas in Regni Annales relatum, & statim num. 7. subjungit, in una quandoque regione plura Deiparæ Virginis loca miraculis illustra reperturus es. Diocesis nostra Treverica in parte inferiori Antonacensem Ecclesiam in Monte Carmeli, & Travvenkirchanam, haud procul in silva dissitam S. Genovæ, castissimæ Principis memoriâ, & tutelâ Deiparæ celebrem, deinde Borenhoffensem, ac denique Blei-

Bleidenbergensem utramque peregrinationibus frequentatam censet, ut Bîschoffsteinianam epilepticis propitiam omittam. Superior duas, in primis Burichianam, & Clusanam, dignitate, ac miraculorum gratiâ præcipuas, numerat. Ex quibus hæc longè frequentissima integro mirandorum eventuum volumine est celebrata, testibûsque idoneis, mortuorum quoque suscitationem confirmantibus, honorata. Horum, in Annalibus Trev. quædam dedimus, & in Metropoli nondum editâ, nonnulla exhibemus. Unum ex viginti, quos censent, excitatis mortuis, recentius ex hoc sæculo, rarûmque apponam. Barbara ex Wehlen Mosellanopago oriunda, Oppenheimij in Palatinatu viro ducto confederat; hæc prolem enixa, sed mortuam, fuit, de cujus æternâ magis, quàm temporali salute anxia, cum jam sepulturæ mandanda esset, D. Virgini Clausanæ peregrinationem, ac ceterum offerendum promisit, si proles vitæ reddita Baptismi capax fieret. Bis, tæve idem ardentè precata, vivere prolem competit, quæ Baptismo admota, cum idem Barbaræ nomen accepisset, bis quodammodo à matre genita, rursus inflexis in mortem oculis Cælo adscripta est, Mariæque voti ream, non sine Calvinistarum, natos sine Baptismo superasserentium, confusione reliquit. Idem recentius anno 1641. Margaritæ Joannis Schillingi conjugij in Piutrig, mortuam prolem enixæ, pridie S. Jacobi contigit, quæ dum Baptismi solam gratiam postulasset, vitam illi constantem impetravit. Quid? quodd vidimus anno 1640.

Rudolphum Baronem de Ulmena, cum ex desperata valetudine, ac morte imminente Annam Magdalenam Mißigel Lutzburgensem conjugem voto ad Deiparam Clausanam factæ, vitam recepisse conspiceret, ejurato Clusæ Lutheranismò, Catholicam Religionem amplexum, ne indignus beneficio viveret.

LVII. Hinc si ad Belgas transeamus, præter Asperum Collem plura istic miraculis frequentata loca reperimus. Hallensis virgo prodigiis clara, & Justilipii calamo exornata est: ex quo, ut lepore aliquo seria aspergamus, constat, quodd, cum Oliverius Tempelius Hallam invaderet, Joannes ibi Kechius miles ipsius jacitare auditus sit, se mulierculæ Hallensî (Deiparam invicere voluit) nares amputaturum. Nec impunè hæc scurra; nam plumbea mox glande sibi è vultu nasum sensit ablatum, risumque deinde movit fociis, qui sæpius eum postea Hallas ad repetendum nasum ablegabant. Gravius eadem expeditione alter graviorem quoque contumeliam luit. Is Joannes Kisselmannus fuit, qui medio sese Bruxellensî (unde egressi erant) foro, statuam Hallensem crematurum minatus est, sed haud multò post grandioris tormenti globo secundum os impium verberatus, animam selestim ardenti consumptus pulvere evomuit.

LVIII. Verùm ejus generis innumeris insistere, actum esset agere. Cupidum talium leætores ad mille Scriptores Orthodoxos remitto, & ad quædam perpetua in eodem Belgio (Hæreticis, quò ignorare nequeant, sep-

to) miracula transeo, meis etiam oculis, quantum brevi temporis, viz que transulcivit, usurpata.

Attrebati in Gallo-Belgica non vulgari Deipara cultu, sodaliumque frequentia honoratur: originem celeberrimæ istic Congregationi Deiparæ raram, ingensque beneficium per duos oblatum citharædos dedit. Iterus unus, alter Normannus dictus fuit Oti, quàm amici quondam ludendi contubernio, tam deinde hostes capitales ob illatam germano Iteri à Normanno necem. Ibat annus Christi 1105. & gravissimâ urbs tota constabat pestilentia, humanis que erat remediis desperatum, quando implorata Deipara per Iterum, Normannumque conciliatos, offerre opem decrevit. Illi igitur, atque huic divisim agentibus apparet, jubetque adire Episcopum loci, id temporis Lambertum, ac monere, ut primo Sabbati diluculo adesset cum eis in Templo, se quoque præsentem istic adfuturam, maloque grassanti ostensuram exitum. Normannus, ut loco propior, convenit primus, visumque exposuit; sed Episcopus pro somnio habuit, neglexitque. Interea supervenit aliunde Iterus, de Normanno ignarus, idemque mandatam sibi refert: tum Episcopus, & Normannum paulò antè proposuisse hoc ipsum, ac num fortè colludant? subjicit: Normannus (excipit Iterus) fratris mei sicarius, cui hunc gladium, & mortem debeo, hoc loco addit? Peribit mea manu; tum Episcopus nonnisi destinatione hos Divinâ sibi offerri ratus, periculi admonet, Christique exemplo

suadet ignoscendum, ac persuadet denique, ut accersito & deprecanti Normanno amore Christi ignosceret. His conciliatis, prima Sabbati luce Templum subiit: quibus præsentibus Deipara Virgo cœlesti circumfusa lumine, succensum manu cerentem deferens, ad fuit, ex quo defluentes ab igne guttas aquâ excipi, & hanc laborantibus propinari iussit, quæ innumeris repente mortalibus saluti fuit. Cereus in honorem Divæ asservatus, ejusque solemnibus festis succensus inconsumptibili hætenus per annos quingentos, & amplius cerâ ardet, defluxque quotannis ex eo in aquam guttæ colliguntur, aliis que, atque alios conficiunt cereos, pro insigni munere ad proximas Ecclesias submittendos. Aqua guttis tacta toto anno incorrupta perstat, ac salutis gratiâ à diversis bibitur: inde & ego post expectatum cereum hausi. Hic, ne qua fraus interveniat, à juratis Ecclesiastici, civilisque ordinis viris custoditur, neque sine testibus exhibetur; quod verò nonnunquam ab igne consumi, ac decrescere visum, hoc ubi ex capsâ, cui includitur, rursus præfertur, insensibili accessione velut subcrevisse videtur. Ut verò in oculis omnium ejus perstet custodia, amplè, antiquæque in forpyramidi inclusus servatur, Sodalitæque ejus loci hominum, quàm vocant *ardentium*, commissus quotannis publicâ, solemnique processione circumfer-tur.

EIX. Huic alia affinis, neque minoribus celebrata prodigiis Congregatio apud Bethunienses eodem in Belgio sub patrocinio B. Eligii Handuorum Aposto-

Aposto-

Apostoli est instituta. Is anno 1188. duobus ferrariis fabris (ut Fabrorum patronus est) alteri Bethuniæ in urbe , alteri Beuriaci in pago , faciliè passibus mille distito , per visum nostru apparuit , iussitque avertendæ luis, quæ passim invaluerat, gratiâ, cereum conficere , & ad aram offerre. Simul hunc ad urbem, illum ad pagum transire voluit, communicatissque cum primùm obvio consiliis, quid agendum sit, deliberare. In via igitur, cùm mutuo sibi Fabri occurrunt, & mandata promunt, visum est pro rebus consultò transigendis, Rogonem Bethuniensis suburbij Priorem, virum id temporis sanctitate celebrem, adire, ejusque stare judicio. Hic expensis mandatis cereum imperatum jubet conficere, quem solemniter deferendum, offerendumque processione suavit, quo facto lues sedata est. Ex hoc cereo festivis temporibus accenso nihil unquam deperire visum est. Fraternitas subinde instituta est, cujus magistratus ex viginti honoratissimis urbis viris lectus, quibus cura est, mortuorum, pestilentie in primis tempore, curare funera, quod citra omne contagionis à se contrahendæ periculum, jam pluribus sæculis præstant, eis solùm demptis, qui aliquid ex domo mortuali secum auferunt, quod impune non audent. Fraternitas hæc sub patrocinio S. Eligij, *Charitatis* ab hoc dicta officio, est, cui aliquando in Templo ad Sacrificium collectæ interfui, beneficiisque loco habetur, si quis, aliquo viginti virorum morte sublato, accenseri his possit. Cereus immortalis hætenus lumine factis solemnibus jam quingentis prope modum annis lucet, Fraternitasque à pe-

stifera contagione innoxia sub uno Præposito, aliisque quatuor viris regitur, quorum imperio cæteri ad domus pestiferas & funera curanda destinantur.

LX. Nunc ad tertium, quem & ipse præfens lustravi, perpetuis celebratum miraculis locum transeo, S. Hubertum videlicet, Andainz Inarduenz recessu, & monasterio Patrum Benedictinorum gloriose cultum. Huic per Angelum stola à Deipara Virgine, cùm Romæ à Sergio consecraretur Episcopus, suppeditata, clavisque à D. Petro cum gratia sanitarum, rabiosis lunaticisque potissimum impertiendâ, cælitus oblata est, quibus innumeri ad hodiernum diem usque mortales curantur, remedio non minùs, quàm sanitatis eventu cunctis, qui hæc vident, noruntque, obstupescendo. Stola enim hæc etiamnum durat, licet octingentos penè annos in dies aliquid resecta ex parte dematur; nam si aliquibus diebus cesset, aliis frequentiori sectione opus est. Particula verò solenni more quotannis ad medij digiti latitudinem de stola, latitudine propè tridigitalis, amputatur, quæ minutim divisa curandis rabiosis adhibetur: quis hanc tamen non obstupescat tot sæculis perstare inconsumptam? Vidi ego mensuram ex funiculo demptarum particularum, quam per quingentos circiter annos signarant custodes, & præputatores stolæ, quæ plurium stolarum æquaret magnitudinem. Unde à ducentis, & ampliùs annis nullo, ut credebant, mensurandi operæ pretio, cessaverant. Stolæ quoque residuum in capsâ (è qua evolvi ad dimensionem non patiuntur) arbitratus, tam candida lyso, fulgen-

fulgentique, quo intertexta mirabiliter erat, auro, comperi, ut si recens ex artificum manibus prodissset. Ratio per Stolum sanandi hæc est. Præputata ex illis particula è filo, scissa in fronte rabiosi pelle, inter hanc, & carnem inferitur, si nonque per novendium obligatur, quæ decima à Sacerdote die solvitur, post quos vulnus coaluit, naturâ (quod in nullis aliis humana caro patitur) filum neque consumente, neque rejiciente. Dies verò noveni certo pietatis, victusque, qui præscribitur ritu, inviolabiliter transigendi sunt, & si quid neglectum, repetendi.

Ita Curatus læsi rabiem per quadraginta dierum inducias bis, tæve, & sapius, si res & persona exigat, potest suspendere, dum limina D. Huberti curandus subeat, ipse etiam à bestia rabiosa iteratò læsus, tridui oratione, & abstinentiâ præscriptâ domi suæ usus, rabiem ampliùs non contrahit. Vulnera à rabiosis inflata clave adusta curantur: cujus adustio variis etiam animantibus ad medelam à rabiosis moribus adhibetur; uti & panis ad S. Hubertum benedictus. Accedit potestas in demoniacos, intoxicatòsque, atque lunaticos, sive insanientes, qui magno hinc numero per exorcismos, cibòsque benedictos curantur, fueruntque eadem, qua adezam, septimanâ, quibus restituta est sanitas. Et mulier haud multò antè ex intoxicatione catenam ferream, clavòsque trabales, vix faucibus transmittenda (adeo crassis hærebant ansis) evomuerat. Neque obscura hæc curationum fama solum Belgium, Germaniâque, sed Galliam, Sabaudiâque jam olim

pervagata, ipsum Calvinum rabioso Afli&uni filio, quamvis hostem venerationis San&torum (cùm alia omnia remedia deficerent) eò inflexit, ut Genevâ filium Andainum destinaret, qui, ut intelligas, Divina etiam beneficia obvenire ingratiss, S. Huberti Stola, ritusque pietatis novendiariorum sanitatem recipit, Patrísque ejurata hæresi Catholicorum avitæ religioni immori constituit, non animo minùs, quàm corpore restitutus, cujus æternum Bartholomæus Honorius monumentum elegiaco versu exaratum superesse voluit, quod in historia Leodiensî, & Hubertina reperies.

LXI. Hæc de Stola, ejusque virtute miramur, & fortè cum stolidis etiam Hæreticis ridemus? Sed cur non aliud æquè, quod gravissima autoritate olim D. Paulinus Episcopus Nolanus ad Severum, missâ pro consecratione basilicæ Dominicæ Crucis particulâ, his verbis testatur? *Quæ, quidem, ait, Crux in materia insensata vim vivam tenens, ita ex illo tempore innumeris quotidie hominum votis lignum suum commodat, ut detrimenta non sentiat, & quasi intacta permaneat, quotidie dividuam sumentibus, & semper totam venerantibus; sed ipsam impuribilem virtutem, & indestruibilem soliditatem Dei de illius profectò carnis sanguine bibit, quæ passa mortem non vidit corruptionem.* Affine huic est, multisque, ut refert Boëtius Eugubinus ipse loci popularis, quod Montoni in Italia, haud procul Eugubio in Spina Coronæ Dominicæ evenit: hæc quondam in omnium conspectu sterculos ex arido pullulantes acumine, cum tenuibus florum capillis, ut spinarum

rum sunt, emittit, simulque sudoris copia ab hora sexta ad nonam usque defluit. Id tamen evenisse, maximè in conferto populorum accursu, frequentiorque Dominicæ passionis cultu, observatum est. Quod scribente hæc, & petente Botio, Paulus Maurius Episcopus Calienensis publico instrumento anno 1471. sub novem testium juratorum fide per Moscardinum Notarium ritè confecto, testatus est. Alia passim nota, celebrataque Orthodoxæ fidei perpetua miraculorum observantur signa, ut stillans è D. Catharinæ in Monte Sinai, & Walpurgis in Bavaria, Sanctique Nicolai Mirensis sepulchro, quod Barij est, oleum, morborum diversorum remedium.

Sola Neapolis in Italia plura quotannis in Martyrum sanguine miracula conspiciunt. S. Joannis Baptistæ sanguis, qui lapidis instar in ampulla concretus est, Festo Præcurсорis die, dum sacra peraguntur officia, illa, qua caput censeretur amputatum, horâ, colliquescit, effervesceatque. Idem spectaculum sanguis D. Stephani, per Orosium Hispaniensem allati, ibidem solemnibus tempore sacrifi-

cij, tertia Augusti die exhibet, mirumque est, quod restituto à Gregorio Papa XIII. Kalendario, decendium cum eodem, seu correctione hac divinitus approbatâ, anticipet: quod in D. Joannis ampulla pariter observatum est. De Januarij Martyris Beneventani Episcopi virtute quid dicam? Sanguis illius phialæ inclusus, qui in pilæ formam collectus induruit, quo die solemni processione Neapoli circumfertur, ubi in capitis ejusdem Divi conspectum venit, repente solutus liquefcit, & velut modò ex vulnere fluens solvitur; capite verò remoto, in prioris figuræ sphæram rursus coactus obdurefcit. Et hæc toti orbi, ejusque in primis regionis notitiâ fruitis, explorata sunt.

Verùm non arbitror, quemquam tam fore impudentem, qui hæc, aliâque, quæ per omnem ævum spectantur miracula, aut neget fieri, aut illudente solum dæmone, perpetrari asserat: nisi veterem juxta, novamque Christi Ecclesiam in finitis propè testimoniis, aut mendacem arguat, aut cæcam, & diabolicâ protus amentia infatuatam simul assermet.



CAPUT NONUM.

Probatur Trinitas personarum contra Mahumetum: & demonstratur, ipsum falso imposuisse Christianis, quod tres Deos colerent: & stultè negasse hoc mysterium, quia demonstrari non potest. Ejus cum Simone Mago similitudo: ubi quomodo Augustinus inductus fuerit ad deserendum errorem, in quo erat, quod videlicet nihil credi debeat, quin firma prius ratione probetur.

LXII. **P**robatur manet efficaciter, in Deo dari plures personas; hoc autem semel admissio, facile erit persuadere, esse tres. Nunc verò probandum est ex Alcorano ipso, in Deo dari tres personas. Nam Alcoranum Zorà i. sic Deum loquentem introducit: *Fecimus venire Jesum Filium Mariæ, & adiuvimus eum cum Spiritu Sancto: & insuper ait, quod Jesus Christus est Verbum Dei possum in Mariæ.* Ergo Mahumetus admittit personam Divinam mittentem Verbum suum ad Mariam, id est Patrem, mittentem Filium suum unigenitum in uterum Virginis per Assumptionem carnis: rursus admittit Spiritum Sanctum, qui sit quoque persona Divina. Dum enim dicit, Deum adjuvare JESUM Christum, seu Verbum incarnatum Spiritu Sancto, faceri debet, Spiritum Sanctum esse personam Divinam; Deus enim Verbum suum seu Filium suum sibi consubstantiali adjuvare non debuit personam aliquam creatam; cum enim Filius sit omnipotens, adjuvari non debuit à persona aliquam finitæ virtutis; diciturque illum adjuvasse Spiritu Sancto, quia misit Spiritum Sanctum; qui hominibus testifi-

catus est Divinitatem Filij, id est, qui Apostolos implevit, ut Christi Divinitatem mundo manifestarent. Et confirmatur, quia ille Spiritus Sanctus, quo Deus dicitur adjuvasse JESUM Christum, non est accidens aliquod, sed substantia; at non substantia creata, quia hæc non est proportionata, ut dicatur adjuvare Filium unigenitum Dei: ergo increata: ergo dantur in Deo tres Personæ, nempe Pater, Filius, & Spiritus Sanctus.

Deinde probatur: quia cum Christus fuerit juxta Alcoranum legatus Dei, eiusque Nuncius, non potuit falsa annuntiare, neque aliquid Deo tribuere, quod in ipso non detur. At Christus mittens in mundum universum Apostolos suos, planè significavit, dari in Deo tres Personas, dicens: *Baptizantes eos in nomine Patris, & Filij, & Spiritus Sancti* Matth. ultimo. Nam dum dixit: *In nomine, & non in nominibus*, unitatem authoritatis & essentiae significavit in tribus illis Personis. Neque si solus Pater esset Deus, & Filius & Spiritus Sanctus essent Personæ creatæ, habentes naturam finitam & limitatam, jussisset Christus baptizare in nomine Patris, & Filij, & Spiritus

Spiritus Sancti, sed iussisset baptizare in nomine solius Patris : quia valde turpe esset Deo, quoddam ad salvandas animas indigeret auxilio Spirituum creatorum. Dum ergo in nomine Trium Baptizari iussit, planè significavit, illas tres Personas esse Divinas, ac proinde habentes eandem naturam: Natura namque Divina, cum infinita sit, multiplicari non potest, planèque repugnat, dari plures Deos, erravitque planè Mahumetus, & falsum testimonium imposuit Christianis, dum in Alcorano scripsit, eos, qui ponunt in Deo tres Personas, ponere tres Deos. Utrumque enim Ecclesia Christi fatetur, & Deum esse Unum in Essentia, & esse Trinum in Personis, quod significavit Joannes Epist. 1. cap. 5. dicens : *Tres sunt, qui testimonium dant in celo, Pater, Verbum, & Spiritus Sanctus, & hi tres unum sunt.* Ipsèque Christus palam dixit Joan. 8. Personas Divinas esse plures, & tamen non esse, nisi unum Deum : Ego (inquit) & Pater *unum sumus.* Nam quatenus dixit *sumus*, pluralitatem personarum significavit; quatenus dixit *unum*, unitatem essentiae. Nec enim locutus est solùm de unitate metaphorica per unionem & conformationem voluntatis suae cum voluntate Patris, sed de unitate propria in eadem natura; idque vel ipsi Iudæi intellexerunt: *Quia audito verbo hoc, susceperunt lapides, ut jacerent in eum, tanquam in blasphemum*, quia probè cognoverunt, Christum iis verbis significasse, se esse Deum, quod ipsi blasphemiam existimabant; idque manifestè ex scopo, quem sibi proposuit Christus; nam ut probaret, non periturus oves

suas, fecit hoc argumentum : *Nemo potest rapere oves meas de manibus Patris mei, quia ipse maior omnibus est; ergo nec potest ullus rapere de manibus meis: Quia ego, & Pater unum sumus.* Quod argumentum esset nullum, si loqueretur de unitate per charitatem; ex eo enim, quoddam nemo possit rapere oves de manu Dei omnipotentis, non sequitur, quoddam nemo possit rapere de manu puri hominis, quantumvis iusti, & per charitatem uniti cum Deo. Ergo loquitur de unitate in natura. Unde Augustinus ex his verbis tract. 37. in Joannem, debellat duplicem hæresim, alteram negantem pluralitatem personarum, alteram astruentem multitudinem personarum cum pluralitate naturarum : *In errore Sabellianorum (inquit) unus est solus ipse Pater, qui Filius: in errore Arrianorum alius est quidem Pater, alius Filius, sed ipse Filius non solum alius, sed etiam aliud est. Tu in medio quid? Exclusisti Sabellianum, exclude Arrianum, Pater Pater est, Filius Filius est, alius non aliud, quia ego, & Pater (inquit) unum sumus.* Cum audit *sumus*, abscedat confusus Sabellianus; cum audit *Unum*, abscedat confusus Arrianus: gubernet Catholicus inter utrumque Fidei suae navigium, quia jam cavendum in utroque naufragium.

LXIII. Erravit itaque turpiter Mahumetus, dum in Alcorano Zorà 19. scripsit : *Nihil præter opinionem sequuntur, dicentes, Deum sumpsisse Filium, quo nequaquam indignus. An habent rationes hoc demonstraturus? An Deo nescitum imponunt?* Quibus verbis significavit, nihil in Deo admittendum esse, nisi illud,

Q 2

quod

quod humana ratio demonstraverit. Hoc autem est manifestè falsum, quia cum Deus sit infinitus, & mens humana sit finita & limitata, evidens lumine naturæ est, Deum habere perfectiones aliquas, quas mens humana per discursum naturalem assequi nequeat, solumque eas possit cognoscere per revelationem ipsius Dei, quia nimirum Deus illas voluit manifestare per Prophetas, & per Unigenitum suum, quem in mundum misit, enarrare: ut enim inquit Evangelista Joannes cap. 1. v. 18, *Deum nemo vidit unquam; unigenitus, qui est in sinu Patris, ipse enarravit.* Quare dum Christiani affirmamus, Deum habere Filium, & dari etiam tertiam Personam, quæ vocatur Spiritus Sanctus, non imponimus Deo necitum; sed de Deo affirmamus illud, quod de seipso dignatus est nobis revelare. Affirmamus quidem id, quod per discursum naturalem non assequimur, & captivamus intellectum in obsequium Fidei. Deo enim loquenti debemus credere, etiamsi nobis dicat aliquid, quod est supra humanum captum: ubi enim per fundamenta, & signa sufficientia certum nobis fuerit, Deum esse, qui loquitur, clausis oculis discursus nostri, firmissimè debemus credere, verum esse, quod nobis dicit; licet per discursum capere non possimus, quò pacto id possit esse, imò quamvis id nobis videatur impossibile: quia evidentissimum est, Deum esse infinitè sapientem, qui falli non potest, & infinitè bonum, qui fallere nequit. Ac proinde ubi per argumenta & signa creditilitatis nobis constiterit, Deum esse, qui loquitur, debemus firmissimè credere,

quæcumque dixerit; & quamvis mysteria revelata sint altissima, & quæ omnem vim intelligendi creatam supergrediantur, debemus in obsequium Dei loquentis intellectum subicere & captivare. Sicut enim ubi Deus est, qui præcipit, debemus Deo præcipienti subicere voluntatem, quamvis ardua præcipiat, sicut præcepit Abraham sacrificare Filium suum unigenitum, quem diligebat: sic ubi Deus est, qui loquitur, debemus ipsi loquenti assensum firmissimum præbere, licet ea loquatur, quæ nobis difficillima appareant, & intellectui destituito lumine Fidei impossibilia videantur. Unde quando Deus est, qui loquitur, & nobis per sufficientia argumenta constat, Deum loqui, nihil ampliùs examinare, aut inquirere debemus. At quando homo loquitur, oportet examinare, an absurda & repugnantia dicat, quia potest aut per ignorantiam inculpabiliter falli, vel per malitiam culpabiliter fallere, unde ne falsa ut vera credamus, oportet res ipsas examinare; ut docet D. Thomas in 3. dist. 24. q. 2. art. 3. q. 2. ad 1.

LXIV. Unde hæc est inter Fidem & scientiam differentia, quòd mysteria fidei sumenda sunt, sicut pilulæ amaræ, quæ non manduntur, sed devorantur, & deglutiuntur uno haustu, quin dentibus atterantur: quia videlicet, ut mysteria divina credamus, non debemus ea minutatim discursu nostro, & examine discutere & degustare, in examen vocando, quomodo possint esse; sed integra debemus uno quasi haustu deglutire, id est, assensu firmissimo credere, hoc uno contenti, quòd nobis sufficienter con-

stat,

stet, Deum esse, qui loquitur. Veritates autem naturales comparantur cibo, qui non sumitur, nisi prius dentibus comminuat, & ore degustetur, quia nimirum illis assensum prudenter præstare non possumus, nisi prius conferendo prædicatum cum subiecto detegamus, illud convenire isti. Errat ergo manifestè Mahometus, dum infert, Deum non esse Trinum in Personis, quia hoc demonstrari non potest per discursum naturalem. Satis enim est, quod nobis constet, Deum hoc dicere, quia Deo dicenti debemus credere; ut enim inquit S. Clemens Alexandrinus lib. 5. stromat. initio: *Quis est adeo impius, & à Deo alienus, ut Deo non credat, & probationem à Deo quarat, sicut ab hominibus?* Deum autem hoc revelasse, manifestum est, quia manifestum est, Christum hoc docuisse: Christus autem manifestè probavit, se esse Deum; Deus autem mentiri non potest, neque per ignorantiam decipere. Ipseque Mahometus concedit, Christum esse Prophetam sanctissimum, & veritatis Magistrum. Ergo cum nobis constet, hoc Christum dixisse Apostolis, & Apostolos hoc scripsisse, & prædicasse in universo mundo, credere hoc debemus, licet demonstrari non possit per discursum humanum, nec Angelicum.

LXV. Mahometus similis est Simoni Mago, qui, ut refert S. Clemens Romanus lib. 3. recognitionum, voluit ante omnia cum S. Petro disputationem instituere de immortalitate animæ; quia nisi anima sit immortalis, frustra (ajebat) laborabimus in inquisitione veræ Religionis. Si autem

prius demonstretur, animam esse immortalem, tunc cum fructu investigabimus, quænam sit vera Religio, in qua anima immortalis salvari possit, & pervenire ad æternam felicitatem. At D. Petrus disputationem detreçavit: *Non metu, sed jure* (inquit S. Clemens) *utque utiliter negotium conversionis gereret*; quia non est ritè dispositus ad recipiendam Fidem, quæ inter alia docet immortalitatem animæ, qui non vult credere animam esse immortalem. quin hoc prius rationibus demonstratur: nam iste, postquam illi probata fuisset immortalitas animæ, probationes postulatet ad credenda mysteria reliqua, & sic nollet credere, nisi quod rationibus probaretur: quod est contra rationem Fidei, ad quam videlicet sufficit, quod probetur, Deum esse, qui loquitur; hoc enim semel probato, obligamur credere Deo loquenti, etiam si loquatur mysteria, quæ sint supra omnem discursum, *& quæ capiti nostro appareant, quasi impossibilia*: Et ideo (inquit S. Petrus apud Clement.) *ante omnia Fidem Prophetæ omni cum examinatione oportet probari; quem cum cognoveris esse Prophetam, de reliquo cuncta ei credere oportet; nec ultra enim discutere per singula, quæ docet, sed habere firma & sancta, quæ dicit; quæ quamvis Fide suscipi videantur, antehabita tamen ratione creduntur: cum enim semel ab initio veritas Prophetæ examinata constiterit, reliqua vero fide audienda sunt, & tenenda.*

LXVI. Et sanè Mahometus ipse volebat sibi credi historias, quas referebat ex Veteri, & Novo Testamento,

quin ratione probaret res illas ita evenisse; & propterea volebat ante omnia credi, se esse Prophetam à Deo missum, quia existimabat, si semel hoc crederent auditores, faciliè postea adducendos, ut crederent omnia, quæ ipsis testificaretur. Et tamen nullo argumento probavit, se esse Dei Prophetam. Cur ergo impostor iste reprehendit Christianos, quia dicimus, Deum esse trinum in Personis, quamvis hoc non demonstramus, nec rationibus probemus? id enim credimus, quia Christus Dominus ita docuit; & nobis manifestum est ex Evangelio, & traditione Apostolorum, ita Christum docuisse. Ut enim præclare dixit Augustinus in Enchiridio ad Laurentium c. 4. *Quæ neque corporeo sensu experisumus, neque mente assequi valuimus, aut valemus, eis sine ulla dubitatione credenda sunt testibus, à quibus ea, quæ divina vocari jam meruit, scriptura confecta est: quia ea, siue per corpus, siue per animam divinities adjunti, vel videre, vel etiam prævidere potuerunt.*

LXVII. Ipse Augustinus in eo aliquando fuit errore, ut diceret, nihil esse credendum, quod non videtur, nisi certa demonstratione probaretur, verum esse, ut ipse testatur libr. 6. Conf. cap. 4. *Volebam enim (inquit) eorum, quæ non viderem, ita me certum fieri, sic ut certus essem, quod septem, & tria decem sint.* Et hic error magnum erat impedimentum, ne Fidem Catholicam susciperet, in qua jubetur credi id, quod non demonstratur. Dicitque Sanctus Doctor, sibi accidisse, quod accidere solet homini, qui

malum medicum expertus, etiam bono timet se committere: *Ita (inquit) erat valendo anima mea, quæ utique nisi credendo sanari non poterat, & ne falsa crederes, curari recusabat, resistens manibus tuis, qui medicamenta Fidei confecisti, & aspersisti super morbos orbis terrarum, & tantam illis auctoritatem tribuisti.* Cum ergo anceps esset, & non auderet Fidem Christianam recipere, quia nesciebat, an vera essent, quæ docet: adhuc tamen in hac mentis fluctuatione lux de Cælo, quæ intellexit, quam justum erat, Fidem præbere mysteriis Religionis Christianæ, quæ in Scriptura Sacra continentur, quin præcederet ea demonstratio evidens, quæ de rebus naturalibus habetur. Et hanc rationem apud se formavit. Ego credo, & pro certis habeo in hac vita res multas, quas non video, & de quibus demonstrationem evidentem non habeo, v. g. *Tam multa in historia gentium, tam multa de locis, atque urbibus, quæ non vidi, tam multa medicis, tam multa amicis, tam multa hominibus aliis atque aliis, quæ nisi crederentur, omnino in hac vita nihil ageremus. Postremo inconcusse fixum fide retineo, de quibus parentibus orisum, quod scire non possem, nisi audiendo credidissem.* Hinc intulit: si ego res has pro certis habeo, solum quia eas legi in historiis authenticis, vel ab hominibus fide dignis audiui, & non possent homines in hoc mundo degere, nisi alii aliis crederent: justum ergo est, Fidem habere rebus, quæ in Scriptura Canonica narrantur, quæ tantam à Deo auctoritatem accepit. Unde aje-

bat

bat cum Deo loquens: *Persuastisti mihi, non qui crederent libris tuis, quos tanta in omnibus ferè gentibus autoritate fundasti, sed qui non crederent, esse culpandos: nec audiendos esse, qui fortè mihi dicerent: unde scis, illos libros minus veri, & veracissimi Dei spiritus esse humano generi ministratos?* Reddítque rationem, cur credendum sit, Scripturam Sacram, in qua continetur Fides Christiana, Deum habere auctorem, & ab illo ministratam hominibus fuisse. Nimirum, quia evidens est: Deum esse, & curam nostrí gerere. *Idcòque cum essemus infirmi* (subjungit Augustinus) *ad invenendam liquidà ratione veritatem, & ob hoc nobis opus esset auctoritate sanctarum litterarum, jam credere cuperam, nullo modo te fuisse tributurum tam excellentem illi Scripturæ per omnes jam terrarum auctoritatem, nisi & per ipsam tibi credi, & per ipsam te queri voluisses.*

LXVIII. Ex quibus Augustini verbis conficitur hæc manifesta ratio ad convincendos Mahumetanos; quia cùm evidens sit, Deum esse, & Deum habere curam, & providentiam hominum, & certum quoque sit, velle illos salvos fieri cognoscendo, diligendo & colendo ipsum, evidens est, Deum habere aliquam Fidem, vel Religionem in mundo, quæ doceat ea, quæ Deus vult de ipso credi, & ea tradat, per quæ vult coli, & quæ: concluditurque, hanc Religionem non esse aliam, quàm Religionem Christianam, quæ in Scripturis Sactis habet ea, quæ de Deo credi debent, & ea, per quæ Deus coli vult; quia credibile non est,

Deum tantam auctoritatem tributurum fuisse Libris Sactis, nisi ipse illos tribuisset hominibus, ut per ipsos dirigerentur ad credendum, sperandum, & operandum. Illa autem auctoritas evidenter probatur ex miraculis Christi, & Apostolorum; ex adimplerione prophetiarum Veteris testamenti, quæ in adventu Christi, & fundatione Ecclesiæ Christianæ ad litteram completæ sunt; ex sanguine tot myriadum Martyrum; ex testimonio tot illustrium Doctorum; ex sanctitate, quâ floruerunt, qui hanc Fidem in mundo plantarunt; ex sanctitate, quam generat in iis, qui hanc legem observant, & ex aliis argumentis, quæ in hoc libro facta sunt.

Quare evidens est, esse ineptam rationem, qua Mahumetus ductus est ad negandam Trinitatem Personarum in Deo, quia hoc ratione demonstrari non potest: nam evidens est, hominem posse ac debere prudenter credere multa, quæ demonstrari non possunt, ut probat argumentum, quo convictus fuit Augustinus; quia inter homines vivere non possemus, nisi multa crederemus, quæ ratione evidenti non possunt convinci. Nihil autem credere potest homo majori auctoritate, quàm sit ea, ob quam credimus Mysterium Trinitatis: credimus enim hoc, quia majori certitudine nobis constat, hoc Christum docuisse, quàm olim fuisse Julium Cæsarem, & Alexandrum Magnum, siquidem Evangelia Apostolorum majorem fidem merentur, quàm ulla historia humana. Rursus manifestis argumentis nobis constat, Christum mentitum, aut deceptum non fuisse, sed

sed veram doctrinam hominibus tradidisse. Ergo possumus ac debemus credere, Deum esse Trinum, quamvis id non possimus ratione demonstrare.

LXIX. Rursus convincitur, illam rationem Mahumeti esse absurdissimam: quia si solum homo potest credere de Deo ea, quæ per rationem naturalem demonstrantur, paucissimi erunt homines, qui salvi fiant, quia pauci sunt homines, qui eas demonstrationes assequuntur, ad idque multo studio, & labore opus est: quid ergo erit de feminis ignorantibus, de rusticis, de pueris? Nam supra fidem falsam de Deo, rebusque divinis nequit fundari vera sanctitas, & salus animarum.

Quare Doctores Christianorum manifestè probant, ad salutem necessarium esse, ut per fidem multa credat homo, quorum veritatem assequi non potest per solum naturalem discursum: quia cum Deus sit finis hominis, ad quem cognoscendum, & amandum creatus est; & cum evidens sit, Deum esse infinitum, & incomprehensibilem ab intellectu creato, evidens est, Deum habere perfectiones multas, quas ipse solus cognoscit, vel cui ipse voluerit revelare: ac proinde evidens est, multas Deum habere perfectiones, quas homo certè cognoscere non potest, nisi Deus eas revelare voluerit: ac proinde evidens est, non posse hominem pervenire ad cognoscendum Deum, & divina sine errore, nisi per viam fidei, nimirum credendo Deo loquenti ea, quæ per discursum naturalem scire certè non possumus. Ergo stultissimum est

dicere, homines non posse credere Deum esse Trinum, quia id demonstrare non possunt.

Hinc Magnus Doctor Christianorum S. Thomas, securus D. Augustinum 2. 2. q. 2. art. 3. & 4. inquit duo: primum, *An credere aliquid supra rationem naturalem, sit necessarium ad salutem?* Secundum, *utrum credere ea, quæ ratione naturali probari possunt, sit necessarium?* Et ad utramque questionem respondet affirmativè; & postquam probavit primum, transiens ad secundum, sic in 4. art. inquit: *Dicendum, quod necessarium est homini accipere per modum fidei, non solum ea, quæ sunt supra rationem, sed etiam ea, quæ per rationem cognosci possunt, & hoc propter tria. Primo ut homo cuius ad veritatis Divinæ cognitionem perveniat: scientia enim, ad quam pertinet probare, Deum esse (nempe Metaphysica, & Theologia) & alia huiusmodi de Deo, ultimò homini addiscenda proponitur, præsuppositis multis aliis scientiis, & sic non nisi post multum tempus vite sue homo ad cognitionem Dei perveniret. Secundo, ut cognitio Dei sit communior; multi enim in studiis scientia proficere non possunt, vel propter hebetudinem ingenii, vel propter alias occupationes, & necessitates temporalis vite, vel propter torporem addiscendi, qui omnes Dei cognitione fraudarentur, nisi proponerentur eis divina per modum fidei. Tertiò propter certitudinem. Ratio enim humana in rebus divinis est multum deficiens, cuius signum est, quod Philosophi, de rebus humanis naturali investigatione perscrutantes, in multis erraverunt.*

THOMAS

vnu, & sibi ipsis contraria senserunt. Ne ergo esset indubitata & certa cognitio apud homines de Deo, oportuit, ut Divina eis per modum fidei traderentur, quasi à Deo dicta, qui mentiri non potest. Hactenus S. Thomas.

LXX. Ex his manifestè patet, Christianos prudenter sibi persuadere, Deum esse Trinum, & Unum, quamvis id ratione naturali non demonstretur: quia evidens est, Deum dignum esse,

cui aliquid revelanti, & affirmanti credamus, quamvis non intelligamus, quo pacto se habeat illud mysterium, quod revelat. Nos autem habemus manifestissima argumenta ad nobis persuadendum, Deum revelasse Trinitatem, illa scilicet omnia, quæ habemus, ad credendum Christum esse Deum, & Doctorem veritatis, quia moraliter evidens est, Christum hoc docuisse.

CAPUT DECIMUM.

Proponitur colloquium, quod Auctor habuit cum Mauro arguto, & inter suos erudito, qui volebat Christianæ Fidei nomen dare, quia capere non poterat, quomodo Deus sit Trinus in Personis, & quomodo potuerit fieri homo. Ubi symbolis, & similitudinibus explicantur Mysterium Trinitatis, & Incarnationis.

S. I.

LXXI. POST finitam Missionem Malacensem factam Christianis ad finem anni 1669. dum ego Malacæ prædicabam Mahumetanis, & Catechumenos ad Baptismum instruebam, socius meus profectus est Sexfirmum, vulgè Velez Malaga, ad Missionem exhibendam Christianis: post Baptismum solemnem Catechumenorum, celebratum die S. Joanni Evangelistæ Sacro illius anni, illuc ego quoque migravi, Mahumetanis prædicaturus, ut enixè desiderabat Excellentissimus D. Marchio de Santillan, Dux Generalis per illas maritimas oras,

& Excellentissima Marchionissa ejus uxor, uterque non minùs virtutum splendore, quàm natalium gloriâ illustris: quod & præstiti sub initium anni 1670. operam navante Excellentissimo Principe, ut Mahumerani omnes ibi commorantes, conciones audirent; posteaque celebratus est quoque Baptismus solemnis sex vel septem Mahumetanorum, qui ad Christum conversi sunt, quos in sacro fonte tenuerunt Excellentissimi Marchiones, & splendidis vestibus induerunt, ut majori cum decore sacra functio perageretur.

LXXII. In hac civitate Mahumetanum inveni, Amete Solymam nomine,

R

czte-

cæteris Africanis, quos videram, argutiorem, & melioris indolis, qui non solum linguam Hispanam expedite loquebatur, sed libros nostros legebat, & legendo percurrerat totum symbolum fidei R. P. Fr. Ludovici Granatensis: erat vir pacatus, & modestus, fidelis & verax, & qui inter Christianos, tanquam vir probus & honestus habebatur, quia revera virtutibus moralibus erat præditus. Erat homo iste suæ sectæ tenacissimus, legemque suam exactè observabat. Propter has causas hujus viri conversionem præ reliquis desiderabam; quia si semel ad Christum transiret, multos secum ad fidem veram duceret, & nobis ad cæterorum conversionem maximo usui foret. Sed conversio infidelium non est hominis volentis, sed Dei miserentis. Illum publicè & privatim sæpè aggressus sum; audiebâque attentè argumenta, quæ conficiebam, & palam fatebatur, se nescire solvere ea argumenta: cæterùm non propterea cor suum inclinari ad Religionem Christianam; præcipua difficultas ipsum retrahens, erant duo præcipua Christianæ Fidei fundamenta, nempe Dei Incarnatio, & Trinitas Personarum. Deus, ajebar, unus est: si unus, quomodo trinus? Si trinus, quomodo unus? Non capio, non intelligo: hoc impossibile appareret: unitas essentiae, & Trinitas Personarum inter se coherere non possunt: unaquæque enim Persona suam essentiam habet: si ergo sunt tres Personæ, tres habent essentias, seu naturas: ergo erunt tres Dii. Rursus quomodo Deus immortalis potuit fieri ho-

mo passibilis, & mortalis? Hoc durissimum mihi videtur, & penitus impossibile, & ideo non possum amplecti Religionem Christianam.

Cùm ego animadvertissem hujus hominis bonam indolem, & ingenium percipiendi argumenta capax, decrevi seorsim cum illo de rebus fidei non raptim, sed ex instituto agere, & ideo illum mecum, ut famulum, ex Sexifirmo in Malacam deduxi, atque cum illo amicabiliter, & confidenter agens in itinere illo, quod novem vel decem leucis constat, de rebus Religionis fusè disputavi. Et imprimis illi exponere conatus sum mysteria illa, quæ illi difficultatem ingerebant. Ne existimes (ajebar) nos Christianos asserere in Deo tres Personas, ita distinctas & separatas, sicut unus homo distinguitur ab alio homine. Inter nos, ubi dantur tres Personæ distinctæ, necesse est, ut dentur tres homines; quia unaquæque Persona habet suam naturam humanam distinctam à natura humana alterius, nimirum distinctum corpus, & distinctam animam; & ideo tres Personæ humanæ sunt tres homines, quia ubi dantur tres Personæ, dantur tria corpora, & tres animæ, ac proinde tres naturæ humanæ: ubi autem reperiuntur plures naturæ humanæ, plures debent homines reperiiri. At tres divinæ Personæ habent eandem naturam divinam, easdem perfectiones, eundem intellectum, eandem voluntatem, eandem potentiam, & sic de reliquis perfectionibus: unde quamvis Personæ sunt tres, non sunt tres Dii, sed unus Deus, quia non habent tres essentias,

tias, sed unicam simplicissimam. Natura Dei non constat corpore, & anima, sicut nostra; quia Deus non est substantia corporea, quæ manibus contrahi possit, vel sensibus corporalibus percipi; sed est substantia incorporea, spiritualis, & simplicissima, quæ solo intellectu cognosci potest. Habent ergo tres divinæ Personæ eandem simplicissimam essentiam, seu naturam, & ideo tres divinæ Personæ non sunt tres Dii, sed unus. Certè si tres personæ humanæ, v. g. Petrus, Joannes, & Didacus, haberent idem omnino corpus, & eandem numero animam, essent tres Personæ, & tamen foret upicus homo. Cæterum id in creatis non contingit, quia natura humana est finita, & limitata, ac proinde una natura solum est capax existendi in una persona, & solum est capax constituendi unam personam; unde natura Petri nequit constituere nisi personam Petri, & non potest constituere personam Pauli: at natura divina est infinita, & illimitata, & immensa, & ob hanc infinitatem postulat constituere plures personas inter se distinctas. Nonne vides, Amete, quamcumque personam creatam esse in spatio loci determinato, v. g. Malacæ, & non Matriti? Et nihilominus tu fateris, Deum simul esse hic, & Matriti, in Hispania, & in Africa, & in omnibus locis simul: unde hoc? Certè respondebis, hoc competere Deo, quia Deus est infinitus, & illimitatus; substantia autem infinita non debet esse alligata alicui loco determinato, sed debet esse ubique præsens tota. Similiter ego dico tibi, quodd natura divina, quia

est infinita, & illimitata, non existit in una sola persona, sed in tribus; naturæ autem creatæ, quia sunt finitæ, & limitatæ, & imperfectæ, non possunt ultra unam personam extendi; sed una natura unam tantum habet personam.

LXXIII. Non debes cogitare, has divinas Personas esse ab invicem separatas, sicut invicem sunt distinctæ: sicut enim sunt distinctæ, quia una procedit ab alia, Filius à Patre, & Spiritus Sanctus à Patre, & Filio: ita sunt inter se inseparabiles, quia omnes existunt in eadem essentia divina. Sic corpus solis, radius solis, & calor solis, inter se sunt res distinctæ, quia corpus solis non est radius solis, sed est principium radii, & radius est principium caloris: & tamen sol, radius, & calor in una natura solis conjunguntur, & nunquam separantur, sed ubicumque existit sol, ibi existunt radius solis, & calor solis. Unde istæ tres Personæ sunt inter se omnino æquales in duratione, in sapientia, & cæteris perfectionibus: quamvis enim Pater sit principium Filii, & Pater & Filius sint principium Spiritus Sancti, tamen Pater non est antiquior Filio, nec Pater, & Filius sunt antiquiores Spiritu Sancto. Sic quamvis sol sit principium lucis, sol non est antiquior luce, quia nunquam extitit sol, quin habuerit lucem: & quamvis ignis sit principium caloris, & quasi pater caloris, tamen ignis non est antiquior calore, sed ab initio mundi fuerunt simul. Deus Pater non habet principium suæ durationis, quia semper fuit: nec Deus Filius, quia Deus Pater nunquam extitit,

quin produceret Filium, sicut sol nunquam exiit, quin diffunderet à se radium lucis, & in se lucem haberet.

Anima nostra una est, & cum sit una dumtaxat, tres nihilominus habet potentias, quæ in illa semper existunt, & nunquam extra animam existere possunt, nimirum intellectum, voluntatem, & memoriam. Ad hunc ergo modum dico tibi, in Deo, qui unus est, tres existere Personas inter se realiter distinctas, quia inter se comparantur, tanquam producents, & productum; quæ tamen à Deo non distinguuntur, quia cum Deus ob suam infinitam simplicitatem capax non sit compositionis, quid in Deo existit, Deus est. In creatis aliter se res habet, nam non omne, quod est in anima & corpore nostro, est idem realiter cum anima & corpore: siquidem anima nostra, & corpus nostrum sunt capacia compositionis, & mutationis.

§. II.

Rationes probabiliter suadentes pluralitatem Personarum in Deo.

LXXIV. Quod in Deo debeat dari pluralitas personarum, tibi volo explicare hac ratione. Nam proprium est boni, esse communicativum sui, & majoris boni, esse magis communicativum; ergo boni infiniti proprium est, se communicare infinitè. Sed Deus per productiones ad extra non se communicat infinitè: ergo habet

ad intra aliquas productiones, per quas se communicet infinitè. Ideo ergo dicimus, Patrem æternum generare Filium æternum sibi consubstantialiæ, & Patrem & Filium producere Spiritum Sanctum sibi in omnibus æqualem, quia Deus habet infinitam bonitatem: ac proinde debuit habere naturam infinitè fecundam ad se diffundendum, & communicandum personis realiter inter se distinctis.

Sanè Deus per Prophetam Isaiam cap. 66. v. 9. dicit: *Nunquid ego, qui alios parere facio, ipse non pariam, dicit Dominus? Si ego, qui generationem aliis tribuo, sterilis ero, ait Dominus Deus?* Deus est summè perfectus; posse autem generare sibi similem, est perfectio: & sterilitas atque infecunditas est imperfectio. Ergo Deus habet perfectionem hanc fecunditatis, quod possit generare sibi similem. Ergo Deus habet Filium sibi similem, & consubstantialiæ; & consequenter habet Filium, qui sit Deus. Nam sicut filius hominis est homo, & filius leonis est leo, ita Filius naturalis Dei debet esse Deus. Est ergo rationi maximè conforme, quod in Deo non detur una tantum Persona, sed plures. Quod alia ratione volo tibi exponere: certè Deus est summè felix, & summè beatus: ad cumulum autem felicitatis pertinet, quod persona rationalis habeat aliam personam sibi similem, cum qua possit loqui, & cui possit secreta cordis aperire.

Nonne tibi videtur, quod, quando Deus creavit Adamum, non creasset illum in perfecta felicitate, si illum reli-

quisset

quisset cum solis brutis animalibus, cum quibus loqui, & communicare non posset, & non creasset Evam ipsi similem, cum qua amicitiam & societatem habere posset? Attende, quæso, omnes creaturæ minùs sunt respectu Dei, quàm bruta animalia respectu hominis. Si ergo homo non esset cumulatè felix, si non haberet societatem cum alia persona humana, & maneret cum solis brutis animalibus; nec Deus esset cumulatè felix, si non haberet aliam Personam divinam, cum qua loqui, & amicitiam atque societatem habere posset. Quamvis enim Deus possit loqui cum Angelis & cum hominibus; tamen non potest cum illis loqui plenè, quia illi capaces non sunt, ut Deus integrè illis manifestet omnia, quæ scit. Et Deus loquens cum Angelis se habet, sicut vir sapientissimus loquens cum homine rustico & rudi; minùs enim capaces sunt Angeli comprehendendi, quæ Deus scit, quàm rusticus comprehendendi, quæ scit vir sapientissimus, & omnibus scientiis perfectissimè instructus. Unde sicut vir sapiens non esset cumulatè felix, si solum posset loqui cum rusticis & ignorantibus: ita Deus non esset cumulatè felix, si solum posset loqui cum creaturis. Præterea cum Deus fuerit per totam æternitatem sine creaturis, non habuisset per totam æternitatem personam rationalem, cum qua loqueretur; ac proinde fuisset per totam æternitatem mutus, si non darentur multæ Personæ divinæ. Ergo dicendum est, dari multas Personas divinas, ut ita una possit perfectè loqui cum altera; & dari personam loquentem, & personam audientem & com-

prehendentem omnia, quæ alia persona ipsi loquitur. Dicimus autem, has personas esse tres, nec plures, neque pauciores.

§. III.

Exponitur, quomodo in DEO detur Pater, & Filius, & insuper Spiritus Sanctus.

LXXV. **U**T autem tu intelligas, quomodo in DEO dari possit Pater, & Filius, & præter Patrem & Filium detur tertia Persona, quam vocamus Spiritum Sanctum; id tibi exponere volo. Exposui autem suprà cap. 4. similitudine ducta ab homine seipsum intelligente & amante; nam dum se intelligit, format sui imaginem, quæ est quædam proles intellectus, & dicitur Verbum; & cum per hanc imaginem obijcitur menti hominis eius bonitas & perfectio, homo producit amorem sui: & ideo ibi mens intelligens est quasi Pater, verbum mentis est quasi Filius, & amor à mente per verbum procedens, est quasi Spiritus. Et adduxi similitudinem speculi, quâ suprà cap. 4. generationem Filii in Divinis exposui; & progressus sum ad explicandam processionem Spiritus Sancti.

Sicut enim quia DEUS est summè intellectivus, hoc ipso, quod seipsum intelligat, producit per ipsum actum intelligendi imaginem quandam perfectissimam sui ipsius, quæ est Verbum representans Deum, & omnia, quæ Deus potest facere, ac proinde est veluti ars quædam, & exemplar rerum omnium facti-

factibile; ac proinde Deus per Verbum suum omnia produxit, sicut artifex in creatis fabricatur domum per exemplar, & simulachrum, seu idem domus, quam idem intra se gerit, seu in mente sua format: ita, quia Deus est summè volitivus, producit per Verbum amorem quendam sui infinitè perfectum: nihil enim potest voluntate amari, nisi sit in intellectu conceptum. Hic autem amor procedens à Deo per Verbum, est tertia Persona, quam vocamus Spiritum Sanctum; quæ procedit à Patre & Filio per voluntatem & amorem; sicut Verbum, seu Filius procedit à Patre per intellectum.

LXXVI. Id ut aliquo modo percipias, reflecte supra id, quod in nobis contingit. Quando rem aliquam attendit, & serè cogitamus, formamus intra nos quendam imaginem, quæ rem illam nobis repræsentat: si autem res repræsentata sit aliqua persona bona & pulchra, ex imagine illius rei oritur in nobis amor, impulsus, & inclinatio vitalis in rem illam cognitam & repræsentatam. Sic ergo Deus, seipsum contemplans & comprehendens, producit imaginem perfectissimam suarum perfectionum; & perfectiones illæ divinæ, ut repræsentatæ per eiusmodi imaginem, seu Verbum, rapiunt divinam voluntatem in sui amorem, ac proinde Deus Pater mediante illo Verbo, seu imagine perfectissima suæ bonitatis, & simul cum illo producit amorem quendam infinitum erga bonitatem illam repræsentatam per Verbum & in Verbo. Et hic amor productus est Spiritus Sanctus, & tertia Persona divina.

§. IV.

Cur in Deo dentur tres Personæ, neque plures, neque pauciores.

LXXVII. Unde percipies rationem, cur in DEO ponamus tres Personas, neque plures, neque pauciores. Ratio est, quia emanationes, seu productiones in Divinis accipi non possunt, nisi secundum actiones, quæ in agente manent; huiusmodi autem actiones in natura intellectuali, & divina non sunt nisi duæ, scilicet *intelligere & velle*: unde productiones in Divinis non possunt esse nisi duæ, & Personæ divinæ non nisi tres: nam prima persona est omnino improducta, & innascibilis, nempe Pater, qui est origo prima, & fons divinarum Personarum: Pater per actionem intelligendi producit Verbum, seu Filium: Pater verò & Filius per actionem amandi produciunt Spiritum Sanctum; & hæc sistant divinæ processiones, seu emanationes. Quia ergo Deus est substantia spiritualis infinita, est Persona; quia est actu intelligens infinitè, per actionem intelligendi producit Verbum; & quia est amans infinitè, per actionem amandi per Verbum, & simul cum Verbo producit Spiritum Sanctum; & sic sunt tres Personæ divinæ.

Explicato mysterio Trinitatis, transivi ad explicandum Mysterium Incarnationis, & susè illud exposui eo modo, quo illud exponit Sanctus Thomas opusculo 3. cap. 6. Cuius explicationem hic apponere decrevi, ut Christi prædicator ad manum habeat dilucidam tanti mysterij expositionem; quæ licet non sit pro-

pro-

proponenda rusticis Mahumetanis, si tamen inter illos sit aliquis perspicax, & acutus, & repugnantiam inveniat in illo mysterio, ei potest exponi, ut ego præstiti cum Amete Solimam.

§. V.

Quomodo exponendum sit Mysterium Incarnationis ex Sancto Thoma.

LXXVIII. *C*um dicimus, Deum hominem fieri, non existimes, Amete, hoc ita accipiendum esse, ut Deus convertatur in hominem, sicut aer fit ignis, cum in ignem convertitur. Immutabilis enim est Dei natura: corporea autem sunt, quæ invicem convertuntur. Spiritus autem natura in naturam corpoream non convertitur, sed potest ei aliquid uniti propter efficaciam suæ virtutis, sicut anima unitur corpori, licet humana natura ex anima constet & corpore; anima autem non corporeæ, sed spiritualis naturæ sit: omnis tamen creatura spiritualis deficit à simplicitate divina, multò amplius, quàm corporea creatura à simplicitate spiritualis naturæ. Sicut ergo spiritualis natura unitur corpori per efficaciam suæ virtutis, ita & Deus potest uniri tam spirituali quàm corporali: & secundum hunc modum dicimus, Deum naturæ humanæ fuisse unitum. Est autem attendendum, quod unumquodque maximè videretur esse illud, quod invenitur in eo esse principium; omnia autem alia videntur ei, quod est principium, adherere, & quodammodo assumi, in quantum id, quod est principium, aliis utitur secun-

dum suam dispositionem: quod quidem patet non solum in ordinatione civili, in qua principes civitatis quasi tota civitas esse videntur, & aliis utuntur secundum suam dispositionem, ut sibi adherentibus membris, sed etiam in adunatione naturali. Licet enim homo naturaliter constet ex anima & corpore, principalius tamen homo videtur esse anima, quàm corpus, quod animæ adhæret, & quo anima utitur ad operationes animæ convenientes. Sic ergo, & in unione Dei ad creaturam, non trahitur Deitas ad humanam naturam, sed humana natura à Deo assumitur, non quidem ut convertatur in Deum, sed ut Deo adhereat, & sunt quodammodo anima & corpus sic assumpta, anima & corpus ipsius Dei, sicut partes corporis, assumptæ ab anima, sunt quodammodo ipsius animæ membra. Est tamen in hoc aliqua differentia attendenda: nam anima, licet sit perfectior corpore, non tamen totam perfectionem in se possidet humanæ naturæ; unde corpus sic ei advenit, ut ex corpore & anima compleatur una humana natura, cuius quædam partes sunt anima & corpus: sed Deus ita est in natura sua perfectus, ut plenitudini naturæ ipsius nihil adici possit; unde cum natura divina non potest sic uniri altera natura, ut ex utraque una constituatur natura communis: sic enim natura divina pars esset illius naturæ communis, quod repugnat perfectioni divinæ naturæ; nam omnis pars imperfecta est: ergo Dei Verbum sic humanam naturam assumpsit, quæ ex anima constat & corpore, ut tamen nec altera transiret in alteram, nec ex duabus una natu-

natura conflaretur, sed post unionem duæ naturæ distinctæ remanerent, quantum ad proprietates naturarum. Est autem rursus considerandum, quoddum spiritualis natura corporeæ uniatur per spirituales virtutes, quando fuerit major virtus spiritualis naturæ, tantò perfectius & firmitus sibi naturam inferiorem assumit. Est autem Dei virtus infinita, cui omnis creatura subijcitur, & unaquaque utitur pro suo arbitrio: non autem eis ureretur, nisi aliquo modo per efficaciam suæ virtutis uniretur eis. Tantò autem alicui naturæ perfectius unitur, quanto in ea magis suam virtutem exercet. Inter omnes siquidem creaturas virtutem suam exercet, quantum ad hoc, quoddum omnibus esse largitur, & ad proprias operationes movet, & secundum hoc quodam communi modo in omnibus rebus dicitur esse. Sed specialiori quodam modo virtutem suam exercet in mentibus sanctis, quas non solum in esse conservat, & ad operandum movet, sicut alias creaturas, sed etiam eas convertit ad se cognoscendum & amandum, unde etiam sic in sanctis mentibus specialiter dicitur habitare, & mentes sanctæ Deo plenæ esse dicuntur. Quia ergo secundum quantitatem virtutis, quam Deus exercet in creaturam, magis & minus dicitur creaturæ uniri, patet, quoddum, cum efficacia divinæ virtutis humano intellectu comprehendere non possit, sublimiori modo Deus potest creaturæ uniri, quam intellectus humanus capere possit. Quodam ergo incomprehensibili & ineffabili modo, dicimus, Deum unitum esse humanæ naturæ in Christo, non solum

per inhabitationem, sicut in aliis sanctis, sed quodam modo singulari, ita quoddum humana natura esset quædam Filius Dei natura, & Filius Dei, qui ab æterno haberet naturam divinam à Patre, ex tempore per assumptionem mirabilem haberet humanam naturam ex genere nostro: & sic quælibet partes humanæ naturæ ipsius Filius Dei dici possunt Deus, & quiddum agit, vel patitur quælibet pars naturæ humanæ in Filio Dei, potest attribui unigenito Dei Verbo. Unde non inconvenienter dicimus, animam & corpus esse Filius Dei, & oculos & manus, & quoddum Filius Dei corporaliter videat per oculi visionem, & audiat per auris auditum, & sic de aliis, quæ partibus animæ, vel corporis convenire possunt. Huius autem unionis admirabilis nullum convenientius exemplum inveniri potest, quam unio corporis & animæ rationalis. Est etiam non inconveniens exemplum de hoc, quoddum Verbum nostrum in corde manet absconditum, & sensibile fit per assumptionem vocis & scripturæ. Sed tamen hæc exempla à prædicta unionis representatione deficiunt, sicut & cætera exempla humana à rebus divinis. Nam neque Deitas sic unitur humanæ naturæ, ut sit pars alicuius naturæ: neque sic unitur humanæ naturæ, ut solum significetur per eam, sicut verbum cordis significatur per vocem aut scripturam, sed sic ut veraciter Filius Dei habeat naturam humanam, & homo dicatur. Patet ergo, quoddum non dicimus, Deum unitum esse corporeæ naturæ, ut sit virtus in corpore ad modum materialium & corporalium virtutum, quia nec intellectus ani-

ma

ma corpori unita sic est virtus in corpore; multò minùs ergo Dei Verbum, quod ineffabiliter & sublimiori modo sibi naturam humanam assumpsit. Pater etiam secundum præmissa, quòd Filius Dei, & divinam naturam habet, & humanam; unam ab æterno, aliam ex tempore per assumptionem. Contingit autem, ab eodem plura haberi secundum diversos modos, in quibus tamen omnibus semper, quòd est principalis, habere dicitur; quòd autem minus principale, haberi. Habet enim totum multas partes, ut homo manus & pedes; non autem dicimus de converso, quòd manus & pedes habeant hominem. Habet etiam unum subiectum multa accidentia, sicut pomum colorem & odorem, non è converso. Habet etiam homo aliqua exteriora, sicut possessiones & vestes, non è converso. In solis autem illis, quæ sunt partes alicuius unius essentielles, aliquando aliquid dicitur habere & haberi, ut anima corpus, & corpus animam. Et similiter in quantum vir & uxor in matrimonio conjunguntur, dicitur vir habere uxorem, & uxor virum. Et similiter in his, quæ per relationem uniuntur, sicut dicimus, quòd pater habet filium, & filius patrem. Si ergo sic uniretur Deus humanæ naturæ, sicut anima corpori, ut ex his constitueretur una natura communis, posset dici, quòd Deus habet naturam humanam, & humana natura habet Deum, sicut anima habet corpus, & è converso. Sed quia ex divina & humana natura non potest constitui una natura, propter perfectionem divinæ, ut dictum est, & tamen in prædicta unio-

ne principalis est, quòd est ex parte Dei, manifestè consequitur, quòd ex parte Dei accipi oportet id, quòd habet naturam humanam. Illud autem, quòd per aliquam naturam dicitur esse, dicitur esse suppositum, vel hypostasis naturæ illius, sicut quòd habet naturam equi, dicitur esse hypostasis, vel suppositum naturæ equinæ. Et si sit natura intellectualis, quæ habetur, talis hypostasis dicitur persona; sicut dicimus Petrum esse personam, quia naturam humanam habet, quæ est intellectualis natura.

Cùm ergo Filius Dei, unigenitum Dei Verbum, per assumptionem habeat humanam naturam, ut dictum est, sequitur, quòd sit hypostasis, vel suppositum, vel persona humanæ naturæ. Et cùm ab æterno habeat divinam naturam, non per modum compositionis, sed simplicis identitatis, dicitur etiam hypostasis, vel persona divinæ naturæ, secundum tamen quòd divina verbis humanis exprimi possunt. Ipsum ergo unigenitum Dei Verbum est hypostasis, vel persona duarum naturarum, divinæ scilicet & humanæ, in duabus naturis subsistens. Si quis autem objiciat, quòd humana natura etiam in Christo non sit accedens, sed substantia quædam, non autem universalis, sed particularis, quæ hypostasis dicitur, videtur consequi, quòd ipsa humana natura in Christo hypostasis quædam sit præter hypostasim Dei Verbi, & sic in Christo erunt duæ hypostases. Considerare debet, qui sic objicit, quòd non omnis substantia particularis hypostasis dicitur, sed solùm illa, quæ ab aliquo principali non habetur. Manus enim hominis substantia est quædam

Particularis, non tamen potest dici hypostasis, nec persona, quia habetur à Principiori, quod est homo: alioquin in quovis homine essent tot hypostases, vel personæ, quot membra, vel partes. Humana ergo natura in Christo non est accidens, sed substantia, non universalis, sed particularis: nec tamen hypostasis dici potest, quia assumitur à principiori, scilicet à Dei Verbo. Sic ergo Christus est unus propter personæ vel hypostasis unitatem, nec potest dici esse duo; sed propriè dicitur, quòd habet duas naturas. Et licet divina natura prædiceretur de hypostasi Christi, quæ est hypostasis Verbi Dei, quod est eius essentia, tamen humana natura non potest prædicari de eo in abstracto, sicut nec de aliquo habente humanam naturam. Sicut enim non possumus dicere, quòd Petrus est humana natura, sed quòd est homo, in quantum habet humanam naturam, ita nec possumus dicere, quòd Dei Verbum est humana natura, sed quòd habet humanam naturam assumptam, & ex hoc dicitur homo. Utraque ergo natura prædicatur de Verbo Dei, sed una in concreto tantum, scilicet humana, ut cum dicimus, Filius Dei est homo: divina verò natura, & in abstracto, & in concreto dici potest, ut quòd Verbum Dei est divina essentia, vel natura, & quòd est Deus.

Cum autem Deus sit habens divinam naturam, & homo sit habens humanam naturam, per hæc duo nomina significantur duæ naturæ habitæ, sed unus habens utramque. Et cum habens naturam sit hypostasis, sicut in nomine Dei intelligitur hypostasis Verbi Dei, ita in

nomine hominis intelligitur Verbum Dei, secundum quod attribuitur Christo. Et sic patet, quòd per hoc, quòd dicimus Christum DEUM & hominem, non dicimus eum esse duo, sed unum in duabus naturis. Quia verò ea, quæ conveniunt naturæ, attribui possunt hypostasi illius naturæ; hypostasis autem tam humanæ naturæ, quam divinæ includitur, tam in homine significante divinam naturam, quam in homine significante humanam, quòd est eadem hypostasis habens utramque naturam; consequens est, ut tam humana, quam divina prædicentur de illa hypostasi, seu secundum quod includitur in nomine significante divinam naturam, seu secundum quod includitur in nomine significante humanam. Possumus enim dicere, quòd Deus Verbum Dei est conceptus, & natus de Virgine, passus, mortuus & sepultus, attribuentes hypostasi Verbi humana propter humanam naturam; & è converso possumus dicere, quòd homo ille est unus cum Patre, & quòd est ab æterno, & quòd creavit mundum propter divinam naturam. In his ergo tam diversis de Christo prædicandis distinctio invenitur, si consideretur, secundum quod ista de Christo dicuntur. Quædam enim dicuntur secundum humanam naturam, quædam secundum divinam. Si autem consideretur, de quod dicuntur, indistinctè proferuntur, quia eadem est hypostasis, quæ divina & humana dicuntur: ut si dicam, quòd idem est homo, qui videt & audit, sed non secundum idem; videt enim secundum oculos, & audit secundum aures. Idem etiam est pomum, quod videtur

detur & odoratur, sed hoc quidem colore, illud autem odore, ratione cujus dicere possumus, quod videns audit, & audiens videt, & visum odoratur, & odoratum videtur. Et similiter dicere possumus, quod Deus nascitur de Virgine propter humanam naturam, & homo ille est æternus propter divinam.

G. VI.

Explicatur Mysterium Incarnationis variis similitudinibus.

VAtia adduxi symbola & exempla sensibilia, quibus huic Mauro emolliorem difficultatem, quam experiebatur in credendo hoc mysterio: non quia existimarem, illa sufficere ad persuadendum mysterium tam arduum, & superans omnem humanum discursum; sed ut minore difficultate experiretur, & ut ostenderem, non esse impossibile, ut ipse existimabat.

LXXIX. Primò igitur explicui hoc mysterium exemplo *infectionis*, desumpto ex Theodoro Dialogo *inconfusus*. Nam si tu haberes in tuo horto nobilissimum truncum pyri, habentem unum ramum, huic trunco posses inferere alium ramum, prunum, v. g. & tunc jam eadem arbor esset pyrus & prunus, produceretque duos fructus specie diversos, nimirum pyra & pruna. Et in eodem trunco, veluti in eadem hypostasi & supposito existeret duplex natura, & natura pyri, & natura pruni; nec propterea esset duplex arbor, sed unica, cui esset connaturalis natura pyri, quia cum illa nasceretur; natura autem pruni, licet per *infectionem* appropriaretur ipsi, tamen

ex se esset extranea à natura pyri. Sic ergo cogita Verbum divinum, seu Personam Filij Dei, tanquam arborem divinam habentem ex se ramum Divinitatis, & ferentem ex se fructus omnino divinos: huic divinæ arbori, & quasi nobilissimo trunco inseruit omnipotentia Dei ramum humanitatis; unde Verbum post incarnationem jam habet duplicem ramum; naturam quidem divinam tanquam sibi connaturalem, & secum identificatam: naturam humanam verò ex se quidem extraneam, quæ tamen per *infectionem* incarnationis inserta est personæ Filij Dei, & facta est propria Filij Dei. Unde eadem persona Filij Dei habet naturam divinam & humanam, ac proinde est Deus & Homo: unde Christus est una arbor cum duplici fructu, divino & humano; habet enim operationes Dei, quia est Deus, & operationes humanas, quia est Homo, sicut pyrus, cui inserta est prunus, habet duplicem fructum.

LXXX. Secundo idipsum explicui exemplo *ignitionis*, desumpto ex D. Basilio. Sumamus ferrum candens, vel carbonem ignitum: Nonne vides, quod ignis totum ferrum penetrat, occupat, & ad suam puritatem & nitorem trahit, sibi que penitus adstringit & unit? Sic ergo considera, quod Verbum divinum, tanquam ignis splendidissimus, totam naturam humanam Christi penetravit, & omnes ejus partes sibi univit. Nonne vides, quod illa unio ignis cum ferro est ita intima, ut vix possimus alterum ab altero discernere, cum tamen certum sit, ibi post ignitionem manere naturam ferri. Hoc ergo modo debes cogitare, unionem Verbi cum humanitate esse

penitissimam, & vi illius humanitatem totam esse imbutam, & refulgentem igne Divinitatis; & nihilominus manere cum distinctione à natura divina Verbi, à qua magis illustratur & perficitur, quam ferrum, vel carbo ignitus perficiatur ab igne secum penetrato. Et sicut durante unione ignis cum ferro, ferrum redditur incapax ferruginis, nigrois & frigoris, ita humanitas ratione unionis cum divinitate est incapax peccati & erroris, quorum foret capax, si non esset unita Verbo divino. Unde humanitas Christi differt à nostra, sicut differt carbo ignitus à carbone extincto, & sicut differt ferrum candens à ferro frigido. Denique advertere debes, quoddam sicut beneficio unionis inter ignem & ferrum, operatio ignis tribuitur ferro, & operatio ferri tribuitur igni; dicitur enim ferrum splendere, calefacere, urete, accendere, & ignis potest dici secare, dividere, penetrare, condensari; imperfectiones tamen ferri ignem non afficiunt. Ita beneficio illius admirabilis unionis inter Verbum divinum & humanitatem, ea, quæ sunt hominis, tribuuntur Deo, & ea, quæ sunt Dei, tribuuntur homini: sic tamen ut imperfectiones humanitatis non lædant divinitatem; sicut ferrum sua nigredine non inficit ignem, cui conjungitur.

LXXXI. Sed potissimum ad hoc mysterium explicandum usus sum exemplo *animationis*, sicut enim anima rationalis, & caro unus est homo, ita Deus & homo unus est Christus; ut inquit Athanasius in symbolo. Adverte, Amete, quanta sit distantia inter animam & carnem; anima enim est res subtilis, incor-

porea, simplex, viva, mobilis, pura, intelligens, immortalis, per se subsistens; caro est crassa, multiplex, impura, sordida, torpens, sensu & ratione destituta, corruptioni obnoxia; & tamen anima vi sua, suoque contactu carnem extollit, & ad se trahit, sibi que substantialiter unice, & unus ex utroque homo constat: & per hanc unionem caro fit spiritalis, pulchra, viva, mobilis, & bonorum animæ particeps, ita ut omnis honor, qui animæ defertur, simul etiam deferatur carni. Rursus caro non gestat animam, sed anima carnem, & hæc in anima veluti in sustentante recumbit, non autem anima in carne: unde caro ad hypostasim animæ elevata, & unita videtur. Præterea iste homo, v.g. Petrus, simul est anima & caro, vel ut magis propriè loquar, animalis & carnalis; ut animalis animâ rationali, est incorporeus, immortalis, & ratione præditus; ut carnalis, est corporeus, mortalis, & ratione carens, &c. Denique quidquid operatur aut patitur caro, operatur vel patitur homo animalis: & quidquid operatur aut patitur anima, operatur vel patitur etiam homo carnalis. Ad hunc ergo modum licet quoad perfectionem inter naturam humanam, & Deum sit infinita distantia; tamen potest Deus suâ infinitâ potentiam naturam humanam in infinitam celsitudinem supra omnem creaturam attollere, & ad hypostasim, seu Personam Verbi (quæ naturæ humanæ, & singulis ejus partibus intimè præsens erat) insolubili & substantiali nexu adstringere & unire, ita ut jam non illa in se & per se, sed in Verbo, veluti ramus terrenus in cælesti trunco, & veluti corpus in re-

gente

gente & sustentante se animâ subsisteret. Nec idcirco Verbum mutari, sed humanitas elevari, ad Verbum trahi, & modum quendam inexistendi Verbo accipere debuit: sicut cùm magnes attrahit, & copulat sibi ferrum, non magnes, sed ferrum mutatur: cùm Angelus assumit corpus, non Angelus, sed corpus mutationem patitur: & cùm cera infunditur sigillo, ipsa, non sigillum mutatur. Hæc symbola adducit P. Lessius in tract. de Perfect. Divin. ad explicandum hoc mysterium, & illis ego usus sum ad imprimendam aliquam notitiam hujus veritatis illi Mauro, ne tantam difficultatem sentiret in ea credenda. Et in hoc colloquio aliquam partem viæ transegitur; sed quia ut inquit Isai. cap. 7. vers. 9. *Si non credi-*

deritis, non intelligetis, prius debet persuaderi, mysterium aliquod esse revelatum à Deo, ac proinde credi debet, quàm illud rationibus explicemus; quia rationes illæ homini habenti fidem deserviunt ad acuendam intelligentiam: ubi autem fides non præcedit, non sufficiunt ad persuadendum, illud mysterium esse verum: & ideo postquam explicui mysteria ista, aliam viam aggressus sum, quâ pergere debent, qui infidelibus volunt persuadere, vera esse mysteria nostræ fidei. Nam colloquium hucusque habitum in eum finem direxi, ut huic Mahumetano ostenderem, non esse impossibile Mysterium Incarnat. non autem ut rationibus persuaderem, debere ab illo acceptari, ut verum.

CAPUT UNDECIMUM.

*Quomodo Predicatores Evangelici persuadere
debent Infidelibus, vera esse mysteria nostræ
Fidei.*

LXXXII. **Q**uia mysteria nostræ Fidei sunt omnino supernaturalia, & superant omnem rationem, & discursum naturalem, ratione naturali non potest directè ostendi eorum veritas; quia quod est supra omnem rationem, ratione demonstrari non potest. Et ideo licet possimus solvere, quæ contra illa obijciuntur (quia cùm impugnent veritatem, necesse est, ut sint fallacia argumenta, oppugnantia mysteria nostræ fidei) ta-

men non debet minister Evangelicus niti rationibus ad directè probandum illa esse vera: *Quæ igitur fidei sunt* (inquit D. Thom. 1. part. q. 32. artic. 1.) *non sunt tentanda probari, nisi per auctoritates iis, qui auctoritates recipiunt.* Apud alios verò sufficit defendere, non esse impossibile, quod predicat fides. Unde Dionys. dicit cap. 2. de Div. Nomin. *Si aliquis est, qui totaliter eloquiis resistit, longè erit à nostrâ Philosophia. Si autem ad veritatem eloquiorum scilicet*

sacrorum respicit; hoc & nos canone utimur. Hinc S. August. lib. de Fide, & symbolo cap. 9. circa finem ait: *Fides inconcussa tenenda est, ut dicamus istam Trinitatem unum Deum: nec temerè aliquid de invisibilibus affirmemus, tanquam scientes, sed tanquam credentes: quoniam videri, nisi mundo corde, non possunt.*

LXXXIII. Colloquium ergo cum Amete Solimam prosequens, addidi: hucusque tibi explicui, quomodo sine repugnantia, & contradictione intelligi possit, quòd Deus factus sit homo; & quomodo Christus possit simul esse Deus, & homo. Nunc verò alià viâ utar, ut tibi persuadeam, Christianæ Religioni nomen dare. Et imprimis, amice Amete, stultum est, quòd tu tibi persuadeas, mysteria Religionis Christianæ esse falsa, quia tu ratione, & discursu tuo non potes assequi, quomodo se habeant; sic enim negare deberes, ut falsum, omne illud, quod tuo discursu non potes comprehendere: Hoc autem est manifeste absurdum; multa enim sunt, quæ ratio naturalis non valet comprehendere. Inter Aristotelem, & alios Philosophos diu, acriterque disputatum est, an continuum componatur ex punctis indivisibilibus, an ex partibus semper divisibilibus in minores, & minores sine termino. Et hucusque nemo Philosophorum hanc difficultatem omnino vincere potuit, & veritatem palàm detegere. Rem illi explicui; quæstio est inter Philosophos, an si Angelus dividat hunc unguem in duas medietates, & rursus unam medietatem in alias duas, & sic

deinceps, an aliquando perveniret ad punctum aliquod indivisibile, quod amplius non posset dividi. In qua quæstione Princeps Philosophorum Aristoteles negat, & multi cum illo: at Zeno cum aliis affirmat. Et nemo hucusque clarè ostendere potuit, quidnam eorum sit veritatem assecutus. Rursus tu certà experientià cognoscis fluxus, & refluxus maris; & tamen, undenam illi proveniant, ignoras.

Nos omnino videre res à longe experimur, & interposito medio opacæ non videre; & tamen ignoramus, quomodo fiat tam mirabilis visio in humore oculorum. Experimur homines tam felicitis memoriæ, ut continuatâ serie multa recitare valeant: & tamen quomodo fiat illa memoratio, ignoramus. Scimus, ex rudi massa formari fœtum in ventre femi-næ; & tamen quomodo id fiat, omnino ignoramus. Videmus, ex grano vel officulo arborem nasci, & quomodo id fiat, nescimus. Experimur magnetem attrahere ferrum, & quomodo attractio fiat, ignoramus. Et ut alia omittam, vos Mauri creditis corporum resurrectionem; & tamen discursus naturalis non assequitur, quomodo corpus conversum in vermes, in herbas, vel in pisces (quando scilicet ab eis devoratur) possit resurgere. Ergo stultum est dicere: Deus non est Trinus, quia ego non assequor, quomodo hoc possit esse: Deus non est factus homo, quia ego non capio, quomodo id fieri poterit. Ratio stultitiæ est, quia ratio evidens demonstrat, Deum esse infinitum, & incomprehensibilem ab omni humano, in d
ab

ab omni creato intellectu: si ergo est infinitus, poterit in se habere perfectiones aliquas, quas noster intellectus solo lumine naturali nequeat assequi: si est omnipotens, ergo potest aliquid facere, quod discursus humanus non potest assequi, esse possibile. Ergo stat **Mysterium Trinitatis, & Incarnationis esse vera**, quamvis tu non possis mente tua illa capere: ergo stultum est, asserere, *non ita est, quia ego non capio.*

LXXXIV. Nos Christiani non credimus hæc mysteria, quia illa intellectu nostro comprehendimus; sed quia Deus, qui nec fallere, neque falli potest, illa nobis revelavit: Deo autem loquenti credere debemus, quamvis non intelligamus, quomodo esse possit id, quod ipse dicit. Cerrè quod tibi difficultatem ingerit, difficultatem ingessit vehementem Philosophis, & sapientibus, qui extra Religionem Christianam educati impossibile primò judicabant, Deum esse Trinum, & Unum, & hominem crucifixum esse Deum; & tamen id postea firmissimè crediderunt, & in defensionem horum mysteriorum libros scripserunt, & multi eorum sanguinem pro hac fide profuderunt. Tales fuerunt Dionysius Areopagita, qui ad fidem Christi conversus est ab Apostolo Paulo (occasione conversionis exposui ex Actibus Apostolorum cap. 17.) Insignis iste Philosophus cum esset annos natus viginti quinque, & Heliopoli in Ægypto commoraretur, mirandam illam solis eclipsem, quæ tempore Passionis Domini contigit, vidit, & causam ignorans obstupuit, & postea ex Paulo cognoscens hoc prodigium acci-

disse in morte Jesu Christi, quem Paulus Atheniensibus prædicabat, hinc motus non parùm est ad amplectendam eam fidem, quam Apostolus prædicabat. Et postea illam scriptis illustravit, & pro hac fide Martyr occubuit, imitatus Magistrum suum Paulum, qui prius magnâ blasphemiam cogitabat, quod Apostoli prædicabant, nempe, Jesum Nazarenum à Judæis crucifixum esse Filium Dei naturalem; postea verò à Christo miraculosè conversus, ejus divinitatem, mortem, & resurrectionem, & reliqua Religionis Christianæ mysteria in magna orbis parte prædicavit, & tandem in hujus fidei defensionem martyrium passus est Romæ, simul cum Apostolo Petro. Talis etiam fuit conversio Justini Philosophi sapientissimi, qui postquam persecutus fuit omnes penè sectas, veræ sapientiæ adipiscendæ causâ, tandem ad fidem Christi conversus est, eamque doctissimis libris defendit, & Romæ pro ea martyrium subiit anno Christi 165. Talis quoque fuit Hilarius, qui cum esset Philosophus Gentilis, desiderans veram Philosophiam invenire, libros Philosophorum legens, & in eis, quod quærebat, non inveniens, tandem libros Sacræ Scripturæ perscrutatus est, & planè cognovit, Scripturam Sacram Deum habere Authorem, & fidem Christi suscepit; & postea Episcopus Pictaviensis creatus, Fidem Catholicam, confitentem divinitatem Jesu Christi, & Trinitatem Personarum, acerrimè propugnavit contra Arrianos, ut constat ex ejus libris de Trinitate, in quorum principio suam conversionem scribit:

&

& denique plenus sanctitate & fide, multis undique virtutibus editis; ita ut & mortuos suscitaverit, migravit ad cœlos, anno Christi 369. Talis etiam fuit magnus Ecclesies Doctor Augustinus, quicum esset subtilissimus vir ingenii, & in scientiis versatissimus, ex conversatione D. Ambrosii cepit errores pristinos agnoscere, & tandem Catholicam Christi Fidem suscepit, omniæque illius mysteria, præsertim Trinitatem Personarum Divinarum, & Deitatem Christi contra hæreticos propugnavit.

Certè omnes isti, & multi alii, quos brevitas causâ prætermitto, sapientiores multo erant, quàm tu; fueruntque post conversionem Viri Sanctissimi, & dubitari non potest, quòd maximam experti sunt difficultatem in iis mysteriis, & tamen illa firmissimè crediderunt, & multi pro testificatione illorum vitam dedere: cur ergo tu non credes, quod tot tam illustres sapientiâ, & sanctitate Viri post diligentem omnium sectarum discussionem crediderunt? Aut cur, quæso, illi sapientissimi Doctores captivaverunt intellectum suum ad credendum firmissimè mysteria, quæ non intelligebant, nisi quia urgentissima tribuerunt fundamenta, quibus persuasi sunt, Deum revelasse mysteria hæc, & Authorem esse Religionis Christianæ? Et inde benè intulerunt, hominem teneti credere Deo loquenti, quamvis loquatur mysteria, quæ excedunt naturalem nostrum discursum. Hæc autem fundamenta te etiam movere debent, ut id credas, quod illi crediderunt.

Dic mihi, quæso, si aliquis tuæ sectæ Papaz (sic vocant Sacerdotes, & Alfaqinos) esset vir eximie probitatis, & veracitatis, essetque sapientissimus, ita ut suspicari pruden-ter non posses, eum, vel ex ignorantia falli, vel ex malitia velle fallere, tibi asseveraret rem aliquam valde difficilem, & serio testaretur, ita se habere; nonne illi affirmanti crederes? Respondit annuendo: crederem; inquit, quia ita mecum discurrem: hic Vir est sapientissimus, & ego homo ignatus; ille multa scit, quæ ego ignoro; aliunde verò est Vir probus, & sanctus, qui neminem decipere curat: ergo prudentiæ erit, fidem illi tribuere. Benè dixisti: sed ex ore tuo te iudico: si homini probò, & sapienti credere debemus, quæ narrat, quamvis ea per nostrum discursum non assequamur, cur non credemus Deo loquenti & testificanti? Hic respondit: si ego scirem, Deum esse, qui loquitur, libentissimè crederem; quamvis essent mysteria altissima supra meum captum. Et tunc ego: optimè dixisti: sed inde convinceris, ut credas, Christum esse Deum, & in Deo non dari unam tantum personam, sed tres, quamvis tuo discursu id capere non possis: quia ego tibi manifestissimè probabo, Deum revelasse hæc mysteria, & manifestasse mundo.

LXXXV. Ad hoc probandum adduxi argumenta illa, quibus libro præcedenti demonstravi Christi divinitatem. Primò quia Christus fuit Propheta Sanctissimus, & Doctor veritatis, ut tu fateris: at manifestum est, Christum de seipso dixisse, se esse Filium

lium Dei naturalem, verumque Deum; siquidem hoc ab ejus ore audierunt Apostoli, & toti mundo prædicarunt, & peruaferunt, & in testimonium hujus veritatis martyrium subiêrunt. Secundò, quia Christus doctrinam illam evidentibus confirmavit miraculis. Tertiò, quia Apostoli per totum orbem dispersi hanc doctrinam innumeris signis confirmarunt. Quartò, quia pro illa testificanda multa centena Martyrum millia atrocissima passi sunt tormenta, cum summa constantia & magna lætitia. Quintò, quia in hac fide singulis seculis floruerunt insignes Sancti, manifestis miraculis à Deo illustrati. Sextò, quia perfidi Judæi, qui Christum tanquam blasphemum occiderunt, à Deo deserti sunt, & severissimè usque modò puniuntur. Septimò, quia in sola Christi fide elucet notæ veræ Religionis, quas supra breviter perstrinxi, & fusè in hac & præcedenti parte explicavi. Hæc & similia argumenta petita à motivis credibilitatis confeci: ad quæ obmutescerebat Maurus, & fatebatur, se nescire respondere ijs argumentis.

Sed præcipuè institi primæ demonstrationi, quam supra confeci. Hic respondit Maurus, legem Christi fuisse quidem Sanctam, & à Deo datam, cæterum non durasse, nisi usque ad adventum Mahumeti; sicut lex Moylis fuit Sancta, & à Deo collata per Moysen, tanquam per Legatum & Nuntium Dei, & tamen non duravit, nisi usque ad adventum Christi. Ajebat ergo, hæc tres leges à Deo descendisse, & Moysen, Christum & Mahumetum fuisse Dei prophetas, & veras leges publicasse; cæte-

rùm duas priores jam cessasse, & abrogatas esse, solumque nunc in mundo esse veram legem Mahumeti.

LXXXVI. Et hæc est communis persuasio Authorum Mahumetanorum, qui Alcoranum exponunt; qui dicunt, hujus abrogationis Legis Christianæ, & subrogationis Legis Mahumetanæ præcessisse figuram in illis verbis Moysis Deuteronomij 23. *Dominus de Synai veniet, & de Seir ortus est nobis, apparuit de monte Pharan.* Et insuper affirmant, id voluisse significare Christum Dominum Matth. 20. in illa parabola de patrefamilias, *qui exijt primo mane conducere operarios in vineam suam.* Quam parabolam Mohammedus filius Ismaëlis, cognomento Albocharius, in parte trigesima Alcoranicarum traditionum refert à Mahumeto Propheta suo ita expositam fuisse. *Data fuit lex cultoribus Legis (id est Pentateuchus) qui operati sunt in ea usque ad meridiem; deinde delassati sunt, & acceperunt singuli denarium. Deinde traditum est Evangelium cultoribus Evangelij (id est Christianis) qui operati sunt in eo usque ad nonam; deinde delassati sunt; & acceperunt singuli denarium. Tandem datus est nobis Alcoranus, & operati estis in eo usque ad occasum solis; & accepistis singuli binos denarios. Quamobrem dixerunt scripturales (Judæi & Christiani) Isti minus operati sunt, quam nos, & plus acceperunt mercedis. Respondit Deus: Num feci vobis injuriam aliquid detrahens de mercede vestra? Responderunt. Non. Dixit Deus: hæc est gratia mea, quam dabo, cui mihi allibuerit.*

Hoc idem manifestè fatetur Mahumetus

T

metus

metus ipse in Alcorano, Capite seu Zorâ, & ut Arabes loquuntur, *Surath*, § 7. cuius titulus est *El hadid*, id est, Ferrum. § 27. his verbis : *Eriam quidem misimus Noë & Abraham, & posuimus in generatione eorum prophetiam & Librum : & inter eos quidam fuerunt directi, multi verò exerraverunt. Horum vestigia subsequi fecimus Legatos nostros, & subsequi fecimus Iesum Filium Maria, & dedimus ei Evangelium, & posuimus in cordibus eorum, qui secuti sunt eum, pietatem & misericordiam, & monasticam vitam ipsi adinvenērunt (neque præcepimus eam illis) tantum ob desiderium placendi Deo : sed non servaverunt illam eo modo, quo debebant. Nos autem dedimus illis, qui ex eis crediderunt mercedem eorum : ac mul- ti ex illis prævaricati sunt. Et Sect. §. Mensa. §. 50. Et subsequi fecimus vestigia eorum (Prophetarum) Iesum Filium Maria, confirmantem Pentateuchum, qui antea traditus fuerat : & dedimus ei Evangelium, in quo est directio, & Lux, & confirmat Pentateuchum datum antiq; & est directio & communicatio piorum. Indicent itaque ij, qui proficentur Evangelium, id quod Deus revelavit in eo ; & qui non iudicaverint, iuxta id quod Deus revelavit, erunt prævaricatores. Et ibidem §. 53. Unicuique vestrum dedimus legem & normam, & si voluisset Deus, fecisset vos gentem unam : sed ut probaret vos in eo, quod dedit vobis. Explicat Galal. Unicuique Vestrum, ô Gentes, dedimus suam legem*

& viam claram & patentem Religionis, per quam incederetis : sed propterea divisi vos in varias gentes ac sectas, ut probaret vos per Leges varias, ac diversas, ut manifesti essent inter vos obedientes. Alastadulita scribit in hunc locum. Dicunt Expositores, significari per hoc omnes Religiones, quæ sunt inter se divise, quarum unicuique dedit Deus Legem & viam patentem in Religione. Sic Judæis dedit suam Legem, in quibus prohibuit id, quod voluit, & concessit id, quod voluit. Itaque Religio fuit una; Leges autem variae, ac diversæ. Idem fecit habent Jahia, filius Salimi, Mohamedus. Abu. Abdallahus, Ebn. Abdallahus: Unicuique ex vobis posuimus Legem & normam. Dixit Cottada: Pentateuchus fuit Lex: & Evangelium fuit Lex: & Alcoranus fuit Lex; prohibuit Deus in eis, id quod voluit, & concessit id quod voluit. Et si voluisset Deus, fecisset vos gentem unam, id est, unius Legis Religionem. Quibus verbis manifestè ostendunt hi Authores, Judaicam, Christianam & Mahumetanam fuisse eandem, habuisse tantum diversas Leges, omnes tamen bonas & sanctas, utpote traditas à Deo.

Sed contra evasionem illius Mauri, cum quo colloquebat validè insurrexi, & manifestis argumentis convici, esse apertum mendacium, quòd Deus miserit Alcoranum Mahumeto, & quòd post legem Christi successerit Lex Mahumetana, sicut Lex nova successit veteri. Idque constabit capite sequenti.



CAPUT DUODECIMUM.

Demonstratur, legem Mahumeti non successisse legi Christi, sicut lex Christi successit legi Moysis. Ubi exponitur, quomodo lex Christi non sit opposita legi Moysis, sed ejus adimpletio & perfectio: & convincuntur Judai contendentes, Sacramentum Circumcisionis, & caremonialia legis antiquæ debere in æternum durare, quia sunt à Deo instituta.

LXXXVII. **Q**UOD autem Alcoranum non sit datum à Deo, nec ipsum habeat authorem, evincitur manifestè: quia Alcoranum continet doctrinam contrariam Evangelio, & apertè negat, quod Evangelium clarè docet, nempe Christum mortuum esse, & resurrexisse, Christum esse Deum, & dari in Deo Trinitatem Personarum, & manifestum est mendacium, quod Mahumetus pronunciat in quinto capitulo Alcorani, dicens: *Hic liber, videlicet Alcoranum, nec mendacium aliquod, neque aliquid præteritis Prophetis contrarium nuntiat.* Nam mors Christi, ejusque Resurrectio erat prænuntiata à Daniele, à Davide & aliis Prophetis, ut infra ostendam manifestè, & ab omnibus Evangelistis uniformiter docetur: unde Alcoranum hoc negans evidentè opponitur Prophetis & Evangelio, ac proinde non est liber à Deo missus, sed à diabolo inventus, & à Mahumeto confectus ad seducendum.

Unde contra evasionem Mauri insurgens, illi evidentè ostendi, legem Mahumeti non posse esse à Deo: quia cum certum sit, legem Moysis, & legem Christi à Deo descendisse, ut ipsi Mauri

confitentur; necesse est, ut lex Mahumeti non descenderit à Deo: quia Deus sibi contradicere non potest, & per unum Prophetam nequit priùs revelare unum mysterium, & per alium postea revelare oppositum. Deus autem per Prophetas antiquos revelavit, Christum moriturum & resurrecturum; Mahumetus autem apertè in Alcorano negat, Christum mortuum esse, ac proinde negat etiam resurrectionem, quia resurrectio mortem supponit. Rursus Christus manifestè docuit, se esse Filium Unigenitum Dei, verumque Deum; & docuit in Deo dari tres personas: idque scribunt Evangelistæ, & Apostoli omnes id mundo persuaserunt. Nam dum in orbem terrarum profecturi essent, ne ulla ex parte, aliqua vel apparens inter eos in annunciatione Evangelij diversitas esset, communi consilio quosdam Fidei Canones, quibus universam Christianam fidem perstringentes stablirent, constituerunt; quos proprio nomine Dei Ecclesia *SYMBOLVM APOSTOLORVM* dicere consuevit, vel quia singuli ad illud perficiendum attulerint suam symbolam, vel quoniam, qui verè Christiani essent, eo symbolo

velut tesserâ militari, aut indicio dato, ab his, qui falsò Christum prædicarent, dignoscerentur, ut docet Rufinus D. Hieronymi cœtaneus in præfatione expositionis symboli.

LXXXVIII. Ex his clarè cognoscere potes, Amere, Mahumetum non fuisse Dei Prophetam, sed seductorem. Ad hæc Maurus, ne cogere-
retur fateri, vel Christum ejusque Evangelistas, & Apostolos falsam doctrinam prædicasse, vel Mahumetum non fuisse verum Dei Prophetam, respondit, Evangelium, prout ex ore Christi manavit, atque ab ejus Apostolis, & Evangelistis descriptum est, absque falsitatis commixtione verum esse: cæterum à posteris Christianis infectum, & falsificatum esse in multis, nimirum in illis omnibus, in quibus discordat ab Alcorano. Et hæc est communis solutio, ad quam recurrunt Mahumetani, quando fit argumentum contra ipsos ex libris Prophetarum, & Evangelistarum, quos ipsi ut libros Dei venerantur. Et sumitur ex Alcorano Zorâ 12. Videns enim Mahumetus, doctrinam suam esse contrariam Evangelio, quod ipse sæpe laudaverat, ne videretur sibi contradicere, dixit, Evangelia esse corrupta, & adulterata à Christianis, & se solum in suo Alcorano habere puram, & incorruptam doctrinam Christi & Prophetarum, qui ante ipsum præcesserunt. Hanc Mauri evasionem ita præclusi, tamque patenter de falsitate convici, ut obmutesceret, & quid opponeret, non haberet. Et infra seorsim adducam argumenta, quibus Christi prædicator possit

hanc Mahumetanorum fabulam apertè confutare. Ad colloquium autem rediens hæc addidi.

LXXXIX. Lex Moyſis sancta fuit, & à Deo data; cæterum in illa nihil continetur, quod non concordet Evangelio: neque existimes, Ameto, legem Christi esse contrariam legi Moyſis; Christus enim ipse dixit, se non venisse solvere, sed adimplere legem Moyſis: *Nolite putare, quoniam veni solvere legem, aut Prophetas: non veni solvere, sed adimplere. Amen quippe dico vobis, donec transeat Cælum, & terra, jota unum, aut unus apex non præteribit à lege, donec omnia fiant.* Matth. 5. v. 17. & 18. Si me interrogaveris, quomodo Christus dicat, se non venisse, ut legem solveret, sed adimpleret, cum reipsa solverit, & abrogaverit, & post Christi adventum cessaverit lex Moyſis? Respondeo tibi; verissimum esse, quodd Christus non venit, ut legem solveret, sed adimpleret; primò, quia quamdiu lex vigere debuit, ipse eam diligentissimè observavit (quamvis ad ejus observationem non teneretur, quia erat Deus) & ut Apostoli observarent, curam habuit; & ideo ipse, & Apostoli circumcisi sunt, & ascendebant quotannis ad Templum ad diem Festum. Secundò dicitur, non solvisse, sed adimplèssè, quia bene interpretando perfecit. Tertiò legem implevit, quia gratiam, per quam impleri posset, nobis attulit: ut enim inquit Evangelista Joannes cap. 1. v. 17. *Lex per Moysen data est, gratia autem per Jesum Christum facta est,* & ideo, ut ait Augustinus, priùs jubebat,

bat, sed non juvabat. Post Christi adventum, & jubet, & juvat. Quare, quia, quæ in lege promissa erant, exhibuit, quæ cæremoniis & figuris adumbrata, repræsentavit.

XC. Itaque cum in lege, & Prophetis quatuor essent partes, nempe promissa & vaticinia; præcepta Decalogi; cæremonialia atque judicialia, Christus omnia complevit: promissa & vaticinia complevit, exhibendo, quæ promissa & prædicta erant: præcepta moralia Decalogi complevit, melius interpretando, & falsas expositiones Scribarum, & Phariseorum rejiciendo: complevit cæremonialia, exhibendo illa, quæ per cæremonias repræsentabantur, & adducendo veritatem illarum figurarum, & corpus illius umbræ, ut pro Circumcisione carnis Baptismum, & Circumcisionem cordis; & pro sacrificiis animalium & avium Sacrificium sui Corporis in Cruce offerendum; & pro sacrificiis & oblationibus panum & faginæ, sacrificium incruentum Corporis & Sanguinis sui in Eucharistia: denique complevit judicialia, quia præmia & supplicia, corporea & temporalia, quæ lex Moysis promittebat, vel comminabatur populo illi rudi & carnali, Christus in spiritualia & æterna commutavit.

XCI. Quare legem illam antiquam Christus abrogavit, non solvendo, sed adimplendo; non violando, sed perficiendo; sicut pistor (ut Theophil. ait) inchoatæ, & extremis tantum lineamentis adumbratæ imagini, dum ultimam apponit manum, & colores

adhibet, priorem imaginem abolet, & novam inducit; abolet autem non dissolvendo, sed absolvendo; non delendo, sed perficiendo.

Unde lex Moysis, & lex Christi non comparantur inter se, tanquam duæ leges specie diversæ, & inter se oppositæ; sed tanquam duæ leges respectientes eundem finem, quarum altera imperfectè, altera perfectè illum finem attingit; vel potius tanquam una & eadem lex, secundum statum perfectum, & imperfectum: non differunt illæ duæ leges, sicut differunt homo & brutum; sed sicut differt homo, dum est vir, à seipso, dum est puer. Lex antiqua data est per Moysen à Deo Populo Israëlítico, sicut puero; lex Evangelica data est generi humano à Deo per Christum Filium suum, sicut viro. Genus humanum sub lege veteri erat in statu pueritæ; sub lege autem novæ est sub statu virilitatis & perfectionis: ut enim inquit S. Thomas 1. 2. quæst. 91. art. 5. ad 1. *Sicut Pater familias in domo alia mandata proponit pueris, & alia adultis: ita etiam unus Deus in suo regno aliam legem dedit hominibus adhuc imperfectis existentibus, & aliam perfectiores jam mandavit per priorem legem ad majorem capacitatem divinarum.*

CXII. Itaque lex potest considerari secundum finem, ad quem ordinat homines, & secundum propinquitatem ad finem, vel distantiam ab illo. Si primo modo consideretur, *Lex nova non est alia à lege veteri* (inquit S. Thom. 1. 2. quæst. 97. art. 1. *Quia utriusque est idem finis, scilicet ut homines subdantur Deo; est autem unus Deus,*

Et novi Et veteris Test. secundum illud Rom. 3. unus Deus est, qui justificat circumcissionem ex fide, Et praputium per fidem. Si autem consideretur secundo modo, Lex nova est alia à veteri: quia lex vetus est quasi Padagogus puerorum, ut Apostolus dicit ad Galatas 3, lex autem nova est lex perfectionis, quia est lex charitatis, de qua Apostolus dicit, Coloss. 3. quod est vinculum perfectionis.

Quare lex nova comparatur ad veterem, sicut perfectum ad imperfectum; & quia omne perfectum adimplet id, quod imperfecto deest, ideo lex nova adimplet veterem, in quantum supplet illud, quod legi veteri deerat, ut docet ibidem art. 2. idem S. Doctor. Quamvis autem aliqua dederit præcepta Deus hominibus in illo statu legis veteris, quæ cessârunt, adveniente & promulgata lege nova, quia illa erant convenientia pro illo statu, & non erant convenientia pro statu legis novæ; tamen non revelavit Deus de seipso aliquid in lege veteri, quod negaverit in nova: in lege veteri sub umbris, & figuris significavit Trinitatem personarum, licet non proposuerit expressè hoc mysterium illi populo rudi, ne sumeret inde occasionem existimandi, esse tres Deos: manifestationem huius mysterii reservavit tempori legis novæ, in quo misit Unigenitum suum in mundum, ut ipse, qui est in sinu Patris, enarraret. Bene quidem potest Deus in uno tempore revelare, & manifestare aliquid mysterium, quod in alio non revelavit; nequit tamen illud ipsum, quod prius de seipso affirmavit, postea negare: ut

constat ex prima nostra demonstratione, pag. 57.

Creavit Deus primum hominem in gratia, & iustitia originaria ad finem supernaturalem visionis beatificæ, amoris, & gaudii inde resultantium, eo pacto & conditione, ut si observaret præceptum, non edendi fructus arboris scientiæ boni & mali, conservaret sibi, & derivaret in posterum eam gratiam & iustitiam; si autem peccaret, eam amitteret sibi & posteris, omnesque manerent sub captivitate peccati, & potestate diaboli. Peccavit Adamus, & totam posterorum massam corripuit, in seipso peccato, & subiecit se, & omnes suos posteris captivitati diaboli; Deus autem summi & bonus & misericors decrevit, Filium suum Unigenitum in hunc mundum mittere, ut inducus carne diabolum vinceret, & captivos eriperet de ejus tyrannica potestate. Decrevit autem differre hujus mysterii executionem per multa sæcula propter rationes, quas expendit D. Thom. 4. contra gent. cap. 55. num. 9. & 3. part. quæst. 1. art. 5. Præstituit tamen tempus convenientius ad tanti mysterii dispensationem: Ut autem pararet sibi populum, in quo erat nasciturus, apparuit Abraham, illumque elegit in patrem credentium, & Abraham posteros multiplicavit, ut ex illis constitueret Synagogam: filio Israel in signis, & potentis eduxit de Ægypto; promisit adventum Messie, & Salvatoris per Prophetas; dedit legem populo Israël; eique dedit præcepta moralia, quæ semper erant permanfura, scribens in tabulis lapideis decem

decem præcepta Decalogi, quæ in prima creatione impresserat tabulis cordis, quæ videlicet illa erant penè obliterata ex multitudine peccatorum, quæ mentem obæcabant; dedit etiam præcepta quædam cæremonialia de sacrificiis & oblationibus, quæ adumbrabant, & representabant sacrificium mortis & Passionis Christi: dedit etiam præcepta judicialia, quasi propria illius populi, ut illum separaret à consortio Gentilium, ne ex illorū contubernio & communicatione inciderent in peccata fœdissima, quibus idololatræ contaminabantur. Ut autem reciperent Messiam, quando veniret, prænuntiavit per Patriarchas & Prophetas tempus & locum, ubi & quando erat nasciturus: & mores ejus, miracula, Discipulos, & mortem præsignavit, sub velis tamen & figuris, ut fides locum haberet. Tota autem illa lex antiqua erat imperfecta, ejusque finis erat, disporre homines ad suscipiendum Messiam venturum, & legem perfectam ab eo promulgandam.

XCIII. Quod egregiè explicat S. Thõ. 4. contra gent. cap. 55. num. 9. *Quia hoc requirit conditio humana nature, ut non statim ad perfectum ducatur, sed manducatur per imperfecta, ut ad perfectionem perveniat: quod & in instructione puerorum videmus, qui primò de minimis instruuntur; nam à principio perfecta capere non valent: similiter etiam, si alicui multitudini aliqua inaudita proponerentur & magna, non statim caperent, nisi ad ea assuescerent: sic igitur conveniens fuit à principio, ut humanum genus instrueretur de iis, quæ pertinent ad suam salutem per aliqua levia, & minora*

documenta per Patriarchas & Prophetas; & tandem in consummatione temporum perfecta doctrina Christi proponeretur in terris, secundum quod Apostolus dicit ad Galat. 4. At ubi venit plenitudo temporis, misit Deus Filium suum in terris: & ibidem dicitur: Quod lex pedagogs noster fuit in Christo: sed jam non sumus sub pedagogo. Et sicut ad adventum magni regis oportet aliquos nuntios præcedere, ut præparentur subditi ad eum reverentiùs suscipiendum: ita oportuit, adventum Dei in terras multa præcedere, quibus homines essent parati ad Deum incarnatum suscipiendum: quod quidem factum est, dum per præcedentia promissa, & documenta hominum mentes dispositæ sunt, ut faciliùs ei crederent, qui antea prænuntiatus erat, & desiderantiùs susciperetur propter priora promissa.

XCIV. Postquam autem Christus venit, debuit cessare lex vetus quoad præcepta cæremonialia & judicialia, & quoad Sacramenta, quæ habebat lex illa; quia lex quoad illas cæremonias, & leges municipales, separantes Judæos à Gentilibus, debuit cessare, quando venit Christus, qui in illis præfigurabatur, & qui veniebat ad salvandos omnes homines, & congregandam unam Ecclesiam ex Judæis & Gentilibus, juxta illud Pauli ad Ephes. 2. vers. 14. *Qui fecit utraque unum.* Et cum omnia Sacramenta ex Passione Christi efficaciam habeant, sanè Sacramenta, quæ præcesserunt Incarnationem Christi, talia esse debuerunt, ut significarent, & quodammodo repromitterent salutem futuram ex Christi Passione: unde cessare debuerunt,

runt, postquam Christus redemptionem generis humani sua morte consummavit; & debuerunt illis succedere Sacramenta, quæ hominibus reipsa salutem exhiberent ob meritum passionis jam præsentis. Et hinc confutatur error Judæorum, qui credunt, Sacramenta legalia, propter hoc quòd à Deo sunt instituta, in perpetuum esse servanda; cum Deus non pœniteat, neque mutetur. Confutatur, inquam, quia ut optimè inquit D. Thom. 4. contra gent. c. 57. *Abſque aliqua mutatione, vel pœnitentiâ diſponentis ſit, quòd diverſa diſponat ſecundùm congruentiam temporum diverſorum, ſicut paterfamilias alia præcepta tradit filio parvulo, & alia jam adulto; ſic & Deus congruenter alia Sacramenta & præcepta ante Incarnationem tradidit ad ſignificandum futura, alia poſt Incarnationem ad exhibendum præſentia, & memorandum præterita.* Quare poſt Paſſionem Chriſti ceſſare debuit circumciſio, quia hæc inſtituta fuit in ſignum fidei Abrahæ: fides autem Abrahæ fuit commendata in hoc, quòd credidit divinæ promiſſioni de futuro ſemine, in quo benedicerentur omnes gentes, id eſt de futuro Chriſto, & ideo quamdiu hoc erat futurum, oportebat proteſtari fidem Abrahæ in circumciſione: ſed poſtquam hoc jam eſt perfectum, oportet idem alio ſigno declarari, ſcilicet Baptiſmo, qui in hoc circumciſioni ſuccedit, ſecundùm illud Apoſtoli ad Colof. 2. *Circumciſi eſtis, circumciſione*

non manu facta in expoliatione corporis carnis, ſed in circumciſione Chriſti, conſepulti in Baptiſmo. Ita D. Thomas 1. 2. quæſt. 103. art. 3. ad 4. Audiamus etiam D. Auguſt. tom. 1. lib. de Vera Relig. cap. 17. egregiè explicantem, quo pacto lex nova veteri non opponatur, ſed utraque à Deo ſit. *Quiſquis autem (inquit) ideo negat utrumque teſtamentum ab uno Deo eſſe poſſe, quia non eiſdem Sacramentis tenetur populus noſter, quibus Iudæi tenebantur, vel adhuc tenentur: poſteſt dicere, non poſſe fieri, ut unus paterfamilias juſtiſſimus aliud imperet eiſ, quibus ſervititem duriorẽ nitilem iudicet; aliud eiſ, quos in filiorum gradum adoptare dignatur. Si autem præcepta viæ movent, quòd in veteri lege minora ſunt, in Evangelio maiora, & ideo putatur non ad eundem Deum utraque pertinere; poſteſt, qui hoc putat, perturbari, ſi unus medicus alia per miniſtros ſuos imbecillioribus, alia per ſemetipſum valetioribus præcipiat ad reparandum, vel obtinendum ſalutem. Ve enim ars medicinæ, cum eadẽ maneat, nec ullo pacto ipſa mutetur, mutat tamen præcepta languentibus, quia mutabilis eſt noſtra valetudo: ita divina providentia, cum ſit ipſa omnino incommutabilis, mutabilis tamen creatura variè ſubvenit, & pro diverſitate morborum aliis alia jubet, aut vetat, ut à vitio, unde mors incipit, & ab ipſa morte ad naturam ſuam & eſſentiam, ea, quæ deſciunt, id eſt ad nihilum tendunt, reducat & ſermet.*



CAPUT DECIMUM TERTIUM.

Demonstratur, legem Christi non potuisse abrogari per legem Mahumeti, quamvis lex Moysis sit abrogata per legem Christi.

XCV. **H**is sic explicatis, ad Maurum conversus, nonne vides, inquam, Amete, quomodo inter se bene cohereant, quòd Deus sit Author legis Mosaicæ, & legis Christi? At minimè coheret, quòd sit Author legis Christi, & simul Author legis Mahumeti: nam Deus nequit mentiri, neque quod semel revelavit, potest falsificare. At per Christum docuit homines, Deum esse Trinum in personis, ipsùmque Christum esse Filium suum Unigenitum, quem in hunc mundum misit ad salvandum genus humanum per mortem & Passionem suam; per quòdque per Apostolos persuasit, hominem crucifixum esse Deum, & tertia die resurrexisse, & Corpus suum, & Sanguinem hominibus reliquisse in Sacramento Altaris; Baptismum esse necessarium ad salutem, circumcisionem autem jam celsasse. Cùm ergo Mahumetus hæc omnia neget, evidenter convincitur, eum non fuisse Dei Prophetam, sed seductorem, qui honesto Religionis titulo imperium usurpavit.

Clarissimèque hoc perspicere potes: nam quia, postquam Deus dedit legem perfectam per Christum, in lege veteri per Patriarchas & Prophetas promisit Christum, illiusque adventum prænuñtiavit, & prædixit omnia, quæ futura erant tempore legis novæ. Si ergo Deus

missurus erat in mundum perfectissimum Legislatorem, maximùmque Prophetarum, qualem vos Mahumetum fuisse creditis, illius adventum prænuñtiavisset in lege Moysis, & in lege Christi, ut scilicet mundus eum, tanquam Dei Prophetam susceperet, & legem ab eo promulgatam ad salutem necessariam amplecteretur. At manifestissimum est, nec Deum in veteri Testamento, nec in novo promisisse Mahumetum, nec in illo fuisse à Christo prænuñtatum, nisi sub generali ratione falorum Prophetarum, cùm dixit Matth. 24. v. 11. *Muli Pseudo-Propheta surgent, & seducunt multos.* Ergo certum est, Mahumetum non fuisse Dei Prophetam nec legem dedisse, ut verum Dei ministrum.

XCVI. Sed miseri Mahumetani meridiana in luce caligant, & credunt, illum fuisse prænuñtatum à Moysè & Christo; cæterum Judæos & Christianos in odium Mahumeti delevisse ea, quæ in scripturis de eo erant prænuñtiata: idque credunt, quia Mahumerus ipse in Alcorano ad præoccupandam hanc objectionem testatur, mentionem fieri de eo in veteri & novo Testamento. Si quidem Zorâ 60. affirmat, Dominum nostrum JESUM Christum eum prænuñtiasse, & in Evangelio suo hæc verba posuisse: *Amen amen dico vobis, quòd post me venturus est Apostolus Dei, qui*

U

voca.

vocabitur Mahumed, seu Mahumetus. Refert autem Theatrum vitæ humanæ tom. I. fol. 559. esse opinionem apud Mahumetanos, in cap. 14. Joan. v. 16. ubi nos legimus, *Ego rogabo Patrem, & alium paraclytum dabit vobis*, antea loco paraclyti legi Mahumed, quasi Christus dixisset: *Ego rogabo Patrem, & Mahumetum dabit vobis.*

XCVII. Verùm hoc esse insigne mendacium, facili evincitur, quia eadem Evangelia, quæ in Ecclesia leguntur, fuerunt in Ecclesia Christi ante adventum Mahumeti, ut constat ex expositionibus Sanctorum Patrum Hieron. Ambr. Basilij, Nazianzeni, Athanasij, Chrysostomi, Augustini & Gregorij, qui ante Mahumetum floruerunt; nam hic postremis mortuus est anno Christi 604. Mahumetes verò anno 631. reliqui autem multò antè floruerunt. In ijs enim expositionibus, nec apud ullum scriptorem, nec in aliquo exemplari, vel versione Evangeliorum mentio ulla facta est Mahumeti: certum est autem, non potuisse Christianos, vel Judæos in odium Mahumeti corrumpere scripturas, antequam Mahumetus in mundum venisset. Deinde cum Moyses Deuteronomij 4. severissimè prohibuerit, aliquid addere, vel detrahere Sacris Scripturis dicens: *Non adjicietis ad verbum, quod ego præcipio vobis, neque auferetis ab eo.* Et cum Joannes Apocal. 22. id ipsum prohibens, dicat: *Si quis apposerit ad hæc, apponet Deus super eum plagas scriptas in libro isto; & auferat eum de libro vitæ: quis nisi stultus credat, Judæos vel Christianos voluisse à sacris litteris abradere nomen Prophe-*

tæ, quem Deus illis promitteret, præsertim antequam cognoscerent, qualis futurus esset. Idque ampliùs constabit ex dicendis infra, quando probabimus, scripturas non esse corruptas. Constatque manifestè, easdem extare nunc veteris Testamenti versiones, quæ extiterunt tempore Christi, & ante ejus adventum, in quibus nulla mentio Mahumeti fit.

Estque manifestū, Paraclytum, quem Christus promisit Joannis 14. non esse Mahumetum: nam adventus illius Paraclyti promittitur futurus intra paucos dies Act. I. v. 15. *Non post multos hæc dies:* Mahumetus autem venit post sexcentos annos. Secundò, quia illum Paraclytum promittit Christus Apostolis, ut eos instrueret: *Ille vos docebit, & suggeret vobis omnia, quacumquæ dixerò vobis.* Joann. 14. 26. Mahumetus autem Apostolos non docuit. Tertiò, quia Christus dixit, illum Paraclytum esse invisibilem: *Quem mundus non potest accipere, quia non videt eum, nec scit eum.*

XCVIII. Alio etiam argumento evidenti probavi illi Mauro, legem Mahumeti non esse datam à Deo post legem Christi, sicut lex Christi fuit data post legem Moysis. Quia si res ita se haberet, lex Mahumeti esset perfectior lege Christi, & lex Christi foret dispositio ad legem Mahumeti, sicut lex Moysis fuit dispositio ad legem Christi: Deus enim in instructione generis humani procedit ab imperfecto ad perfectum, ut suprà explicuimus cum S. Thom. At hoc est manifestè falsum; quia Christus in Evangelio docuit altissimam vitæ sancti-

sanctitatem, quam posuit in ardenti, & perfecta Dei dilectione; & adeam assequendam altissima dedit consilia, contemnendi divitias, honores, & delectationes carnales, abnegandi seipsum, sumendi Crucem suam, diligendi inimicos, tolerandi injurias, & exercendi perfectissima omnium virtutum opera, patientiam, humilitatem, continentiam, temperantiam, &c. & omnium virtutum se exhibuit exemplar perfectissimum. Hanc autem perfectionem lex Mahumeti non præcipit, nec consulat; immò in Alcorano docet, ut fideles reddant malum pro malo, & easdem injurias, molestias, atque læsiones inferant aliis, quas ab illis patiuntur; & carnis delectationibus laxat habenas, tantumque abest, ut virginitatem, vel castitatem consular, ut ejus observationem censeat impossibilem: sic enim in Alcorano ait: *Nocturnos coitus cum mulieribus promittit nobis Deus, sciens nobis hujus rei abstinentiã, tum difficilem, tum impossibilem esse.* Ipsique Mahumetani dicunt, nimis arctam & spirituale esse legem Christi; proptereaque sapienter egisse Altissimum, mittendo Mahumetum Regnis Arabum, cum lege laxa ac facili: ipseque Mahumetus in Alcorano inquit: *Deus nequaquam difficilia, sed ardua requirit à nobis.* Et sæpe dicebat, se missum fuisse à Deo, ut legem Christi, quæ nimis rigida erat, temperaret, & per mitiora præcepta homines duceret in Paradisum.

Ipsaque imputa Mahumeti vita evidenter probat, illum non fuisse Dei Prophetam: quod latè in hoc colloquio huic Mauro exposui, & infra seorsim proponã.

CXIX. Denique illam Mauri evasionem manifestè confutavi, quia si lex Mahumeti comparatur ad legem Christi, sicut lex Christi comparatur ad legem Moysis, sequitur, legem Christi post adventum Mahumeti abrogatam jam esse, sicut abrogata fuit lex Moysis post adventum Christi; ac proinde jam homines in illa non salvari, sicut post adventum Christi non salvantur in lege Moysis. At hoc esse evidenter falsum, constat primò: quia post adventum Mahumeti floruerunt singulis sæculis in Ecclesia Christi multæ feminae, & viri sanctitate insignes, & gloriâ miraculorum illustres; Deus autem sectatores falsarum sectarum infiraculis, & signis non illustrat. Et ideo in Synagoga, postquam Christus venit, nullus extitit Propheta, nullus homo, qui gloriâ miraculorum claruerit, cum tamen ante adventum Christi, tot miracula, & prodigia operatus fuerit Dominus per Moysen, per Josue, per Eliam, per Eliazum, aliosque Viros Sanctos: & ratio est, quia, postquam Christum occiderunt, & ejus Apostolos persecuti sunt, ablata sunt eis omnia supernaturalia beneficia, & privilegia consueta, gratia prophetiæ, efficacia miraculorum, reprobataque sunt à Deo eorum Sacrificia: quod hoc argumento probat Chrysostomus, nam Deus in lege illa præcipiebat, ne sibi offerrentur sacrificia extra Templum Hierosolymitanum: ergo cum templum illud destruxerit Deus, in vindictam occisionis Christi, utens tanquam instrumento Imperatoribus Tito & Vespasiano, signum est, jam sacrificia illa reprobasse.

Quod hoc simili explicat: nam si ægrotus enix à Medico postulasset facultatem bibendi vinum, eamque concessisset Medicus, eo pacto & conditione, ut non biberet, nisi per talem scyphum, quem ipsi assignasset, & postea vas illud Medicus ipse infringeret, planum est, quòd Medicus hoc factoprotestaretur, se nolle, ut ægrotus vinum gustaret. Hoc ergo pacto dicimus, jam Deo non placere sacrificia & victimas Hebræorum, quia destruxit Templum, in quo unice licebat illi populo sacrificia Deo offerre. Abstulit ergo Deus ab illo populo Charismata supernaturalia, & ejus sacrificia reprobat, omnemque illam excellentiam vaticiniorum, miraculorum, privilegiorum, & Divinorum Charismatum transtulit in Apostolos, & in Christi Ecclesiam, in qua semper floruerunt, & nunc florent; quod signum manifestum est, Deum Ecclesiam Christi diligere ut Sponsam, & velle eo modo coli, quo illa à Christo, & Apostolis edocta præteribit. Alio deinde sensibili, & manifesto argumento hoc ipsum comprobatur, quia Deus statim post peccatum primorum parentum Christum promissit, qui diabolum vinceret, ut deducunt communiter Patres ex verbis illis, quæ Deus adversus serpentem pronuntiavit: *Ipsa conteret caput tuum.* Genes. 3. vers. 16. Promissit ejus adventum Abrahæ, Genes. 22. vers. 18. *Benedicentur in semine tuo omnes gentes terra.* Et Patriarcha Jacob Genes. 49. vers. 10. prædixit Christi adventum illis verbis: *Non auferetur sceptrum de Juda, & dux de*

femore ejus, donec veniat, qui mittendus est. Prædixit etiam, & promissit Moyles Deut. 18. v. 15. *Prophetam de gente tua, & de fratribus tuis, sicut me, suscitabit tibi Dominus, &c.* Promissit, & prænuntiavit per alios Prophetas ejus adventum variis signis præfigurans: & cum venit, dedit illi potestatem, faciendi magna & stupenda miracula, ut ipse Mahumetus in Alcorano Zorâ 1. testatur. Introducit enim Angelum loquentem cum Maria sub hac forma: *O Maria omnibus viris, & mulieribus splendidior, mundior, atque jucundior tibi ab universitatis Creatore mittitur summi nuncii gaudium cum Verbo Dei, cujus nomen est Jesus Christus, qui est facies omnium gentium in hoc futuroque sæculo, sapiens, vir optimus; ipse Deus Filium tuum cum divina virtute venientem edocebis librum legiferum, omnisque Magisterii peritiam, & Testamentum, ac Evangelium.* Ille cacos, & mutos curabit, morpheaticos, ac leprosos mundabit, mortuos creatore cooperante vivificabit, &c. Hæc Mahumetus de Christo; cum tamen de seipso in Alcorano dicat, *Non sibi datum esse, signum aliquod facere*, ut testatur Carthusianus lib. 2. art. 9. p. 103. fateturque, *se esse Prophetam ignorantem.* Si ergo Deus tot retro millibus annorum per Prophetas, & Patriarchas promissit Christum, illumque, & legem ab eo dandam prænuntiavit, ipsumque tot prærogativis, & excellentiis ornavit, quales nec Moyse, neque ulli Prophetarum unquam concessit, quis, nisi stultus, potest credere, legem ab illo tot prodigiis inductam & propa-

propagatam, solum sexcentis annis durasse? Si lex Moyſis, quæ imperfecta erat, & solum dispositio ad legem Christi, duravit ultra mille, & quingentos annos (nam ab egressu filiorum Israël de Ægypto usque ad Christi Nativitatem transierunt 1518. anni) quis mentis compos credere potest, legem Christi perfectam solum sexcentis annis durasse? Si umbra, & figura tantopere duravit, res figurata & significata quomodo potuit tam citò finire? Quorsum tot miraculorum & Prophetiarum apparatus, si lex Christi, tam exiguò tempore erat permansura? Quomodo Angelus dicit Luc. i. vers. 33. *Dabit illi Deus sedem David Patri, sui, & Regni ejus non erit finis?* Si ejus Regnum, & Ecclesia intra tam breve temporis intervallum interituum erat.

C. His auditis argumentis obmutuit Maurus, & fatebatur, se nescire illis respondere: non potui tamen ei persuadere, ut Baptismum peteret. Illum in nostro Collegio Malacensi Religiosi perhumaniter tractarunt; ego verò ad extremum illum amabiliter, & familiariter alloquens, dixi: Amice A-

mete, coram Deo ignorantiam allegare non poteris: ego tibi veritatem manifestè annuntiavi. Si adhuc dubitas, an ego vera locutus sim, Deum roga, ut tibi veritatem manifestet, ut tenebras mentis tuæ illuminet, & te doceat viam salutis. Post tot argumenta audita, saltem debes dubius manere; an tibi sit necessarium: ad salutem æternam, Religionem Christianam suscipere: agitur hæc de summa rerum; Deum ergo entè roga, ut te illuminet; & ut merearis à Deo illuminari, vitia fuge, pietatem sectare, Deum super omnia dilige, & proximum sicut te ipsum, & decem præcepta Decalogi diligenter observa; hæc enim omnes homines obligant. Donavi illi doctrinam Belarmini, & rogavi, ut attentè legeret explicationem mysteriorum nostræ sanctæ Fidei, sperans, fore ut aliquando veritatem agnosceret: & post multa charitatis signa, & amabilem amplexum, Maurum dimisi. Audivi postea, hunc hominem gravi morbo oppressum, Baptismum petiisse. Rem tamen satis exploratam non habeo, maximam tamen spem concepi, eum tandem morituum Christianum.



LIBER QUARTUS.

IN QVO DEMONSTRATUR, CHRISTUM mortuum esse, & resurrexisse, contra id, quod Alcoranus fabulatur: & exponitur, cur Deus fieri volueris homo passibilis, & ostenditur, nec novum, nec vetus Testamentum fuisse corruptum à Christianis, ut Mahumetus finxit.

CAPUT PRIMUM.

Demonstratur contra Mahumetanos, Christum mortuum esse, & resurrexisse, indeque evidenter ostenditur, Alcoranum mendacis, & fabulis plenum esse.

NICOLAUS de Cusa Cardinalis in sua Cubratione Alcorani lib. 1. cap. 3. ait; totam intentionem Mahumeti in Alcorano hanc esse, ut scilicet persuadeat, Christum, seu Messiam, nec Filium Dei esse, neque pro hominibus crucifixum, & mortuum: quoniam Christum Filium Dei esse, & in Cruce mortuum, est fides illa, quæ vincit diabolum, & mundum, & sola est vera, & perfecta, & nulla fides præter illam resistere potest diabolo, & dare victoriam & immortalem vitam in Regno Cælorum intellectuali, incorruptibili: ideo hoc medio sathan de mundo ipsam Evangelicam fidem omnino eliminare conatur.

Mahumetus igitur in Alcorano lib. 2. Zorâ 6. qui intitlatur de Josepho, sic

inquit: *Judei Mariæ blasphemiam, & immoderatam contumeliam inferunt, seque Christum Mariæ Filium, Dei nuntium peremisse perhibent, sed nequaquam eum, sed sui similem suspendentes interfecerunt.* Estque inter Mahumetanos opinio, seu error satis communis, JESUM Christum eâ horâ, quâ Judzi eum comprehendere voluerunt, posuisse figuram suam in Juda proditore, sicque Judzos, Jesum capere existimantes, Judam cepisse; ut testatur Carthusianus lib. 2. art. 21. pag. 138. & mihi narravit Maurus quidam Martelli ann. 1670. id ipsum, & ideo in alio cap. seu Zorâ Alcor. ait Mahumetus: *Judei JESUM illudere astimantes, ab eo sunt illusi.* Doct. Petrus de Cavalleria in suo Zelo Christi p. 129. testatur, Mahumetum in Alcorano Zorâ 3. de Judæis loquentem, hæc habere: Dicunt super Mariam

men-

inendacium magnum, & dicunt: Nos occidimus Messiam? *ESVM* Filium Mariæ, nuntium Dei: non occiderunt, neque suspenderunt, sed sic simulatum fuit eis. Et paulo post: Non occiderunt eum veraciter, immò elevavit eum Deus ad se. Itaque Mahumetani credunt hanc fabulam Alcorani, quod Christus non sit mortuus, sed alius ejus similis, ut testatur etiam R. P. Fr. Antonius de Castillo in suo Itinerario Hierosolymitano lib. 3. cap. 4. pag. mihi 178.

Quis non miretur, Mahumetum Virum sagacem, & callidissimum id ausum fuisse negare, quod non solum Christiani, sed etiam Judæi & Gentiles, & universus orbis ut rem manifestam supponebant, nempe *JESUM* Nazarenum fuisse à Judæis in Crucem actum? res enim hæc publica fuit, & toti orbi nota, Pilatûsque Judææ Præses sententiam pronuntiavit, & res coram infinita hominum multitudine peracta est. Quod negaverit Christi Divinitatem & Trinitatem Divinarum Personarum, aliæque mysteria supernaturalia, adeo mirandum non est: cæterum quod negare ausus sit historiam apud nationes omnes notam, & litteris contestatam à Christianis, à Judæis, imò ab ipsis Gentilibus, manifestè probat hujus nebulonis immanem absque fronte mentiendi audaciam. Hic error similis est Hæresi Basilidis, de quo ita scribit Epiphanius Hæresi 24. Basilides confingit nobis alium fabulæ actum, non *ESVM* passum esse asserens, sed Simonem Cyrenæum. Nam quoniam, dum Dominus Hierosolymis educeretur, velut Evangelij series habet, coegerunt quendam Simonem Cyrenæum

ad portandum Crucem: hinc reperit, ne nequitia sua tragediam confingeret. Et illum (inquit) qui portabat Crucem, transformavit in suam speciem, & seipsum in Simonem, & pro seipso tradidit Simonem, ut crucifigeretur. Cum autem ille crucifigeretur, stabat ex opposito invisibilis? *ESVS*, deridens eum, qui Simonem crucifigebant. Ipse verò discessit ad Cælestia, tradito Simone ad crucifigendum, & illusus processit ad Cælum.

II. In similem errorem lapsus est Manichæus, dicens, non Christum, sed diabolum fuisse crucifixum: sic enim ait, apud August. lib. de fide contra Manichæum cap. 22. Inimicum quippe, qui eundem Salvatorem, justorum Patrem, crucifixisse se speravit, ipse est crucifixus: quo tempore aliud actum est, aliud ostensum. Princeps itaque tenebrarum affixus est Cruci, idemque spineam coronam portavit cum suis sociis, & vestem coccineam habuit; acetum etiam & fel bibit, quod quidam Dominum potasse arbitrati sunt; atque omnia, quæ hic sustinere visus est, tenebrarum ducibus irrogata sunt.

Eundem errorem tenuerunt Marcionistæ & Cerdoniani; qui in eo tamen differunt à Mahumeto, quod illi negabant, Christum veram habuisse carnem; Mahumetus verò verè natum fuisse ex Maria fatebatur: ut enim inquit Augustinus lib. de Hæresibus cap. 21. Cerdoniani dogmatizabant, Christum neque natum ex femina, nec habuisse carnem, neque verè mortuum, neque quidquam passum, sed simulasse Passionem. Et ut ait ibid. cap. 14. Marcus nescio quis, qui Hæresim condidit, negans resurrectionem carnis, & Christum non verè, sed putative

tivè passum asseverans. Et de Manichæis restatur lib. contra Epist. Manich. eos docuisse, Christum non veram, *sed simulatam carnem oculis ostendisse, nec pertulisse, sed simulasse passionem.* Sed omnes isti Hæresiarachæ inimici Crucis Christi suggillantur ab Augustino, & his omnibus dicere possumus, quod dixit S. Doct. Manichæis lib. de fide cap. 33. *Miseri! non timetis, ut dicatur vobis in iudicio: Ego eos liberavi, pro quibus passus sum: Ite, ille vos liberet, cui meas adscribitis passiones.*

III. Impugnatur verò hoc delirium & manifestum Mahumeti mendacium. Primò, quia falsificat prædictiones Prophetarum, qui annuntiaverunt Christi mortem; ut illam Danielis cap. 9. *Post hebdomadas septuaginta annorum occidetur Christus, & illud Psalm. 21. Foderunt manus meas, & pedes meos, diruerunt omnia ossa mea, &c.* Et illud Isaïæ 53. *Verè languores nostros ipse tulit, & dolores nostros ipse portavit. Ipse autem vulneratus est propter scelera nostra, & livore eius sanati sumus, & posuit Dominus in eum iniquitates omnium nostrum: oblatu est, quia ipse voluit, & non aperuit os suum, tanquam ovis ad occisionem ducetur, &c.* Hunc textum Isaïæ legebat in curru suo eunuchus Reginæ Candaces, cum Deus miraculosè adduxit Philippum, qui eum illi exponeret, ipsūque baptizavit. Act. 8. v. 28. Neque dicere potest Mahumetus, Judæos corrupisse, & adulterasse scripturas; tum quia id esse evidenter falsum, sect. sequent. ostendam: tum quia, cum nulla sit in testamento veteri illustrior prophetia, clariùse probans, Jesum Naza-

renum esse Messiam, & Christum promissum in lege antiqua, nihilominus Judæi perfidi, quorum maxime intererat, quòd ex Scripturis non constaret, illum esse Christum, nunquam ausi sunt negare, Daniele scripsisse illa verba, & cum Christiani & Judæi sint inter se maxime contrarii, habeantque Scripturas veteris Testamenti secundum varias versiones, etiam interpretum, qui floruerunt ante Christum, in omnibus exemplaribus veteris Testamenti leguntur illæ prophetiæ eodem tenore verborum. Et sanè si apparet aliquod verisimile fundamentum, ad asserendum, Prophetiam Danielis esse adulteratam, id non dissimularent Iudæi, ne tam aperte convincerentur illo textu.

Impugnatur secundò, quia ipse Mahumetus in Alcorano Zorâ 44. quæ appellatur Zora de Maria, vocat Dominum Iesum *Verbum Veritatis*, & Prophetam Sanctissimum, qui nunquam falsum locutus sit. Et tamen, dum dicit, eum non fuisse crucifixum, illum facit Prophetam mendacem. Siquidem Christus ipse Matth. 20. duodecim Discipulis in unum congregatis dixit: *Ece ascensumus Hierosolymam, & filius hominis tradetur Principibus Sacerdotum & scribis, & condemnabunt eum morte, & tradenti eum ad illudendum, & flagellandum, & crucifigendum, & tertia die resurget.*

Tertiò, quia facit Christum impium erga Virginem Mariam, cui secretum illud non manifestavit: constat enim, illam acerbissimos passum fuisse compassionis dolores juxta Crucem, quos non patereetur, si sciret, eum, qui inter
daos

duos latrones pendebat, non esse filium suum, sed Iudam proditorem, vel alium, cui Deus impressisset Christi figurā.

Quartò, quia eclypsis illa Solis, quæ accidit in morte Crucifixi, fuit planè & evidenter miraculosa; siquidem accidit in Paschate Iudæorum, quod nunquam nisi in diem 15. Lunæ primi mensis incidebat, cùm Luna est plenissima. Hoc autem prodigium simul cum aliis, quæ in morte Crucifixi acciderunt, manifestè probat, eum, qui crucifixus est, fuisse verum Christum.

Quintò, quia, ut ostendi disp. præcedent. Christus suam Resurrectionem manifestis argumentis probavit; Resurrectio autem mortem supponit.

Sextò, quia si indecens non fuit, Deum permittere, ut Christus Vir Sanctissimus & innocentissimus à Iudæis comprehenderetur & flagellaretur, ut Mahumetus supponit, fuisse comprehensum & flagellatum, neque indecentia ulla reperiri potest in eo, quod permiserit crucifigi. Ut quid autem illam metamorphosim & illusionem Deus decerneret?

Septimò, quia cùm quatuor Evangelistæ, qui Evangelia sua scripserunt diversis locis & temporibus, tam diligenter, & tam uniformiter narrent omnia, quæ attinent ad Passionem Christi, cùm tamen miracula breviter perstringant; id sanè non fecerunt, nisi ex impulsu divino, & quasi Spiritus Sancti amanuenses. Deus autem illos movere non potuit ad scribenda mendacia: ergo verissimū est, Christum mortuum esse.

Octavò, quia cùm Apostoli dispersi sunt per universum mundum, symbolum Fidei composuerunt, in quo expressè do-

cetur: *Christum crucifixum, mortuum & sepultum fuisse. Illi autem profecti prædicaverunt ubique, Domino cooperante, & sermonem confirmante, sequentibus signis.* Matth. ult. & fidem contentam in illo symbolo, quæ rem docet humanæ sapientiæ incredibilem, nempe hominem inter duos latrones crucifixum esse unigenitum Dei Filium, verūque Deum, mundo persuaserunt sine armorum violentia, sine sensuum blandimento, pauci homines ignobiles, infirmi, prædicantes contemptum omnium eorum, ad quæ humanus appetitus rapitur; quos homines sequi, crimen erat morte plædendum, & brevi tempore urbem mundi dominam expugnârunt, & meliorem mundi partem: quod sine ingenti miraculo, & divinâ potentiâ fieri non potuit; Deus autem nequit miracula facere ad radicandâ in mundo fidē falsam.

Nonò, quia mysterium Crucis Christi innumeros Sanctos Christo peperit, qui eò ardentius Christum diligentes, quod ignominiam Crucis pro se indignius pertulit, carceres, Cruces, innumeræque tormenta pro Christo alacriter passi sunt; in eisque impletum est illud Christi verbum: *Ego si exaltatus fuero à terra, omnia traham ad me.* Credibile enim non est, fidem falsam, & quæ Crucifixum crederet, qui crucifixus non fuit, talem potuisse generare sanctitatem.

Decimò quia miracula, quæ per signum Crucis Deus operatus est, & quotidie operatur, & honor, quem Deus exhiberi voluit Cruci, quæ ante Christum erat ignominie signum, manifestè probant, Christum in Cruce morientem eam virtutem Cruci communicasse.

CAPUT SECUNDUM.

Crucis miracula clarè probant, Christum in ea mortem sustinuisse.

IV. **M**iracula Crucis illustriora enumeret Christi prædicator ad confundendos Mahumeti sectatores. Observat Baronius, divina quadam dispensatione factum esse, ut supplicium, quod Barabbæ duplici ex causa debebatur, tum ut latroni, tum ut homicidæ, converteretur in Christum, cujus nulla esset mortis causa; ut Dei Filius pro redemptione totius generis humani Crucem subiret, quæ tam apud Judæos, quam apud Gentiles, insigne salutis esset. Signandos namque esse signo *THAV*, qui liberandi essent ab ira Dei, Ezechielii Prophetæ fuit divinitus demonstratum cap. 9. & apud Ægyptios istud signum Crucis in Sacris eorum litteris significasse vitam, Ruffin. 2. hist. 29. Soerat. lib. 5. cap. 17. Sozomen. & alii testantur. Vide Breviarium Rom. die 3. Maii, quæ celebratur Inventio S. Crucis ab Helena Augusta, & quomodo miraculo fuerit distincta à reliquis latronum; contigit hæc Inventio anno Christi 326. Ea fuit in partes divisa, & una delata Romam, alia Constantinopolim, quæ autem maxima pars relicta est Hierosolymis, jugi miraculo per particulas distributa, semper tota integra permansit, ut testatur Baronius in notis ad Martyrologium Romanum die 3. Maii, idemque testantur S. Paulin. Epist. 11. ad Sever. & S. Cyrillus

Catech. 10. ubi affirmat, totum terrarum orbem ligno S. Crucis Hierosolymis accepto locupletatum esse.

Idem autem Bar. ibidem testatur, Græcos aliam etiam de S. Cruce celebrare consuevisse solemnitatem ad 16. Kalendas Junii, quæ recolitur memoria admiranda illius apparitionis Crucis signi supra Hierosolymam meridie factæ, cujus rei gestæ hist. S. Cyrillus tunc ejusdem Civitatis Episcopus exactè describit post Catech. Et die 14. Sept. celebrat Ecclesia Exaltationem S. Crucis, quando Heraclius Imperator, Cosi hoc devicto, eam de Perside Hierosolymam reportavit; miracula verò, quæ tunc contigerunt, satis comprobant, Sacrum illud Lignum contactu Corporis Christi sanctificatum fuisse. Petavius affirmat, S. Crucem restitutam esse ann. Christi 628. & sequenti vere Hierosolymam Heraclium illam summa veneratione transulisse. Concordat Baron. in notis Martyrolog. affirmans, contigisse hanc translationem ann. 19. Imperii Heraclii, id est, anno Christi 629. quo tempore Mahumetus vivebat; & transportationem S. Crucis in Persiam, ejusque recuperationem factam ab Heraclio non ignoravit; quò magis innotescat hominis impudentia, qui negare ausus est mortem Christi in illa Cruce, pro qua

qua totus orbis Christianus pugnavit.

V. Inter apparitiones S. Crucis insignis est illa, quam promeruit Constantinus Magnus Imperator, quam describit Eusebius lib. 1. vitæ Constantini cap. 21. & sequentibus, & ex ipso Baronius ad ann. 312. Cum enim Urbem Romanam ex Tyranide Maxentii, armata manu eripere statuisset, deque belli ancipite alea, & Marte communi diligentius cogitaret, Deorumque imbecillitatem jam aliquoties perspicue cognovisset, ad Deum Christianorum confugit, eumque solum observare, & colere statuit, inquit Eusebius. Quocirca hujus operis imploravit precibus, ut, cum quisquam esset, illi significaret, tum rebus, quas apud animum proposuisset, dexteram adiutricem portigeret. Imperatori igitur ista precanti visio quedam divina, & imprimis admirabilis apparuit; quam ipsemet post victoriam narravit Eusebio Cæsariensi, qui eam litteris prodidit, etiam jurejurando interposito: Cum jam Sol (verba sunt Eusebii) ad medium Caelum ascendisset, die in pomeridianum tempus paululum inclinante, dixit, se Crucis signum, ex lucis splendore figuratum, in ipso Cælo, Soli imminens, manifestis oculis aspexisse, & in eo inscriptionem consignatam: IN HOC VINCE. Admiratio ingens ipsum, & totum exercitum, qui eum comitabatur, atque adeo hujus facti spectator factus erat, incescit. Sed dubitatione admodum inter se distrahi, quidnam ostentum illud sibi vellet, asservit, atque eum diu mulierumque de eo cogitantem oppressit nox;

ibi ei dormienti Christum Dei Filium, cum signo in Cælo monstrato visum esse, præcipisque, ut exemplari ad imitationem illius signi, quod in Cælo apparuerat, fabricato, eo tanquam presidio in præliis cum hostibus committendis uteretur: simul atque dies illuxit, surgens Constantinus, primò arcanum illud visum amicis exponit: deinde artificibus, qui aurum & lapides preciosos affabre sculperet noverant, accersitis, medio inter illos loco assidet, verbis signi describit effigiem, eamque auro, & lapidibus preciosis imitatione adumbrare mandat. Et hanc effigiem ab artificibus sculptam vexilli, seu labari Imperialis hastili insigi jussit, cujus formam ibi describit Eusebius, tandemque concludit: Isto igitur salutari signo Imperator, tanquam hostilis cuiuscunque, & infesta violentia propugnaculo, semper usus est, cujus expressæ similitudines, mandavit, ut universum exercitum perpetuo antecederent.

Virtute autem Crucis Constantinus Magnus de Maxentio, ejusque exercitu victoriam reportavit, & Maximinum Tyrannum Orientis superavit: & denique Licinium Tyrannum virtute ejusdem Crucis profligavit. Probat autem P. Gresserus lib. 2. de Cruce cap. 44. Constantino Magno ter Crucis signum Cælitus ostentum esse.

VI. Sed quis numerare possit miracula, quæ Christiani signo Crucis operati sunt? S. Antonius Abbas, ut scribit S. Athan. in ejus vita, omnibus dæmonum machinamentis, & tentationibus signum Crucis objiciebat, & eos fugabat. Et cum Ethnicis quibusdam Philosophis disputans, inter alia sic

sic locutus est : Crucifixum nominamus, & universi demones, quos vos ut Deos colistis, rugiant, atque ex obsessis corporibus ad primum Dominica Crucis signum fugantur. Vbi sunt illa fabulosa oracula ? ubi Aegyptiorum incantationes ? quò Magorum proficere carmina ? Certe nunc vastata sunt omnia, cum de sua Cruce Christus intonuit. Hinc Chrysostomus hom. 4. de laudibus S. Pauli probat, non solum veritatem hanc, quòd Christus crucifixus sit, sed etiam quòd crucifixus sit DEUS, qui per Crucem Diabolum vicit. Cuius rei gratia (inquit) demones tantummodo nomen Crucis audientes in fugam resiliunt, cum certe, si res se haberet aliter, magis eos oporteret irridere, quàm fugere. An forte Crux quid clarum videtur, ac nobile ? Immo è contrario turpis & exprobrabilis mors est : unde igitur illam demones reformidant, nisi de virtute Crucifixi ? Theodoretus lib. 3. hist. cap. 3. narrat, quòd, cum Julianus Apostata privatam adhuc agens vitam, spem Imperii potiùs concepisset, perlastrare cepit Græciam, conquerere vates & ariolos, sciscitaturus ab illis, an voti compos futurus esset ; incidit in hominem, qui ei hoc predicere pollicitus est. Qui quidem deducto eo in sanum simulacrorum, & intra eius abditi collocato, fraudulenter demones invocat, quibus in specie, quàm solent, apparentibus, metui coëgit Julianum, signo Crucis si ontem suam signare. Demones igitur Dominici trophæi conspicati figuram, & sua ipsorum cladio recordati, confestim evanuerunt. Tum prestigator, causâ, cur fugerent,

intellectâ, Julianum obiurgat, qui tum timorem, in quo erat, declaravit, & se virtutem Crucis vehementer admirari dixit : nam demones, quoniam eius figuram ferre non poterant, ausuisse. Hæc Theodoret. & idem testatur S. Gregorius Nazianzenus orat. 1. contra Julian.

VII. S. Hier. in vita S. Hilarion. narrat, S. Virum signo Crucis armatum vicisse demonum turbas, qui ferocium animalium assumentes formam, illum terrere conabantur. Severus Sulpitius refert, diabolum se visibilem S. Martino formis diversissimis sæpe ingessisse ; Sanctum verò semper interitum fuisse, signo S. Crucis munitum, S. Greg. Nissen. in vita S. Greg. Thaumaturg. scribit, eum signo Crucis fugasse demones ex Templo Idolorum, in quo pernoctârat. Et in vita S. Chrysost. legimus, eum signo Crucis in publica concione demoniacum curasse. S. Greg. Magn. lib. 8. Dial. cap. 2. narrat, S. Benedictum signo Crucis fugasse diabolum tentatorem, qui sub specie avis nigre circa ejus faciem volitabat. Gregor. Turon. affirmat, S. Patroclum, & S. Nicetium Treveritorum Episcop. plurimos energumenos virtute Crucis liberasse. Idemque testatur Beda de S. Arnolfo in ejus vita tom. 3. & in actis fidelissimis S. Daniel. apud Surium tom. 6. 11. Decemb. legimus, eum demones expulisse, cum manus solummodo obsessis imposuisset cum signo Crucis. Idemque testantur gravissimi Script. de S. Medardo Episcop. Noviom. de S. Domnolò : de S. Germano Parisiensi. de S. Niceta,

ceta, de S. Albino Andegav. Episcop. de S. Iniberto, & S. Procopio Martyre, de S. Placido Martyre, de S. Mauro, & alijs apud Gretserum lib. 4. de Cruce cap. 41.

VIII. Et apud eundem Gretserū ibid. cap. 42. Gregorius Turon. narrat, S. Simplicium Episcop. Augustod. signo Crucis in terram deiecit simulacrum Berecynthiæ, quod in processione deferrebant Gentiles circum agros, & vineas. Et Surius testatur, Sanctam Glyceriam Virginem & Martyrem facto signo Crucis, & invocato nomine Jesu obtinuisse à Deo, ut statua lapidea Jovis corruerit subito, & comminuta fuerit.

Deinde S. Martina, Virgo nobilissima, sub Alexandro Imperatore passa 12. Januarij, cum sibi Crucis signum impressisset, Dianæ idolum, fulmine cœlitus excusso, comminutum est. Itēque S. Satyrus Martyr quoddam idolum præteriens, cum exfussisset in illud, signans sibi frontem, statim Idolum corruit, atque ea de causa decolatus est. Et S. Procopius Martyr, qui sub Diocletiano passus est 8. Julij, oratione facta ad Dominum Jesum Christum, cum signum Crucis in aëre fecisset adversus statuas Idolorum, dixit: vobis dico immundis simulacris, timeate Domini mei nomen, & in aquam resoluta, in hoc Templo dispergimini: quod & factum est. Denique ut alia omittam, S. Benignus, qui sub Aurelio passus est 1. Novemb. cum Idolothyta Sancto in os ingerere vellent, signo Crucis contra eas carnes edito, cordē-

que sursum suspenso, & oculis in Cœlum sublatis dixit: *Domine, &c.* Cum hæc dixisset, & Crucis expressisset signum, mox idola omnia lignea, & lapidea, & vasa, in quibus sacrificia offerebantur, instar fumi evanuerunt.

IX. De S. Laurentio Martyre canit Ecclesia: *Quod per signum Crucis cæcos illuminaverit.* S. Greg. lib. 1. Dialog. cap. 10. simile miraculum narrat de Fortunato Episc. Civit. Turditanæ: & alij multi Sancti eadem miracula sæpe operati sunt, signantes cæcos signo Crucis. Consularum P. Gretserus lib. 4. cap. 48. ad 58. qui ex D. Aug. & Sophronio, & ex S. Greg. Nyssen, aliisque Sanctis Scripturibus probat, signo Crucis morbos fuisse depulso, mutos, aridos, paralyticos, & surdos recepisse usum membrorum; serpentes & dracones fugatos, vel interemptos; truculentas feras cicuratas, flammæque repressas; multos virtute Crucis venenum sine noxa bibisse. S. Germanus Episcop. Parisiensis, qui sub Justiniano Imperatore vitæ sanctitate floruit, signo Crucis mortuos suscitavit, ut testatur Fortunatus in ejus vita cap. 35. Ad probandam mirabilem Crucis virtutem habes oportuna valde exempla apud P. Eranc. Arias nostræ Societatis tom. 1. de imit. Christi tract. 3. cap. 40. & in vita S. Chrysost. apud Ribaden. in qua dicitur, S. Doctorem ferocissimum occidisse leonem, qui hominibus infestus erat, erecta Cruce, juxta quam leo mortuus inventus est.

* *

CAPUT TERTIUM.

*Cur Deus factus sit homo, & pro hominibus
pati voluerit?*

X. **E**Xponenda est Mahumetanis, & infidelibus Incarnationis Filij Dei necessitas, & convenientia, ut in amorem Dei excitati, mentis tenebras excutiant. Eam autem dilucidè explicat P. Lessius lib. 12. de perfectionibus divinis cap. 3. ijs verbis. Prolapſa natura generis noſtri in primo parente fraude diaboli à ſtatu ſupernaturali, & amiſſa juſtitia, originali, cæteriſque virtutibus, ſubtractâ etiam ſingulari illa Dei protectione, ac directione, & partis inferioris obedientiâ, & immortalitatis dono, in miſerrimum ſtatum incidit; neque aliud reſtabat, quàm ut ſibi relicta, ſuo pondere & impetu, inſtar fluminis cuiuſdam de peccato in peccatum ruens, per varios anfractus errorum & dolorum in pelagus exitij ſempiterni devolveretur. Tanta enim erat ad malum pronitas, ut nihil ferè, niſi peccare, poſſet; tantus impetus, ut à nemine, niſi à ſolo Deo, poſſet ſiſti ac inhiberi; ipſum verò malum tam atrox, ac penitus inſolium, ut à nullo, præterquam à Dei manu, poſſet excindi.

Deus igitur, cujus miſericordiæ non eſt numerus, & bonitatis inſinitus eſt theſaurus, intimis miſericordiæ viſceribus commotus, ſtatuit nos iſtâ multiplici miſeriâ eripere, & ruſum ad ſtatum ſupernaturalem erigere. Verùm id nec ita convenienter, nec ſatis fructuoſè fieri poterat, niſi & pro peccato juſtitie divi-

næ æquivalens ſatisfactio exhiberetur, & ſons quidam perennis, ac inexhaus- tus, quo peccata, quotieſcunque homines in ea inciderent, deleri poſſent, conſtitueretur. Parùm enim fuiſſet, in præſtitum gradum juſtitie reſtitui, niſi etiam futuris lapſibus in tanta infirmitate, & mali proclivitate fuiſſet conſultum. At neutrum illorum à pura creatura præſtari poterat: nulla enim pro homine liberando poterat offerre præmium æquivalens; nulla etiam fontem perpetuæ remiſſionis & juſtificationis conſtruere. Tanta enim eſt vel unius peccati mortiferi malignitas, tanta in majeſtatem illam inſinitam injuria, ut omnibus Sanctorum, Angelorum & hominum obſequiis, laudibus, cultibus, precibus, humiliationibus, pænitentis, ſatisfactionibus, ex æquo, & ut ita dicam, ad æquilibrium, juſtamque æqualitatem nequeat compenſari, ut inſiâ de juſtitia oſtendatur. Cùm igitur nullum remedium, nec in terra, nec in Cælo malis noſtris medendis, & bonis amiſſis recuperandis appareret, nec ullus Angelus, aut ulla mens creata quidquam congrui auxilij poſſet invenire; miſericordia divina inauditum, admirabile, ineffabile, incomprehenſibile, omnibus ſæculis, omnibus Angelis & hominibus obſtupeſcendum excogitavit conſilium, nimirum, ut Filius Dei, ſapientia genita, per quam facta ſunt omnia, naturam noſtram ſibi co-
gula-

pularret, & in ea, ac per eam totum genus humanum repararet. Nisi enim reparator noster esset Deus, non posset exhibere pro offensione & injuriâ, à nobis in divinitatem commissâ, quidquam æquivalens, nec constituere perennem & indefectibilem reconciliationis thesaurum. Nisi esset etiam homo, cessaret meritum, cessaret satisfactio, cessaret exemplum, cessaret illa suavis, & naturæ congruentissima providentia, qua res per ea, quæ sui sunt generis, gubernantur.

X. Hoc igitur post casum est primû & maximum misericordiæ divinæ in nos beneficium, utpote infinitum, & aliorum multorum, quorum singula infinitæ sunt æstimationis, origo & fundamentum; quo maximè Deus infinitum suum in nos amorem & misericordiam declaravit. De quo Dominus ipse Ioan. 3. *Sic Deus dilexit mundum, ut filium suum unigenitum daret, ut omnis, qui credit in illum, non pereat, sed habeat vitam æternam.* Quis hæc animo volvens non obstupescat? Quis tantæ benignitatis consideratione lachrymas contineat? Quis in obsequiû Dei vicissim se non libentissimè expendat? *Sic*, tam intensè, tam effusè, tam ardentè, tantæ æstimatione, tanti illum fecit, & appetiavit *Deus*, illa infinita majestas, nullius e-gens, sibi sufficientissima, qui verbo creavit omnia, cui tot milliones serviunt Angelorum, & qui momento temporis infinitos alios excellentiores fervos, & cultores sibi ex nihilo poterat condere. *Mundum*, humanum genus, infimum naturæ rationalis terminum, brutis affine, terrenis additum, Cœlestium inane, immundum, ingratum, inimicum,

rebelles, in quo nihil dignum amore, plurima digna odio & supplicio. Obstupescere homo, Angelicis spiritibus, tam sublimi ingenio & naturâ præditus, in sua damnatione relictis, tibi vilissimo, & nullius pretij vermiculo, à magno illo Numine tam immensum amorem & favorem exhibitum. *Filium suum unigenitum*, non Angelum, non Cherubinum, non Seraphinum, non Filium aliquem adoptivum, sed Filium suum unigenitum, naturalem, consubstantialem, eiusdem majestatis, potestatis, sapientiæ, excellentiæ, quem infinito dilexit amore, cui totam substantiam, unâ cum omnibus suis perfectionibus & thesauris bonorum ab æterno profudit. *Daret*, in Rectorem, in Doctorem, in exemplum vitæ, in Redemptorem, in pretium & satisfactionem pro peccatis: in Thesaurum perpetuum iustitiæ & reconciliationis; in iuge sacrificium, in Sacerdotem æternum; in panem vitæ æternæ, & alimentum immortalitatis, in pignus futuræ gloriæ; in Regem, Judicem & Remuneratorem vivorum & mortuorum; in gloriam & triumphum patriæ Cœlestis. *Daret*, ad unionem nostræ naturæ, ad nuditatem & paupertatem, ad labores & incommoda huius vitæ, ad contumelias & persecutiones, ad alapas & sputa, ad flagella & spinarum punctiones, ad omne genus probrorum & dolorum, ad Crucem & mortem, ut totius nostri generis peccata in se susceperet, eaque in suo, quasi illorum auctor ac reus, lueret corpore. *Ut omnis, qui credit, &c.* Totum hoc fecit, ut nos ab exitio sempiterno, cui addicti eramus, eriperet, & æternâ vitâ dona-

ret;

ret; nec de nobis requirit aliud, quàm ut credamus in Filium, eique obediamus. Haetenus P. Lessius.

Quare, ut meritis inquit Clem. Alex. in exhortat. ad Gent. *Verbum vitam praebeat, ut opifex; bene vivere docuit, ut Magister; ut semper vivere suppeditaret, ut Deus.* Hinc pulchre Aug. tract. 24. in Ioan. *Si dixisset tibi Deus tuus, Ego sum veritas & vita, tu desiderans veritatem & concupiscens vitam, viam, qua ad hac pervenire posses, profecto quaereres, & diceret tibi; Magna res veritas, magna*

vita; si esset, quomodo illuc perveniret anima mea. Quæris, quâ? Audi dicentem primò; Ego sum via. Primò dixit, venias; postea dixit, quò venias. Ego sum via, ego sum veritas. Ipse manens apud Patrem, veritas & vita est; induens se carne factus est via. Non tibi dicitur; labora, quaerendo viam, ut pervenias ad veritatem & vitam: non, inquam, hoc tibi dicitur. Ergo piger surge, via ipsa ad te venit, & te de somno dormientem excitavit, (si tamen excitavit) surge, & ambula.

CAPUT QUARTUM.

Exponitur ex Patribus, cur Deus voluerit fieri homo passibilis, & mortem Crucis subire?

XII. **E**cclesiae Sol August. tom. 1. lib. de vera Religione cap. 16. sic rem hanc explicat, & convenientias detegit, quibus Deus permotus est ad assumendam carnem passibilem. Cum omnibus, inquit, modis medeatur animis Deus pro temporum opportunitatibus, quæ mirâ ejus sapientiâ ordinantur, nullo modo beneficentiâ consuluit generi humano, quàm cum ipsa sapientia Dei, id est unicuique Filius consubstantialis Patri, & coaeternus totum hominem suscipere dignatus est, & Verbum caro factum est, & habitavit in nobis. Ita enim demonstravit carnalibus, & non valentibus intueri mente veritatem, corporeisque sensibus deditis, quam excelsum locum inter creaturas habeat humana natura, quod non solum visibiliter (nam id poterat) & in aliquo aethereo corpore ad nostrorum aspe-

ctum tolerantiam temperato, sed etiam hominibus in vero homine apparuit; ipsa enim natura suscipienda erat, qua liberanda. Et ne quis fortè sexus à suo creatore se contemptum putaret. virum suscepit, natus ex femina. Nihil egit vi, sed omnia suadendo & monendo, veteri quippe servitute transacta, tempus libertatis illuxerat, & opportunè jam homini suadebatur, quam libero esset creatus arbitrio. Miraculis conciliavit fidem Deo, qui erat; passione homini, quem gerebat. Satellites voluptatum divitiarum pernitentiæ populi appebant; pauper esse voluit. Honoribus & Imperiis inhiant; Rex fieri voluit. Carnales filios magnum bonum putabant; tale coniugium prolemque contempsit. Contumelias superbissimè horrebant; omne genus contumeliarum sustinuit. Injurias intolerabiles esse arbitrabantur;

tur; quæ major injuria, quàm justum, innocentemque damnari? Dolores corporis exercebantur; flagellatus, atque cruciatus est. Mori timebant; morte multatus est. Ignominiosissimum mortis genus Crucem putabant; crucifixus est. Omnia, quæ habere cupientes non rectè vivebamus, carendo vilia fecit. Omnia, quæ vitare cupientes à studio deviamus, veritatis, perpetiendo dejecit. Non enim nullum peccatum committi potest, nisi dum appetuntur ea, quæ ille contempsit, aut fugiuntur, quæ ille sustinuit. Tota itaque viâ ejus in terris per hominem, quem suscipere dignatus est, disciplina morum fuit. Resurrectio vero ejus à mortuis, nihil hominibus perire natura, cum omnia salvâ sunt DEO, satis indicavit; & quemadmodum cuncta serviant Creatori suo, siue ad vindictam peccatorum, siue ad hominis liberationem, quàmque faciliè corpus anima serviat, cum ipsa subjicitur Deo. Hæcenus Augustinus.

XIII. Guilielm. etiam Paris. lib. de fide cap. 3. pulcherrimam reddit rationem, cur expediens fuerit, DEUM pro hominibus pati in homine assumpto: Nullâ enim viâ (inquit) magis suaderi communicati generis humani posuit, Deum sua gloria velle nos habere consortes, quàm per hoc, quòd miseria nostra consortium invenit. Quâ enim viâ evidentius ostendi potuit hominibus, quòd eos secum velleret DEVS beatè, & gloriose vivere, quàm per hoc, quòd cum eis voluerit miserè, & ignominiosè vivere, & quod plus est, etiam mori? Quid ingentius imprimere potuit cordi humano, quòd communicanda ei esset divina gloria beatitudo, quàm ipsius humana

miseria in Filio DEI facta communicatio? Deinde quid adeo spem venia erigere potuit, quid adeo de misericordia DEI firmare fiduciam, quo signo, vel argumento verisimilius probari potuit cordi humano, DEVM velle parcere, & misereri hominibus, quàm per hoc, quòd Pater misericordiarum proprio Filio, ut eis parceret, non pepercit, & ipse filius, ut immunes & illæsi abirent latrociniarum suorum, dignatus est perpeti suspendium. Manifestum igitur est ex his, quantum DEVS voluerit, homines esse suos socios in gloria sua, quibus & ipse voluit esse socius in eorum tanta miseria.

XIV. Postmodum aliam adjungit rationem, quâ probat, solam fidem Christianam Catholicam esse veram, quia sola fides Catholica ea continet, & prædicat, quæ hominem accendere possunt ad DEUM amandum ardentissimè, & prout ipse amari vult ab hominibus. Vera namque fides; & Religio debet homines ducere ad DEI perfectum amorem: & hæc motiva ardentissimè DEUM diligendi maximè continet, & prædicat fides Catholica. Sic enim (inquit) ignis ignem maximè generat, & applicatione sua, seu contactu, quæ ignibilia & succensibilia sunt, maximè inflammat, & ignit, sic ignis divina dilectionis, tanto beneficio nobis exhibita, per credulitatem cordibus hominum applicatus, ignem sanctæ dilectionis in DEVM maximè in illi generat, eaque amore benefico maximè incendit, & inflammat. Et omnia alia beneficia veluti scintilla, & prunula permodica ad calefaciendum, inflammas cor humanum: beneficium vero Incarnationis atque

que Redemptionis, non solum est sicut mons igneus, cordibus nostris inflammandis per credulitatem appositus, immò incomparabiliter major ignis, quàm esset totus mundus, si totus arderet. Quantò enim major est Filius DEI toto mundo; tantò corda humana magis calefacere debet, & inflammare per hanc credulitatem ei applicitus, quàm totus mundus corpora nostra, si totus arderet. Est enim Filius DEI, beneficium nobis collatum, in quantum nobis, & pro nobis datus: quod autem sunt torres & facies, ad calefacienda corpora calore sensibili, hoc sunt beneficia ad calefacienda corda calore spirituali; hic autem calor amor est. Manifestum igitur est, quia si totus mundus arderet, modicus ignis esset ad calefaciendum corpus quodcumque, immò nullus in comparatione hujus beneficii ad calefacienda corda humana. Manifestum igitur est, quia major ignis calefaciendis, aut inflammandis cordibus nostris adhiberi non potuit, quàm beneficium Dominice Incarnationis, & Passionis: hunc autem sola ista fides, seu credulitas ipsis adhibet. Hæcille.

XV. Denique ut alia omittam, egregiè S. Thomas 4. contra gent. cap. 55. explicuit, cur conveniens fuerit DEUM carnem passibilem assumere. Non oportuit (inquit) DEVM carnem impassibilem, & immortalem suscipere: Sed magis passibilem, & mortalem. Primò quidem, quia necessarium erat hominibus, quòd beneficium Incarnationis cognoscerent, ut ex hoc ad Divinum amorem inflammarentur. Oportuit autem ad veritatem Incarnationis manifestandam, quòd carnem similem

alijs hominibussumeret, scilicet passibilem & mortalem; si enim immortalem & impassibilem carnem suscepisset, visum fuisset hominibus, qui talem carnem non noverant, quòd aliquod phantasma esset, & non veritas carnis. Secundò, quia necessarium fuit, Deum carnem assumere, ut pro peccato humani generis satisfaceret. Contingit autem, unum pro alio satisfacere, ita tamen quòd pœnam pro peccato alteri debitam ipse sibi non debitam voluntariè assumat; pœna autem, consequens humani generis peccatum, est mors, & aliæ passibilitates vitæ præsentis: unde & Apostolus dicit ad Romanos 8. Per unum hominem peccatum in hunc mundum intravit, & per peccatum mors. Oportuit igitur, ut carnem passibilem, & mortalem Deus assumeret absque peccato: ut sic patiendo, & moriendo pro nobis satisfaceret, & peccatum auferret. Et hoc est, quod Apostolus dicit ad Romanos 8. quòd DEVS misit Filium suum in similitudinem carnis peccati, id est, habentem carnem similem peccatoribus, scilicet passibilem, & mortalem. Et subdit, Ut de peccato damnaret peccatum in carne, id est, ut per pœnam, quam in carne pro peccato nostro sustinuit, peccatum à nobis auferret. Tertiò, quia per hoc, quòd carnem passibilem, & mortalem habuit, efficacius dedit nobis exempla virtutis, passionis carnis fortiter superando, & eis virtuosè utendo. Quartò, quia per hoc magis ad spem immortalitatis erigimur, quòd ipse de statu carnis passibilis, & mortalis mutatus est in impassibilitatem, & immortalita-

tem

tem carnis: quod etiam de nobis sperare possumus, qui carnem gerimus passibilem, & mortalem: si verò à principio carnem impassibilem, & immortalem assumpsisset, nullam daret occasionem, immortalitatem sperandi his, qui in seipsis mortalitatem, & corruptibilitatem experiuntur. Hoc etiam Mediatoris officium requirebat, ut communem haberet nobiscum passibilem carnem & mortalem; cum DEO verò virtutem & gloriam, ut auferens à nobis, quod nobiscum commune habebat, scilicet passionem & mortem, ad id nos duceret, quod sibi & DEO erat commune; fuit enim Mediator ad iungendum nos DEO. Similiter etiam non fuit expediens, quòd DEVS incar-

natus vitam in hoc mundo ageret opulentam, & honoribus, seu dignitatibus sublimem. Primò, quidem, quia ad hoc venerat, ut mentes hominum terrenis deditas ad divina elevarer: unde oportuit, ut suo exemplo homines in contemptum divitiarum, & aliorum, quæ mundani desiderant, traheret: & quòd inopem & privatam vitam agerent in hoc mundo. Secundò, quia si divitiis abundasset, & in aliqua maxima dignitate constitutus fuisset, id quod divinè gessit, magis potentie seculari, quàm virtuti divinitatis fuisset attributum: unde efficacissimum argumentum suæ divinitatis fuit, quòd absque adminiculo potentie secularis totum mundum in melius commutavit.

CAPUT QUINTUM.

Demonstratur contra Mahumetanos, neque vetus, neque novum Testamentum esse adulteratum; & inde evincitur, Alcoranum utrique Testamento contradicentem, esse librum mendacem, & diaboli suggestionem compositum.

XVI. CUM Mahumetani ex una parte videant, Alcoranum apertè dicere, libros veteris Testamenti, & Evangelia Jesu Christi descendisse de cælo: nam in prima Azora, seu primo capite introducit DEUM sic loquentem cum Mahumeto: *Tu fidem creatoris illis predicans, penitus persuade, ut libris tibi divinitus missis, Abrahæ quoque ac Moysi, ac Christi, cætero- vumque Prophetarum libris fidem fir-*

mam adhibeant. Et cap. 12. introducit iterum DEUM sic loquentem cum Judæis (secundum quod Turcæ utuntur Alcorano sine distinctione librorum) Christum Maria Filium, cui commissum Evangelium, quod est lumen, & confirmatio Testamenti, ac reitavitamentibus Deum ad vestra legis supplementum misimus, Judæi; omnis ergo Evangelii servus, ipsius præcepta indicando sequatur, alioquin malui eris.

Y 2

Et

Et demum Alcoranum introducitur DEUM præcipientem Mahumeto, ut quando incidat dubium circa intelligentiam eorum, quæ ipsi divinitus revelata sunt, recurrat ad Judæos, & Christianos, quilegem prius receperunt: *Si ambigum fueris de his, quæ descendere fecimus, interroga eos, qui legem legunt ante te. Noli esse de his, qui non crediderunt signis DEI, ne forte damneris.* Cum hoc, inquam, Mahumetani ex una parte videant, & ex alia videant, Evangelia & vetus Testamentum continere doctrinam manifestè contrariam Alcorani doctrinæ; sic discurrunt. Alcoranum, & utrumque Testamentum inter se dissentiunt: Alcoranum necesse est, esse verum, integrum, sincerum; utrumque ergo Testamentum necesse est, esse depravatum, & inversum. Idque deducunt ex Alcorano Azorâ 12. ubi Mahumetus dicit: *Se solum habere Evangelium purum, & incorruptum, quod Christus à DEO accepit;* ac proinde Christianos habere illud depravatum, & adulteratum. Et idem docet de libris Moyſis, & Prophetarum.

XVII. Sed Mahumetanos falli, dum sibi persuadent Alcoranum de cælo descendisse, ejusque doctrinam esse divinitus revelatam, evidenti argumento evincemus in hunc modum. Alcoranum, & utrumque Testamentum inter se dissentiunt, & doctrinas continent contradictoriè oppositas. At certum est, utrumque Testamentum de cælo descendisse, id est Deum habere authorem, & doctrinam veram continere: certum deinde est, nec vetus Testamentum, neque novum esse corruptum, seu adul-

teratum, sed esse integrum, & incorruptum, prout à Moyſe, & Prophetis, atque ab Apostolis, & Evangelistis scriptum est. Ergo certum est, Alcoranum de cælo non descendisse, neque DEUM habere Authorem; sed ejus doctrinam, quatenus opponitur veteri, vel novo Testamento, esse apertè falsam, & diabolum habere Authorem.

Minor seorsim probanda est, quoad utrumque Testamentum; & nunc in generali suadetur: quia, ut tanquam corrupta, & adulterata rejiciatur aliqua scriptura, non sufficit, quòd aliquis affirmet, esse corruptam, sed necesse est, quòd id probet, producendo in medium aliquod illius exemplar authenticum ab illo discordans, quod ipse vitiatum esse ait. Ast Mahumetani nihil tale producunt, sed potius contra ipsos apertè demonstratur, omnia exemplaria novi, & veteris Testamenti, Hebraica, Chaldaica, Syriaca, Arabica, Græca, & Latina, quæ per universum mundum dispersa sunt, habere expressè eam doctrinam, in qua eis contradicit Alcoranum; quin unum unquam repertum sit exemplar Alcorano concordans, & à doctrina Religionis Christianæ discordans. Ergo Mahumetani temerè, & cæcè credunt, utrumque Testamentum esse corruptum, quia utrumque contradicit Alcorano; sed potius deducere debent, Alcoranum non esse librum divinitus inspiratum, sed mendaciis plenum, quandoquidem continet doctrinam contrariam libris veteris, & novi Testamenti, qui reperiuntur inter omnes ferè orbis nationes.

CAPUT SEXTUM.

Demonstratur, vetus Testamentum non esse depravatam à Judæis, ut Mahumetani fabulantur.

XVIII. **V**T id demonstrum, quæro, quando Judæi adulterârunt, & immutârunt scripturas veteris Testamenti? An ante adventum Christi, an post? Non ante, quia cùm ipsi acceperint librum legis à DEO per manus Moyſis, tot præcedentibus signis, & prodigiis, sciréntque certissimè, libros Moyſis & Prophetarum scriptos fuisse, inspirante & dictante Deo, ingénsque esse crimen, eos adulterare; certè id præstare non potuerunt sine vehemènti passione; ante adventum autem Christi nulla passio vehemens ad id præstandum eos compellere potuit: siquidem nec odium Christi, & Christianorum, neque odium Mahumeti ad id compellere potuit, anrequam Christus nasceretur, & Mahumetus in mundum venisset.

Præterquam quod cùm essent in Synagoga viri probi, & zelum DEI habentes, qui fortiter obſisterent depravatoribus, fieri non potuit, ut viri aliqui nequam & scelerati corrumperent omnia exemplaria, quæ per orbem erant dispersa, & in varias linguas translata à diversis interpretibus, & in celebrioribus orbis bibliothecis asservabantur.

XIX. Deinde si Hebræi ante Christi adventum scripturas corruperunt, quare Christus, & Apostoli nunquam

illos de tam insigni crimine reprehenderunt, præsertim cùm leviora non tacerint? Quare Dominus ait? Joan 5. *Scrutamini Scripturas.* Et Matth. 23. *Super Cathedram Moyſis sederunt Scribae & Pharisei: quancunque ergo dixerint vobis, servate, & facite.* Cui credibile erit, Christum ad corruptas Scripturas legendas sine ulla præmonitione homines invitâsse, vel ad corruptores audiendos, & sequendos amandâsse? Nec enim si Testamentum vetus esset corruptum, id Christus ignoraret, cùm esset plenus sapientiâ: nam Mahumetus ipse in Alcorano cap. 13. inquit: *Quod DEUS Christum librum & sapientiam, & Evangelium, & Testamentum edocuit.*

Nec item dici potest, Judæos post Christi adventum adulterâsse, & depravâsse Scripturas. Nam omnia testimonia, quæ à Christo, & ab Apostolis citantur, inveniuntur in Moyſe, & Prophetis, ut ab illis citata sunt. Ergo sic legebantur tunc in Moyſe, & Prophetis: Ergo neque ante, nec post Christi adventum Scripturæ veteris Testamenti adulteratæ sunt à Judæis. Et hoc argumento usi sunt Origenes lib. 8. in Isaiam, & Hieronymus in cap. 6. Isaiæ, ad probandum, vetus Testamentum non fuisse corruptum ab Hebræis.

Y 3

Item

Item Augustinus lib. 15. de Civ. Dei cap. 13. inde probat, Judæos non adulterasse Scripturas, quod non videatur ullo modo credibile, Judæos voluisse suis codicibus eripere veritatem, ut nostris detraherent auctoritatem: & etiam si voluissent, non sit verisimile, potuisse.

XX. Ut autem vis argumenti magis innotescat, sciendum est, vetus Testamentum sæpe, & per diversos Interpretes translatum esse ex lingua Hebraica in Græcam. Prima translatio facta est jussu Ptolomæi Philadelphi, Regis Ægypti à septuaginta senioribus, 291. annis ante Christi adventum, ut testatur S. Epiphanius, & sequitur Bellarminus. Rex enim ille, qui ex toto orbe terrarum libros adducebat in suam Bibliothecam, voluit in ea habere libros Moysis, & Prophetarum: & ideo per legatos suos rogavit Eleazarum summum Sacerdotem, ut ad se mitteret viros sapientes, qui libros Legis, & Prophetarum transferrent in linguam Græcam: misit autem summus Sacerdos septuaginta duos seniores, senos ex singulis tribubus filiorum Israël, utriusque linguae peritissimos, qui spatio dierum septuaginta duorum mirabili consensione divinas Scripturas apud Pharum Ægypti ex Hebræo sermone in Græcum idioma transtulerunt. Idque divino consilio factum est, ut, cum Apostoli postea prædicarent Evangelium Græcis, ex testimonio Prophetarum, quorum libros Græci habebant, omnibus persuaderent, Jesum Nazarenum, à Judæis crucifixum, esse Christum promissum in lege & Prophetis. Et ut notat Eusebius lib. 8. de

præparatione Evangelica, ideo DEUS disposuit, ut ea translatio fieret ante Christi adventum, quia si facta fuisset postea, perfidi Judæi in suspensionem translatores vocarent.

Anno autem 104. post Christi Nativitatem, nempe quarto anno Imperii Trajani facta est secunda translatio ab Aquila Pontico, ut quidam volunt: ut autem sentit Bellarminus cum Epiphanio, facta est hæc translatio anno duodecimo Adriani Imperatoris, id est anno Christi 131. Tertia translatio facta est à Theodotione octavo anno Imperatoris Commodi, id est anno Christi 189. Postea anno 9. Imperatoris Severi, & Christi 203. facta est alia translatio à Simmacho. Postea sub Imperio Heliogabali ad annos Christi 212. vel 225. Patriarcha Hierosolymitanus invenit in subterraneis urbis Hiericho totum vetus, & novum Testamentum, è lingua Græca in Latinam fideliter translatum; & hæc vocatur quinta editio, seu translatio Hierichuntina. Ita refert Fr. Antonius de Guevara. Sed Cardinalis Bellarminus ait, quintam editionem Græcam inventam esse in dolis quibusdam apud urbem Hiericho anno 8. Antonini Caracallæ; & secundum Baronium hæc translatio inventa est septimo anno Antonini Caracallæ, & anno Christi 219. Sexta quoque editio incerti Authoris in dolis inclusa inventa est apud Nicopolim Alexandro Mammez filio imperante; imperare autem cepit Alexander anno Christi 224.

XXI. Has omnes versiones in unum corpus conjunxit Origenes anno

anno Christi 133. dividens singulas paginas in sex columnas, ac in prima quidem scripsit Hebraicum textum: in secunda eundem textum Hebraicum Græcis litteris: in tertia interpretationem Aquilæ: in quarta interpretationem Symmachi: in quinta interpretationem LXX. seniorum: in sexta interpretationem Theodotionis: atque hæc volumina propter quatuor interpretationes Tetrapla, propter sex columnas Hexapla dicebantur.

Quadraginta annis ante Christum natum translata est Scriptura Sacra ex lingua Hebræa in Caldaicam à Judæo quodam in Babylonia, qui appellabatur Jonathan Abenunciæ, & translatio hæc fuit fidelissima. Et eâ frequenter utuntur Ecclesiæ Orientales; videlicet Armeni, Caldæi, & Egyptii. Translata quoque est in linguam Syriacam.

Quare libri Moysis, & Prophetarum translati erant in varias linguas, & orbis erat plenus his libris. Omnes autem istæ translationes contingunt prophetiam Danielis, quæ prædixit Christum occidendum: & continent alia multa contraria his, quæ in Alcorano habentur. Et translationes istæ hucusque perseverant. Nec fieri potuit, ut omnia exemplaria ab aliquo, vel aliquibus corrumperebuntur. Ergo est falsissimum, Judæos ante Christum, vel post Christum adulterasse Scripturas.

Sanè Religio Judæorum erga sacros libros tanta fuit, ut scribat Philo in libro de egressu filiorum Israël ab Ægypto, usque ad sua tempora per spatium

plurquam duorum millium annorum, ne verbum quidem fuisse unquam in lege Hebræorum immutatum, & quemlibet Judæum centies potius moriturum, quàm ut pateretur, legem in aliquo mutari.

XXII. Idque ipsum aliis argumentis convincitur: quia si Judæi falsare voluissent Scripturas in odium Christianorum, sine dubio præcipua vaticinia sustulissent: id autem minime fecerunt, quia, ut probat Bellarminus, ea, in quibus discrepant exemplaria Hebræa à Græcis, & Latinis, sæpè nullius momenti sunt, quantum attinet ad fidem, & Religionem: *Et sæpè codices Hebræi magis Judæos vexant, quàm Græci, aut Latini.* Ipsæque dispersi Judæorum per universum orbem cum libris sacris probat, in illis libris contineri ea, quæ de Christo prædixerant Prophetæ circa ejus mortem, & resurrectionem, aliæque mysteria, in quibus Religio Christiana opponitur Mahumetanæ. Ut enim observant S. Justinus in oratione exhortatoria, & S. Augustinus lib. 18. de Civit. Dei cap. 46. & manifestè deducitur ex illis verbis Psalmi 46. *Ne occidas eos, ne quando obliviscantur populi mei, disperse illos in virtute tua.* Ideo dispersi sunt Judæi Sacras Scripturas circumferentes, ut, cùm Pagani nolunt credere ea, quæ dicimus de Christo esse prædicta, sed dicunt, ejusmodi vaticinia à Christianis fuisse conficta, eos mittamus ad inimicos nostros Judæos, qui vaticinia illa secum ferunt. Ergo mysteria Religionis Christianæ, in quibus opponitur Mahumetanis, & ex quibus probatur, Christum à Judæis occi-

occisum, tertia die surrexisse, & esse verum DEUM, continentur in Scripturis veteris Testamenti, prout à DEO dictatæ fuerunt.

Denique probatur, esse manifestum mendacium, quòd Scripturæ veteris Testamenti sint à Judæis falsatæ; quia eum certum sit, DEUM habere providentiam suæ Ecclesiæ, verisimile non

est, passurum fuisse, ut verba tot illustrium Prophetarum generaliter falsarentur, præsertim cum ad hunc finem Judæos disperferit per totum orbem terrarum, ac circumferre eos voluerit libros legis, & Prophetarum, ut inimici nostri Christianæ Religionis testimonium perhiberent.

CAPUT SEPTIMUM.

Demonstratur, novum Testamentum non esse corruptum: & inde convincitur, doctrinam Alcorani ipsi contrariam esse falsam. Ubi recensentur Hæreses præcipuè contra Trinitatem, & Incarnationem, & Concilia Generalia, in quibus damnata sunt.

XXIII. **L**iber Alcorani Azorâ, seu capite 5. hæc habet: *Hic liber, videlicet Alcoran, nec mendacium aliquod, nec aliquid præteritis Prophetis contrarium nuntiat.* Verùm hæc verba dolosè dicta esse à Mahumeto, ad seducendam barbaram illam gentem, & falsissimam Alcorani laudem continere, facillè convincitur, tum ex dictis, tum ex dicendis: quia liber ille continet doctrinam evidenter contrariam doctrinæ Evangelii, quod à DEO descendisse, & scriptum esse impulsu, & directione Spiritûs Sancti, ipse Mahumetus fateatur.

Quòd autem Evangelium Christi, quod modo habemus Christiani, sit illud ipsum, quod ex impulsu divino conscriptum fuit ab Apostolis; quæ fuerit adulteratam à Christianis, nunc

demonstrandum est. Et in primis onus incumberebat Mahumetanis, producendi in medium aliquod exemplar Evangeliorum, conscriptum ante adventum Mahumeti, quod concordaret cum Alcorano: at id non præstant, nec præstare possunt; sed potiùs omnia exemplaria Evangeliorum ante Mahumetum conscripta, Hebraicè, Græcè, Latinè, & in aliis linguis, quæ erant per totum orbem dispersa, manifestè attestantur Religioni Christianæ. Quærantur exemplaria antiqua Evangeliorum inter Christianos, inter Judæos, inter Gentiles, & nullum invenietur, quod non eam contineat doctrinam, quam Christiani credimus: neque hujus depravationis, & corruptionis universalis Evangeliorum omnium, quæ narrant Passionem Christi, & mortem Crucis, &

tertia

tertia die resurrectionem, & miracula, quæ fecit in confirmationem illius doctrinæ, quam prædicabat, quod ipse sit Filius Dei naturalis, verusque DEUS, nullus unquam scriptor mentionem fecit usque ad Mahumerum, & Mahumetanos; neque post Mahumetum ullus Doctor Christianus, vel Judæus, vel Gentilis mentionem aliquam facit tam horrendæ hæresis, qualis foret, Evangelia omnia subvertere, & doctrinam falsam in mysteriis tam principalibus illis affingere, & universo orbi tanquam articulos fidei proponere: quod signum evidens est, talem hæresim non extitisse; nam de omnibus, & de earum auctoribus, tempore, & loco, quo incæperint, habemus certas historias; & tamen de hac realium est silentium apud omnes omnino Scriptores, præter Mahumetanos: cum tamen silentio non esset omnino prætereunda tam nefaria hæresis, & tam horrendum delictum. Quis enim credat, hoc in mundo accidisse, quod omnia Evangelia à Christo tradita, & ab Apostolis scripta fuerint depravata, & falsata; & tamen quod nullus existerit in toto orbe Christianus, qui zelum veræ doctrinæ haberet, & litteris proderet posteris tantum nefas, ut à doctrina falsa caverent?

XXIV. Unde hoc dilemma conficitur: si exiit revera hæc universalis omnium Evangeliorum depravatio, & falsatio: vel Summus Pontifex cum omnibus Patriarchis, & Episcopis, & Christianis in hanc depravationem consentit, vel illi restitit Summus Pontifex, vel aliquibus Prælati, vel saltem aliqui

Prælati illi obstiterunt? Si primum, ergo perit Christi Ecclesia, siquidem omnes Prælati successores Apostolorum, apostataverunt à fide vera, & amplexati sunt fidem falsam, & secum traxerunt reliquos Christianos. Ergo Christus fuit Propheta falsus, dum dixit: *Tu es Petrus, & super hanc petram edificabo Ecclesiam meam, & porta inferi non prævalent adversus eam*: Christum verò fuisse Prophetam veracissimum, Mahumetani confitentur. Si secundum: ergo veri Christi fideles congregarunt Concilium, ut se opponerent tantæ impietati, & tam nefariam hæresim damnarent, & omnes fideles per litteras monerent, ut à tam pestilenti doctrina fugerent. Si enim non obstiterent impietati, & non pugnaverent pro defensione veritatis Evangeliorum, sed sinerent, ut illa adulteraretur, & corrumpereetur, non essent vera Christi Ecclesia: ac proinde vera Christi Ecclesia funditus perisset. At certum est, nunquam in Ecclesia Christi congregatum fuisse Concilium ad damnandos, tanquam hæreticos, eos, qui dicunt, Christum mortuum esse, & resurrexisse, & se Filium DEI appellasse; sed potius dantur multa Concilia, quæ illam doctrinam stabiliant, nullumque congregatum est Concilium in Ecclesia Christi, quod non stabilierit doctrinam contentam in symbolo Apostol. Ergo manifestum est, Evangelia non esse falsata, & depravata.

XXV. Deinde argumentor: Si Christiani falsaverunt Evangelia, vel id fecerunt post adventum Mahumeti, quasi in odium illius, & ut Alcorano auctoritatem

ritatem detraherent, vel ante adventum illius. Neutrum autem dici potest; ergo est insigne mendacium, quod Christiani falsaverint Evangelia, falsè illis assiagentes narrationem Passionis, & Resurrectionis Christi, & ea, quæ significant Divinitatem Christi, & Trinitatem Personarum Divinarum. Quod non falsaverint post adventum Mahumeti, & in odium illius: probatur primò, quia, ut in simili arguit S. Augustinus lib. 15. de Civit. cap. 13. incredibile est, quod Christiani sibi abstulerint veritatem, dum invident Alcorano auctoritatem, & quod fundamenta suæ Religionis voluerint subvertere, ut aliquantulum auctoritatis detraherent Alcorano; hoc enim perinde esset, ac si quis sibi ipsi brachium amputaret, vel lethale vulnus infligeret, ut inimicum suum leviter vellicaret. Sanè neque Mahumerus, nec ullus unquam hæresiarcha tantum damnum intulisset Ecclesiæ Christi, quantum ipsa inferret sibi, mutando & pervertendo Evangelia; nam hæreses Ecclesiam Christi impugnant, sed non expugnant, quatiunt, sed non subvertunt: at Ecclesia depravans Evangelia, & mendacia proponens ut articulos fidei, seipsam expugnaret, & subverteret.

Prob. 2. quia evidens est, Ecclesiam Christi habuisse eadem Evangelia ante adventum Mahumeti, quæ habet modò: nam Evangelia, quæ habuit ante adventum Mahumeti, narrabant historiam Passionis & Mortis Christi, ejusque Resurrectionem, & doctrinam eandem continebant, de Divinitate Christi, & Trinitate, quam modò con-

tinent, ut constat ex omnibus Doctoribus Ecclesiæ Christi, tum Latinis, tum Græcis, qui ante Mahumetum floruerunt, quorum scripta continent expositionem eorundem Evangeliorum, quæ modò habemus, & leguntur eorum homilæ, & sermones in Breviario Romano. Nam præter S. Dionysium Areopagitam, S. Ignatium Martyrem, S. Clementem Papam, S. Polycarpum, & alios, qui cum Apostolis egerunt, & præter S. Justinum Philosophum & Martyrem, & Sanctum Egesipum, & Sanctum Theophilum Episcopum Antiochenum, sextum ab Apostolo Petro: & S. Irenæum Episcopum & Martyrem, auditorem Sancti Polycarpi, & S. Melitonem Sardanensem Episcopum, & Clementem Alexandrinum, Originis Præceptorem, aliosque illustres Scriptores, qui propè tempora Apostolorum vixerunt, & ad secundum Ecclesiæ sæculum pertinent, suisque scriptis Divinitatem Christi, ejusque post mortem resurrectionem, abaque mysteria nostræ fidei defenderunt: & præter Tertullianum, & Origenem, qui floruerunt sub initium tertii sæculi, & suis scriptis Divinitatem Christi, & Trinitatem Personarum Divinarum propugnârunt, in medio tertii sæculi floruerunt S. Gregorius Taumathurgus Origenis auditor, & Sanctus Cyprianus Episcopus, & Martyr, alique illustres sanctitate, & sapientiæ lumina. In quarto sæculo floruerunt magna illa Ecclesiæ lumina Athanasius, Basilus Magnus, Ambrosius, Hilarius Pictaviensis, Gregorius Nazianzenus, Gregorius Nissenus, & ad finem hujus sæculi, & sub

& sub initium quinti Hieron. Chrysoft. Augustin. Cyril. Alexandrinus, Leo Magnus, alique Illustrissimi Doctores, quorum opera nunc extant, & mysteria Christianæ Religionis, quæ modò profitemur, explicarunt. Et sic ab Apostolis usque ad hæc tempora semper in Ecclesia Christi floruerunt Doctores, qui Divinitatem Christi, Trinitatem divinarum Personarum, aliæque mysteria omnia, quæ Mahumetus negat, suis scriptis illustrarunt, ut contenta in Evangelii Domini nostri Jesu Christi.

Id ipsum secundò probatur ex symbolo Apostolorum, quod Ecclesia Christi ab Apostolis accepit, & semper retinuit, in quo continentur omnes fidei articuli, in quibus liber Alcorani opponitur Evangelii.

Tertio, quia errores illi, quos Mahumetus in Alcorano docet, damnare jam Ecclesia in quinque Conciliis Generalibus, & in aliis Provincialibus. Sub Imperatore Gallieno ad annum Christi 255. Sabellius Hæresiarcha apud Ptolemydam Ægypti docuit, in DEO unam tantum esse Personam, diversis tantum nominibus significatam, ob diversa munia, quæ scilicet dicatur Pater, quatenus est principium creaturarum; Filius, quatenus carnem assumpsit, & Spiritus Sanctus, quatenus animas sanctificavit. Paulò post Paulus Samosatenus Antiochenus Episcopus Divinitatem Filii oppugnare cepit, contra quem prima Antiochiæ Synodus est habita sub annum Christi 260. cui inter alios insignes viros interfuerunt S. Gregorius Thaumaturgus

Episcopus Neocæsarensis, & ejus Frater Athenodorus. Sed tunc subdola tergiversatione Patrum studia Paulus elusit. Postea verò altero in Concilio, Antiochiæ celebrato, damnatus, ac sedè deturbatus est.

Postea ad annum Christi 314. tempore Constantini Magni Imperatoris surrexit Alexandria impius hæresiarcha Arius, qui, licet contra Sabellium assereret, Patrem, & Filium, & Spiritum Sanctum esse Personas inter se realiter distinctas, tamen aiebat, non esse ejusdem naturæ, ac proinde dicebat, Verbum, & Spiritum Sanctum, non esse Personas divinas: ac per consequens unam duntaxat Personam intra DEUM admittebat. Hæc hæresis damnata est sub Sancto Silvestro Pontifice, & Constantino Magno Imperatore in prima Synodo Generali 318. Episcoporum, habitâ in Nicæa Bythiniæ urbe anno Christi 325. & in ea damnata est hæresis Sabelliana, & Ariana: & declarata est veritas Catholica, quam vera Ecclesia Christi nunc ruetur, & semper tenuit; nempe in DEO dari tres Personas realiter distinctas inter se, ejusdem tamen naturæ; ac proinde definitum est, Christum esse verum DEUM; & in hoc Concilio editum est symbolum illud, quod Ecclesia canit in Missa. Interfuere huic Concilio Episcopi sanctitate, & miraculis illustres, inter quos eminere S. Nicolaus Episcopus Miræ in Lycia, & S. Spiridon Episcopus Trimuntis in Cypro, S. Alexander Episcopus Alexandrinus, & S. Panuphius Thebaydis superioris Episcopus: & S. Spiridonem,

dionem, & S. Panuphium, aliisque insignes viros sacra stigmata decorabant, quæ pro testificatione Fidei Divinitatis Christi, & Trinitatis Personarum magnâ constantiâ acceperant in persecutione Imperatorum.

XXVI. Deinde contra Macedonium Episcopum Constantinopolitanum, qui negabat Divinitatem Spiritûs Sancti, congregata est secunda Synodus Generalis Episcoporum 150. sub S. Damaso Papa, & Gratiano, atque Theodosio Imperatoribus anno Christi 381. Constantinopoli; & secunda Synodus appellatur Concilium Constantinopolitanum primum. In hoc Concilio iterum damnatæ sunt hæreses Sabellianorum, & Arianorum, & publicatum fuit illud Symbolum, quod canitur in Ecclesia, in quo addita sunt aliqua verba symbolo Nicæano. Inter alios Prælatos sanctissimos Interfuere huic Concilio, Nazianzenus, & S. Gregorius Nyssenus frater S. Basilii.

Quamvis in iis Conciliis definitum fuerit, Verbum DEI esse Personam Divinam æqualem Patri, & ejusdem naturæ cum illo; ex quo necessariò sequebatur, Christum Dominum esse verum DEUM, siquidem Christus nihil aliud est, quàm Verbum Dei indutum Carne, seu Filius naturalis DEI factus Homo; tamen postea Nestorius Patriarcha Constantinopolitanus, nesciens distinguere inter Naturam, & Personam, asseruit, sicut in Christo est duplex natura, divina scilicet, & humana, ita esse in Christo duplicem personam, alteram humanam, & purè creatam, alteram divinam, & increatam; asse-

rebâtque, Personam Divinam Verbi habitasse in persona creata Jesu Nazareni, seu Christi speciali quodam modo, quem explicui disp. 22. sect. 3. proindeque asserabar, Beatam Virginem, non esse dicendam Theotocon, sed Christotocon, idest non Matrem Dei, sed Matrem Christi, seu puri hominis, in quo speciali modo habitabat DEUS. Contra hanc hæresim congregata est tertia Synodus Generalis, idest Concilium Ephesinum sub Cælestino primo Papa, & sub Theodosio minore Imperatore anno 431. eique præfuit S. Cyrillus Alexandrinus Episcopus, nomine Summi Pontificis; ad illudque confluxere ultra ducenti Episcopi, & inter eos multi sanctitate, & miraculis illustres, quos Baronius enumerat. In hoc Concilio Nestorius sede sua pulsus est, & definitum est, in Christodari unicam Personam, divinam scilicet cum duplici natura, alterâ divinâ, quam ab æterno habuit per identitatem, & à Patre accepit per generationem æternam; alterâ humanâ, quam in tempore sibi copulavit per unionem physicam & realem, & quam accepit in tempore à Matre per generationem temporalem miraculosè factam sine opera viri: ac proinde definitum est, Christum esse verum DEUM, & verum hominem, & Beatam Virginem esse DEI genitricem, quia nimirum genuit humanam naturam, quam DEUS sibi conjunxit unionem hypostatica, seu personali: *Nam sicut anima rationalis & caro unus est homo, ita DEVS & homo unus est Christus*, ut dicitur in symbolo Achanasii. Et sancta hæc Synodus Nestorium, ne-

gantem

gantem Christi Divinitatem, appellavit *novum Judam*, & decrevit, ut scripta Nestorii flammis absumerentur: renovavitque symbolum Nicenum, & sub anathemate præcepit, ne quis aliquid præter id, quod per illud definitum est, ad fidem adjicere ullo modo tentaret.

XXVII. Et hæc eadem fides Catholica confirmata rursus est in quarta Synodo Generali, idest in Concilio Calcedonensi celebrato sub Leone I. Pontifice, & Marciano Imperatore anno 451. contra Eutychianos, & Nestorianos, in quo definitum est, esse in Christo duas naturas in una persona. In hoc Concilio simul cum Eutychete Constantinopolitano Archimandrita, damnatus est Dioscorus Episcopus Alexandrinus, & Cyrilli immediatus successor, qui hæresim Eutychetis, tolerantis in Christo naturarum omne discrimen, probabat, & relegatus est in Gangram Paphlagoniæ urbem, ibidemque infelicitè obiit. Et hæc quatuor Concilia Generalia S. Gregorius Papa, ut quatuor Evangelia venerabatur. Eademque fides denuo confirmata est in quinta Synodo Generali, idest in secundo Concilio Constantinopolitano celebrato anno Christi 553. sub Vigilio Papa, & Justiniano primo Imperatore, iterumque Nestoriani, & Eutychiani damnati sunt, & definitum est contra Monothelitas, in Christo dari duplicem voluntatem, divinam, & humanam, quia cum esset Deus & homo, habebat operationes divinas & humanas, & omnia in ipso erant duplicia, duplex natura, duplex intelle-

ctus, duplex voluntas, duplex operatio intelligendi, & amandi.

XXVIII. Constat ergo evidentiissime, non fuisse corrupta Evangelia à Christianis post Mahumeti adventum; ideo enim id dicunt, quia Evangelia Ecclesiæ Catholice, quæ leguntur post Mahumetum, continent Divinitatem Christi, & Trinitatem Personarum, & narrant Christi Mortem, & Resurrectionem. At hanc doctrinam, ut contentam in Sacris Scripturis, Ecclesia multis sæculis ante Mahumetum definivit contra Sabellianos, contra Arrianos, & Nestorianos; & Mahumetus nihil aliud fecit, quam renovare has hæreses. Ergo manifestum est, doctrinam illam de Divinitate Christi, ejusque Morte, & Resurrectione, & de Trinitate Personarum non fuisse additam Evangelio à Christianis post Mahumeti adventum.

Et sanè cum Patres Concilii Nicæni ad damnandos Arrianos argumenta sumerent ex Evangelis; sanè si aliquod fundamentum daretur ad suspicandum, illa esse corrupta, qua parte significant Trinitatem Personarum, & Divinitatem Christi, illud non dissimulassent Arriani: constat autem manifestè, nunquam Arrianos in favorem sui erroris hunc prætextum allegasse; sed admisisse Evangelia illa, quæ modò habemus, & controversiam inter illos, & Catholicos non fuisse de verbis, sed de verborum sensu; quia hæretici verba Evangelii ad improprios sensus detorquebant, evidensque est ex scriptis Augustini, Hieronymi, Basilii, & aliorum Patrum, Arrianos confutatos fuisse à Patribus ex

illis verbis, quæ nunc legimus in primo capite Evangelii Joannis: *In principio erat Verbum, & Verbum erat apud DEVM, & DEVS erat Verbum, omnia per ipsum facta sunt, &c.* Quæ verba hæretici admittebant, & ex iplis contra ipsos insurgentibus Doctores Catholici, eosque convincebant. Ergo planum est, tunc exiisse Evangelia, quæ modò exstunt. Ergo falsum est, Christianos post adventum Mahumeti corrumplisse Evangelia.

XXIX. Dicent forsân Mahumetani, se quidem idem nunc docere, quod docuerunt Arriani de Trinitate Personarum, & quod docuerunt Nestoriani de Christo; inde tamen non inferri, quòd ipsi à veritate aberrent: quia non probatur Arrianos, & Nestorianos justè fuisse damnatos, ut hæreticos: sed potius dicendum esse, errasse Patres Concilii Nicæni, & Concilii Ephesini. Sed contra est primò, quia si Mahumetani fateantur, se esse Arrianos, & Nestorianos, fateri debent, Alcoranum esse librum mendacem, quia negat id, quod constanter affirmabant Arriani, & Nestoriani, nempe Christum verè mortuum fuisse, & tertia die surrexisse; circumcisionem jam cessasse; & Baptismum esse necessarium ad salutem: item novum Testamentum esse purum, & incorruptum. Si ergo Arriani veram fidem habebant, sequitur, Mahumetanos habere fidem falsam, siquidem sectantur articulos omnino oppositos. Quod si Mahumetani dicant, Arrianos veram quidem fidem habuisse, quatenus negabant Trinitatem, & Divinitatem Christi; falsam tamen quatenus

credebant Mortem, & Resurrectionem Christi, atque necessitatem Baptismi; sequitur, Arrianos habuisse absolutè fidem falsam, quia ut Fides sit falsa, non est necesse, ut nullum articulum verum habeat, sed sufficit, ut habeat aliquos falsos; fides autem falsa nequit esse fundamentum salutis æternæ; fuerunt ergo Arriani extra viam salutis. Aliunde verò dicis, Catholicos, qui damnarunt Arrianos, etiam habuisse fidem falsam: ergo sentis, omnes omnino Christianos tunc habuisse fidem falsam, quia Christiani, vel erant Catholici, vel Arriani. Ergo sentis, omnes Christianos fuisse tunc extra viam salutis: deinde etiam fateris, Judæos post adventum Christi esse extra viam salutis. Ergo nulla tunc erat in mundo Religio, & Fides vera: siquidem Religio Mahumetana nondum tunc advenerat. Ergo omnes damnabantur omnibus illis sæculis: quod est evidenter falsum, ut constat ex prima demonstratione suprâ facta.

Contra secundò, quia facile est probare, non Catholicos, sed Arrianos errasse; tum quia Christus verè promissit, Ecclesiam à se fundatam supra Petrum in perpetuum duraturam. Ecclesia autem Arriana penitus interiit per multa sæcula: ergo Ecclesia Arriana non erat Ecclesia Christi. Tum quia tanta fuit potentia Arrianorum, ut non minus miraculum sit, Catholicos prævaluisse contra Arrianos, quàm prævaluisse contra decem terribiles persecutiones Gentilium, quis per tria sæcula passa est Ecclesia Christi; DEUS autem

tem miracula nequit facere ad destruendam veram Ecclesiam.

Denique id ipsum clarissimè demonstratur, quia nullus eorum, qui Divinitatem Christi, & Trinitatem Divinarum Personarum negârunt, nec ullus hæreticus damnatus ab Ecclesia Catholica, postquam hæresim bibit & docuit, unquam miracula fecit; ut facile est comprobare per omnes hæresiarchas, qui Ecclesiam Catholicam oppugnârunt ab exordio ejus usque ad nostra tempora; cùm tamen omni sæculo floruerint evidenti gloria miraculorum multi viri, & feminae ex iis, qui credunt, Christum crucifixum esse verum DEUM, & Trinitatem Personarum in DEO adorant; nam surdos, cæcos, mutos, claudos à nativitate mirabiliter curârunt, mortuos suscitârunt, aliaque innumerabilia prodigia operati sunt; in eisque ad litteram verificata est illa Christi promissio: *Qui credit in me, opera, quæ ego facio, & ipse faciet, & majora horum faciet, quia vado ad Patrem.* Specialique gloria miraculorum floruerunt multi sancti, qui insensissimi fuerunt hæreticis Artianis, ut Athanasius, Basilus, Hilarius, Nicolaus, Antonius Magnus, Martinus, & alii innumeri: ut patet ex iis, quæ suprà diximus pag. 212. Martyresque invocato nomine Jesu Filii DEI vivi, idola confregerunt, demones expulerunt, ora leonum obtulerunt, aliaque innumera signa ediderunt, ut constat ex eorum Actis.

XXX. Probavimus hucusque, Christianos non adulterâsse Evangelia post adventum Mahumeti: nunc proban-

dum restat, nec antea hoc nefas commisisse. Et sanè ante Mahumetum id facere non potuerunt in odium ipsius, & ut Alcorano auferrent auctoritatem, ut per se patet. Quo ergo fine tantum scelus committere potuerunt? Et imprimis incredibile est, adulterâsse Evangelium quoad eam partem, in qua tam latè, & ex instituto narratur Historia Passionis, & Mortis ignominiosissimæ. Si enim Christiani ad extollendum, & magnificandum Christum addidissent Evangelio ea, quæ testantur ejus divinitatem, falsòque scripsissent, illum esse verum DEUM, nullatenus confinxissent, eum tam ignominiosè ac turpiter crucifixum esse; quia hoc potissimum augebat difficultatem credendi, quòd ipse sit Deus; nam Judei scandalizabantur audientes DEUM fuisse crucifixum, & Gentiles hoc putabant stultitiam, ut testatur Paulus, quia indecens judicabant, Filium DEI tam turpiter fuisse trucidatum. Quare si ad commendationem sui Magistri aliquid conficturi essent, potius, quamvis reipsa fuisset crucifixus, confingerent, non ipsum, sed alium, cui impressit suam figuram, reipsa crucifixum fuisse, ut confingunt Mahumetani, quia indecens ipsis videtur, quòd Propheta sanctissimus, qualem credunt fuisse Christum, tam indignè tractatus fuerit à Judæis. Deinde si ea, quæ Evangelia dicunt de Divinitate Christi, & de Augustissimo Eucharistiae Sacramento, & de Passione Domini, essent conficta à Christianis, certè obiter tantum perstringerent ea, quæ attinent ad Passionem, & ignominiam Christi; & ea, quæ

quæ attinent ad ejus commendationem, & gloriam, lato calamo prosequerentur. Constat autem, Evangelia Historiam Passionis quoad omnes ejus circumstantias latissimè proponere, miracula verò, Divinitatem Christi, & alia quæ in oculis hominum gloriosa apparent, breviter tantùm, & quasi per transennam narrare: quod argumento est, Evangelia sincerè, & verè esse conscripta ex impulsu Spiritus Sancti, non autem mendaci artificio composita.

XXXI. Deinde probatur, Evangelia non fuisse corrupta ante adventum Mahumeti. Nec enim dici potest, fuisse corrupta ab ipsis Apostolis, qui ea scripserunt; nec dici potest, fuisse corrupta à Christianis post tempus Apostolorum. Ut primum probem, suppono ut quid certum, & exploratum, Christum non scripisse manu suâ Evangelia; nec dum viveret, ea dictasse exscribenda à Discipulis, sed Apostolos ea scripisse post Mortem Christi diversis locis, temporibus, & linguis. Nam ut probat Baronius, Matthæus scripsit Hebraicè Hierosolymis anno Christi 41. Judæis, qui crediderant, exposcentibus. Marcus scripsit Latine Romæ anno Christi 45. ut interpres Petri. Lucas scripsit Græcè in Achaia anno Christi 58. Joannes scripsit Ephesi anno Christi 99. lingua Græcâ. Suppono secundo, Evangelistas cum primum scripserunt Evangelia, ut veritatem scripserunt, & nullas eis immiscuisse falsitates: quia Mahumetis ipse jubet credere Evangelis, atque, illa de cælo descendisse, id est ex impulsu divino

conscripta esse. Cùm ergo exploratum sit, nulla unquam fuisse in Ecclesia Christi Evangelia, nisi quæ conscripta sunt ab Apostolis, manifestè sequitur, Apostolos veridicè primò scripisse Evangelia. Hoc supposito probò, Apostolos non adulterasse Evangelia: quia cùm dispersi fuerint per universum orbem, & veram Christi fidem invexerint multis editis signis, & miraculis confirmationem doctrinæ illius, quam prædicabant; & volumina Evangeliorum, verè & sincerè conscripta, per totum orbem fuerint dispersa: quomodo potuerunt postea Evangelia illa adulterare, aut quo fine? Sanè Apostoli, ipso Mahumeto teste, fuerunt viri sancti, ac proinde tantum nefas subvertendi veram fidem, quam tot miraculis plantaverant, in eos cadere non potuit. Constatque, eos immensos labores sustinuisse in prædicatione Evangelii, potiusque ignominiosam, & crudelem necem subire voluisse, quam eam fidem deferere, quam prædicabant: quomodo autem tam constanter martyrium subirent pro doctrina falsa, & dolose confictâ, sine ullo emolumento temporali, & cum certo salutis æternæ detrimento?

Rursus licet ipsi vellent, Evangelia à se conscripta mendaciis, & fabulis corrumpere, id minimè obtinere possent: tum quia obstitissent fideles, qui cum Domino nostro Jesu Christo conversi fuerant, & non sinerent corrumpi Evangelia, sincerè & fideliter conscripta, & veridicè narrantis Christi gesta, & doctrinam; manifestèque convincerent, esse commentitia, & falsa ea, quæ

quæ de novo adjiciebantur : unde mendacium non posset prævalere. Deinde quomodo pauci homines poterant omnia exemplaria Evangeliorum, per totum orbem dispersa, colligere, & comburere, & loco illorum nova exemplaria mendacia, & fabulosa reponere, quin vel unum exemplar superfuisset veridicum ? Præterea cum Evangelistæ prædicaverint in Provinciis inter se adeo distantibus, quomodo communi consilio potuerunt tam uniformiter narrare mendacia, & fabulas ? Evidens ergo est, Apostolos ipsos, & Evangelistas non adulterasse Evangelia.

Quod etiam alio argumento convincitur : Nam inter Evangelistas nullus tam apertè testatur Christi Divinitatem, ac Joannes. Constat autem, Joannem, cum primùm scripsit Evangelium, Divinitatem Christi declarasse : nam ut testatur Hieronymus libro de Scripturis Ecclesiasticis, Joannes scripsit Evangelium suum, ut confutaret Cherinthum, Ebionem, aliisque hæreticos negantes Divinitatem Christi, quam Apostolice universum orbem prædicaverant. Narratque Hieronymus ex fidei historia, quam citat, Apostolum rogatum ab omnibus penè Asiæ Episcopis, & multarum Ecclesiarum legationibus de Divinitate Salvatoris altiùs scribere, ita facturum respondisse, si indicto jejuniò in commune omnes Deum deprecarentur ; jejuniò verò expleto, revelatione Divina saturatum, illud præcæniium de cælo veniens eructasse : *In principio erat Verbum*, &c. Ergo Evangelium Joannis ita ab illo conscriptum est, sicut modò legitur.

Ergo quod Evangelium dicit de Christi Divinitate, non est confictum, sed verissimè scriptum. Ergo Evangelia non sunt corrupta ab ipsis Evangelistis.

XXXII. Sed nec dici potest, esse corrupta à posterioribus Christianis, qui Apostolis successerunt. Primò, quia oppositum evincit argumentum proximè factum, quia constat, Joannem scripsisse suum Evangelium ad declarandam æternam generationem Christi, ejusque Divinitatem. Secundò, quia D. Dionysius Areopagita, qui cum Apostolis conversatus est, & ab eorum ore audivit mysteria nostræ fidei, edidit libros multos, in quibus loquitur de Trinitate Divinarum Personarum, de Divinitate Christi, ejusque Morte, & Resurrectione, & de ejus præsentia reali in Eucharistia, & reliquis mysteriis, quæ continentur in Evangelio, quod modò legitur. Et similiter S. Justinus Philosophus & Martyr, qui prope tempora Apostolorum floruit (siquidem obiit anno Christi 165.) & S. Egesippus Justino coequalis eandem doctrinam suis scriptis tradiderunt, quam modò habent Evangelia : & similiter reliqui omnes Doctores Christiani, qui continuata serie post Apostolos floruerunt.

Tertiò, quia, ut testatur Baronius ad annum Christi 185. S. Pantænus Christianus Philosophus, & Clementis Alexandrini magister, vir omni eruditionis genere præstantissimus, cujus memoriam ob insignem vitæ sanctitatem Ecclesia celebrat die 7. Julii, qui summa cum laude litteras sacras Alexan-

driz interpretatus est, desiderio flagrans propagationis fidei ad Indos profectus est; ubi Evangelium Matthæi, Hebraicè scriptum à Bartholomæo Apostolo, illuc delatum reperit in manibus quorundam, qui hæcenus sibi Christum profitebantur; eratque planè illud ipsum, quod nunc habemus, & quod ipse exposuit Clementi Alexandrino, & Clemens Origeni, & Origenes Gregorio Taumathurgo, & usque ad nos pervenit.

Quartò, quia anno Christi 485. repertum est in insula Cypri Corpus Sancti Barnabæ Apostoli cum Sancti Matthæi Evangelio ad pectus appposito, quod manu sua exscriptum secum tulerat ad annunciandam Fidem Christi in illa insula; repertum, inquam, est ex revelatione ab ipsomet Apostolo factâ Arthemio Salaminæ Episcopo. Et hoc Evangelium manu Sancti Barnabæ exaratum Constantinopolim delatum est, petente Zenone Imperatore, & auro exornatum in Palatio Imperiali positum est, ut scribit Baronius ex fidelissimis historicis rem comprobans. Erat autem Evangelium illud ipsissimum, quod tunc habebat Ecclesia. Ergo certum est illud Evangelium permansisse purum, & incorruptum, & prout à Matthæo fuerat scriptum.

Quintò, quia Apostoli, antequam dispergerentur per Universum Orbem ad prædicandum Evangelium Christi, composuerunt brevem illam formulam articulorum, quam vocamus Symbolum Apostolorum, quam uniformiter proponerent Judæis, & Gentilibus; ut vidimus suprâ cap. I. & ideo

fides Christi ubique terrarum introducta est cum mira uniformitate, ita ut Regna, & Provinciæ inter se valde distitæ omnino convenirent in articulis fidei, quos credebant. In illa autem brevi formula, seu symbolo continentur præcipua mysteria Religionis Christianæ, in quibus ipsa differt à Religione Mahumeti; nempe Incarnatio Filii Dei, ejus Mors, & Resurrectio, & Trinitas Divinarum Personarum: ergo Evangelium, quod Apostoli prædicaverunt in Universo Orbe, continebat hanc eandem doctrinam: nec enim Apostoli vulgârunt per orbem Evangelium, quod in sua doctrina opponeretur symbolo. Ergo certum est, doctrinam de Incarnatione Verbi Divini, & Divinitate Christi, & de ejus Morte, & Resurrectione, & Trinitate Personarum, contentam fuisse in Evangeliiis, quæ scripserunt Apostoli. Ergo non sunt corrupta Evangelia, quatenus hanc doctrinam continent.

Sextò, quia pro asserenda Divinitate hominis crucifixi à Judæis, ejusque gloriosa Resurrectione, cæterisque mysteriis, in quibus Evangelium differt ab Alcorano, passi sunt innumerabiles Martyres à Nerone Imperatore usque ad Constantinum Magnum, idest ab anno Christi 66. in quo sub Nerone Petrus, & Paulus Romæ, & Andreas in Achaia passi sunt martyrium, usque ad annum Christi 312. in quo Signum Crucis Constantino apparuit, & Religioni Christianæ favere cœpit, donec anno 324. baptizatus est. In iis persecutionibus Fides Catholica innumeris est confirmata miraculis; ideoque tam

diræ

diræ persecutiones non minuebant, sed potius augebant credentium numerum, quia Gentiles videntes constantiam Martyrum, & in perferendis tormentis atrocissimis alacritatem, & miracula, quæ Martyres edebant, hinc movebantur ad eam fidem suscipiendam; ut vidimus suprâ 1. p. lib. 1. cap. 10. Satis hoc comprobatur ex Actis Sancti Januarii, quæ habentur in Breviario Romano die 19. Septembris: ex quibus constat, quinque hominum millia conversos fuisse ad confitendam Crucifixi Divinitatem, propter constantiam Martyris, & miracula, quæ faciebat. Et miraculum usque adhuc perseverans, planè evincit, veram esse Christi Divinitatem, pro qua asserenda Januarius mortuus est. Ut enim inquit Martyrologium Romanum: Neapoli *Beatissimi Martyris sanguis in ampulla vitrea adhuc servatur, qui in conspectu capitis illius positus, velut recens liquecere, & ebullire conspicitur.* Constatque ex Actis Sanctæ Martinæ Virginis, & Martyris die 30. Januarii, propter constantiam Sanctæ Virginis, & miracula manifesta, quæ Deus operatus est in ejus martyrio: *Ex ejus tortoribus nonnullis miraculi novitate correptos, Dei adspirante gratia, Christi fidem amplexos, post cruciatus gloriosum martyris palmam caput abscissione promeruisse.*

Constantiæque ipsa, & alacritas in perferendis atrocissimis tormentis pro asserenda Christi Divinitate, in ætate vel nimis tenera, vel nimis senili, & in sexu fragili, clarissimum argumentum est, quod Fides illa vera erat; ac proinde quod Evangelia, testantia Christi Divini-

tatem, Mortem & Resurrectionem ejus, non erant corrupta. Prædicator Christi in medium producat Acta S. Agnetis Virginis trecentis, & S. Eulaliæ Meritanæ, quæ cum duodecim esset annorum, decem & novem pro Christo petulit tormentorum stupenda genera, cujus memoriam habes in Martyrologio Romano die 10. Decembris. Item S. Agapiti Martyris, qui cum esset annorum quindecim, & amore Christi ferueret, iussu Aureliani Imperatoris tentus est, ac primò nervis crudis diutissimè casus, deinde sub Antiocho Præfecto graviora supplicia passus, exinde cum ex imperio Imperatoris leonibus objiceretur, & minime læsus esset, gladio ministrorum coronandus percutitur, ut ait Martyrologium Romanum die 18. Septembris. Et Acta Sanctorum Martyrum Complutensium Justæ, & Pastoris fratrum: *Qui cum adhuc pueri litteris imbuerentur, projectis in schola tabulis, sponte ad martyrium ecurrerunt, & mox à Daciano Præsidente teneri iussi, & fustibus cadi, & cum se mutuis colloquiis constantissimè roborarent, extra civitatem perducti, à carnifice jugulati sunt.* Proponat Acta S. Simeonis Episcopi Hierosolymitani, qui cum centum, & viginti esset annorum, ita fortiter & hilariter sustinuit ea tormenta, quæ Dominus noster Jesus Christus passus est, ut omnibus esset admirationi, ut habes in Breviario Romano 18. Februarii. Proponat constantiam S. Polycarpi jam senis, ut eam narrat P. Ribadeneyra in ejus vita. Hæc, & alia exempla, quæ passim occurrunt in Breviario, & Martyrologio, manifestè probant, illam constantiam & hilarita-

tem inter atrocissima tormenta, quam Martyres ostenderunt, ut contestarentur, Jesum crucifixum à Judæis esse verum Deum; & miracula, quibus Deus illorum fidem approbavit, à Deo fuisse, & Deum habuisse Authorem. Deus autem nequit miracula facere in confirmationem doctrinæ falsæ, nec constantiam, & hilaritatem tribuere in sustinendis tormentis pro mendaciis, & erroribus. Verissima ergo est fides, quæ conficitur, Christum esse verum Deum, & pro hominibus fuisse crucifixum, & tertia die surrexisse. Delirant ergo Mahumetani, dum dicunt, esse corrupta Evangelia, quæ hanc doctrinam continent.

Septimò probatur, Evangelia non fuisse adulterata, & corrupta post tempora Apostolorum. Quia unaquæque Provincia, vel natio à suo Apostolo conversâ, ab eodem accepit Evangelium Christi, sive in scriptis, sive in tabulis cordis; & post fidem susceptam procuravit sibi descripta quatuor Evangelia, aliòsque libros sacros novi, & veteris Testamenti, qui confirmati, & roborati erant per divina miracula. Si ergo in illis Evangeliorum libris, quos primò per Apostolos suscepit, nihil continebatur de Passione, ac Resurrectione Christi, nihil de ejus Divinitate, & præsentia in Eucharistia, nihil de Trinitate Divinarum Personarum: quis ex universis regionibus, & Provinciis ad Christum conversis, vel in toto, vel ex parte, potuit in unum colligere omnes libros sacros novi, & veteris Testamenti, & illos immutavit, corripit, & infecit, quin vel unum exem-

plar purum, & incorruptum ex innumeris, quæ per universum erant dispersa, superfuerit? Quis non videat hoc esse incredibile?

Sic enim arguo: Nam cum Apostoli fidem Christi invexerint editis multis signis, & miraculis, vera Christi Evangelia, & sinceram doctrinam libris in sacris contentam, sparserunt per orbem. Quis ergo potuit omnes illos libros colligere, & comburere, vel dilacerare, & loco illorum ponere nova exemplaria corrupta, & adulterata? Vel enim tantum opus aggressi sunt pauci aliqui viri sceleratissimi: vel tota Christi Ecclesia simul hoc consilium sumpsit destruendi Evangelia pura, & immaculata, quæ à Sanctis Apostolis accepta, & tot signis, & miraculis erant confirmata, & loco illorum reponendi Evangelia corrupta, & depravata? Neutrum autem dici potest. Non primum, quia impossibile est, paucos aliquos homines potuisse à toto orbe Christiano penitus exterminare exemplaria omnia sincera, & vera Evangeliorum, & quamvis physicè possent, est penitus impossibile, quòd Christiani hoc permitterent. Si enim tanto ardore Christi fidem complectebantur, ut mille mortes mallent pati, quàm Christum negare: quomodo permetterent, quòd divina Christi doctrina penitus interiret? Hoc non est minùs incredibile, quàm quòd omnes cives unius Regni sponte consentiant, ut omnes fontes, & putei, & flumina, è quibus bibunt, veneno inficiantur.

Nec potest dici secundum: Ecclesia enim, quæ tantum zelum habuit, ut pro

pro conservanda incorrupta, & pura doctrina Christi tot Concilia Generalia summis sumptibus, & laboribus congregaverit: quomodo, nemine cogente, ipsa suâ sponte divinissimam Christi doctrinam, ab Apostolis acceptam, & tot Miraculis confirmatam, & sanguine tot Martyrum illustratam, corrumperet & inficeret? Hoc est evidenter incredibile: rursus est apertè impossibile; quia hoc ipso penitus intra aliquot annos perditâ fuisset, & omnino interisset Fides illa, quam Christus per Apostolos plantavit; & Ecclesia Christi conversa fuisset in Synagoga sathanae, & magistrâ errorum. Quod & Christum facit mendacem, siquidem promisit Petro, fidem ipsius & successorum non defecturam: *Rogavi pro te, ut non deficiat fides tua.* Luc. 22, v. 32. Et Matth. 28. v. 2. promisit, se futurum in sua Ecclesia usque ad finem mundi: *Ecce ego vobiscum sum usque in consummationem saeculi.* Et promisit, inferni portas non prævalituras adversus Ecclesiam. Rursus facit DEUM improvidum; est enim res DEO indigna, quodd legem novam perfectissimam tot retrò sæculis promiserit, quodd illam tot prodigiis & miraculis per Christum in mundum invexerit, & tamen citò permiserit illam penitus aboleri.

XXXIII. Denique delirium impugnatur: Quia si fides de divinitate Hominis à Judæis crucifixi, & Trinitatis Personarum in una essentia, & præsentia realis Christi integri, & perfecti sub qualibet particula Hostia consecrata, falsa est, sequitur, fidem falsam fuisse introductam in mundo per vera miracula; quia lex proponens credenda fide infallibili mysteria tam ardua, & quæ præcipit concupiscentias omnes frangere, & vitia refecare, eximiâque puritatem sectari, & omnia in futurum reservat, non potuit mundo persuaderi, nisi signis, & miraculis: Deus autem miracula nequit facere ad introducendam fidem falsam; ergo delirium est, asserere, quodd hæc fides est falsa.

Postremò in hac Fide de Divinitate Christi, & Trinitate Personarum, & aliis mysteriis, quæ Ecclesia Catholica credit, omni sæculo floruerunt eximiâ sanctitate viri, & scæminæ, & gloriâ miraculorum illustres; & extra Ecclesiam Catholicam hoc non invenitur. Hoc autem est manifestum argumentum, quodd illa est vera; reliquæ autem sectæ oppositæ sunt falsæ. Ex quibus omnibus apertè concluditur, Mahumetanos asserentes, Evangelia esse corrupta, manifestè falli.




LIBER QUINTUS.

IN QUO EX CONTRADICTIONIBUS

Alcorani, ex fabulis, quibus est refertus, ex erroribus manifestis contra historiam, contra Mathematicam, & Philosophiam, ex impura Mahumeti vita, & moribus eorum, quos Mahumetani Sanctos appellant, evidenter demonstratur, legem contentam in Alcorano non esse legem Dei, nec illi convenire ullam ex proprietatibus legis Divinae, quas David descripsit.

CAPUT PRIMUM.

Evidentes contradictiones in Alcorano contentae manifestè probant, Mahumetum non fuisse Dei Prophetam, sed diaboli ministrum. Ubi cur vinum Mauris prohibuerit:

I. LCORANUM Manifestas continere contradictiones, facile est probare. Imprimis contradictio est, quòd ex una parte dicit, Christum Filium Mariae esse Verbum Dei missum Mariae; & ex alia parte docet, Christum non esse Deum, Hæc contradictio constat ex dictis.

Secundò constar; quia ex una parte dicit, cap. 5. *Hic liber* (videlicet Alcorani, vel Alcoranum) *neque mendacium aliquod, neque aliquid præteritis Prophetis contrarium nuntiat.* Et ex alia continet doctrinam manifestè contrariam doctrinæ Christi, & Prophetarum; ut demonstravimus supra.

Continetque evidentiæ mendacia contra rationem naturalem, contra historiam, contra Mathematicam, & contra Scripturas divinitus revelatas; ut infra probabimus.

Constat tertio, ex libro 1. Azorà 2. cujus titulus est, de bove, seu vacca: ubi ait: *Deum dixisse Christo: sinam, ut patiaris, & mortem subeas; ceterum tertia die te suscitabo, & supra omnes cælos exaltabo.* Et Azorà 3. inquit: *Iesum Christum Passionem, & Mortem voluntariè sustinuisse pro salute multorum, & tertia die surrexisse, & in corpore suo rediit ad cælos ascendisse.* Unde Glossatores Alcorani *Abuaria, & Acamajari* hunc textum exponentes dicunt, *Chri-*

Christum habuisse transitum trium dierum, idest tribus diebus mortuum jacuisse, postea autem ad cœlos ascendisse; mortem vero voluntariè obisse, quia facili negotio poterat ab illa se liberare. Et tamen postea in eodem Alcorano lib. 6. Azorà 6. cui titulus de *Josepho*, apertè dicit, Christum, nec mortuum, nec crucifixum, sed alium hominem, cui Christus suam figuram ita impressit, ut idem cum Christo videretur; ut constaret ex dictis.

Hinc apud Mahumetanos oppositæ dantur opiniones de Christi Morte: siquidem alii dicunt, Christum revera crucifixum, & mortuum fuisse, & tertia die resurrexisse; alii verò id constanter negant, asserentes non Christum, sed Christi umbram, vel potius hominem ejusdem figuræ cum Christo, tormenta illa sustinuisse; & inter hos sunt aliqui ex Glossatoribus Alcorani, qui testantur, Christum transfigurasse Judam proditorem in sui imaginem, atque ita Judam, non Christum crucifixum fuisse. Et jam hoc mihi testatus est Christianus novus Africanus Matrini anno 1670.

II. Sed hæc ridicula fabula de transmutatione, & metamorphosi Christi in Judam lib. 4. c. 1. impugnata manet. Constat enim manifestè, Judam proditorem laqueo se suspendisse: & id fecisse, antequam Christus in Crucem ageretur, satis innuit Matthæus c. 27. v. 6. & id approbat Maldonatus: sunt tamen quidam, non nisi post Christi resurrectionem id eum fecisse, cum audisset Christum resurrexisse, quod minimè sperabat; tunc enim abjecta

omni spe salutis, quòd humani generis Redemptorem vendidisset, laqueo sibi vitam eripuisse, ut historiæ Scholasticæ Author scribit. Quomodocumque tamen res acciderit, certum est, Judam laqueo se suspendisse: *Et suffensum crepuisse medium, & diffusa fuisse omnia viscera ejus*, ut dicitur Actor. 1. vers. 19. Et loco ejus electum esse Matthiam in Apostolum, ad prædicandam Christi Resurrectionem, & Evangelium ejus annuntiandum.

Rationem hujus contradictionis in Alcorano circa Christi mortem reddit Lupus de Obregon in confutatione Alcorani cap. 9. folio mihi 93. quia initio cum Mahumetus cœpit in schedulis scribere, tanquam revelationes sibi factas à Deo per Angelum Gabrielem, ea quæ audierat à Christianis gladiariis (ut vidimus suprà libr. 1. cap. 2.) vera scripsit de Christi Morte, & Resurrectione, prout illi enarraverant Christiani. Sed postea Almedinæ, quia Judæi ipsi valde in sensu ob laudes Christi, quas prædicabat, jastrabant Jesum Nazarenum Mariæ Filium non fuisse Sanctum, nec Messiam in lege, & Prophetis promissum, ut Mahumetus prædicabat, sed hominem blasphemum, qui cum esset simplex homo, sicut reliqui, Filium Dei se faciebat; & ideo à majoribus suis jure merito fuisse occisum. Ut se vindicaret de Judæis, illos confundere cœpit, hanc fabulam in vulgus spargendo, & contra Judæos sic prædicando: *Judæi dicunt, se Christum crucifixisse; sed hoc mendacium est, quia non illum, sed pro illo alium ipsi similem crucifixerunt; & Jesum Christum*

se in cælum sublevarit; & ideo Judæi existimantes se illuisse Christum, potius illusi sunt ab eo.

III. His adjungamus alias Alcorani contradictiones. Multas enumerat Joannes Andreas, antea Maurorum Alfaqinus, de quo mentionem fecimus lib. 1. cap. 1. in confutatione *Se&æ Mahumetanæ* cap. 10. Nam lib. 1. Alcorani capite, seu Azorâ 1. dicitur: *Alcoranum descendisse de cælo in mense Aramadan.* Et lib. 4. capite de *Fumo*, & capite de *Nocte Sancta* dicitur, *una nocte descendisse.* Et tamen constat, Mahumetum in componendo Alcorano viginti tres annos consumpsisse, decem in Mecca, & tredecim in Almedina: existuntque in Alcorano capita, quæ appellantur *Mequiya*, & alia, quæ appellantur, *Mediniya*, idest capita edita Meccæ, & capita edita Almedinæ.

Item lib. 2. cap. 11. inquit. *De fructu palmarum, & de viis vitium comedite, & bibite*, idest, *dactylos comedite, vinum de vite bibite*, idque tanquam Dei oraculum suis Discipulis proposuit. Et propterea duodecim annis licitum fuit Mahumetanis vinum bibere. Postea verò contra Dei permissionem usum vini suis prohibuit. Quam autem hujus prohibitionis causam reddiderit, narrat Carthusianus lib. 3. in *Se&ta Mahumetanam* art. 13. p. 331. verba Alcorani transcribens. In articulo primo illius libri pag. 264. proponit Carthusianus præteritum Alcorani, seu exordium, in quo hæc verba leguntur: *Erat Nuncius Dei (scilicet Mahumetum) sedens inter socios, & descen-*

dis super eum Angelus Gabriel, dicens: Salutat te Deus, Mahumete; veniunt ad probandum te tres, vel quatuor viri peritissimi, Principes Judæorum, & Magistri in Israël. Et narrat Alcorani liber, Magistros illos Judæorum varias quæstiones proposuisse Mahumeto; illorum autem Judæorum peritissimus vocabatur Abdias, qui cum Mahumeto loquens, sic interrogavit: *Cum in paradiso vinum esse describas, quid operis tibi habet, si vinum illicitum est? Si autem licitum est, cur in hoc sæculo prohibes vinum?* Respondit: *tam argute quæris, ut una interrogatione geminam necessario responsionem extorqueas. Vtrumque ergo exponam, & illic esse licitum, & hic illicitum.*

Erant enim Angeli Dei duo, Horoth, & Maroth, missi olim à Deo decælum in terram, gubernando, & instruendo generi humano tributi, his interdictis, ne occiderent, neque injustè judicarent, neque vinum biberent. Multo itaque tempore sic habito, cum noti judices essent universo orbi, venit ad eos quadam die mulier præ cunctis feminis omnino pulcherrima, causam habens adversus maritum: quæ ut causa sua accommodaret iudices, quadam die invitavit eos ad prandium. Quibus epulantibus ipsa epulas & pocula vini apponit, astat ministrans, affert, crebro, instat, ut sument. Quid plura? Pecerunt blanditiæ mulieris. Inebriati poculis in hospitam formosam incaluerunt: victi accubitum petierunt. Spondet conditione, dummodo alter verbum doceat, per quod ascendebant in cælum; alter verbum, per quod descendebant. Placet conditio.

Cum

Cum ergo didicisset, elevata est subitò, & ascendit in cælum. Quod cum vidisset Deus, exploratâ causâ posuit eam Luciferum, ita pulcherrimam inter stellas, ut fuerat inter mulieres. Illis in iudicium evocatis proposuit eis Deus, ut eligerent inter pœnas sæculi huius, & alterius. Elegerunt hanc. Suspendi sunt ergo per catenas ferreas, demissis capitibus in puteo Behil usque in diem iudicii. Quid ergo Abdia? Nonne sufficiens videtur causa, cur in paradiso licitum sit vinum, & hic illicitum? At: vera satis, & meritò. Hucusque Alcorani textus.

IV. Quis hæc audiens non miretur, vel potius intimè doleat, quòd tam ingens pars mundi, ut Prophetam Dei veneretur tam ridicularum fabularum artificem? Oporteret, ut Christi prædicator hanc fabulam coram Mahumetanis narret, & quòd certam fidem faciat, quòd illam Mahometus in Alcorano scripserit, ut certum est scripisse, ut confundantur, & erubescant, & qualis fuerit Mahometus, tandem agnoscant, & intelligant, Alcoranum fabulis & mendaciis esse plenum, & erroribus manifestis. Nonne error est manifestus, Angelos bonos, qui statim post casum malorum confirmati sunt in bono, tam turpiter deliquisse? Nonne error est, eos corporeos facere, & capaces comedendi verè, & utendi feminis eo pacto, quo homines utuntur? Oppositum namque constat, tum per rationem, tum ex scriptura Tobie 12. *Ego sum Raphaël Angelus: etenim videbar vobiscum manducare, & bibere, sed ego invisibili cibo & potu utor,*

videlicet clara Dei visione, & fruitione. Quis non rideat audiens, feminam in præmium patratæ sceleris illud præmium à Deo accepisse? Quis non sciat, stellam illam, quæ Lucifer appellatur, cum aliis fuisse in principio creatam? Audiant hæc Mahumetani, & erubescant, quòd librum Alcorani, in quo ejusmodi fabulæ continentur, pro libro divinitus inspirato recipiant.

Quamvis Mahometus eam rationem reddiderit Abdia de prohibitionem vini; aliam tamen reddit Author quidam, qui inter Sarracenos diu conversatus est, ut refert Carthusianus illo articulo 13. paginâ 335. Narrat itaque Author ille, Mahometum visitare solitum quandam eremitam; ejus autem ministros super hoc tædio affectos, & tam frequentes visitationes ægrè ferentes decrevisse, occidere eremitam: cùmque quadam vice tam Mahometus, quàm eremita, vino fuissent inebriati, & gravi somno opprimerentur, satellites principis sui gladium extrahentes eremitam occidisse, cruentatùmque gladium in locum reposuisse priorem; Mahometum verò à somno excitatum, suis ministris impetrasse eremitæ mortem, & eos punire statuisse; eos verò concorditer testatos fuisse, Mahometum ipsum in ebrietate necem eremitæ intulisse; & in hujus dicti comprobationem, ostendisse ipsi proprium gladium cruentatum, eoque viso erubuisse Mahometum, & de cætero renuntiasse vino, ejusque usum suis discipulis prohibuisse.

Ut testatur citatus Joannes Andreas, & refert Carthusianus lib. 2. art. 9. pag. 103. Mahometus in Alcorano in-

Bb

introducitur

introducitur Deus sic loquentem cum ipso: *Si ambignus fueris de his, quæ descendere fecimus (idest de Alcorano) interroga eos, qui legunt legem ante te. Noli esse de iis, qui nolunt credere signis Dei, ne forte damneris.* Super quem textum dicunt omnes glossatores Alcorani, Mahumetum nomine eorum, qui scripturas legunt ante ipsum, intellexisse Judæos, ac Christianos; ac proinde docuit ibi, Judæos, & Christianos habere legem à Deo datam. Ex alia verò parte in Alcorano lib. 1. cap. 1. affirmat: *Neque Judæos, neque Christianos legem habere.* Quæ sunt dicta manifestè inter se opposita.

V. Alia evidentissima contraditio in dictis Alcorani constat, quia sæpe cultores suæ legis hortatur Mahumetus in Alcorano, ut eant prælium contra incredulos, præsertim contra participatores, idest, Christianos, quatenus timore, & virtute gladii eos inducant, & cogant ad credendum Mahumeto, illumque recipiendum tanquam Dei Nuncium, & Prophetam. Idque opere exequentur usque modò perfidi hujus Legislatoris discipuli: Ipsæque sæpè dicebat, se in virtute gladii missum esse; & ut vidimus lib. 1. cap. 1. Alcorani habet caput, cujus titulus est: *De ense, seu gladio, in quo sic jubet: occidite omnes incredulos. Item: omnes occidite, donec Mahumetani fiant.* Et in capite decimo Alcorani, ut testatur Carthusianus pag. 496. sic ait: *Quid cum illis incredulis communicatis? Vos itaque neminem eorum vobis associare neque sociorem aut socium, vel amicum, nisi prius rectâ viâ Dei inierit vobiscum pu-*

gnatum, sive pradam: sin autem eos ubicumque repertos (si sit possibile) capite, & interficite. Hinc iterum jussit, ut non credentes, cum esse Dei Nuncium, & Prophetam, occiderentur, vel saltem tributum solverent.

Et tamen in his dictis in Alcorano sæpe contradicit, nam cap. 4. sic inquit: *Vim nequaquam propter legem inferatis, cum recta, pravæque via patefacta sint.* Et cap. 5. ex Dei persona: *Tuum est mea præcepta tantummodo gentibus patefacere.* Et cap. 24. Nuncio nihil attinet, nisi præceptum cuique gentium applicare. Et cap. 21. *Nos non misimus te custodem vel coactorem digredientium à lege: tuum enim non est, nisi tantum rem annuntiare.* Et cap. 19. *Ante gentes ad fidem, & credulitatem cogere studeas, cum nisi Deo volente nemo credere possit, qui malos atque incredulos in sua sorte dimittit? Quis non videat inter hæc dicta apertissimam contraditionem?*

Deinde Mahumetus in Alcorano in Azora, quæ inscribitur *de Vacca, seu juvenca*, affirmat, *Judæos, Christianos, & Sabæos, unumquemque salvari posse in sua lege.* Et Azorâ 2. *Omnes gentes, quæ bene vivunt, sive sint Judæi, sive Christiani, sive quicumque alii, quamvis propriam legem dimittat, & aliam accipiat, si bona opera faciat, certissimè salvabitur.* Et capite seu Azorâ 32. (ut refert Carthusianus pag. 7. & pag. 170.) introducit Deum sic loquentem. *A nobis cuicunque gentium lex, quam sequatur, est posita.* Et cap. 32. inquit: *Deus singulis gentibus nuntios misit, uniusque ex gentibus suis.* Et cap. 12. intro-

introducitur Deus sic loquentem : *Sua unicuique à nobis posita sunt lex atque iudicia.* Quod perinde est, ac dicere, unumquemque salvari posse in lege sua: quod certum est Mahumetum docuisse, ut constat ex dictis à nobis libro 2. capit. 3. Cui doctrinæ aperte contradicit in Azora de Abraham, ubi ait : *Nullum posse salvari, nisi in lege Mahumeti.* Et Azorà 5. ubi docet : *Eos, qui non receperint Alcoranum, gravissima tormenta passuros.*

Illi etiam doctrinæ, quæ universaliter docet, unumquemque salvari posse in sua lege, manifestè opponitur, quod docet Azorà 12. ubi hæc habet : *Secundum viros legum nullius legis fidem vel perfectionem assequi, nisi Testamenti (veteris scilicet, seu legis Mosaicæ) & Evangelii, & huius libri (nempe Alcorani) à Deo dati præceptis obediant.*

Quæ doctrina non solum pugnat cum eo, quod universaliter alibi docet, unumquemque salvari posse in sua lege, sed etiam repugnantia inter se dicit, quia docet, neminem posse salvari, nisi obediat præceptis Evangelii, & Alcorani: ergo eum in Evangelio præcipiatur Baptismus, & fides in Divinitatem Christi, & Trinitatem Personarum Divinarum, nemo poterit salvari, nisi hæc præcepta adimpleat: unde si ad salutem necessarium quoque est, obedire præceptis Alcorani, impossibilis redditur omnibus salvatio; cum Alcoranum oppositum præcipiat, & nemo possit præcepta contradictoriè opposita simul observare. Unde patet, Mahumetum insigniter mentitum esse, dum capite, seu Azorà 1. Alcorani dicit : *Hic liber veridicus est, & sine contradictione falsitatis.*

CAPUT SECUNDUM.

Cur tot in Alcorano reperiantur contradictiones?

VI. SED meritò quis interrogabit, quomodo Mahumetus, qui vir erat astutus, & sagax, tot contradictiones in Alcorano reliquit? Respondeo primò, rationem generalem petendam esse ex Dei providentia: cum enim Deus sit summè bonus, & hominum salutem verè, & sincerè desideret, nunquam permittit, ut seductoraliquis ita falsam sectam colore veritatis vestiatur, ut ab amatoribus Dei, & veritatis nequeat deprehendi ejus falsitas. Permisit Deus, ut diabolus ap-

pareret Evæ ad illam seducendam, sed non permisit, ut in forma honesta Angeli appareret, sed in forma serpentis, ut facilius posset Eva mendacium detegere. Ut enim inquit Augustinus lib. 11. de Genesi ad lit. *Non debemus opinari, quòd serpentem sibi, per quem tentaret, diabolus eligeret; sed cum esset in illo decipiendi cupiditas, non nisi per illud animal potuit, per quod posse permisus esset.* Nec permisit, ut deciperet falsitatibus nimis occultis, quas Eva non posset deprehendere, sed menda-

ciis ita clarè oppositis iis, quæ Deus dixerat, ut facilè posset ea discernere, & agnoscere, diabolum esse, qui inserpente loquebatur. Permisit, ut diabolus ingrederetur simulacra idolorum, & inde responsa præberet, & idololatriam suaderet: ita tamen hoc temperavit, ut homines facilè possent cognoscere, non esse spiritum bonum, & veracem, qui in statuis idolorum loquebatur, quia nimirum dæmones respondabant res tam clarè falsas, & præcipiebant res tam apertè malas, ut solo rationis naturalis lumine possent homines mendacium detegere. Permisit, ut Rabini Talmudi inventores deciperent Judæos, qui in sua infidelitate perseverant; sed tales fabulas, & res adeo absurdas in Talmud miscuerunt, ut Judæi facilè possent cognoscere, libros illos Talmudi non habere Deum Authorem. Ad hunc ergo modum permisit, ut Mahumetus se Dei Nuncium, & Prophetam simulaverit ad decipiendum; cæterùm tot fabulas, & contradictiones in Alcorano immiscuit, & res adeo fœdas præcepit, & fecit, ut sint inexcusabiles, qui Alcoranum tanquam librum divinitus inspiratum venerantur, & Mahumetum ut Dei Prophetam suscipiunt.

Harum verò contradictionum causa magis immediata fuit, quod Ma-

humetus revelationes fingeat, prout opus erat illi ad decipiendum, & captandam populorum gratiam, & vitia sua occultanda, & sic secundum opportunitatem temporum fingeat revelationes contrarias, quia illis indigebat ad fines suos obtinendos. Et revelationes illas in schedulis scriptas in arca quadam servabat. Disposuitque Deus, ut moreretur, antequam schedulas illas recognosceret, & contradiotiones deleteret, & Alcoranum in unum volumen digereret. Ut enim constat ex dictis, non Mahumetus, sed Homar ejus socer, & tertius Arabum Ahalypha, schedulas ex arca *legationis* extraxit, & ex iis librum Alcorani composuit. In his autem, quæ de Persona Christi scripsit, propterea doctrinas contrarias habuit, quia initio, cum se ut Prophetam venditare cœpit, ea ut revelata prædicabat, quæ à Christianis audierat: unde cum ab illis audivisset, Christum esse Verbum DEI, factum hominem, seu indutum naturâ humanâ; in principio suæ prædicationis Divinitatem Christi agnovit: postea verò à Sergio Monacho, Hæretico Nestoriano, & Arriano deceptus, impiè docuit, Christum esse purum hominem.



CAPUT TERTIUM.

Ostenditur, inexcusabiles esse Mahumetanos, qui legentes Alcoranum, & percipientes quæ docet, non deserunt Mahumeti legem.

VII. **H**OC ex dictis clarè deducitur: Cùm enim Alcoranum plenum sit fabulis ridiculis, contradictionibus manifestis, & erroribus crassissimis contra rectam rationem, fieri non potest, ut homines perspicacis ingenii librum illum legant, quin saltem in dubium prudens inducantur, an liber ille sit à Deo inspiratus, an diaboli suggestionem compositus; & in hoc dubio tenentur à Deo lucem enixè postulare ad cognoscendam veritatem: quod si ferriò facerent, abs dubio à Deo illuminarentur, & traherentur ad Christi fidem suscipiendam. Hanc obligationem Mahumetanorum ob oculos ponet utilis valde quaestio, quam proponit, & solvit Guilielmus Parisiensis lib. de legibus cap. 21. his verbis.

VIII. *Si quis quærat de illo, qui invenit Doctores, vel Predicatores contrarios, videlicet unum fidelem, & alium infidelem, neque sufficiat ex proprio sensu, vel ex dictis eorum, vel ex vita, cui eorum magis credere debeat, an requireret Deum ab illo, ut divinaret fidem? Hic proculdubio, quia non habet de humana ratione, quid faciat, implorare debet divinum auxilium, ut dicat Augustinus, & totà instantiâ deprecari, ut illuminator animarum Deus viam veritatis ei ostendat, & cor ejus applicet ei*

parti contradictionis, quæ vera est, & ei accepta. Piè autem credendum est de misericordia Dei, quia sic pulsanti aperiet, & quòd, nisi vel negligentia querenda veritatis, vel alia culpa obstitit, cor ejus avertet Deus, ne impietatis errori consentiat. Idem sentiendum est & in alio casu, videlicet si seductor sub pre-textu verè Catholicique Doctoris, simplici alicui & indocto errorem aliquem impietatis predicet, quia Deus cor ejus avertet, ne illi credat, nisi hoc, vel negligentia ejus, vel alia culpa impediatur; custodit enim Dominus diligenter se. Dicimus etiam, quia cùm intellectus humanus creatus sit ad inquirendam, & cognoscendam veritatem salutarem, maxime debet esse studiosus, atque sollicitus. Quare negligentia ejus in hoc atque defidia maxime culpabilis est, atque dam-nabilis.

IX. Unde deduces, justissime à Deo damnari omnes Gentiles, omnes Mahumetanos, & omnes Judæos, qui fidem Christi non quaerunt, & quaesitam amplectantur; quia cùm Deus illuminet omnem hominem venientem in hunc mundum, omnes homines rationis compotes cognoscere possunt, ac debent, existere Numen aliquod, cui inservire debeant, & tenentur quaerere veritatem salutarem, & legem natu-

ralem observare ; quod si præstarent, abs dubio Deus illos traheret ad fidem Christi, quæ necessaria est ad salutem, unde quod non trahantur, culpa illorum est. Hinc Augustinus loquens de Religione Christiana Epist. 49. *Ad Deo gratias*, protulit celebrem illam sententiam : *ita* (inquit) *Salus Religionis hujus, per quam solam veram salus vera veraciterque promittitur, nulli unquam defuit, qui dignus fuit, & cui defuit, dignum non fuit.* Vocat autem dignos Religionis Christianæ eos, qui observant legem naturalem, scriptam in cordibus hominum, quæ dicat, Deum esse colendum, honestè vivendum, & proximo non inferendum malum : non quia homines per opera merentur naturalia mereantur positivè illuminari à Deo per donum fidei ; sed quia per opera naturalia honesta impediētes pecca-

ta, acquirunt aliquam dispositionem, quâ positâ abs dubio illuminantur ; *Faciēti enim, quod in se est, Deus non denegat gratiam* : ac proinde, licet per actus naturales honestos observationis legis naturalis non constituerentur positivè digni, ut illis Deus retribuere fidem ; quodam modo constituerentur digni, quibus Deus miseretur.

Ut autem exemplo monstremus, Mahūmetanos lumine rationis naturalis posse cognoscere falsitatem sectæ Mahumetanæ, vel saltem in prudentem dubitationem induci, an sit falsa, hic appendam colloquium, quod habuit P. Ignatius de las Casas nostræ Societatis (cuius memoriam fecimus supra cap. 6.) cum Mauro quodam, dum iter faceret per Tuscarum terras, illudque referam ipsius verbis.

CAPUT. QUARTUM.

Colloquium inter Patrem Ignatium de las Casas, & Mahumetanum quendam : ex quo probatur, Mahumetanos solo rationis ductu posse cognoscere Alcorani falsitates.

X. **P**ater Casas, Mihi Tripolim versus pergenti se adjunxit Maurus ex comitatu nostro ; & jam mihi prior factus, benevolè urbanèque salutem mihi impartitus est, dixitque mihi : audivi te Idiomate Arabico loquentem, quapropter placet mihi tecum fermonei facere. Tunc ego, placer, inquā maximèque delector, quod, qualis qualis fuerit pericia, tibi deservire possit.

Maurus. Quod primum scire velim abs te, sit, an Arabicè loqui, scribereque scias ?

Pater. Quid tibi proderit hoc scire ? Nullum commodum video profecturum, nī velis falsa crimina mihi impingere, & ita me in vitæ discrimine constituas.

Maurus. Ego sum prædives mercator, & probus, & inter Alfaqios magnè

magnæ notæ; absit ut iudices, me improbum esse, paraturumque malum alicui; quin potius hoc à te sciscitatus sum, ut te mearum cogitationum, curarumque conscium faciam, & hoc juramento firmo.

Pater. Ego non omnino ignarus sum lectionis, Scriptorumque Arabum.

Maurus. Legistine nostrum Alcoranum?

Pater. Majorem curam ingeris mihi hac interrogatione: si ego affirmem, tu quidem coram iudice me coges, ut mortem subeam, vel Maurorum legem amplectar.

Maurus. Jam quidem tibi subira-scor; testor Deum, me nolle tibi parare insidias, neque tibi ex colloquio meo aliquid mali obventurum esse; & hoc sincere, & amicabili animo tibi dico.

Pater. Legi quidem Alcoranum.

Maurus. Nonne tibi placet?

Pater. Si mihi placuisset, jam Mahumeti legem amplexus fuisset. Ne nos legis concertationibus immisceamus: nam tu servas tuam legem, & ego meam; nec ego instructuose discipulare de legibus volo; sin verò aliquid me tibi profuturum sperarem, non dubitarem, caput meum pro veritate opponere.

Maurus. Cupio certè scire, quid sentiant Christiani Alcoranum legentes.

Pater. Aperi tu mihi tuam mentem, & ego tibi respondebo.

Maurus. Ego in illo multa sibi adversantia reperio: nam jam hic aliquid dicit, & illi oppositum alibi asserit.

Profectò attentè considero, quid sibi velit tot rerum diversarum, & inter se contrariarum varietas ore Dei prolata; & hærentem dubitantemque me trahit, an lex Dei sit nostra, quæ tam facile plures uxores admittit, & dimittit.

Pater. Si tu hoc sentis, quid tibi addere possum? At siquidem aperta fronte mihi loqueris, ego tibi dico, Alcoranum, nec legem datam à Deo esse, nec ejus Authorem Prophetam fuisse, sicut nec tu Imperator Turcarum es; & rectè arbitratus es, nam ille Mahumet, cum nebulo insignis foret, ingentiæque mendacia comminisceretur, cuncta Deo loquenti sibi falsò attribuit.

Maurus. Sed quid dices ad illa, quæ certè bona, & pia, præcelsæque sanctas, quæ in illo reperiuntur? Hoc quidem ostendit ejus Authorem Deum fuisse.

Pater. Ne mireris, si inter plurima nefanda, & mala dogmata, aliquid boni intermiscetur: hæc versutia est dæmonis semper nobis infesti; sub velamento alicujus boni, aut veri vult decipere incautos. Veritas, ubicunque refulgeat, Deum habet Authorem; mala, & pessima diabolum, & ejus affectus: nec à Deo lata lex est, quæ veris & falsis ressellata est.

Maurus. Quomodo lex vestra Deum Trinum facit, & Christum Mariæ Filium Deum dicitis esse, cum homo sit, & Propheta? Et quod mihi absonum videtur, est, Christianos minime juxta suam legem vivere.

Hinc arrepta occasione: ego (inquit Pater Casas) de Divinis Personis, de

de Incarnatione Verbi, de ejus necessitate ad delendum originale peccatum, claritate, qua potui, disserui cum illo. Attentè me excepit, dubitavit prudenter, & tandem rationibus victus ingenuè fassus est, Alcoranum non esse legem à Deo datam, nec Mahumetum Prophetam fuisse; alacrique animo decrevit, collectis in unum opibus suis cum uxore, & filiis Venetias navigare prætento titulo negotiationis. Tripolim inter hæc pervenimus, ubi cum in eum offenderem in hospitali domo mea,

cum illo egi de suis sanctis desideriis; at ille lachrimans, heu! respondit, ve reor, ne uxores, & filii mei me in infernum trahant: tum ego, noli te ipsum obcæcare, & irretire his illecebris; plus his animus æstimatur tuus; de his curare non debes; Deus, qui te creavit, vocavitque ad se, non te deseret, dummodo, quod tuum est, præstes. Tunc ille sic facturum promissit: meique coram Deo memor esto, *respondit.* Hucusque Pater Casas.

CAPUT QUINTUM.

Impura Mahumeti vita clarè probat, eum non fuisse Dei Prophetam, sed sagacem Regnorum depradatorem.

XI. **Q**uia falsa persuasio, quòd Mahumetus fuerit Dei Apostolus, & Propheta, cæcos Arabes detinet in Alcorani tenebris, Christi Prædicator, ut ab his tenebris ad lumen Evangelii eos traducat, debet ipsos perurgere, ut dicant, quo fundamento credant, Mahumetum fuisse DEI Prophetam, & legem ab ipso latam, fuisse Dei jussu, & impulsu promulgatam? Et facillè convincere poterit, Mahumetum nullo argumento probasse, se fuisse à Deo electum; & temere Arabes illum ut Dei Prophetam venerari, cum nullum ad hoc credendum habeant prudens fundamentum, quia nec vitæ puritate, & gloriæ mundanæ contemptu, neque miraculis, neque dono prophetiæ, neque aliquo alio argu-

mento Mahumetus suam electionem comprobavit; sed potius dantur evidentiæ signa ad credendum, illum fuisse callidum impostorem, & sagacem Regnorum depradatorem. Constat enim, non rationabili prædicatione, non divinarum Scripturarum allegatione, non miraculorum soli Deo possibilem operatione, non sancta & exemplari conversatione, omniumque terrenorum contemptu Mahumetum, ejusque socios, discipulos, successores, ac ministros legem suam introduxisse, sed manu hostili, fortitudine populari, violentiæque crudeli hoc egisse: ideòque homines viles, ac bestiales pronos fuisse ad ejus legis susceptionem, quia tota illa lex carnalis, atque venerea est.

Chri-

Christus Dominus nobis præscripsit veram formam, cognoscendi, quoniam sit verus Dei Nuncius, ac Propheta; quoniam Pseudopropheta, verusque deceptor. *A fructibus eorum cognoscetis eos.* Matth. 7. 16. & 20. *Omnis arbor bona bonos fructus facit, mala arbor malos fructus facit.* Ex operibus, ex moribus dignoscendus est Propheta, an à Deo sit missus, an spiritu humano, vel diabolico se ingesserit?

Et Propheta Isaias nobis præscribens modum, cognoscendi, quoniam sit Propheta à Deo verè internè illuminatus, & supernaturaliter instructus, & à Deo missus, ad tradendam hominibus legem Divinam, & viam Cœli persuadendam, inquit cap. 28. 9. *Quem docebit Dominus scientiam, & quem intelligere facit auditum? ablatatus à lacte, avulsus ab uberibus.* Id est, quis erit dignus, à Deo supernaturaliter informari, & divinorum secretorum intelligentiam veram ab ipso accipere? *Ablatatus à lacte, avulsus ab uberibus,* id est homo abstinenter, & sobriè vivens, carnales delectationes, mundanas consolationes despiciens, & à terrenis, & sensibilibus se abstrahens, ut ad Cœlestia, & spiritualia mentem levaret, ut Deo omnis puritatis fonti adhæreat, & in amore Creatoris cor suum stabiliat. Ex quibus verbis constat, quàm longè fuerit Mahometus à munere Nuncii, & Apostoli Dei, & Legislatoris divinitus missi; cum luce meridiana constet, eum toto cordis affectu ad principatum terrenum, ad pulchrum sæminatum, non solum sibi nuptarum, sed aliis legitime conjun-

ctarum, propriarumque cognatarum amplexum, & ad temporales divitias anhelasse. Id autem manifestè probavimus ex ipso Alcorano, & Mahumetanorum libris authenticis.

Antequam autem adhuc probandum descendam, prius in medium proferam fabulam, quam in sui commendationem confinxit, & tanquam Dei gratiam, & favorem miraculosum sibi factum rudibus Arabibus credendum proposuit. Dicebat Mahometus, sibi, cum esset quatuor annorum, Angelum Gabrielem aperuisse pectus, & cor extraxisse, & mundasse à gutta nigra, quam omnes homines in corde habere credunt Arabes, & dicunt, esse quasi fomitem peccati; quia existimant, ratione illius guttæ nigre homines à diabolo tentari. Ita habetur in Alcorano lib. 1. cap. 1. & tanquam res certa refertur in libro *Azhar*, qui est valde authenticus apud Mahumetanos, & in illo continetur vita Mahumeti, & Alchalisarum, seu Regum aliorum, qui illi in Regno successerunt, ut testatur Joannes Andreas in sua confutatione sectæ Mahumetanæ cap. 1. Consequenter ad hanc fabulam introducit Mahometus lib. 4. Alcorani in cap. quodam, quod intitulatur de *Stellis*, Deum sic loquentem cum Mahumetanis: *Deum jurat per stellas, quod vester Propheta Mahometus nunquam fuit tentatus à diabolo, neque falsum, aut mendacium ore suo unquam protulit, nec vanè locutus est, sed per veram revelationem Dei omnipotentis; & quod fuerit prope Deum ad duplicem ballistam jaculum.*

Cc

Et

Et in procemio Alcorani hæc habet : *Hic liber absque falsitatis, vel erroris annexu veridicus est eis, quibus inest amor divinus, Deitatisque timor, & cultus, & in cap. 1. inquit: Hunc librum veracem esse penitus credite.* Etcap. 17. introducit Deum sic commendantem librum Alcorani : *Si hanc legem fecissemus descendere super montem, inclinaret semons ille, & adoraret eam pra timore Dei.*

Verùm omnes has laudes Mahumeti, & Alcorani esse fabulas, & insignita mendacia, artificiosè composita ab ipso ad seducendos barbaros illos Arabum populos, evidenter comprobatur : quia manifestum est, Alcoranum esse plenum fabulis, mendacijs, & erroribus, & Mahumetum, qui tantopere se extollit, fuisse hominem mendacem, perjurum, & viciuosissimum ; quod nunc liquido constabit ex ipso Alcorano, & libris authenticis Maurorum.

Nam Mahumetus ipse Azorà, vel cap. 44. Alcorani introducit Deum sic loquentem cum ipso : *O Propheta, mulieres omnes, quibus donanda dederis, omnes tua manni per emptionem subditas, & amita tua, materteraq, filiarumque filias, omnesque item bonas mulieres tibi gratis succumbere cupientes, licitas tibi constituo: Idque tibi soli permittitur, has à te remove, illas adijunge pro libito tuo: nec proprijs abjectis, nisi dilexeris, molesteris, illa namque tuo voto carere debent.*

Quis, etsi cæcus sit, non videat, hanc non fuisse concessionem Dei, sed fictionem Mahumeti, ut palliaret ef-

franem suam libidinem ? Quis dicat, Deum, qui universaliter dixit : *Uxorem proximi tui non concupisces: & non machaberis*, huic homini tribuisse amplam facultatem, cognoscendi aliorum hominum conjuges, & consanguineas, & affines suas, & omnes ancillas, & universaliter omnes feminas sibi placentes, quarum voluntates oblati donis ad sui amorem flecteret ? Quomodo non erubescunt Arabes, venerari ut Dei Prophetam, hunc equum emissarium potius, quam hominem temperatum, & modestum ?

Id autem melius constabit, si detegamus causam, ob quam hanc concessionem Alcorano inseruit tanquam Dei revelationem. Rem narrat Lupus de Obregon ex Joanne Andrea. Jam vidimus cap. 2. Mahumetum non contentum una uxore, & quia probè noverat, quod cum munere Prophetæ, quod sibi ambitiosè assumpserat, non benè cohzrebat, alias feminas cognoscere extra Matrimonii honestum titulum, finxit revelationem, in qua Deus concedebat facultatem, ut unusquisque Maurus posset Matrimonium contrahere cum duabus, tribus, quatuor, vel etiam pluribus feminis, si eas posset sustentare, quæ lex inserta est Alcorano l.b. 1. cap. 3. Postea verò, quia idololatræ obinurmurabant, novam legem promulgavit, in qua Deus jubebat, ut nullus vir posset ultra quatuor uxores sibi associare : & simul præcipiebat ad vitandas rixas, & contentiones, ut æqualitatem servaret vir cum singulis uxoribus : & jus tribuebat feminis, ut coram iudice possent conqueri de marito,

marito, si æqualitatem non servaret in thoro, & reliquis; sin. u. quæ præcepit viris, & feminis, ut fidem confortibus servarent, & jussit, ut lapidaretur quicumque ex confortibus adulterium committeret. Publicatis his legibus, Mahumetus præter Adixam, quam dudum duxerat, matrimonium de novo contraxit cum Axa, puellâ octo annorum filiâ Ubequaris; cum Hafiza, filiâ Omaris, & cum Aguada, filiâ Zam-bi.

Liber Azear narrat, quodd, cum à Civitate abesset Zeidin olim Mahumeti servus, Mahumetus amore captus uxoris ejus, quæ pulcherrima erat, eam visitavit, & blandè eam allocutus, significavit, se velle illam ducere uxorem; & præcepit, ut, cum Zeidinus domum reverteretur, hoc ei mandatum daret, *Propheta Mahumetus jussit, ut statim coram illo compareas, quia jam optimum cardinem pro tua janna elegit.* His verbis significans paræmiam quandam inter lenones frequentem, quâ uti solebat Mahumetus ipse, cum mercaturam exercebat, & seriem Camelorum in Ægyptum cum mercibus ducebat; & per illam loquendi formam significabat, sibi aliquam sæminam placuisse, velleque eam sibi capere. Auditiis verbis contristatus est valde Zeidinus, quia bene cognovit, Mahumetum velle sibi uxorem, vel vi, vel dolo auferre. Et timens insidias, & mortem sibi parandam ab illo, si ei resisteret, Mahumetum adit, qui palam illum hortatus est, uxorem repudiare, ut eam sibi matrimonio jungeret. Potentiam Mahumeti timens Zeidinus invitus repudiavit

uxorem, quam vehementer amabat; eamque Mahumetus clandestinè sibi copulavit, libidinem suam sub honesta Matrimonii larva expleturus; vulgatum est hoc Mahumeti scelus; & confanguinei uxoris Zeidini domum Mahumeti armati invadunt, eum occisuri, si uxorem marito legitimo non restitueret: timuit ille tumultum, & uxorem Zeidino restituit, sed amore illius sæminæ captus, ad suas artes confugit, finxit sibi Angelum Gabrielem apparuisse, & adduxit scripta in schedula verba, quæ sibi Angelum locutum fuisse dicebat, illaque legi jussit coram suis Discipulis, & postea inserta sunt Alcorano lib. 3. cap. 17. verba autem sunt hæc: *O Mahumete, quare jussisti, ut servus tuus Zeidin uxorem suam iterum acciperet, quandoquidem tu illam diligebas? Deus vult, ut illam iterum accipias, & ut tuam possideas: contentus sit Zeidin sua sorte, quodd scilicet per aliquod tempus voluptatem cepit cum illa femina: nunc Deus vult, ut tu illâ fruaris, & ne ob timorem hominum illam relinquant, & ut sine stomacho, & ira astu quiescas.* Publicato hoc capitulo inter Mahumeti discipulos, testatur Alcorani liber, & Azear, ipsos Mauros sæminam illam in domum Prophetæ reduxisse, & eum illam sibi in uxorem accepisse. Zeidinus tamen noluit aliam sibi sæminam matrimonio jungere, ne similem violentiam à Mahumeto iterum pateretur. Idololatæ Meccæ irâ incensû sunt contra Mahumetum, palam obmurmurantes, eum lenonis potiùs officium, quàm Prophetæ munus obire; & tumultum commoventes, illum absque

dubio occidissent ob injuriam illatam Zeidino, nisi ejus Soceri Ubequat, & Homar, & alii Viri nobiles tempestatem hanc sedassent, & tumultum compescuissent. Hanc historiam referunt ipsi libri Mahumetanorum, tanquam persecutionem sui Prophetæ.

Sed quamvis Cives Meccani necem non intulerunt Mahumeto, tamen publice ejus famam corradebant, dicentes, eum dignum esse, qui lapidaretur, tum propter injuriam illatam Zeidino, tum quia violavit legem Matrimonii, plus quam quatuor uxores assumendo. Ille verò cognito scandalo, & populi tumultu, ad suas artes confugit; finxit, sibi Archangelum Gabrielem locutum, & novum capitulum Alcorano addendum dedisse; illudque jussit legi Mauris: sic autem habet: *O Propheta, Deo placet, ut lex communis Matrimonii te non comprehendat; vult ut tu solus possis nubere cum omnibus faminis, quæ tibi placuerint; & quæ se tibi obtulerint, idque sine charta dotis.* Caput hoc insertum est Alcorano in lib. 3. cap. 17. Hac arte persuasit populo barbaro, voluntatem Dei esse, quod Prophetæ non ligarentur lege communi circa numerum uxorum, sed possent sibi Matrimonio jungere, quotquot vellent. Et post hanc dispensationem à Deo concessam Prophetæ, refert liber Azear, Mahumetum alias octo uxores duxisse, quarum nomina refert Lupus de Obregon in suo libro contra Mahumetanos. Unde præter ancillas habuit eodem tempore duodecim, vel tredecim uxores. Liber Azear citatus dicit, Mahumetum nupsisse cum quindecim mu-

lieribus, & eodem tempore habuisse undecim uxores, præter ancillas. Ita testatur Joannes Andreas in suo lib. cap. 7.

Sed cum Mahumetus aliquas ex uxoribus ardentius amaret, & pluribus notibus cum illis dormiret, dux ex principioribus, nempe Zaynex filia Sahz, & Maymona filia Alariz, conquestæ sunt, dicentes, Mahumetum non servare eam cum uxoribus æqualitatem, quam in sua lege præcipiebat, ipsæque injuriæ affecisse, & contempsisse. Et cum ex hac querimonia scandalum suboriretur, novam confinxit Mahumetus revelationem sibi à Gabriele factam, novumque adduxit capitulum, quod insertum est lib. 3. cap. 17. Alcorani, & ita ad verbum habet: *O Mahumete, uxores tuæ de te conquerruntur. Sed Deo placet, ut tu frequentius utaris illis, quæ tibi magis placuerint: & jubet, ne reliquæ idcirco de te conquæri possint.*

Hæc omnia constant manifestè ex ipso libro Alcorani, & ex libro Azear, ut testatur Joannes Andreas, factumque ipsum negari non potest. Ex iis verò planè convincitur, Mahumetum adulterum fuisse, & sæpe mentitum esse, atque fabulosam esse laudem illam, quam in Alcorano legimus, nempe *Deum per stellas Cæli jurasse, nunquam Mahumetum fuisse tentatum, &c.* Quis non nitetur, Mauros venerari, ut Sanctum, & Dei Prophetam, hominem vitiosissimum, & delectationibus carnis penitus deditum? Hæc expendere, & amplificare debet Christi prædicator, ut pudore suffundat Mahumetanos, &

eos agnoscere cogat, Mahumetum Virum fuisse sceleratissimum.

His adjungo aliam historiam, quam ex libris Mahumetanorum refert S. Petrus Patchafius pag. 25. num. 21. historiam hanc de uxore Zeidini à Mahumeto usurpatâ narrans, ait, Mahumeto cum aliis deambulante nianus pedesque ejus repente intortos apparuisse, eumque in terram cecidisse, uti solebat, cum spiritus eum arripiebat: tunc circumstantes illum operuisse, dicentes, ejus amicum Angelum ei apparuisse. Et postquam paulisper in terra jacuisset, surrexisset, & dixisset, sibi dictum & inspiratum fuisse, quod Zeineb uxorem Zeidini Matrimonio sibi copularet, & insuper Deum illam sibi in Matrimonio collocasse, quia illius à grabat amore: & istius Matrimonii testes esse Michaëlem, & Gabrielem. Addiditque Sanct. Martyr, prædictam Zeineb aliis uxoris Mahumeti insultare solitam, cum jactantia dicendo: *Se meliorem esse illis, si quidem nupta uxoratæque erat cum Propheta, non ab hominibus, sed à Deo.* Finiitque narrationem S. Martyr, his verbis: *Et hac historia in Alcoran scripta manet, tanquam maxima, & præcipua Mahumeti laus.*

Quis est adeo vecors, & stupidus, qui non agnoscat, hoc dolo & hac arte usum fuisse Mahumetum, simulasseque revelationem, ut potiretur uxore Zeidini sine nota adulterii, & incestus? Nam Mahumetus Zeidinum adopraveat in filium, ut testatur ibidem S. Petrus Patchafius. Unde manifestè constat, Mahumetum adulterum, & incestuosum fuisse, & revelationes fin-

xisse ad explendam impotentem libidinem.

Et ut ait Joan. Andr. in suo libro contra sectam Mahumetanam cap. 7. Jacobitarum Rex, tanquam munus magni pretii, obtulit Mahumeto Virginem pulcherrimam, natione Judæam, Marinam nomine: statim ejus amore captus est Mahumetus, eamque sollicitavit, & consequutus est. Et cum duz ex principalioribus uxoris Mahumeti adulterium suspicarentur, stimulis Zelotypiz agitatz, diligenter eum observabant, per rimas & cancellos auscultantes maritum suum, & ancillam. Tandemque eos in adulterio deprehenderunt, & acriter utraque Mahumetum reprehendit, exprobrantes delictum, & dicentes, eum non se gessisse ut Prophetam; nec facere, quod prædicabat, sed violasse fidem matrimonii, quam in sua lege præcipiebat. Ille verò timens, ne res tam fæda in vulgus spargeretur, enixè ab eis postulavit, ut rem silentio premerent, & jure jurando promissit, se nunquam deinceps fidem matrimonii violaturum. His promissis placatæ sunt. Cæterum cum secundo eum quadam die cum ancilla peccantem offendissent, in iras effusæ conquestæ sunt apud suos consanguineos de Mahumeti infidelitate, dicentes, Mahumetum eas repudiasse, & fidem matrimonii, & juramenti iniquè fregisse. Res publicata est, & Mauri scandalizati sunt. Mahumetus verò, ut notam, & ignominiam effugeret, ad communes suas artes fingendi revelationes confugit. Finxit, Deum per Angelum Gabrielem sibi locutum, & novum capitulum legis

sibi dedisse Alcorano inferendum, in quo Deus precipiebat, quòd Mauri possent ancillas cognoscere licetè, & absque nullo peccato, etiam uxoribus invitis. Et hoc mandatum posuit initio capituli, ut gratiam Maurorum captaret. Et legitur in Alcorano lib. 4. & caput illud appellatur *Capitulum de prohibitione, capitulo del vedamiento*, ut ex Arabico vertit Joannes Andreas. Introduciturque in eo capite Deus excusans Mahumeti factum, & testificans, *Eum in hoc opere non peccasse*, & præcipiens uxoribus Mahumeti, ut veniam à Propheta petant. Viderint nunc Mahumetani, quàm verum sit, quod Alcoranum testatur, Mahumetum nunquam peccasse, neque falsitatem dixisse; cum constet evidenter, eum adulterum, & perjurum fuisse. Hanc eandem historiam narrat etiam S. Petrus Paschasius p. 35. num. 34. dicitque, illam Mahumeti concubinam appellatam fuisse *Meriam*.

Ut autem constet, quàm carnalis fuerit Mahumetus, audiant Mahumetani, quod narrat liber *Azeaz*, nempe Mahumetum nupsisse cum filia Ubequar puellâ sexenni, & in illa tenera ætate consummâsse cum illa matrimonium. Ita testatur Joannes Andreas cap. 12. sui libri in fine. Alii autem Auctores dicunt, octo annos habuisse puellam illam, quando Mahumetus cum ipsa concubuit. S. Petrus Paschasius p. 23. num. 20. ait, Axam septem habuisse annos, quando Mahumetus duxit illam; decem verò, cùm eam defloravit.

Audiant, quod narrat S. Petrus Paschasius ex Maurorum libris pag. 36.

num. 36. *Mahumetus* (inquit) *in diebus menstrualibus suarum mulierum utebatur illis vase prepostero. Et sic Axa uxor illius circa hoc dedit contra Mahumetum testimonium pessimum, & vile.* Audiant, quod idem Sanctus Martyr narrat ex Mahumetanorum libris p. 27. num. 23. *In Maurorum* (inquit) *libris scriptum habetur, quod Mahumetini veste utebatur purpurea, ungebâque se unguentis odoriferis, ut bene oleret, optimisque à se odor exiret: etiâque oculos, & labia tingeat, sicut hac tempestate Maurorum prætores, & alii multi, & multa faciunt. Vnde cùm aliqui suorum sectatorum Mahumetum de his rebus reprehenderent, & objurgarent, dicentes, quòd talia Dei Nuntio non convenirent. Respondit (fallè se excusando:) Datum mihi est, & concessum, quòd deleter, voluptatemque capiam in viribus: Primum unguentis, secundum mulieribus, tertium oratione.* Sed in hoc tertio palam mentitus est, quia cum duobus prioribus non convenit: nihil enim ita mentem avertit à Deo, rebusque divinis, neque orationem ita impedit, ac carnales delectationes, quæ mentem obæcant, & hominem similem jumentis insipientibus reddunt. Ex duo priora manifestè ostendunt, Mahumetum non fuisse Dei Prophetam, neque Virum spiritualem. Nam, ut inquit S. Gregorius, *Gustato spiritus, desipit caro:* & quândo quis Deum gloriosum, & excelsum profundius contempletur, ardentius amat, dulcius gustat, tantò plus fastidit carnalia, & delectamenta aspernat ut venerea. Idcirco si Mahumetus fuisset vir spiritualis,

& consolationes divinas expertus, nusquam usque adeo insipienter fuisset locutus. Proptereaque Paradysum posuit in delectationibus gustûs, & tactûs, quia ejus spiritus semper carnalibus delectationibus inhians, veluti in carnem mutatus erat: & quia caro erat, Spiritus Dei in illo commorari non poterat.

Audiant, quod narrat Dionysius Cathusianus in suo opere contra Mahumetanos p. 487. id deducens ex libris authenticis Mahumetanorum, nimirum Mahumerum falsum esse: *Quòd tantum potuerit cum mulieribus agere, quantum alii viri quadraginta ad coitum fectos.* Unde unâ horâ poterat cum quadraginta fœminis consummatam, & perfectam copulam habere. Hoc de seipso dixisse Mahumetum, & se laudasse de hac monstruosa potentia, testantur tres libri apud Mahumetanos valde authentici, nempe liber *Asamail*, in quo agitur de bonis qualitatibus Mahumeti: & liber *Azeaz*, in quo scribuntur vitæ Alcalifarum, & alius liber, qui appellatur *Almazhedi*. Ita refert Lupus de Obregon in suo tractatu contra Mahumetanos, ex Joanne Andrea, & aliis. Ex his verbis planè convincitur, Mahumerum non fuisse Dei Prophetam, & Virum Sanctum, ut cæci Arabes credunt: quia vel falsum dixit, vel verum? Si falsum, mendax fuit, & insuper carnalissimus; quia magnam sui laudem existimavit, habere potentiam ad coeundum valentiorē, quàm habeant tauri, vel asini emissarii. Si verum, evincitur, diabolum ei subministrasse fomenta libidinis, quia naturale

nequit esse, quòd unus homo possit cum tot mulieribus intra brevem temporis moram copulam consummare.

Quare meritò S. Petrus Palschsius, postquam ex libris ipsis Mahumetanorum, enormia Mahumeti comprobavit delicta, *tandem p. 50. num. 60. concludit, quòd doctrina, quam tribuit, & docuit suos credentes Mahumetus, fuit, occidere homines, stuprare, & captivos ducere mulieres cum parvulis, alienum predari, sub illorum potestate redigere terras, & aliena regna fortiri, incantationes, & conjurationes facere, augurari, ominari, & auspiciari, divinis & incantatoribus uti; propter concupiscentiam & luxuriam, propter cupiditatem & ambitionem omnes rationis metas transilire, habenas virtutis laxare, nihil mali prohibere, omnia mala tolerare, non custodire, neque servare legem, verbis & promissis non stare, & quod plus est, omnia juramenta facilliter frangere, nisi in illorum utilitatem cedere conspexerint. Denique in ejus Alcorano, ejusque dictis multas vanitates fabulas mendacia contrarietates, & hæreses viles, & impuras invenietis insertas, & alia multa, quæ minimè dicere, nec facere debuisset homo, qui se Nuncium Dei esse dicebat. Et si se ab hoc inaniter jactabat, quare uxores accipiebat alienas, non solum exteriorum, sed etiam suorum, & viliter, & petulantè se excusans, dicebat, quòd illi Deus omnia, quæ appeteat, concedebat: Et quòd in hoc mundo sua delicia, ac voluptates erant, unguentis pretiosis, & odoriferis, vestibus purpureis, & mulieribus uti ad nutum suæ voluntatis. Ostultitia miserorum, qui crediderunt, & credunt*
in

in talem nuncium, tam manifestè in fronte, & inverecundum, tam publicum peccatorem. Haresum, mendaciorum, errorum abusum, amentiarum, & vanitatum seminatorem! Hucusque Sanctus Martyr. Lege, quæ à nobis supra dicta sunt cap. 1. & 2. de modo, quo Mahumetus suam sectam invenit, & faciliè constabit, Mahumetum non

fuisse Dei Prophetam, sed sagatissimum regnorum deprædatorem, qui ut regnum sibi, & suis successoribus relinqueret, legem composuit, quæ nihil difficile intellectioni proponit, & nihil arduum voluntati præcipit, sed habenas laxat cupiditati, ambitioni, & luxuriz.

CAPUT SEXTUM.

Ideo diabolus Mauris persuadet, Mahumetum fuisse Virum Sanctum, ut ejus vitia sub larva virtutum imitantes, in infernum cum ipso detrudantur.

XII. **Q**UI ferè meditatus fuerit, quomodo tot Arabes, & Persæ, & aliarum nationum homines ingenii acumine præditi Alcoranum legere possint, quin statim cognoscant, Mahumetum non divino consilio, sed astutiâ humanâ librum illum composuisse, & legem dedisse carni, & sanguini conformem, ut homines faciliùs ad se traheret, & regnum sibi pararet: faciliè deprehendet, diabolum tenebras offundere menti eorum, ut, dum Mahumetum Virum Sanctum fuisse credunt, faciliè ejus vitia imitentur. Ut enim expendit Theodoretus lib. 7. de Græcarum affectionum curatione, inter technas, & astutissimos diaboli dolos ad præcipitandos homines in fædissima flagitia, unus ex præcipuis fuit, persuadere hominibus, ut tanquam Deos colerent, & venerarentur homines flagitiosos, plenos levitii, libidinibus,

injustitiis, & omnium generum delictis; ut Saturnum homicidam & parricidam, Jovem incæstuosum & nefandum; Apollinem nefandum adulterum, Mercurium seductorem, Venerem & Floram meretrices, Plutonem Proserpinæ raptorem, & alia hujusmodi monstra; & ut omnibus manifesta fierent suorum Deorum flagitia, etiam persuasit Poëtis, ut illa carminibus suis depingerent, & mentibus hominum ad imitationem blandè insinuarent. Quia verò maxima pars hominum litteras nescit, neque idonei sunt, qui Poëtarum, ac Philosophorum verba sensusque percipiant, alia quedam retia rudioribus his capiendis, retinendisque comparavit. Instituit enim pictores, fabrosque ferrarios, quique faciendis simulacris opifices ligno lapideque munitur, tales eorum figuras, qui vocantur Dii, pingere, cudere, conflare, effingere, quales illi fabu-

fabulatores suis pridem verbis expresse-
rant, ut haberent hi quoque propostis fla-
gitiorum exempla, quisque participes le-
ctionis, sermonumque esse non poterant,
ita saltem fadissimas imagines intiendo
execrabilis doctrina minis carerent. At-
que horum artificum simulachris, non
solum templa complerunt, sed fora, sed
vicos, sed locupletum Virorum domus;
quoquod enim se vertas, est videre eos, qui
falsis Diis nominantur, amatorum facta
exprimere, pra libidine rabidos ferri,
in venerem concitari, Patremque Deo-
rum tauro, aquila, cygnoque dissimula-
tum, eoque patto amicus faminis commi-
sceri: Mercurium verò sermonis prae-
stem, hircum effectum Panà, filium
genuisse caprinis sultum cruribus, & cor-
nibus pramunitum, &c.

XIII. Hincque effectum est, ut
miseri homines, qui in suis peccatis in-
terioribus conscientiae stimulis punge-
bantur, & remorsu conscientiae ali-
quantulum detinebantur, ne tam proni
in vitia ruerent, in tantam dissolutio-
nem devenerint, ut sine freno in omne
flagitiorum genus suorum Deorum fa-
cta imitantes prolapsi sint: Ut optimè
notavit Julius Firmicus in eo libro, quem
composuit de errore Religionum pro-
fanarum. *Adulterio delectatur ali-
quis? Jovem respicit, & inde cupidita-
tis sua fomenta conquirat, probat, imita-
tur, & laudat, quòd Deus sum in cygno
fallit, in tauro rapit, Indis in satyro.*
Erant quippe quasi canonizata flagitia,
dum tanquam Dii colebantur, qui simi-
lia commiserant peccata, & ideo non
fugiebantur, ut probrosa, quia patra-
ta cernebantur ab iis, quos ut Deos co-

lebant. Unde cùm Chreus apud Ter-
rentium in Eunuchò reprehenderetur,
quòd dolo, & violentia virginem quan-
dam defloraverat, respondit. *Si prin-
ceps Deorum Jupiter hoc fecit, cur non
facerem ego, qui homo mortalis sum?* Si
enim jure merito dixit Firmicus: *Def-
cunt esse probri loco purpurata flagitia:* à
fortiori desinebant apud Gentiles esse
probriloco quasi deificata flagitia, id est,
à Diis commissa.

Et ideo æterna Dei sapientia, Dei
Filius, in hunc mundum venit, ut
dissolveret hæc opera dæmonum. *In
hoc apparuit Filius Dei, ut dissolveret ope-
ra diaboli,* inquit. Joannes Epist. 1.
cap. 3. v. 8. Ideo enim Filius Dei fa-
ctus est homo, ut se nobis omnium vir-
tutum exhiberet perfectissimum exem-
plar: ut qui Deorum falsorum vitia
imitantes præcipitabantur in infernum,
Veri Dei apparentis in homine virtutes
imitantes in Cælum ascenderent, &
ideo factus est homo, ut, sicut falsi
Dii, qui fuerunt homines vitiosissimi,
& exemplo suæ depravatæ vitæ in libris
Philosophorum & Poëtarum publicatæ,
& oculis representatæ in statuis, & si-
mulachris totum mundum corrupe-
runt; ita verus Deus factus homo, exem-
plo visibili suæ vitæ, ab omni peccato
mundissimæ, & omni virtute ornatissi-
mæ, litteris traditæ summa authorita-
te, & sinceritate, & mundo prædica-
tæ per Viros Sanctissimos, & coram
oculis hominum in imaginibus, & si-
mulachris propositæ in templis, & do-
mibus, magnâ efficaciam moveret homi-
nes ad fugam, & detestationem omnium
vitiarum, & ad amorem honestatis,

D d

cun-

cunctarumque virtutum validè pertraheret: *Atque adeo sapientissimus universorum Deus factus homo paucis viris, iisque piscatoribus, & publicanis, & uni funium contextori, (inquit Theodoretus in proemio libri, quem inscripsit, Hæreticarum fabularum compendium) universum terra habitabilis orbem colendum tradidit. Sceleratissimus autem demon hominum perniciēs, cum videret eos multorum Deorum adorationis errorem spinas radicibus evellere, seque iis, qui obedirent, privari, ac desinui, cum si machinarum confarcinator, & improbitatis artifex, alui insidiandi rationes excogitavit. Cum enim homines sua operatione dignos elegisset, & veluti personam quandam eis Christianorum appellationem imposuisset, & tanquam melle quodam os poculi illi videret, exitiale mendacii venenum hominibus obtulit: & cum hominum perniciem sitiret, non expectavit, ut Apostolorum predicatio confirmaretur, & invalesceret, & tunc fraudem offerret: sed cum primum illi terram colere cepissent, & vera pietatis, ac Religionis semina deicere, is interea seminavit zizaniam. Hæresiarchas scilicet excitando, qui veritatem ab Apostolis prædicatam oppugnant; & primum omnium elegit Simonem Magum; Deinde Basilidem, Carpocratem, Cherinthum, Ebionem, Marcionem, Arium, Nestorium, & alios ejusmodi Hæresum opifices. Cum autem astutissimus demon videret, Ecclesiam Christi hæc Hæresum zizaniam eradicasse per Concilia, & Sanctissimorum Patrum scripta; excitavit Mahumetum hominem superbum, ambitiosum, carnalem, qui novam*

cuderet sectam, & sub specioso titulo cultus unius veri Dei introducendi, & idololatriæ exterminandæ, mundum inficeret; & ut facilius finem intentum assequeretur, disposuit, ut Arabes, cum sectam illam suscipiunt, tanquam summam, & compendium suæ fidei crederent, *Vnum esse Deum, & Mahumetum esse ejus Prophetam, Nuncium, & Apostolum. Et ideo ut vidimus supra capit. 3. cum circumciduntur, faciunt fidei suæ professionem sub hac forma: La illa illa, Alha Mahummed Rasualha, id est: unus Deus tantum est, & Mahumetus est ejus Propheta, & Apostolus. Et dant operam, ut pueri non circumcendantur, usque dum possint verba illa proferte, & suæ fidei protestationem facere. Atque demon nullum detrimentum ratus est, quod Mahumetani credant hanc primam veritatem, quod non est nisi unus Deus, dummodo simul cum hac veritate credant maximam illam falsitatem, quæ omnium errorum Mahumetanæ sectæ origo est, nempe, quod Mahumetus fuit maximus Dei Propheta à Deo in orbem missus, ut homines viam salutis doceret, & legislator sanctissimus. Hinc enim fit, ut credant, vera esse omnia, quæ in Alcorano credenda proponit, & licita, & sancta esse omnia, quæ præcipit, & permittit, & ut exempla sui Prophætæ sectentur. Unde, quia ille multas uxores habuit, & ancillas defloravit, & venerem præposteram cum uxoribus exercuit, & uxores dimittere docuit, & peccatum nefandum in lege sua non punit, & incantationibus, & auguriis usus est, & regna depredatus est aliena,*

&c

& Christianas terras occupavit, aliæque execranda commisit scelera, hæc omnia Mahumetani imitantur; nec illos pudet facere, quod fecisse sciunt Mahumerum, quem Virum Sanctum, & Dei Apostolum credunt fuisse.

Quare Christi prædicator in conversione Maurorum laborans, debet in hoc maximè incumbere, ut ostendat, Mahumetum non Dei Prophetam, sed seductorem, non virum sanctum, sed hominem sceleratissimum fuisse, qui larvam illam legislatoris, & Prophetæ accepit, ut sibi regnum compararet: qui in suo Alcorano mendaciis multa vera inferuit, & malis bona commiscuit,

malignitate fallendi, ut scilicet falsis propter veracredetur, & mala propter bona recipiantur, ut supra observavimus ex Guilielmo Parisiensi: ejusque propositum non fuit aliud, quam difficultatem omnem profligare, quam Christiani homines in credendo, & operando patiuntur, ut constat ex verbis Bellarm. supra relatis, ut ita homines faciliè fusciperent legem, quæ nihil difficile intellectui credendum proponit circa divina, neque aliquid carni, & sanguini contrarium præcipit, sed januam aperit delectationibus carnis, & cupiditatibus animi.

CAPUT SEPTIMUM.

Pluralitas uxorum, & eas repudiandi licentia, quam lex Mahumeti præscribit, clarè demonstrat, eam non esse legem Dei.

XIV. **M**Ahumerus in Alcorano lib. 4. Azorà 3. sic loquitur: *Duas vel tres, aut quatuor uxores ducite, nisi timueritis, eas nullatenus pacificare posse; tunc enim quot sua manus castigare quiverit.* Jam autem usu receptum est apud Mahumetanos, ut unusquisque tot ducere possit, quot alere valet. Et ideo Magnus Turca in quodam Palatio, quod appellatur Serrallo, ducentas, vel trecentas mulieres sub titulo uxorum habet præter concubinas. Magnates autem & Dynastæ habent quadraginta uxores in diversis domibus, quas Eunuchi custodiunt. Ita testatur Tho-

mas Bocius de signis Ecclesiæ tom. 1. signo 56.

Quia Mahumerus suam legem miraculis, & operatione virtutum introducere non potuit, per humanam astutiam excogitavit, quidquid erat accommodatum ad suæ legis divulgationem, & extensionem, & id tanquam sibi à Deo revelatum, & divinitus inspiratum barbaris Arabibus proposuit. Hinc se in virtute gladii à Deo missum perhibuit; hinc suos ad deprædationem, & pugnas hortatus est; hinc multitudinem uxorum, & repudiationem concessit; hinc licentiam cognoscendi feminas in bello

D d 2

captas

captas indulſit, quò alacriores & promp-
tiores ad bella faceret.

XV. Hanc verò legem de pluralitate
uxorum injustam eſſe, eſt de fide Ca-
tholica, definitum in Tridentino ſeſſ. 24.
Canone 2. his verbis: *Si quis dixerit,*
licere Chriſtianiſ, plures ſimul habere
uxores, & hoc nulla lege divina eſſe prohi-
bitum, anathema ſit.

Sed non ſolùm eſt illicitum Chri-
ſtianiſ, ſed omnibus gentibus. Idque
probat contra Mahumetanos ex veteri,
& novo Teſtamento, quæ Mahumet-
us admittit, & quibus jubet credi, ut
vidimus ſupr. Nam Gen. 2. verſ. 24.
dicit DEUS: *Relinquet homo patrem*
ſuum, & matrem ſuam, & adharebit
uxori ſua, & erunt duo in carne una.
Ut autem expendit Innocent. III. in
cap. *Gaudemus* de divortiis, ad pro-
bandum paganum habentem plures
uxores, dum convertitur ad fidem, non
poſſe niſi unam retinere, nempe illam,
quam primò duxit: in illis verbis conti-
netur præceptum divinum de unica tan-
tùm uxore; non enim dixit DEUS:
Adharebit uxoriſ ſuis, ſed adharebit
uxori ſua: nec dixit, *erunt plures in*
carne una: Sederunt duo in carne una;
iis verbis apertè ſignificans, à ſe ſanci-
tum eſſe, ut unus vir unam dumtaxat,
& non plures ſimul habeat uxores.
Quòd autem illa ſint verba Dei, & non
Adæ, apertè docuit Chriſtus Dominus
Matth. 19. v. 4. Cùm enim Phariſæi
tentantes eum, interrogàſſent ab eo,
anliceret homini dimittere uxorem
quacunque ex cauſa? Reſpondit Do-
minus: *Non legiſti, quia qui fecit ho-*
minem ab initio, mâſculum, & fe-

minam fecit eos? Et dixit: Propter hoc
dimitteret homo patrem, & matrem, &
adharebit uxori ſua, & erunt duo in car-
ne una. Hæc verba dicta à Deo, &
per os Adæ, tanquam per os præconis
divini proclamata, legem apertiſſimam
de unitate uxoris declarant. Ex illis
enim verbis tanquam à Deo prolatis Sal-
vator noſter contra Phariſæos probavit,
non licere viro prima uxore vivente al-
teram ducere, neque primam dimitte-
re. Ergo Chriſtus Dominus exponens
mentem ſupremi legiſlatoris Dei, do-
cuit, Deum unam tantùm uxorem uni
viro conceſſiſſe; ergo polygamia multa-
rum uxorum ſimul jure divino à Deo
fuit prohibita.

XVI. Quòd confirmatur ex illa ex-
plicatione Chriſti Domini Matth. 19.
verſ. 6. *Itaque jam non ſunt duo, ſed*
una caro. Hæc enim verba ſignificant,
mattimonii initio inſtitutum eſſe effe-
ctum, ut, qui conjunguntur, fiant
una caro: at ſi unus multis jungatur,
non erit una caro, ſed multæ, neque
tam fiet una, quàm diviſio per tale
mattimonium. Expendensque Hiero-
nymus illa verba Chriſti: *Qui fecit ho-*
minem ab initio, mâſculum, & femi-
nam fecit illum, aſſent, quòd, dicendo,
Mâſculum, & feminam, oſtendit,
ſecunda vitanda conjugia: non enim
ait, mâſculum, & feminas, quòd ex prio-
rum repudio quærebatur, ſed *mâſculum,*
& feminam, ut unius conjugis confor-
tia nequerentur. Et ut communiter in-
terpretantur Patres, Chryſoſtomus,
Hieronymus, Beda, Theophilaſtus,
Euthimius, Strabus, & Author imperfe-
cti, Chriſtus illis verbis fecit hoc argu-
mentum.

mentum : si Deus voluisset unum virum plures habere uxores, non unam tantum, sed plures feminas initio fecisset. Neque enim Adamus aliam poterat habere uxorem, nisi quæ cum illo creata fuisset à Deo : quia omnino repugnat naturæ, ut pater ducat filiam, aut neprem : omnes autem feminæ præter Evam, aut filiam, aut nepes Adami fuerunt. Atque adeo Deus cœgit Adamum Monogamum esse. Quodd si tunc, quando propagandum erat genus humanum, noluit Deus, ut Adamus haberet nisi unam uxorem : multò minus volet nunc, quando universus orbis plenus est jam hominibus, quodd unus homo habeat plures feminas.

XVII. Idque iterum deducitur ex illis verbis Dei : *Et erunt duo in carne una*. Disputant Patres, & Expositores, quomodo vir, & mulier dicantur una esse caro. Hieronymus, & Beda ad liberos referunt, ut D. Thomas interpretatur in catena, & in commentariis ad hunc locum ; quia nimirum ex viro, & uxore genitus filius una utriusque communis est caro. Alii ad corporum conjunctionem, quem ad modum videtur interpretari D. Paulus 1. ad Corinth. 6. dum ait : *Qui adheret meretrici, unum corpus efficitur*. Alii ad amorem mutuum, de quo idem Paulus ad Ephes. 5. Ita, & viri debent diligere uxores suas, ut corpora sua. *Qui uxorem suam diligit, seipsum diligit*. Alii ad potestatem, quam virin uxorem, & uxor in virum habet ; ut enim inquit D. Paulus 1. ad Corinth. 7. *Mulier sui corporis potestatem non habet, sed vir. Similiter autem, & vir sui corporis potestatem*

non habet, sed mulier. Alii verò, quorum sententiam maximè probat Maldonatus, ajunt, perinde fuisse, dicere : *Erunt duo in carne una*, ac si diceret : non jam duo sunt homines, sed unus. Notum est enim carnem ab Hebræis poni pro toto homine, ut vidimus supra. Significat ergo Christus, virum & uxorem non duos esse homines, sed unum ; uxorem veluti corpus, virum veluti spiritum, & animam esse. Itaque non magis debere virum ab uxore, quàm animam à corpore separari. Unde sicut eadem anima non potest duplex corpus simul informare ; ita ex Dei institutione nequitidem vir duplicem uxorem habere.

XVIII. Probatur idipsum ex novo Testamento. Nam Christus Dominus Matth. 19. volens restituere Matrimonium ad eum statum, eamque perfectionem, & rectitudinem, quam habuit in sua primæva institutione, polygamiam omnino prohibuit, illis verbis : *Quicumque dimiserit uxorem suam, nisi ob fornicationem, & aliam duxerit, mæchatur*. Ex quibus verbis evidenter infertur, esse illicitum, transire ad secundas nuptias vivente prima uxore : si enim, qui primam uxorem dimiserit, non potest secundam legitimè ducere, sed mæchatur, dum alii mulieri conjungitur, quia nimirum priori injuriam facit, cui sui corporis potestatem fecit per primum & legitimum Matrimonium : ergo à fortiori mæchabitur, si retenta prior uxore novam duxerit ; Ergo ex Christi declaratione, & institutione est omnino irritum secundum Matrimonium, vivente prima uxore.

D d 3

XIX.

XIX. Quod confirmatur: Nam Marcus hanc eandem historiam narrans, inquit cap. 10. v. 11. *Quicumque dimiseris uxorem suam, & aliam duxerit, adulterium committit super eam.* Ubi non excipit fornicationis causam, sicut Matthæus exceperat. Ut autem notat Maldonatus, non potest excogitari alia causa, cur Matthæus exceperit fornicationem, Marcus verò non exceperit, nisi quia Matthæus voluit explicare, aliquando licere uxorem dimittere, si nimirum adultera sit; Marcus autem docere voluit, nunquam licere aliam uxorem ducere, etiam si prior propter adulterium dimissa sit.

Animadvertitque Maldonatus, observatione dignum esse, quòd Marcus dicat: *Adulterium committit super eam*, id est contra eam, atque ideo Marcum hoc dixisse, ut indicaret, non magis licere, dimissa uxore adultera aliam ducere, quàm uxore contra ipsum adulterium committente, contra illam adulterium committere, Lucas etiam c. 16. v. 18. generaliter locutus est, sicut Marcus, dicens: *Omnis, qui dimittit uxorem suam, & alteram ducit, machatur, & qui dimissam à viro ducit, machatur.* His verbis planè significans, Christum Dominum universaliter prohibuisse polygamiam.

XX. Deinde id ipsum probatur multiplici ratione. Quia quamvis uxorum pluralitas non sit contra primarium Matrimonii finem, qui est, filios procreare, & educare; cum unus vir multis mulieribus fecundandis, earumque liberis educandis sufficiens esse possit: neque uxorum pluralitas sit contra prima

juris naturalis principia, quæ certissimam ac inviolabilem reſtitutionem continent, & in quæ nulla potest cadere dispensatio: tamen illa uxorum pluralitas est contra alios fines secundarios Matrimonii; & attento jure naturæ illicita est, nisi accedat Dei dispensatio, ut latè probat P. Thom. Sanchez lib. 7. de Matrim. disp. 80. Idque persuadent rationes adductæ à D. Thom. 3. contrah. cap. 124. & à Bellarm. tom. 2. lib. 1. de Matr. cap. 10. & ab Alphonso de Castro lib. 11. adversus Hæreses, verbo nuptiæ in 4. Hæresi.

Probat autem primò, quia in omni Matrimonio intervenit quidam contractus, vi cujus conjuges mutuo transferunt in alterum sui corporis dominium. Neque mulier, dum viro nubit, gratis tribuit viro corporis sui potestatem, sed propter æqualem compensationem, quia nimirum vir vicissim tradit mulieri sui corporis potestatem, & ideo Paulus 1. Corinth. 7. dicebat: *Mulier sui corporis potestatem non habet, sed vir: Similiter autem vir, &c.* Ergo sicut mulier plenam sui corporis potestatem viro tradit, ita vir tradere debet plenam sui corporis potestatem mulieri: quod non contingeret, si idem vir plures haberet uxores, quia potestas in corpus mariti esset divisa inter plures, & ita nulla haberet plenam potestatem in illud. Quid enim si utraque simul debitum peteret? Tunc enim utrique maritus reddere non posset. Unde vel utraque fraudaretur usu domini sui, vel altera alteri præferretur, & tunc illa, quæ postponeretur, injuriam pateretur: Eſſet

Effet ergo contractus inæqualis, & injustus.

Secundò, quia finis secundarius Matrimonii est, remedium adhibere fragilitati virorum, & mulierum, ne, si confor- te careant, prolabantur in peccatum incontinentiæ. Et ideo Apost. 1. Corinth. 7. v. 5. dicebat uxoris: *Nolite fraudare invicem, nisi fortè ex consensu ad tempus, ut vacetis orationi: Et iterum revertimini in ipsum, ne tentet vos sathanas propter incontinentiam vestram.* Est autem contrahunc finem pluralitas mulierum; quia unus vir nequit multarum mulierum incontinentiæ remedium adhibere. Unde quod vir plures uxores acceperit, eò Matrimonium erit injustius.

Tertiò, quia uxorum pluralitas ad- versatur tranquillæ, ac pacificæ cohabitationi conjugum, quæ est finis secundarius Matrimonii, essetque mul- tarum rixarum fomes, & contentioni- bus, & æmulationibus perpetuam præ- beret occasionem, ut constat ex conten- tionibus inter Saram, & Agatem uxo- res Abrahæ, inter Liam, & Rache- lem uxores Jacob Gen. 16. & 30. & inter Annam, & Phenenam uxores El- canæ 1. Reg. 1. connaturale enim est, & sexui fragili mulierum conforme, ut unaquæque uxorum virum sibi magis propitium, & ardentiorē sui amato- rem facere satagat, & aliis invisum, & infestum reddere, unde ex multitudine uxorum vitium zelotypiæ, rixæ, & discordiæ necessariò oriuntur. Cùm ergo Deus nihil magis commendaverit hominibus, quàm concordiam, & pa- cem: consequens est, ut prohibuerit

pluralitatem uxorum, quæ perpetuam discordiæ materiam facilè submini- strat.

Quartò, quia uxor non subditur viro, tanquam famula, sed tanquam socia, & collateralis: & ideo ipsa quo- que in domo principatum habet, ut fusi probat S. Chrysostom. Homil. 20. in Epist. ad Ephes. Idque deducit S. Th. 1. part. q. 29. art. 3. ex ipsa formatione mulieris: ideo enim nec ex capite, nec ex pedibus, sed ex latere formata est, ut neque dominetur viro, nec illi sub- jiciatur instar ancillæ; sed socia sit & collateralis. Quod etiam testantur ho- norum vocabula: & Regum enim uxo- res Regiæ, & Augustorum Augustæ dicuntur. Jam verò omnis principatus suâ naturâ diligit singularitatem, ut Au- gustin. docet lib. de bono conjugali, cap. 17. ergo repugnat Matrimonio, ut unus viri plures sint conjuges. Ut enim Aristotel. docet 8. Ethic. cap. 12. vir, & uxor non conjunguntur solùm ad procreandum, ut animalia cætera, sed etiam ad cohabitandum, & ut simul familiam regant, & officia domestica inter se dividant. Unde officia illa, quæ attinent ad uxorem, unus debent esse; unaque proinde dumtaxat debet esse uxor, ut illa quoad illa munia mulie- rum propriâ in familia principatum te- neat.

Quintò, quia, ut inquit D. Tho- mas 4. contra gent. cap. 124. num. 2. *In omni animalis specie, in quo patri inest aliqua sollicitudo de prole, unus mas non habet nisi unam feminam: sicut pa- tet in omnibus avibus. quæ simul nutriunt pullos; non enim sufficeret unus mas au- xilium*

xilium præbere in educatione proli pluribus feminis. In animalibus autem, in quibus maribus nulla est sollicitudo de prole, indifferenter mas habet plures feminas, & femina habet plures mas: sicut in canibus, in gallinis, & huiusmodi. Cum autem masculo inter omnia animalia sit magis cura de prole in specie humana, manifestum est, quodd naturale est homini, quodd unus mas unam feminam habeat, & e converso.

Sextò, quia inter Virum, & uxorem debet esse vera, & liberalis amicitia; amicitia autem in quadam æqualitate consistit: si autem liceret viro habere plures uxores, non esset liberalis amicitia uxoris ad virum, sed quasi servilis; & hæc ratio (inquit D. Thom.) experimento comprobatur, quia apud viros habentes plures uxores, uxores quasi ancillæ habentur.

Denique quia, ut ait idem D. Thom. amicitia intensa non habetur ad multos, ut patet per Philosoph. Ethic. 8. si igitur uxor habet unum virum tantum, vir autem plures uxores, non erit æqualis amicitia ex utraque parte: non ergo erit amicitia liberalis, sed quodammodo servilis.

XXI. Sed Mahumetani se protegent exemplo Patriarcharum, quos constat habuisse multas uxores. Hanc difficultatem copiose, & eruditè tractat Cardinalis Bellarminus tom. 2. lib. 1. de Matrimon. cap. 11. Ex quo respondeo, sententiam esse Scholasticorum communem, Patriarchis antiquis licitum fuisse ex divina dispensatione, plures uxores simul habere. Et ut declarat Innocentius III. cap. *Gaudemus* de

divort. nulli unquam fuit licitum sine divina dispensatione plures simul uxores habere. Et ita Chrysostomus Homil. 56. in cap. 30. Genes. dicit, consuetudinem plurium uxorum habendum fuisse malam, & ideo à Christo abolitam; sed Patribus antiquis fuisse licitam, quia à Deo permissam.

Rationem autem, cur Deus cum Patriarchis antiquis dispensaverit, reddit optimam Alphonsus à Castro lib. 11. adversus Hæreses, verbo Nuptiæ. *Nam sicut pro varietate temporum statuta etiam humana variantur, ita Deus pro varietate temporum varias condidit leges, & varias etiam ejusdem legis fecit dispensationes. Ab initio enim mundi (ut Salvator noster ait) masculum, & feminam fecit eos Deus, & Matrimonium inter solos duos constituit, ut essent tantum duo, & non plures in carne una. Et si illi primi parentes in justitia perseverassent, semper in toto temporis successu Matrimonium inter duos tantum, prout à principio conditum erat, celebraretur. At cum postea hominum malitia ad eum decrevisset, ut fere omnes idolis servirent, & falsos Deos colerent, paucissimis in cultu Dei permanentibus, decrevit Deus, viros servos suos pluribus feminis per matrimonium copulare, ut cultores veri Dei multiplicarentur, & sic Angelorum ruina citius repararentur. Benignè igitur in hac dispensatione fecit Deus in bona voluntate sua cum humano genere, ut sic citò ex hominibus, tanquam ex viris lapideis, reedificaret muros caelestis Hierusalem, qui peccantibus Angelis nupti fuerant. Innocent. III. in illo cap. *Gaudemus* de divort. dicit, illos Sancti*

Pa-

Patriarchas plures accepisse uxores propter revelationem divinam de hoc illis factam.

At Christus Dominus, qui legem novam tanquam perfectissimus Legislator mundo dedit, & verbis, & exemplis homines abstraxit à carnalibus desideriis, à terrenis affectibus, & ab occupationibus circa sensibilia & caduca, eisque induxit ad spirituales affectus, ad actiones internas, & ad virtuosas occupationes; matrimonium reduxit ad eam puritatem, & rectitudinem, in qua à Deo institutum fuerat, nimirum ut unus vir unam dumtaxat possit habere uxorem, & omnem dispensationem circa uxorum pluralitatem omnino abstulit, quia uxorum pluralitas magnum impedimentum erat ad eam perfectionem, quam lex nova intendit. Constat enim, quoddammodo quoad carnalia magis sensualiter, ac ferventer afficitur, tanto plus à spirituali, atque divino amore, atque ab omni virtutum perfectione impeditur. Certum est autem, nihil ita animum virilem ab arce virtutum dejicere, nihil ita cor viri effeminare, nihil ita mentem humanam deprimit, & absorbere, inebriare, ac tandem insatuare; sicuti effrænis facit concubitus, frequensque mulierum amplexus. Merito ergo Christus illam pluralitatem uxorum penitus abstulit. Jam enim post ejus adventum cessavit ratio dispensandi; cum enim Sol iste divinus mundum universum illuminaverit, & errorum, & idololatriæ tenebras expulerit, verique Dei cultum per Apostolos suos in universas orbis partes invexerit, non erat conveniens,

ut cuiquam liceret, titulo propagandæ cultores veri Dei, plures simul uxores habere.

XXII. Sed dicent Mahumetani; Deum dispensasse cum Mahumeto, & cum omnibus sectatoribus suæ Religionis, ut plures possint habere uxores. Sed contrà, quia Mahumetus ipse in Alcorano Azorà, seu c. 12. ait: *Deum commississe Evangelium Christo Maria Filio, & Evangelium esse lumen, ac confirmationem, & castigamen veteris Testamenti, ac rectam viam timentibus Deum.* Et cap. 13. ait: *Deum tradidisse Christo Maria Filio animam mundam, ac benedictam, quæ cecum natum, atque leprosum curavit, & mortuos suscitavit; eumque edocuisse librum, & sapientiam, & Evangelium, & testamentum.* Ergo cum Christus in Evangelio penitus abstulerit pluralitatem uxorum, tanquam legislator supremus à Deo datus hominibus, consequens est, esse insigne mendacium, quod Deus cum Mahumeto, & ejus sectatoribus dispensaverit. Sed Mahumetus ipse, quia carnalissimus, & turpissimus fuit, talem legem suis dedit. Illa namque uxorum pluralitas fovet in viris concupiscentiæ ignem, libidinis vehementiam, sensualitatisque irrefrenationem: quanto enim concupiscentia carnis cum pluribus personis exercetur, tanto plus sævit, nec suis terminis coarctatur. Unde nulla hominum natio minus abstinet à vitiis contra naturam, immodè à commixtione cum brutis, quàm Mahumetani, quibus illa uxorum pluralitas, non remedium, sed incentivum est, atque adeo viri per illam uxorum

E c

plura-

pluralitatem efficiuntur libidinosi, atque brutales; Fæminis verò occasionem præbet, alienos viros appetendi, & in fœdissima peccata contra castitatem labendi; cum enim molles, ac fragiles sint, & suorum virorum exempla videant, qui tam frequenter Venere utuntur, & unus non sufficiat tot uxoribus satisfacere; necesse est, ut hoc sit eis occasio magna peccata committendi.

Contrà secundò; quia cum certum sit, Deum instituisse matrimonium inter duos duntaxat, & nunquam pluralitas uxorum fuerit licita, nisi ex dispensatione Dei, consequens est, ut lex Mahumeti, omnibus viris licentiam præbens plures uxores simul habendi, non sit dispensatio, sed abrogatio legis divinæ: nam dispensatio non conceditur, nisi in quibusdam casibus particularibus, & aliquibus dumtaxat personis. Ergo Deus, qui per seipsum legem tulit de monogamia, & in illa dispensavit cum Patriarchis, & paucis quibusdam hominibus, & postea per Christum omnem dispensationem abstulit, non poruit postea legem illam iustissimam, & aptissimam ad perfectionem assequendam, per Mahumetum penitus abrogare, condendo novam legem de polygamia.

Contrà tertio, quia ratio, propter quam Christus abstulit dispensationem in lege illa de monogamia, seu de matrimonio cum una dumtaxat muliere ab uno viro contrahendo, militavit non solum in illis sexcentis annis, quibus Christus Mahumetum antecessit, sed militat etiam nunc, & usque ad finem

mundi militabit, ut considerandi patebit. Ergo Christi institutio omnino reddit illicitam pluralitatem uxorum.

Quare Mahumetani solum verum matrimonium contrahunt cum prima uxore, reliquæ verò sunt concubinæ, & concubitus cum illis est adulterium, nec coram Deo excusationem habebunt, quia ignorantia, quâ laborant, vincibilis est. Hinc quando Mahumetanus, vel alius infidelis polygamus ad Baptismum venit, cogitur ab Ecclesia dimittere uxores omnes præter primam, quod argumento est, solam primam esse legitimam uxorem, reliquas verò esse illegitimas concubinas, jure divino omnes obligante prohibitas; si enim essent veræ, & legitimæ uxores, verumque matrimonium intercessisset inter virum illum & omnes illas mulieres, Ecclesia non obligaret infidelem illum conversum, dimittere reliquas uxores præter unam, quia lex Christi prohibet dirimi vera matrimonia, ac proinde, si illa essent vera matrimonia, non dirimerentur ab Ecclesia, sed solum præciperetur ejusmodi homini, ne deinceps alias uxores duceret, nisi prius obiissent omnes prius ductæ.

XXIII. Sed pro complemento hujus materiæ inquires, quo pacto Patriarchæ dicantur habuisse plures uxores, quandoquidem ex scriptura videtur constare, unam tantum uxorem legitimam habuisse, cæteras verò mulieres, quibus adhæserunt, concubinas eorum fuisse. Siquidem Gen. 25. dicitur. *Dedit Abraham cuncta, quæ possederat Isaac; filiis autem concubinarum largitus est munera.* Respondeo ex Bellarmino,

mino, veras & legitimas uxores aliquando vocari concubinas, & ipsas concubinas dici uxores. Nam Genes. 16. Agar dicitur uxor Abraham: & Gen. 21. Cethura dicitur etiam uxor: & paulò post tam ipsa, quàm Agar dicuntur concubinae. Et Judic. 19. uxor vera, & legitima, immò & unica cujusdam Levitæ, nunc uxor, nunc concubina nominatur.

Ait ergo Bellarminus, fuisse duo genera uxorum, tum apud Hebræos veteres, tum apud Gentiles: quasdam,

quæ ducebantur, non solum ad procreandos liberos, sed etiam ad societatem omnium bonorum, & totius domus gubernationem; atque harum tantum filios esse hæredes, & has tantum dici matresfamilias. Quasdam verò fuisse etiam legitiimas uxores, sed non admittas ad societatem bonorum, & domus gubernationem: & has nequaquam matresfamilias appellari solitas, neque earum filios hæredes institui, & indifferenter appellatas fuisse, tum uxores, tum concubinas.

CAPUT OCTAVUM.

Facilitas repudiandi uxores, quam Mahumeti lex concedit, clarè ostendit, eam non habere DEUM Authorem.

XXIV. **L**egem repudii introduxit Mahumerus ad occultandam iniquitatem, quæ Zeidinum servum suum, jam adoptatum in filium, propria uxore, quæ pulcherrima erat, expoliavit. Deum enim in Alcorano introducit sic loquentem in Azora, seu capitulo, quod Inscribitur *Elazez*. Quia Zeidinus rixatus est cum uxore sua, eamque repudiavit; Ego, qui sum Deus vester, eam tradidi in uxorem vestro Propheta, & mea voluntas est, ut quilibet vir in posterum repudiare possit uxorem suam sine peccato. Et ut testatur Carthusianus p. 478 tricesimo quinto Alcorani capitulo datur lex de uxorum repudio, ita ut liceat maritis suas repudiare uxores, & eas rursus recipere usque ad

tertiam vicem, sit ut quaternarium numerum non excedant in repudiando, & recipiendo.

Hanc autem legem hoc pacto in praxim deducunt. Primò, ut Mahumetanus possit licite uxorem repudiare, & matrimonium contrahendum dissolvere, debet solvere repudiatæ dotem, quam ei promisit, cum eam duxit. Secundò, qui semel uxorem repudiavit, potest iterum cum ea de novo matrimonium contrahere, & potest secundò, & tertio repudiare, & secundò, & tertio cum ea nubere; si tamen per tres vicissim repudiavit, non potest quarta vice cum eadem uxore repudiata nubere, nisi prius alius vir eam cognoverit.

E c 2

Unde

Unde antequam illam quarta vice recipiant, vocant hominem cæcum, vel aliam personam vilem, & illi pecuniam aliquam exhibent, ut cum ea congregiatur: hac autem præmissâ diligentia, eam in uxorem recipiunt. Ita refert Lupus de Obregon. Tertiò, licet apud ipsos vir possit repudiare mulierem, mulier tamen non potest repudiare virum: & hoc repudium debet fieri coram Alfaquino, seu Sacerdote. Et quamvis à repudiandis uxoribus sæpe abstineant ob timorem consanguineorum mulieris repudiatæ, non tamen ob timorem Dei, vel ad fugiendam culpam, quia hoc licitum sibi existimant. Tempore autem famis, vel cum annonæ caritas urget, Mahumetani faciliè uxores domo pellunt, & matrimonium dissolvunt, ut testantur Christiani, qui in Algerio commorati sunt.

Inprimis clarè cernitur, Mahumetum ad palliandam suam injustitiam, & carnalitatem finxisse in Alcorano, Zeidinum voluntariè repudiâsse uxorem suam; constat enim cap. 5. non voluntariè, sed coactè, ob violentiam sibi illatam à Mahumero, hoc fecisse. Secundò clarè cernitur, barbaram & injustam esse legem, quæ ad recipiendam uxorem jam per tres vices repudiatam exigit, tanquam conditionem, quòd illa cum alio viro priùs commisceatur.

XXV. Antequam verò argumentis probem, illam legem repudiandi uxores, & dissolvendi matrimonia esse iniquam, & contrariam juri divino, & naturali, suppono, inter Christianos repudia esse irrita, & esse verita-

tem Catholicam definitam in Tridentino session. 24. Can. 6. & 7. Sacramentum Matrimonii quoad vinculum esse indissolubile: siquidem ibi Concilium anathema dicit iis, qui sentiunt, Matrimonium quoad vinculum ulla de causa solvi posse.

Suppono secundò, certum esse inter Catholicos, conjugium infidelium solvi posse etiam quoad vinculum, si alter conjugum convertatur ad fidem, & alter nolit cohabitare sine injuria Creatoris. Id constat ex doctrina Pauli 1. Corinth. 7. *Si infidelis discedit, discedat, &c.* Et ex doctrina Ecclesiæ 18. quæst. 2. cap. *Si infidelis, & cap. Quanto, cap. Gaudemus* de divortiiis. Nec obstat illud Christi Matth. 19. *Quod Deus conjunxit, homo non separet.* Nam hoc matrimonium non dirimitur ab homine, sed à Deo, cujus interpretem habemus Apostolum Paulum. Nec etiam obstat illud, *Qui dimiserit uxorem, excepta fornicationis causâ, & aliam duxerit, machatur.* Nam ut docet Augustinus lib. de adulterinis coniugiis cap. 1. & 2. Christus loquitur de matrimonio inter fideles, quod quia est Sacramentum, est omnino indissolubile quoad vinculum, licet possint conjuges ob fornicationis causam separari quoad thorum, & cohabitationem. Paulus verò loquitur de matrimonio inter infideles, quod non est Sacramentum; cujus matrimonii vinculum dissolvendi potestatem fecit Deus conjugi, qui convertitur ad fidem, si alter converti nolit. Quamvis enim Paulus consulat conjugi converso, ut permaneat cum infideli, si

alter

alter cohabitare velit sine injuria Creatoris, id est, quin ad infidelitatem pertrahere tentet, quia spes affulget, quodd sancta sua conversatione infidelem convertet ad Christum; tamen ad hoc non obligat, quia consulit, non præcipit, ut probat cum Augustino Cardinalis Bellarminus tom. 2. lib. de Matrimonio cap. 12. §. *Sed neque*.

Neque demum obstat, quodd propter Hæresim non dissolvatur vinculum matrimonii: nam matrimonium contractum inter Hæreticos post Baptismum, verum Sacramentum est, ac proinde est indissolubile; unde si alter conjugum convertatur ab Hæresi, non propterea potest, qui convertitur, transire ad alias nuptias; sed cohabitare debet cum conjuge Hæretico, si iste velit cohabitare sine injuria Creatoris, & non sit periculum, ut conjux Catholicus pervertatur ab Hæretico: si autem adsit periculum, separari debent, nullus tamen vivente alio potest ad alias nuptias transire.

XXVI. His suppositis probo, illam legem Mahumeti esse iniquam. Primò, quia est contra Evangelium Domini nostri Jesu Christi, cui Mahumæus jubet credi, ut vidimus suprâ. Probatum assumptum; nam apud Marcum cap. 10. sic ait Christus: *Quicumque dimiserit uxorem suam, & aliam duxerit, adulterium committit super eam. Et si uxor dimiserit virum suum, & alius nupserit, machatur.* Et apud Lucam c. 16. sic inquit: *Omnis, qui dimittit uxorem suam, & alteram ducit, machatur, & qui dimissam à viro ducit, machatur.* Reddîtque ratio-

nem Christus, cur non liceat dimittere uxorem. *Quia qui fecit hominem ab initio, masculum & feminam creavit eos, & dixit; Propter hoc dimittet homo patrem, & matrem, & adheret uxori suæ, & erunt duo in carne una. Itaque jam non sunt duo, sed una caro. Quod ergo Deus conjunxit, homo non separet.* Matth. 19. & cum Pharisei replicassent: *Quid ergo Moyses mandavit dare libellum repudii, & dimittere?* Respondit Christus: *Quoniam Moyses ad duritiam cordis vestri permisit vobis dimittere uxores vestras, ab initio autem non fuit sic.* Quæ verba exponens Hieronymus inquit: *Nunquid potest Deus sibi esse contrarius, ut aliud antè jussisset, & sententiam suo novo frangat imperio? Non ita sentiendum est: sed Moyses, cum videret, propter desiderium secundarum conjugum, quæ vel ditiores, vel juniores, vel pulchriores essent, primas uxores interfici, aut malam vitam ducere, maluit indulgere discordiam, quàm odia, & homicidia perseverare.* Notâtque Chrysostomus hom. 33. operis imperfecti in Matth. Christum dixisse, quodd Moyses permisit, non quodd præceperit dimittere uxorem: *Quod enim precipimus, semper placet; quod autem permittimus, non placet; sed permittimus illud, quamvis sit malum, ad majora mala vitanda.* Bene itaque Moyses permisit illud, quod erat malum, nempe repudium, quia permisit malum repudii ad vitandum majus malum homicidii; si enim Moyses non permisisset Judæis, uxores dimittere ob causam adulterii commissi, illas occiderent, ut ad alias nuptias transirent.

XXVII. Notat autem Alphonsus à Castro lib. 11. columnâ mihi 744. tria in hoc negotio intervenire, quorum primum Deus prohibuit, secundum permisit, tertium præcepit. Prohibuit quidem, dimittere uxorem sine causa. Permisit, dimittere uxorem ex causa turpitudinis, si illa turpis fuisset, & contra maritum deliquisset. Præcepit, dare libellum repudii, si illam dimitteret, ut per illius libelli donationem averteret eos ab ejusmodi uxorum dimissione. Nam dato libello repudii, non poterat amplius ad illam uxorem redire, nec poterat uxori postea reconciliari, ut habetur Deuteronomii 24. In donatione libelli, quæ erat præcepta, non erat peccatum. In dimissione autem uxoris, quæ erat permessa, committebatur peccatum, quia solvebatur vinculum matrimonii, quod ex lege naturæ erat indissolubile. Hæc Castro; sique tenet communior sententia Theologorum cum Magistro in 4. dist. 33. cum D. Bonaventura, Ricardo, & Soto ibidem: nimirum repudium Judæis concessum illicitum semper fuisse, sed permissum tamē, ut impudē fieret ratione majoris mali evitandi, ac proinde conjugium contractum post repudium unius uxoris cum alia, non tam conjugium, quàm adulterium conjugii nomine rectum, fuisse.

Tamen Bellarminus lib. 1. de Matrimonio cap. 17. probabilissimum putat, post repudium uxoris, Judæis à Deo concessum, matrimonium de novo initum permissum fuisse à Deo ut licitum, & non tantum ut minus malum. Et pro ea sententia præter Scotum, Du-

randum, Paludanum, & Eckium, citat S. Thom. qui in 4. dist. 39. quæst. 2. art. 2. quæstiunculâ 2. eam appellat probabiliorem. Cæterum S. Doct. 4. contra G. cap. 23. in fine videtur sequi oppositam, ait enim, *Permissum fuisse minus malum ad excludendum majus malum.* Sed tamen Christus hanc concessionem Judæis factam apostolicè revocavit Matth. 5. *Qui dimissam duxerit, machatur,* & Matth. 19. *Ab initio non fuit sic. Et quod Deus conjunxit, homo non separet.* Et Marc. 10. *quicumque, &c.*

XXVIII. Quare repudium inter Mauros usitatum, illicitum & malum est, sive dicamus, licitum fuisse Judæis ex permissione divina, repudiare uxores, sive dicamus, nunquam fuisse licitum; sed solum permissum fuisse, ut fieret impudē, tanquam minus malum, necessarium ad vitanda majora mala, quæ committerent Judæi ob duritiem cordis sui, si lex non permitteret, dimittere uxorem adulteram, & transire ad nuptias cum alia. Nam si adhuc post permissionem erat in se illicitum illud repudium inter Judæos: ergo à fortiori erit illicitum inter Mahumetanos. Si autem post permissionem erat licitum, etiam sequitur, esse illicitum repudium Maurosorum. Nam apud Judæos solum erat permissum repudium ob fornicationis causam: & semper fuit illicitum inter ipsos, repudiare uxores pro voluntate sua, & ad nutum. Mauri autem repudiare ad nutum possunt uxores, quamvis servaverint integrè matrimonii fidem; nullaque alia causa requiritur in eorum lege ad repudium, quàm

quàm quoddam maritus velit; dummodo enim tribuat dotem promissam, ad nihil aliud obligat lex. Præterea apud Judæos, qui dimittebat uxorem, non poterat ampliùs cum illa contrahere matrimonium; quod Deus disposuit, ut Judæi rariùs dimitterent uxores. At inter Mauros potest quilibet post repudiata uxorem primâ, secundâ, & tertiâ vice, illam denuo recipere, novum cum illa contrahendo conjugium; & hæc conditio legis faciliat repudia, ac proinde est injustissima ejusmodi lex. Potissima autem ratio, cur repudium sit illicitum, est, quia matrimonium ex natura sua debet esse perpetuum, nisi Deus jubeat dimittere uxorem (ut jussit Abrahamo, ut enim inquit Belarminus lib. 1. de Matrim. cap. 7. *Abraham jubente Deo repudiavit Agar, quam duxerat in uxorem*) vel saltem permittat, dispensando cum marito, ut possit dimittere uxorem ob aliquam gravem causam, qualis est causa adulterii: & hoc modo secundùm sententiam S. Thomæ, Scoti, & Durandi, Deus permittit Judæis, dimittere uxores ob fornicationis causam, & ad alias nuptias transire; Christus autem omnem ejusmodi dispensationem abstulit, & reduxit matrimonium ad eam puritatem, quam ex se habuit ab initio. Unde post adventum Christi est semper illicitum, repudiare uxorem, ita ut dissolvatur matrimonium, solûque est licitum divortium ob causam fornicationis, vel aliam gravem: divortium autem non solvit vinculum matrimonii, nec reddit uxoratos habiles ad contrahendum cum aliis, sed solûm au-

fert obligationem cohabitandi cum consorte.

XXIX. Nunc probandum specialiter est, repudium illud usitatum apud Mahumetanos esse illicitum. Et imprimis quoddam illud sit contra rationem, suadetur à posteriori, quia etiam apud Ethnicos, ubi morum disciplina vigebat, nulla fiebant repudia. Scribit enim Tertullianus in Apologetico c. 6. Romæ per annos fere sexcentos ab urbe condita nullum scriptum fuisse repudium. Postea vero eversa disciplinâ, cum aliis vitiis etiam repudia introducta.

Secundò probatur ratione naturali. Nam ut observat D. Thomas 3. contra gentes cap. 12. licet in animalibus, in quibus sola fœmina sufficit ad prolis educationem, mas & fœmina post coitum nullo tempore commaneant, ut patet in canibus: *Tamen quæcumque animalia sunt, in quibus fœmina non sufficit ad prolis educationem, mas & fœmina simul post coitum commaneant, quousque necessarium est ad prolis educationem, & instructionem: sicut patet in quibusdam avibus, quarum pulli, non statim postquam nati sunt, possunt cibum sibi querere. Cum enim avis non nutriet lacte pullos (quod in promptu est, velut à natura paratum, sicut in quadrupedibus accidis) sed oporteat, quod cibum alienum pullis querat, & præter hoc in cibando eos foveat, non sufficeret ad hoc sola fœmella; unde ex Divina Providentia est naturaliter inditum mari in talibus animalibus, ut commaneat fœmella ad educationem sævus. Manifestum est autem, quod in specie humana*

XXVII. Notat autem Alphonsus à Castrolib. 11. columnâ mihi 744. tria in hoc negotio intervenire, quorum primum Deus prohibuit, secundum permisit, tertium præcepit. Prohibuit quidem, dimittere uxorem sine causa. Permisit, dimittere uxorem ex causa turpitudinis, si illa turpis fuisset, & contra maritum deliquisset. Præcepit, dare libellum repudii, si illam dimitteret, ut per illius libelli donationem averteret eos ab ejusmodi uxorum dimissione. Nam dato libello repudii, non poterat amplius ad illam uxorem redire, nec poterat uxori postea reconciliari, ut habetur Deuteronomii 24. In donatione libelli, quæ erat præcepta, non erat peccatum. In dimissione autem uxoris, quæ erat permessa, committebatur peccatum, quia solvebatur vinculum matrimonii, quod ex lege naturæ erat indissolubile. Hæc Castro; siquæ tenet communior sententia Theologorum cum Magistro in 4. dist. 33. cum D. Bonaventura, Ricardo, & Soto ibidem: nimirum repudium Judæis concessum illicitum semper fuisse, sed permissum tamē, ut impune fieret ratione majoris mali evitandi, ac proinde conjugium contractum post repudium unius uxoris cum alia, non tam conjugium, quàm adulterium conjugii nomine rectum, fuisse.

Tamen Bellarminus lib. 1. de Matrimonio cap. 17. probabilissimum putat, post repudium uxoris, Judæis à Deo concessum, matrimonium de novo initum permissum fuisse à Deo ut licitum, & non tantum ut minus malum. Et pro ea sententia præter Scotum, Du-

randum, Paludanum, & Eckium, citat S. Thom. qui in 4. dist. 33. quæst. 2. art. 2. quæstiunculâ 2. eam appellat probabiliorem. Cæterum S. Doct. 4. contra G. cap. 23. in fine videtur sequi oppositam, ait enim, *Permissum fuisse minus malum ad excludendum majus malum.* Sed tamen Christus hanc concessionem Judæis factam apertissime revocavit Matth. 5. *Qui dimissam duxerit, machatur,* & Matth. 19. *Ab initio non fuit sic. Et quod Deus conjunxit, homo non separet.* Et Marc. 10. *quicumque, &c.*

XXVIII. Quare repudium inter Mauros usitatum, illicitum & malum est, siue dicamus, licitum fuisse Judæis ex permissione divina, repudiare uxores, siue dicamus, nunquam fuisse licitum; sed solum permissum fuisse, ut fieret impune, tanquam minus malum, necessarium ad vitanda majora mala, quæ committerent Judæi ob duriciem cordis sui, si lex non permitteret, dimittere uxorem adulteram, & transire ad nuptias cum alia. Nam si adhuc post permissionem erat in se illicitum illud repudium inter Judæos: ergo à fortiori erit illicitum inter Mahumetanos. Si autem post permissionem erat licitum, etiam sequitur, esse illicitum repudium Maurosorum. Nam apud Judæos solum erat permissum repudium ob fornicationis causam: & semper fuit illicitum inter ipsos, repudiare uxores pro voluntate sua, & ad nutum. Mauri autem repudiare ad nutum possunt uxores, quamvis servaverint integrè matrimonii fidem; nullaque alia causa requiritur in eorum lege ad repudium, quàm

quàm quòd maritus velit; dummodo enim tribuat dotem promissam, ad nihil aliud obligat lex. Præterea apud Judæos, qui dimittebat uxorem, non poterat ampliùs cum illa contrahere matrimonium; quod Deus disposuit, ut Judæi rariùs dimitterent uxores. At inter Mauros potest quilibet post repudiatam uxorem primâ, secundâ, & tertiâ vice, illam denuo recipere, novum cum illa contrahendo conjugium; & hæc conditio legis faciliat repudia, ac proinde est injustissima ejusmodi lex. Potissima autem ratio, cur repudium sit illicitum, est, quia matrimonium ex natura sua debet esse perpetuum, nisi Deus jubeat dimittere uxorem (ut jussit Abrahamo, ut enim inquit Bellarminus lib. 1. de Matrim. cap. 7. *Abraham jubente Deo repudiavit Agar, quam duxerat in uxorem*) vel saltem permittat, dispensando cum marito, ut possit dimittere uxorem ob aliquam gravem causam, qualis est causa adulterii; & hoc modo secundùm sententiam S. Thomæ, Scoti, & Durandi, Deus permisit Judæis, dimittere uxores ob fornicationis causam, & ad alias nuptias transire; Christum autem omnem ejusmodi dispensationem abstulit, & reduxit matrimonium ad eam puritatem, quam ex se habuit ab initio. Unde post adventum Christi est semper illicitum, repudiare uxorem, ita ut dissolvatur matrimonium, solùmque est licitum divortium ob causam fornicationis, vel aliam gravem: divortium autem non solvit vinculum matrimonii, nec reddit uxoratos habiles ad contrahendum cum aliis, sed solùm au-

fert obligationem cohabitandi cum consorte.

XXIX. Nunc probandum specialiter est, repudium illud usitatum apud Mahumetanos esse illicitum. Et imprimis quòd illud sit contra rationem, suadetur à posteriori, quia etiam apud Ethnicos, ubi morum disciplina vigebat, nulla fiebant repudia. Scribit enim Tertullianus in Apologetico c. 6. Romæ per annos fere sexcentos ab urbe condita nullum scriptum fuisse repudium. Postea vero eversa disciplinâ, cum aliis vitiis etiam repudia introducta.

Secundò probatur ratione naturali. Nam ut observat D. Thomas 3. contra gentes cap. 121. licet in animalibus, in quibus sola fœmina sufficit ad proles educationem, mas & fœmina post coitum nullo tempore commaneant, ut patet in canibus: *Tamen quæcumque animalia sunt, in quibus fœmina non sufficit ad proles educationem, mas & fœmina simul post coitum commaneant, quousque necessarium est ad proles educationem, & instructionem: sicut patet in quibusdam avibus, quarum pulli, non statim postquam nati sunt, possunt cibum sibi querere. Cum enim avis non nutriet lacte pullos (quod in promptu est, velut à natura paratum, sicut in quadrupedibus accidit) sed oporteat, quòd cibum alienum pullis querat, & præter hoc in cibando eos foveat, non sufficeret ad hoc sola fœmella; unde ex Divina Providentia est naturaliter inditum mari in talibus animalibus, ut commaneat fœmella ad educationem sævis. Manifestum est autem, quòd in specie humana*

humanâ famina minimè sufficeret sola ad proles educationem, cum necessitas humana vita multa requirat, quæ per unum parari non possunt. Est igitur conveniens secundum naturam humanam, ut homo post coitum mulieri commaneat. Et hac ratione probat ibi S. Doctor, simplicem fornicationem esse peccatum, & matrimonium esse naturale. Quia si indifferenter posset quis ad quamcumque accedere, & statim abscedere, ut faciunt fornicantes, id esset contra educationem proles. Ex hoc autem naturali principio postea cap. 123. probat, matrimonium debere esse indissolubile; quia si sollicitudo patris de filio causat etiam in avibus commanentiam maris & feminae, ordo naturalis requirit, quod in specie humanâ societas, & commoratio maris & feminae, quam matrimonium appellamus, non tantum sit diuturna, sed etiam quod sit per totam vitam. Nam possessiones ad conservationem vitæ ordinantur; & quia naturalis vita, quæ conservari non potest in patre perpetuò, quasi quadam successione secundum speciei similitudinem conservatur in filio secundum naturam, est conveniens, ut in iis, quæ sunt patris, succedat & filius; naturale est igitur, ut sollicitudo patris ad filium maneat usque ad finem vitæ suæ.

Secundò probatur, quia, ut docet idem D. Thomas, necesse est, ut cætera omnia in homine ordinentur ad id, quod est optimum; quare conjunctio maris, & feminae in specie humana non solum sic est ordinata legibus, secundum quod ad prolem generandam pertinet,

ut est in animalibus: Sed etiam secundum quod convenit ad bonos mores, quos ratio recta disponit; vel quantum ad hominem secundum se, vel quantum homo est pars domestica familiae, aut civilis societatis. Ad hos autem bonos mores pertinet individua conjunctio maris, & famina: sic enim fidelior amor unius ad alterum erit, dum cognoscunt, se indivisibiliter conjunctos; erit etiam utriusque sollicitior cura in rebus domesticis, dum se perpetuò commansuros in carundem rerum possessione æstimant. Subtrahuntur etiam ex hoc discordiarum origines, quas oporteret accidere, si vir uxorem dimitteret, inter eum, & propinquos uxoris. Et fit firmior inter affines dilectio: tolluntur etiam adulteriorum occasiones, quæ darentur, si vir uxorem dimittere posset, aut è converso: per hoc enim daretur via facilior sollicitandi matrimonia aliena.

Quare lex Mahumeti tantam facilitatem dimittendi uxores concedens, est turpissima, & innumerabilium peccatorum incitamentum, & occasio. Cum enim juvenes sint ad opera carnis proclives, si quis videat puellam pulchram, & sibi placentem, finget, se velle cum ea conjugium fixum contrahere, ut sic ejus amplexibus fruatur, quamvis habeat animum eam repudiandi, postquam eam defloraverit, & in flore juventutis eâ usus sit. Unde si repudium licitum sit, conjugium nihil aliud erit, quam quædam feminarum delibatio, & probatio: cum enim connaturale sit, ut feminae fastidium afferant viris, postquam illis aliquo tempore usi sunt, & illæ pulchritudinem amiserunt; hinc da-

bitur

bitur occasio viris, ut alias fœminas adolefcences, & pulchriores quærant, si licet abjicere eas. Estque lex illa contra rationem naturalem, quæ non patitur, ut fœmina, quæ annos juventutis consumpsit inserviando marito, & filios ei pariendo, & educando, postea si absque culpa sua deformis fiat, aut in morbum incidat, à viro deferatur, & dimittatur.

XXX. Probatur tertio, quia si ob aliquam causam esset licitum, uxorem dimittere, præcipue foret ob fornicationem, & adulterium, & in favorem innocentis, ne scilicet consors innocens cogeretur matrimonium continuare cum adultero. At hoc est falsum. Ergo nunquam est licitum, matrimonium dissolvere. Probatur minor. Quia si liceret parti innocenti in causa fornicationis, non solum divortium à parte nocenti, sed aliud matrimonium inire; vel id quoque liceret nocenti, vel non? Neutrū autem potest dici. Non primum, quia sic adulter commodum ex peccato suo reportaret; unde sæpe viri dedita operâ adulterium committerent, ut possent ab uxore sibi fastidiosa liberari, & aliam sibi gratam ducere. Non secundum: Quia si pars innocens ad alias nuptias transire potest, hoc ipso dissolvitur prius matrimonium; ac proinde pars nocens manet soluta à vinculo matrimonii; ergo poterit etiam matrimonium inire novum.

Quarto, quia, ut argumetur Belarminus, si esset licitum ejusmodi conjugium vivente altero conjugē, apertiretur aditus infinitis repudiis etiam in-

justis. Ubi enim conjuges sciunt, debere se aut cœlibes vivere, aut priori conjugī reconciliari, non facillè ad divortium adducuntur; at si scirent, mox repudiata uxore posse aliam duci, facillimè divortia fierent, & quærerent occasiones aliquando dissidiorum, & cristinum.

Quinto, quia hæc repudiorum licentia in magnum vergit filiorum detrimentum. Velenim filij cum patre manent, vel matrem dimissam sequuntur? Si primum, pro matre novercam coguntur accipere, à qua alieni indignè tractantur, & proprij totum ad se rapiunt matris affectum. Si secundum, aut educatione, & auxilio proprij patris carent, aut pro patre vitricum reperiunt.

Sexto, quia, ut arguit S. Thomas, *Naturalis quadam sollicitudo inest hominibus de certitudine prolis; quod propter hoc necessarium est. quia filius diuturna patris gubernatione indiget. quæcumque igitur certitudinem prolis impediunt. sunt contra naturalem instinctum humanæ speciei.* Si autem vir posset mulierem dimittere, vel mulier virum, & alteri copulari, impediretur certitudo prolis, dum mulier à primo cognita, postmodum à secundo cognosceretur. Est igitur contra naturalem instinctum speciei humanæ, quod mulier à viro separetur. Ergo non solum diuturna, sed individua debet esse in humana specie maris, & fœminæ conjunctio.

Septimo, quia, ut inquit idem Sanctus Doctor, *amicitia, quantum major est, tanto debet esse firmitior, & diuturnior: inter virum autem & uxorem in maxima amicitia esse videtur; adunantur enim*

ff non

non solum in actu carnalis copulæ, quæ etiam inter bestias quandam suavem amicitiam facit, sed ad totius domesticæ conversationis consortium; unde in signum hujus homo propter uxorem patrem, & matrem dimittit, ut dicitur Genes. 2. & ut inquit Christus Matth. 19. v. 6. *Iam non sunt duo, sed una caro.* Ergo conjugium debet esse perpetuum, & sola morte alterius potest dissolvi. Vir enim, & uxor inter se legitimo matrimonio conjuncti debent esse, sicut anima, & corpus; quia, ut supra vidimus ex Maldonato, verba Christi significant, virum & uxorem non esse duos homi-

nes, sed unum, virque se habet ut anima, & uxor ut corpus. Ergo sicut vinculum inter animam & corpus tam arctum est, ut sola morte dissolvatur; ita vinculum matrimonij tantum, talèque debet esse, ut sola morte viri vel uxoris dissolvatur.

Ex dictis constat, legem Mahumeti, quæ tam amplam repudiis januam aperuit, esse contra jus divinum, contra jus naturale, contra jus politicum, contra bonos mores, & innumerabilem peccatorum radicem; inventamque fuisse à Mahumeto ad palliandam effrænem libidinem,

CAPUT NONUM.

Demonstratur, nullam ex proprietatibus Legis Domini, assignatis à Davide, convenire legi Mahumetanae.

XXXI. **P**ROPHETA Regius Ps. 18. v. 8. legem divinam describens, ejusque proprietates ob oculos ponens, inquit: *Lex Domini immaculata, convertens animas, testimonium Domini fidele sapientiam præstans parvulis.* Dicitur *immaculata*; id est, sine ulla macula, & scditate, non solum quia nihil injustum, & malum præcipit, sed quia nullum peccatum permittit, ut permittunt leges humanæ: & ut explicat Bellarminus, dicitur *convertens animas*, quia nimirum illas convertit ad se amandam, easque rapit consequenter ad Deum, tam pulchræ legis Authorem. Eadem lex Domini dicitur *testimonium*, ut exponit Bellarminus, quia testificatur

hominibus, quæ sit voluntas Dei, quid à nobis requirat Dominus, quas pœnas prævaricantibus, & quæ præmia observantibus præparaverit. Ait igitur *testimonium Domini fidele*, tum quia lex Domini nihil falsum docet, tum quia certissime bonos præmiis, & malos suppliciis afficiet. *Sapientiam præstans parvulis*, id est, hominibus parvulis sensu dat lumē prudentiæ, ut fiant bona opera facere, & peccata vitare: Parvulos enim, inquit Bellarminus, vocat in hoc loco Propheta homines, qui non pollent judicio spirituali, quales sunt omnes amici hujus sæculi: & per sapientiam intelligit prudentiam spirituales, quæ corrigit mores, & format ad præscriptum divinæ legis. Dilucidè,

dè, & breviter explicat hæc verba Psalmi S. Thomas 1. 2. q. 91. art. 4. corp. *Lex Domini immaculata, id est, nullam peccati turpitudinem permittens: convertens animas, quia non solum exteriores actus, sed*

etiam interiores dirigit: testimonium Domini fidele, propter certitudinem veritatis, & rectitudinis: sapientiam præstans parvulis, in quantum ordinat homines ad supernaturalem finem, & divinum.

CAPUT DECIMUM.

Ostenditur, legem Mahumetanam non esse immaculatam, quia multa injusta præcipit, & multa turpissima, ut licita permittit.

XXXII. PRIMIS assumptum probatur, quia lex Mahumetana Polygamiam, & repudium, ut licita permittit; cum tamen sint jure divino, & naturali prohibita: ut vidimus capite præcedenti.

Secundò, quia reddit licitam simplicem fornicationem, contra id quod Deus præcipit Deuter 23. *Non erit meretrix de filiabus Israël, nec fornicator de filiis Israël.* Et contra id quod Christus Matth. 15. v. 19. declarat: *Ubi inter opera coinquantia animam post adulteria ponit fornicationes: De corde exennt cogitationes male, homicidia, adulteria, fornicationes, & hæc sunt, quæ coinquant hominem.* Et contra id, quod Apostolus docet ad Galatas 5. v. 19. *manifesta sunt autem opera carnis: quæ sunt fornicatio, immunditia.* Et 1. Corinth. 6. *neque fornicarij, neque adulteri, neque molles, &c. Regnum Dei possidebunt.* Circa quod videndus est S. Thomas 3. contra gentes cap. 122. & 2. 2. q. 154. art. 2. ubi probat rationibus, simplicem fornicationem esse illicitam. Idque Philoso-

phi ipsi Gentiles cognovère. Et ideo volens Demosthenes cognoscere Laydem meretricem pulcherrimam, cum illa pretium ingens turpitudinis priùs petivisset, respondit: *Ego tanti panitere non emo.* Ipsaque naturalis verecundia, quæ homines docet quærere latibula ad vacandum Veneri, probat, simplicem fornicationem esse peccatum. Quòd Mahumetus licitam faciat simplicem fornicationem, patet; quia lib. 4. Alcorani c. 9. & secundum aliam editionem, in qua totum volumen Alcorani ponitur sine distinctione librorum, capite 32. inquit: *Castitatem observate, nisi cum propriis uxoribus, aut sibi subiectis, & ancillis: inde enim nulla fiet querimonia.* Unde cum ancillis vel pretio emptis, vel bello captis licitum esse coire docet.

Rursus in capite, seu Azora, quæ intitulatur Elmir, seu Lux, inquit: *Nulli mulieri vim inferassis; ceterùm si illa voluntariè consenserit, sine metu, & timore peccati potestis cum illa dormire.* Et in

capite *Almetarem*, quod idem sonat ac excommunicatio, inquit: *Deus omnipotens, & misericors concedit omnibus vobis, qui erga Mahumetum devoti testis, & ejus legem observatis, quòd possitis communicationem carnalem cum vestris ancillis, ac cum vestris uxoribus habere.* Quam legem Mahumetus publicavit, quando ab uxoribus suis deprehensus est adulterium committens cum ancilla Judæa, quam illi præsentaverat Rex Jacobitarum, ut suprà narravimus. Et hinc constat, Mahumetum non solum facere licitum coitum inter solutum, & solutam, sed inter uxoratum, & solutam, imò, & uxoratum, dummodo sit ancilla bello capta, vel pretio empta: ac proinde non solum facere licitam simplicem fornicationem, sed adulterium.

Mahumetani verò legem illam, concedentem sibi facultatem cognoscendi solutas, ita intelligunt, ut non solum sit necessarium, quòd illæ non resistent, & libentes consentiant, sed quòd eis exhibeatur aliquod turpitudinis pretium. Unde priusquam commisceantur, dicit mulier, *batyl, batyl*, id est, da pretium, ut sine peccato possis me cognoscere.

Tertiò, Mahumetus licitam facit Venereum præposteram cum propriis uxoribus, & ancillis. Nam in capite *Almetarem* nuper citato dicit: *Communicatione carnalem cum ancillis vestris licitè habere potestis sicut cum uxoribus, & utrisque potestis uti, prout libuerit, quia vestra sunt, pradium vestrum sunt: unusquisque autem suum pradium suamve terram, ut libuerit, arare, & seminare potest.* Idque præter alios testatur etiam S. Petrus Pa-

schasius pag. & num. 36. ubi ait: *legitur in libris Maurorum, quòd aliqui illorum Mahumetum interrogarunt: si licitum illis esset, & concessum, relicta concipiendi naturâ, uti suis mulieribus ad nutum voluntatis ipsorum.* Et respondit Mahumetus: *Vestra mulieres sunt, seminate, ubicumque vobis placuerit.* Vnde ipsemet Mahumetus in diebus menstrualibus utebatur illis vase præpostero. Vide quæ narravimus suprà pag. 403.

Quartò, Mahumetus licitam facit pollutionem. Ut enim refert S. Petrus Paschasius pag. 37. num. 40. quidam suorum sectatorum didicissent, maximum videri peccatum, quòd vir semen effundat extra vas connaturale uxoris, quia impeditur generatio; respondit Mahumetus: *Non ex tota aqua, vel semine eget, vel generabitur filius, & quando Deo aliquid creare placuerit, nullus est, qui possit illum impedire.* Et alio loco dixit: *Non dubitetis spargere, vel effundere vestrum semen, quomodo volueritis; nam nulla anima potest ab esse suo impediri, & privari, si talis anima esse habere debeat.*

Quintò, licitam facit Sodomiam viri cum viro, contra illud Levit. 18. *Cum masculo non commiscearis coitu famineo, quia abominatio est.* Et contra illud Pauli: *neque molles, neque masculorum concubitores Regnum Dei possidebunt.* Et contra ipsum lumen rationis. Assumptum probatur: nam in Alcorano in capite, cujus titulus est, *de Vacca*, sic inquit: *Sarraceni carnaliter non maculantur cum infidelibus, donec credant.* Hinc inferunt Mahumetani, quòd, quamvis licitum non sit, carnaliter commisceri pueris

ris alienæ Religionis, licitum tamen sit cum pueris Mahumetanis. Unde ortum duxit infernalis illa consuetudo, quod Turcarum Imperator non solum in suo Palatio habeat ducentas, vel trecentas uxores, & concubinas ad explendam suam libidinem; sed alia in domo asserventur ducenti, vel trecenti pueri formosi, quibus nefandè abutitur barbarus ille Mahumeti discipulus, & in Imperio successor. Idemque proportionè servata faciunt Magnates, & Proceres regni; ut suprà cap. 7. diximus de uxoribus. Et in celebrioribus urbibus Monarchiæ Turcicæ extant Domus publicæ, in quibus pueri ejusmodi cinædi prostituuntur, ut nefandi prædicores præposterâ utantur Venere: ut testatur Thomas Bozius de signis Ecclesiæ, signo 56. fol. 544.

Sextò, Mahumetani, ut testatur ibidem Bozius, licitum putant, carnaliter coire cum bestiis, dummodo sint sub proprio dominio. Quia enim Ubequar Mahumeti focer, & secundus post ipsum Sartacenorum Alcalifa legem statuit, vel editum promulgavit, in quo dicebatur: *Quemlibet Sarracenum posse licitè uti rebus, quæ sunt sub ejus dominio; & potestatem, eo modo, quo ipsæ maluerit: ut hinc Mahumetani intulerunt, licitum esse Mahumetanis, communicationem carnalem habere, non solum cum ancillis, sed etiam servis, & mancipiis, non solum quando sunt ejusdem Religionis, sed quamvis sint diversæ Professionis, & etiam licitum esse coire cum bestiis, quia ratio legis est universalis, & ut ipsi existimant, extenditur ad usum in ordine ad Venerem etiam nefandam, & be-*

stialem: quod natura ipsa abhorreret, & severissimè à Deo prohibetur Levit. 18. *Cum omni pecore non coibis, nec maculaberis cum illo.*

Et quamvis Mahumetus expressè non permisisset, tanquam licitum, coitum nefandum viri cum viro: tamen certum est, non præcepisse, ut hoc scelus graviter puniretur. Ut enim testatur S. Petrus Paschasius pag. 37. num. 38. loquens Mahumetus de peccato sodomiz, ait: *Si vir cum alio viro in sodomia peccato convenerit, in talique culpa inventus, comprehensusque fuerit, statim reprehendantur, & corrigantur; & si doluerint, & penituerint, non ideo puniantur, nam Deus pius, & misericors est, & penitentia acceptator.* Hinc meritò infert Sanctus Martyr, propterea Mahumetum non imposuisse pœnam acerbissimam mortis pro tam horrendo crimine, quod Deus tantopere execratur, ut illud punierit igne de celo emisso in Sodomitas; & in Levitico cap. 18. v. 29. dixerit: *Perituram de populo suo omnem animam, quæ fecerit abominationem ejusmodi: quia videlicet Mahumetus ab illo scelerè putus non erat.* Quod comprobatur ex testimonio, quod contra ipsum dederunt Axa, & Maymóna uxores ejus, ut vidimus suprà cap. 7. testaturque, hoc crimen valde dominari in Mauris, & posse absdubio præsumi, quod Sarraceni illud à Mahumeto acceperunt, & ad exemplum ejus deinceps operati sunt.

XXXIII. Hinc deducitur, non esse Dei legem eam, quæ tantam abominationem impunitam relinquit. Cum enim sodomia sit horrendum crimen,

Ff 3 quod

quod Deus vehementer execratur; impunitatem illi indulgere, est ansam præbere, ut frequenter committatur, ut cerimus inter Mahumetanos: evinciturque, zelum Dei non habere Rempublicam illam, seu Professionem, in qua severè solum puniuntur furta, & alia peccata, quæ immediatè sunt contra proximum; impunita verò relinquuntur alia graviora peccata, quæ naturam humanam magis maculant, & gravius Deum offendunt. Idque contingit in secta Mahumetana. Quare colligitur, illam non esse sanctam: è contra verò Religionem Christianam, quæ flammis hanc maculam expiat, esse sanctam, & immaculatam, & Deum habere Authorem.

Rem comprobemus exemplo, quod in hunc scopum adducit P. Franciscus Arias nostræ Societatis tom. 1. de Imitatione Christi, tract. 6. cap. 3. quem edidit anno Christi 1598. In Urbe Valentiz, ubi Sanctæ Inquisitionis Tribunal peccatum nefandum severissimè punit: Sacerdos de hoc crimine convictus publicè degradatus est in spectaculo Fidei, quod ibi habitum est; ad illud educus est Apostata Mahumetanus, qui cum esset Mauri neophyti filius, Baptismum in infantia susceperat, postea verò pertinaciter Mahumetanz sectæ adhæsit; & quia illam abjurare noluit, sententia capitis in eum lata est. Comitabatur hunc perfidum Mahumetanus ad supplicium Religiosus è Societate Jesu, & in carcere, & per viam, & in loco ad publicè legendam sententiam delinquentibus destinato, multum laboravit, ut ad Religionem Christianam cum

pertraheret. Sed incassum: quia rursus obturaverat, & obstinatissimè decreverat, in Religione suorum majorum vitam finire. Sed quod Pater persuadere non potuit, persuasit solemnitas illa Sacerdotis degradatio, quæ in tabulato coram omni populo facta est. Attonito similis perfidus Mahumetanus Episcopum degradantem, & Sacerdotem degradatum attentè inspiciebat; & interrogavit à Patre Societatis, qui ei adstabat, quid hoc rei esset? aut cur ille Sacerdos ita puniretur? Responsum est, illum commississe peccatum nefandum, & propter hoc peccatum execrabile flammis comburendum; prius tamen denudari ornamentis, & insignibus Sacerdotalibus, ut Judici seculari puniendus traderetur. Tunc enim vero Maurus mirari cœpit, tam severè puniri inter Christianos delictum, quod inter Mahumetanos passim impunè committitur: & Deo tangente cor illius cognovit, non posse non esse sanctam, & veram legem Christianam, quæ tam severè punit ejusmodi delicta: econtra verò fallam, & impuram sectam Mahumetanam, quæ tam nefanda scelera impunita relinquit, & solum animadvertit in peccata, quæ utilitati hominum nocent; ad hoc enim proprium commodum movet; punire verò horrenda crimina, quæ nihil nocementi temporalis afferunt, solum quia sunt contra Deum, & naturam rationalem dedecent, non nisi verus Dei zelus efficit. Sic illuminatus vocat Patrem, & palam proficitur, se velle mori Christianum, & sectam Mahumetanam abjurat, & execratur: interrogat Pater hu-

ius subitæ mutationis causam; ille id, quod narratum est, exponit. Quia Baptizatus jam fuerat, necesse non fuit illum Baptizare; sed generalem confessionem totius vitæ instituit, & peccata omnia cum dolore, & compunctione exposuit; & accepta Sacramentali absolutione, sæpe repetita fidei Christianæ professione, & deplorata præterita cæcitate, & elicitis ferventibus actibus contritionis, fidei, spei, charitatis, & resignationis, paulò post ultimo supplicio affectus est.

XXXIV. Septimò, ut testatur S. Petrus Pachasius pag. 37. num. 39. à Mahumeto suis Sæcutoribus concessa facultas, & licentia est: *Quòd si duo homines habeant unam tantum ancillam, non solum unicuique debet in domesticis ancilla servire, sed etiam in lecto, & coitu, quem mulier cum viro habere solet: & sic concessis illis, quòd multi unam tantum mulierem habere possint.* Hoc autem est contra prima juris naturalis principia: etsi enim aliquando Deus dispensaverit, ut unus vir plures uxores habeat; nunquam tamen dispensavit, ut una uxor plures viros habere possit: imò neque dispensare potest, ut probat Cardinalis Bellarminus lib. 1. de Matrimonio capite XI, in secunda propositione, quia polygamia unius fœminæ cum multis viris pertinet ad prima principia juris naturæ, neque per ullam mutationem circumstantiarum potest fieri bona, quia repugnat omnibus finibus matrimonij. Quatuor enim possunt distinguui fines matrimonij. Primus, & primarius est susceptio, & educatio prolis. Huic autem fini opponitur pluralitas

maritorum respectu ejusdem uxoris; cum enim semel tantum in anno possit mulier parere, ab uno viro sufficienter fœtatur: si autem pluribus commisceatur, potius impeditur, quàm juvatur generatio; & ideo meretrices infœcundæ esse solent. Deinde, quia, ut inquit D. Thomas lib. 3. contra gentes cap. 23. num. 3. *Naturalis quædam sollicitudo inest hominibus de certitudine prolis, quod propter hoc necessarium est, quia filius diuturna patris gubernatione indiget: quæcumque igitur certitudinem prolis impediunt, sunt contra naturalem inclinationem humane speciei.* Hæc autem certitudo prolis impeditur per pluralitatem virorum respectu ejusdem fœminæ. Nemo enim illorum certus esse posset, an proles esset sua. Ergo illa pluralitas virorum respectu ejusdem fœminæ est contra prima juris naturalis principia.

Secundus finis Matrimonij est, domestica societas, & communicatio operum, quæ ad vitam necessaria sunt; ut enim docet Aristoteles lib. 8. Ethic. cap. 12. vir & uxor non conjunguntur solum ad procreandum, ut animalia cætera, sed ut simul familiam regant, & domestica officia inter se partiantur. Contra hunc finem autem est, quòd una fœmina plures viros habeat; essent enim plura capita respectu ejusdem corporis: unde sicut non potest idem servus duobus dominis rectè servire; ita neque eadem fœmina duobus maritis subjæta esse.

Tertius finis est, ut sit conjugium in remedium concupiscentiæ: conjugium verò unius fœminæ cum multis viris

non solum remedium non adhiberet contra concupiscentiam, sed etiam iras, rixas, & discordias implacabiles exciteret inter rivales; quas scemina compescere non posset, cum ei competat subijci, & obedire, non praeesse, & dominari.

Quartus finis Matrimonij est, ut sit Sacramentum Christi, & Ecclesiae. Huic autem fini maxime opponitur pluralitas virorum respectu ejusdem sceminæ. Unus enim est Deus, cui Ecclesia jungitur, non multi: nec potest Ecclesia, sive anima quævis multis Dijs conjungi, nisi fornicando.

Quare, ut observat D. Augustinus lib. 3. de Doctrina Christiana cap. 12. & lib. de bono conjugali cap. 17. licet inveniantur quidam sancti viri, qui plures uxores habuerint; nulla unquam extitit sancta scemina, quæ multos simul viros habuerit.

XXXV. Octavo, Mahumetus, ut testatur S. Petrus Paschasius pag. 21. num. 18. asserit, licitum esse exterius profiteri fidem falsam, & veram negare; sic enim ait in Alcorano: *Qui Deum eoactus, & compulsus negaverit, si corde non negaverit, quamvis ore neget, illi non imputabitur ad culpam; si autem corde simul, & ore negaverit, Dei ira venit super eum.* Sed hic est error manifestus, ut docent omnes Christiani Theologi cum S. Thoma 2. 2. quæst. 3. art. 2. aliquando enim datur obligatio gravis, proficendi externè fidem veram, quam quis in corde habet; potiùsque subeunda est mors, quàm negandus Deus. Ut enim inquit Christus Matth. 10. *Qui negaverit me coram hominibus, negabo*

eum coram Patre meo, qui in caelis est. Unde Martyres elegerunt potiùs crudelissimam mortem, quàm externè negare Christum, & idola venerari.

XXXVI. Nondò docet, licitum esse juramentum falsum, & vanum; & solum prohibet falsitatem juramenti promissorij. Ut enim testatur S. Petrus Paschasius pag. 34. num. 33. Sic Mahumetus suis sectatoribus dixit: *Vos non arguet Deus de vestris juramentis vanis, & mendacibus: sed arguet vos de juramentis promissorijs, & de peccatis inter vos cum juramento factis.* Hæc doctrina est error manifestus: quia adducere Deum in testem mendacij, est peccatum gravissimum. Et ideo Deus Levit. 19. v. 12. *Non perjurabis in nomine meo, nec pollues nomen Dei tui.* Et Exodi 20. v. 7. *Non assumes nomen Dei tui in vanum: neque enim habebit insonitum Dominus eum qui assumpsit nomen Dei sui frustra.* Quæ verba ex diametro opponuntur verbis Mahumeti. Et Christus Matth. 5. v. 34. *Ego autem dico vobis, non jurare omnino, &c. sit autem sermo vester, est, est, non, non; quod autem his abundantius est, à malo est.* Et Prophetæ Hieremias cap. 4. ponit tres condiciones juramenti, ut sit licitum; in veritate, iudicio, & iustitiâ.

XXXVII. Decimò docet, vindictam esse licitam, tantùmque abesse, ut illicitum sit, inimicos odò habere, ut potiùs, qui inimicum occiderit, ob hoc ipsum paradysum mereatur. Et lib. 1. Alcorani cap. 2. hæc habet: *Eis, qui vobis injurias, & molestias intulerint, alias equales, & majores inferre.* Ut testatur Lupus de Obregon in suo libro con-

contra Alcoranum, *Qui est error contra doctrinam Dei*, Deuteron. 32. v. 35. quam expendit Paulus Rom. 12. v. 20. *Mibi vindicta, & ego retribuam, dicit Dominus*. Contra doctrinam Christi Matth. 5. v. 39. & 44. *Diligite inimicos vestros, &c.* Et contra illud Spiritus Sancti, Ecclesiastici 28. *Qui vindicari vult, à Deo inveniet vindictam*. Conferat Christi minister tenebras cum luce, spiritum Mahumeti cum Spiritu Christi, ut cognoscant Mahumetani, virum illum non Dei, sed diaboli spiritum habuisse.

XXXVIII. Undecimò docet, licitum esse, alienas occupare terras, & ditioni sui Imperij quascumque subjugare Provincias, & prædari sine alio titulo, quam prædandi, seu prædari, ut præderis, debellare, ut debelles. Sic enim ait in Alcorano Azorà 34. & Azorà 71. *O bona gens, ego vobis ostendam optimum commercij genus, quod vos liberet à maximo malo. Ut nimirum credatis, non esse nisi unum Deum, & Mahumetum esse ejus Prophetam; & hoc pacto procedatis in nomine Dei ad diripiendum, ad prædandum & debellandum; in hoc opere vires & divitias infumite, hinc vitas ipsas impendite, notum enim vobis facio, si sapitis & vobis providere vultis, nihil vobis posse utilius contingere, quam prædari, regna debellare, urbes expugnare: in præmium enim hujus facinoris, vobis Deus vestra peccata remittet, & in paradiso vobis retribuet habitationes amœnissimas, & omnibus affluentes delitiis; & insuper vobis concedet, quod magna cum voluptate vindictam sumatis de hostibus vestris, & Imperium orbis adquisitis. Hanc*

doctrinam ita amplexantur Mahumetani, ut licitum sibi putent, quascumque Provincias aggredi, quascumque urbes diripere, & Christianorum regna invadere, & quotquot possunt, Christianos in captivitatem redigere.

XXXIX. Duodecimò docet, licitas esse superstitiones, & divinationes, licita auguria, & veneficia. Ut enim inquit S. Petrus Paschasius pag. 28. n. 23. *Mauro rum legite libros, in quibus reperietis, Mahumetum uti superstitionibus, & exorcismis vanis, & futilibus, sicuti vetulis contingere solet, oscuando, expuendo, aliâve signa, & figuras faciundo. Unde una ex orationibus, quibus Mahumetus utebatur, hæc erat: Nostra terra pulvis, salivaque aliquorum nostrorum infirmitates aliquorum sanat, Dei nostri indulgentiâ, & remissione. Et observabat omnia, & auspicia, fidemque dabat somniis: & quando aliqui suorum ad eum confluebant, ut illis aperiret somnia, docebat illos, quomodo deberent illa cognoscere, qualisque somnium esset felix, qualisque infausum. Et de hoc Mauri magnum, & copiosum tractatum habent, & hoc tanquam fide credunt, ab illoque summo pere ducuntur, & reguntur. Unde inter Mauros non est prohibitum, omina & auspicia observare sortibus, & conjurationibus demonum uti, incantationibus, & divinationibus inniti, & assentiri: & multi istorum divinatorum à suo male dicto propheta exemplum sumentes, quando divinatorii sunt, pro asse vel nummo tantummodo uno, in terram jaciuntur, & prosternuntur: dicuntque, quod tunc illis demonstratur, & manifestatur illud, quod scire, & divinare volunt, dum jacent tan-*

quam obfessi, ore simul, & oculis incertis: & nec robore afficiuntur, quando dicunt, sic contigisse propheta suo, quando divinare, & prophetizare volebat.

Idque docuisse Mahumetum, constat ex Alcorano in Azora Elaraph, ubi sic loquitur: *Præcipio omnibus Sarracenis, ut mutantur auguriis, & divinationibus, & incantationibus: & qui aliter non potuerit divinare, saltem divinet per seiscisuram digiti.*

XL. Facile est, evincere, non esse legem à Deo datam, quæ hæc docet. Nam Deus oppositum omnino præcepit Levitici 20.6. *Anima, quæ declinaverit ad ariolos, & magos, & fornicata fuerit cum eis, ponam faciem meam contra eam, & interficiam illam de medio populi mei. Et Levit. 20. v. 27. Vir, sive mulier, in quibus pythonicus, vel divinationis fuerit spiritus, morte moriatur. Lapidibus obruent eos; sanguis eorum sit super illos.*

Facileque est, comprobare, Magos & ariolos infelicem mortem obire. Nam Zoroaster magis inventor, vivus fuit combustus à diabolo, quem consulebat, ut refert D. Clemens in libro Recognitionum. Simon Magus, quem dæmones in sublime egerant, in terram præcipitatus, fractis cruribus obiit plenus ignominia, & dolore. Jezabel, quæ

etiam magiam exercebat, à canibus devorata est. Henricus Cornelius Agrippa morti propinquus à se abiecit diabolium familiarem, qui sub forma canis eum comitabatur, dicens: *Abi mala bestia, tu me perdidisti.* Faustum, insignem in Germania maleficum, dæmon quadam nocte è lecto extraxit, & suffocavit, flexa in dorsum facie: & vetulam maleficam, & sagam dæmon coram omnibus vivam rapuit, ut refert Pollidorus Virgilinus. Idemque aliis multis accidit; præsertim insigni Malefico, de quo refert Franciscus Picus, quoddam vellet ad vivum coram Principe curioso Troie destructionem representare, vivus raptus est à Diabolo, & amplius non comparuit. Alter verò, qui contra diaboli præceptum manum extraxit è circulo magico ad contrectandam amasie effigiem, quæ illic objecta est, illisus est parieti à diabolo, & miserè periit. Alij quoque iuvenes, qui contra dæmonis præscriptum pedem extra circulum moverunt, ab eodem suffocati sunt. Hæc omnia probant, Mahumetum, qui suis consuluit magiâ dæmoniacam, maleficia, auguria, incantationes, consultationes, & vanas observationes, non fuisse Dei Prophetam, sed hominem nequissimum, & diaboli discipulum,



CAPUT UNDECIMUM.

Demonstratur, legem Mahumeti non esse immaculatam, quia Virginitatem prohibet; & omnibus imponit obligationem nubendi, cum ad vigesimum quintum annum pervenerint.

XLI. **P**hilippus Lonizerus lib. 2. Historiæ Turcicæ cap. 12. & Theatrum vitæ humanæ, verbo, *Castitas*, referunt, esse præceptum in Alcorano, quoddam omnes, sive viri, sive femine, cuiuscumque sint conditionis, dignitatis, vel præminentie, conjugium ineant, cum attigerint annum vigesimum quintum. Quod præceptum ita interpretantur Turcæ, ut sibi persuadeant, non posse homines sanctos esse, & Deo placere, si non nubant, Adjunguntque, sicut arbores fructiferæ præstant sterilibus, & infructuosis, ita homines, uxoratos, & incumbentes generationi filiorum, excedere cælibes, & continentes.

Facile est, convincere, legem prohibentem Angelicam Virginitatis virtutem non esse à Deo, sed ab homine carnali ortum duxisse, ex diaboli suggestionem, quamvis enim Matrimonium sanctum sit, & necessarium ad conservationem universi; Virginitas tamen, & perpetua castitas multò magis Deo placent. Christus enim, & Beata Maria ejus Mater Virgines fuerunt, teste ipso Alcorano, & eximia sanctitate floruerunt: ergo possunt homines maximè Deo placere, servando perpetuam Virginitatem.

XLII. Secundò, impugnatur illud iniquum præceptum, quia Virginitas apud omnes Nationes venerationem meruit, & admirationem. Inter Hebræos Virgines fuerunt Elias, & Elisæus viri sanctissimi, & multi Prophetarum filij. Inter Græcos Sybillæ illustri sanctitatis famâ floruerunt, & dono prophetiæ illustrati meruerunt, quia castitatem semper coluerunt, ut sentit Varro citatus à D. Hieronymo lib. 1. adversus Jovinianum. Tantique fecerunt Virginitatem Græci sapientes, tantoque in pretio castitatem habuerunt, ut Deas suas Dianam, & Minervam Virgines fuisse confinxerint; & inter duodecim cæli signa unum appellerunt *Virgo*.

Inter Romanos eam æstimationem habebant Virgines Vestales, ut illis per vicos, & plateas transeuntibus, omnes loco cederent, & gradum sisterent, etiam Consules, & Imperatores ipsi, & qui triumphum agebant, ut viam transeuntibus sine offendiculo relinquerent; ut testatur ibidem S. Hieronymus. Inter Japones, & Sinas Boncij, qui sunt veluti Monachi, & Religiosi, ob prærogativam castitatis, quam creduntur servare, magnæ sunt venerationi omnibus.

Gg 2 XLIII. Sed

XLIII. Sed quid de Republica Christiana loquar, ubi virtus castitatis, & virginitatis excellentia, viros, & foeminas eximia reddit laude dignos. Plena est Ecclesia Christi Virginum choris. Etiam in statu matrimonij inventi sunt multi, qui imitantes puritatem Beatissimæ Virginis, Mariæ & Josephi, virginitatem cum conjugio junxerunt. Tales fuerunt Eduardus Angliæ Rex, & ejus uxor: Henricus primus hujus nominis Imperator, & Chunegundis Imperatrix. Talis fuit Ediltrudis Angliæ Regina, quæ cum tribus vitis successivè nupsisset, tamen semper virgo permansit. Talis etiam fuit Emericus Esclavoniæ Dux, & Filius Stephani Ungariæ Regis, cum uxore sua. Talis Boleslaus, cognomine Castus, Poloniæ Rex, cum Cyne conjuge sua. Talis Catharina Suecæ ex Regia stirpe, & Petrus Urseolus Venetorum Dux. Alphonus secundus Castellæ Rex. Eleazarus Ariani Comes cum uxore sua Delphina. Pulcheria Theodosij minoris soror, & Imperatoris Marciani uxor.

XLIV. Sed quid dicā de Imperatore Valentino, qui reliquos triumphos contemnens, de hoc uno triumpho gloriabatur, quod scilicet illibatam Virginitatem servavit. Ut enim de illo scribit Hieronymus Epist. 49. *Valentinus Imperator octogenarius adhuc Virgo, cum andiret die sati sui triumphorum praconia recolere, quibus frequentissimus erat, ait, unā se tantum gloriari victoriā, cū requisitus, quā? Respondit, quod inimicorum nequissimum devici, carnem meam.* Quid de illis Anglis virginibus (de quibus mentionem facit Bocius tom. 2.

signo 93. num. 18.) quæ facies suas pulcherrimas fœdaverunt, sibi ipsis amputantes nares, ne in potestatem Barbarorum venientes, virginitatem amitterent? Quid de Casimiro Poloniæ Rege, qui gravi pressus infirmitate, mori potius, quam castitatis jaſturam ex Medicorum consilio subire constanter decrevit, generosa illa proferens verba: *Nullam aliam vitam novi, nisi cœlestem illam, incontaminatam, immortalem, ob quam eligo virgo mori.* Candidissimam mustellam alpinam imitatus, quæ a venatoribus luto obfœtam viam, quā fugere posset, animadvertens, ne candidam pellem maculet, se capi sinit, & opere ipso dicit: *Malo mori, quàm fœdari.*

XLV. Quid de ingenti Sanctarum Virginum agmine dicam, quæ mille martyria potius subire, quam virginitatem amittere maluerunt? Quid de Agnete, de Cæcilia, Agatha, Catharina, Lucia? quid de inclyta Tecla, quæ cum nuda leonibus discerpenda obijceretur, in illis pudoris custodes invenit. Nam pedes Sanctæ Virgines osculantes, oculis in terram demissis corpus nudum neque tangere, nec aspicere ausi sunt, opere isto docentes, quid facere deberent homines, ut eleganter expendit Ambrosius: *Docuerunt Religionem, dum adorant Martyrem; docuerunt etiam castitatem, dum Virgini nihil aliud nisi plantas exosculantur, demissis in terram oculis, quasi verecundantibus, ne mas aliquis, vel bestia, Virginem nudam videret.* Jussa est postea vel Diis sacrificare, vel ad lupanar duci, ut ibi Virginitatem amitteret. Oravit Sancta Virgo cœlestem sponsum, ut sibi in tanto periculo opem

opem ferret. Tulit sanè, nam cor Christiani militis movit, ut domum illam infamem ingressus, vestes cum Tecla commutaret, quibus dissimulata periculum amittendæ castitatis evasit. Quid tandem de Sancta Ursula, & undecim mille sociis ejus dicam, quæ, ne fidem, & castitatem amitterent, vitam libentissimè amiserunt?

Quid quoddam Mahumetani ipsi operibus ipsis restantur, virginitatem præferendam matrimonio, dum Morabitas suos venerantur, quia castitatem creduntur servare. Et ne legi suæ contradicant, dicere debent, Deum dispensasse cum Morabitis illis in illo præcepto nubendi. Sed revera illi casti non sunt; nam ad tempus abstinent, ut postea effrænati Veneri indulgeant.

Quare, ut inquit S. Gregorius super illud Genes. 19. *In monte saluum te fac: virginitas alius mons est, ad quam Angelus hortatur: sed qui videt, se non posse ascendere, maneat in Segor, id est in legitimo matrimonio quia melius est, mediocri bono uti quam per abrupta libidinum præcipitari.*

XLVI. Quantum Deo placeat virginitas, constat ex Apocalypsis cap. 14. *Eccæ Agnus stabat supra montem Sion, &c. Et cantabant quasi canticum novum. Hi sunt, qui cum mulieribus non sunt co-inquinati: Virgines enim sunt, & sequuntur Agnum, quocunque jerit.* Ut autem Viegas, & Alcazar exponunt, hæc phrasi nihil aliud significatur, quàm quoddam Agnus virginibus mirè delectetur, ita ut eos à suo latere nunquam velit discedere, sed eum comitentur, & sequantur quaquaversum; perinde ac

Reginam Virginem, & Sponsam comitantur Virgines primariæ, & nobilissimæ, juxta illud Psalmi 44. *Adstitit Regina à dextris tuis in vestitu deaurato, circumdata varietate. Adducentur Regi Virgines post eam, proxima ejus afferentur tibi. Afferentur in lætitia, & exultatione; adducentur in Templum Regis.* Sicut enim Regina omnem suam voluptatem, colloquium, & consolationem habet in suo puellarum gynæceo, & quod perpetuam eam stipat instar chori: ita eandem habet Christus in suo Virginum cætu. Rursum, sicut musici sequuntur principem, mitòque concentu eum demulcent, eique sunt in delicijs, ita Virgines Christo. Denique, sicut Sponsa Sponsum, ita Virgines sequuntur Christum; sunt enim Sponsæ Christi, ut ait Apostolus 2. Cor. 11. *Respondi vos uni viro, Virginem castam exhibere Christo.* Christus ergo amat Virgines, illique oblectatur, uti Sponsus Sponsam.

Quod P. Cornelius à Lapide in eum locum Apocalypsis explicat exemplis, ad quæ vult respicere S. Joannem in eo loco. Nam S. Clemens Pontifex Domitiani Imperatoris cognatus, perpetuam virginitatem coluit, uti docet S. Ignatius epistolâ ad Philadelphos. Idem eandem mirè extulit, aliòque docuit, ut patet ex ejus epistolis, & testatur Epiphanius hæresi 30. Qua propter ejus hortatu S. Flavia Domitilla, neptis & ipsa Domitiani, quam Aureliano desponsam, S. Clemens Virginem Deo consecravit, Euphrosina, Theodora, & aliæ nobilissimæ Virgines illustre pro fide, & virginitate martyrium obierunt. Quo circa

Clemens à Trajano Imper. in Cherfoniam relegatus, cum plurimos Christianos eò pariter ad metalla damnatos, & inopiâ aquæ laborantes invenisset, pro ijs preces fundens, vidit agnum stantem, qui dexterum pedem levavit, velut S. Clementi locum fontis indicans. Ergo Clemens ad locum, in quo Agnus stabat accedens, parvòque istu locum, qui erat sub pede Agni pulsans, mox fontem pulcherrimum elicuit: qui magno impetu effusus fecit fluvium: ex quo omnes Christiani tunc, & deinceps sicim levârunt. Quo miraculo Gentiles indigenæ ad fidem Christi conversi sunt. Ita habet ejus vita, & Baronius anno Christi 100. Unde, & in officio Ecclesiastico S. Clementis Antiphonas has legimus: *Orante S. Clemente apparuit ei Agnus DEI. Et, vidi supra montem Agnum stantem, sub cujus pede fons vivus emanat: fluminis impetus latificat civitatem DEI.* In Sancto ergo Clemente adhuc vivente impletum est illud, Apocal. 7. v. 17. *Agnus, qui in medio throni est, reget illos, & deducet eos ad vitæ fontes aquarum.* Fuit enim ipse Agnus Dei affecta, id est Virgo, & ob Virginitatem Martyr, paulò postquam hæc scripsit Joannes, ut ad eum hic alluisse videatur. Imò sub Clemente Pontifice, & hæc, quæ dixi, inchoante, scripsit Apocalypsin, & hæc ipsa S. Joannes. Videtur ergo, Domitillam, & alias Virgines tunc florentes, & pro Virginitate martyrium obituras, ad hoc fortiter obeundum, hæc visione, & hæc encomijs Virginitatis animare, & roborare voluisse.

Ita sub idem tempus S. Petrus S. Praxedem, & S. Potentianam; S. Paulus S. Teclam, & plurimas alias; S. Matthæus S. Iphigeniam Regis Æthiopum filiam, ad Virginitatem Deo vendam excitârunt: qua de causa S. Matthæus ad aram sacrificans ab Hirtaco Regis fratre, qui Iphigeniam conjugem ambiebat, occisus, Virginitatis factus est victima, ut ait Hippolytus lib. de duodecim Apost. Paulus quoque à Nerone truncatus est, quod Virgines Christianas suæ libidini subtraheret, & Deo dicaret, ut testatur Chrysostomus.

Ita S. Agnes post mortem laureata apparuit cum Virginibus radiantibus, & splendidissimè vestitis, sequens Agnum, ut testatur S. Ambrosius lib. 5. Epist. 34. & habetur in Breviario Romano die 28. Januarij. Ita Agnum secuta est B. Catharina Senensis, cui hoc datur elogium:

Transijt ad sponsum tribus ornata coronis.

Et illud:

*Dulce signum charitatis,
Dum amator castitatis
Cor mutat in Virgine.*

Quæ proinde ex hoc corde Christi igneo in suis epistolis ardentes Christi flammæ in omnes ciaculatur, atque in omnibus non aliud facit, quàm ut Pontifices, Cardinales, Prælatos, Principes, Urbes, Doctores, &c. ad quos scribit, inflammet amore Christi, ad ejusque perfectam sequelam incitet, & excitulet: quem proinde crebrò Agnolum nuncupat, ideòque singulas episto-

las

las incipit pariter, & concludit: *In Jesu dulci, Jesu amore.*

Denique suis ipse verbis ad Christum Agnum ad cœlum evocavit S. Joannes Sanctum Eduardum Regem Anglorum, anno Domini 1106. ut scribit in ejus vita Alredus Abbas Cisterciensis, qui floruit, anno Domini 1164. Sanctus Eduardus (inquit) nulli petenti nomine Sancti Joannis Evangeliste, aliquid denegabas: hunc enim post Apostolorum Principem arctius diligebas. Unde contigit, quod quidam peregrinus, absente ejus arario, in nomine Sancti Joannis Evangeliste importunè elemosinam postularet. Cui Rex pretiosum annulum, cum nihil aliud in promptu haberet, dedit. Accidit post hac, duos Anglicos ad adorandum Salvatoris sepulcrum Hierosolimam profecti. Qui die quadam à publica strata declinantes, de via quaque scitari sunt; & sole ruente, nox obscura adducta est. Et cum nescirent, quid agerent, quò se verterent, apparuit eis senex quidam venerandus, qui eos ad civitatem reducit. Susceptis autem hospitio mensa paratur; lautissimèque refecti dant membra quieti. Mane autem facto egressi illi de civitate, ait senex: viri fratres, cum summa prosperitate vos repatriaturos non dubitetis; quoniam prosperum iter faciet vobis Deus, & ego ob amorem Regis vestri in omni via firmabo super vos oculos meos. Ego enim sum Apostolus Christi. Joannes, qui regem vestrum ob meritum castitatis summa dilectione complector. Hunc ergo annulum, quem mihi in habitu peregrino apparenti tribuit, reportate, denun-

tiantes ei obitus sui instare diem, quem infra sex menses visitans visitabo, ut mecum sequatur Agnum, quocumque ierit. His dictis disparuit: & illi ad patriam prosperè redeuntes, quæ viderant, Regi seriatim retulerunt.

Addit Joannes in laudem virginum: *Hi empti sunt ex hominibus primitiis Deo, & Agno.* Empti dicuntur, quia pretio Sanguinis Christi acceperunt hanc perfectam corporis, & animæ puritatem, ut hominibus altiores cœlestem hîc agerent vitam. Idèoque Deo, & Agno sunt primitiæ, id est selectissimi, & gratissimi fructus, & oblationes, quales in veteri testamento erant primitiæ frugum, & hominum. Sicut enim primi fructus sui novitate sapidissimi, & gratissimi sunt; ita & virginitas Deo, & sicut per primitias frugum Deo oblatas, reliquæ fruges omnes censebantur Deo oblatæ, ac ab eo benedictæ; ita pariter per Virgines, quasi per primitias Deo oblatas, Deus totis earum familijs, totique Ecclesiæ benedicit, & benefacit. Unde præclare S. Hieronymus contra Iovinianum, qui Matrimonium æquabat virginitati: *Si Virgines* (inquit) *primitiæ Dei sunt: ergo vidua, & in Matrimonio continentes erunt post primitias, id est in secundo, & tertio gradu: nec prius perditus populus salvari poterit, nisi tales Hostias castitatis Deo obtuleris, & immaculatum Agnum purissimis victimis reconciliaveris.*

XLVII. Ex dictis constat, quàm carnalis, & scœda sit Mahumeti lex, quæ cœlestem virginitatis virtutem prohibet. Ideo autem prohibuit Angli-

cam

cam istam virtutem, quia impossibilem judicavit. Sic enim ait in secundo Alcorani capitulo: *Nocturnos cum mulieribus coitum Deus communiter nobis permittit, cum hujusmodi abstinentioniam difficilem, tum impossibilem esse agnoscat.* Quam verò falsum sit, impossibilem esse abstinentioniam à rebus

venereis, constat exemplo tot Virginum, quot habet Ecclesia Christi, & eorum, qui in Matrimonio castitatem servârunt. Mahumetus ex se alios judicabat; cum verò ipse esset turpissimus, impossibilem censebat, sine commixtione fornicarum vitam agere.

CAPUT DUODECIMUM.

Ostenditur, Alcoranum non esse legem, & testimonium Dei, quia testimonium Domini fidele, Alcoranum verò plenum est erroribus, mendacijs, & fabulis.

XLVIII. **U**T hoc evincam, discurrem per Alcorani errores contra Historiam, contra Mathematicam, contra Philosophiam, contra rationem naturalem, & contra Divinam Scripturam; pauca seligens ex multitudine errorum, quibus Alcoranum scatet.

Errores Alcorani contra Historiam.

Alcoranum lib. 3. capite 1. affirmat, Beatam Virginem Mariam, Matrem Domini nostri Iesu Christi, fuisse illam Mariam sororem Aaronis, & Moysis, æquivocans unam Mariam cum altera Maria, cum tamen manifestè constet, inter unam & alteram Mariam intercessisse ultra mille, & quingentos annos. Nam à nativitate Moysis, ad Nativitatem Christi transierunt 1598. anni. Hunc errorem notârunt Ioannes Andreas in suo tractatu contra sectam Mahumetanam cap. 4. & Cardi-

nalis Cusanus in Critibratione Alcorani lib. 1. cap. 4.

Glossatores Alcorani respondent, sicut Deus miraculosè fecit, quòd Sara sterilis pareret, ita miraculosè conservâsse Mariam sororem Moysis, ut esset Mater Christi. Sed hæc fabula facilè falsitatis convincitur ex ipso Alcorano lib. 2. capite 1. ubi mentionem facit Conceptionis, & Nativitatis Beatæ Mariæ Virginis, dicîque fuisse in Templo præsentatam, & Sacerdotes Templi fornicationem fecisse, quis eorum curam habiturus esset illius Virginis, & sortem cecidisse supra Zachariam: quæ in Mariam sororem Moysis cadere non possunt. Unde manifestè deprehenditur falsitas, & contradictio Alcorani. Deinde Maria Christi Mater fuit, omnibus viris & mulieribus splendidior, mundior, atque jucundior, ut testatur ipsum Alcoranum cap. 5. talis autem non fuit Maria soror Moysis, & Aaronis,

nam

nam quia contra Moysen locuta est, Deus inimicis illi lepram. Num. 12. *Et ecce Maria apparuit candens lepra quasi nix: separataque est septem diebus extra castra.*

XLIX. Secundò cap. 35. Alcorani confundit Regem Pharaonem, qui regnabat, quando Moyses eduxit filios Israël de Ægypto, cum eo, qui regnabat, quando Moyses natus est, & educatus in domo Pharaonis, cum constet fuisse diversos. Textus Alcorani, ita habet: *Cum Moyses Pharaoni dixisset, ut filios Israël secum de Ægypto egredi sineret, Pharao respondit. Nonne in eis, quem nutriti puerum, & nobiscum per annos plures nutritus es illudq; perpetrasti (occidendo scilicet Ægyptium) unde malus reus factus es?* Ceterum Mahometum deceptum fuisse æquivocatione nominum, & falsum narrasse, constat manifestè ex Scriptura. Cum enim Deus misit Moysen ad Pharaonem Exodi 4. v. 19. dixit ei: *Vade, & revertere in Ægyptum; mortui sunt enim omnes, qui querebant animam tuam.* Quare Pharaon iste, ad quem missus est Moyses, alius fuit ab eo, cum quo Moyses habitavit, & sub quo in Ægypto vixit: siquidem Moyses Exodi 1. v. 15 ob occisum Ægyptium fugit in terram Madian, & ibi commoratus est quadraginta annis: & dum ibi commoraretur, mortuus est Rex Ægypti, ut dicitur Exod. 2. v. 23. & postea, quando missus est in Ægyptum, regnabat alius Rex ejusdem nominis.

L. Tertiò, Mahometus in Alcorano (ut testatur S. Petrus Palschafius pag. 31. num. 29.) asserit, Zachariam

patrem Baptistæ tribus tantum diebus, & tribus noctibus mutum fuisse in pœnam incredulitatis suæ, quia nimirum Angelo annuntianti, Elisabeth parituram ipsi filium, credere noluit. Cum tamen ex Luc. cap. 1. v. 20. constet, fuisse mutum, usque dum Elisabeth peperit: *Et ecce eris tacens, & non poteris loqui, usque in diem, quo hæc fiant.* Illa autem narratio habetur in Alcorano capite 5.

LI. Quartò in primo Alcorani capitulo scriptum est: *Deus suos ad se benevolos, nequaquam hostes & erroneos adduxit.* Hoc autem assertum esse falsum, clarè probatur, cum multos idololatrias, & vitiosissimos homines Deus converterit: quemadmodum Isaias cum Deo loquens dicit cap. 55. *Ecce gentem, quam nesciebas, vocabis, & gentes, quæ non noverunt te, ad te current.* Hinc Dominus per Oseam loquens, inquit cap. 2. *Vocaui non plebem meam plebem meam, & non dilectam dilectam.* Et in Psalmo inquit: *Populus, quem non cognovi, servivit mihi, in auditu auris obediuit mihi.*

LII. Quintò, in tertio Alcorani capitulo tribuit Saul Regi factum Gedeonis: sic enim ait: *Saul cum exercitibus sic accedens ait: Vos rivus visuri, nihil nisi quantum manus simul hausit, gustetis: quod quidem transgrediens de meis viris esse desisset.* Omnes verò præter paucos præceptum potando transgressi sunt. In ijs verbis videtur Mahometus tangere historiam, quam habet Scriptura Judic. 7. v. 5. ubi ait: *Cumque descendisset populus ad aquas, dixit Dominus ad Gedeonem: Qui*

H h

lin-

linguâ lambuerint aquas, sicut solent canes lambere, separabis eos seorsim: qui autem curvatis genibus biberint, in altera parte erunt. Fuit itaque numerus eorum, qui manu ad os projiciente lambuerant aquas trecenti viri: omnis autem reliqua multitudo flexo poplite bibis. Si autem illud dictum Alcorani intelligatur de Saule, quando insequabatur Philistæos (tunc enim adjuravit populum Israël, ne manducarent, donec ulcisceretur de inimicis suis) si, inquam, hæc narratio sic intelligatur, est fabulosa: hoc enim præceptum omnis populus observavit præter Jonatham filium Saulis, qui illud ignoranter transgressus est, gustando parvum mellis, quia scilicet illud præceptum non audivit. Ut constat ex 1. Reg. 14. v. 14. Et adjuravit Saul populum, dicens, Maledictus vir, qui comederit panem usque ad vespem, donec ulciscar de inimicis meis: & non manducavit populus panem, &c.

LIII. Sextò, in quinto capitulo, sic inquit Alcorani liber: *Christus sciens Judæos in sua incredulitate pertinaces, dixit: Quis in Dei nomine me sequetur? Viri quidam albis vestibus induti dixerunt: Nos in Dei nomine te sequentes in Deum credimus. Et dixerunt: O Creator nos huic libro adhibentes fidem, legatumque tuum imitantes fidelibus adscribe. Vbi per viros indutos vestibus albis intelligit Apostolos, per legatum intelligit Christum, & per librum Evangelium litteris visibilibus scriptum. Et hæc fabulosa sunt, quia nec Apostoli vestibus albis induti incedebant, neque Christum librum*

Evangeliorum à se scriptum, & compositum ostendit Apostolis, sed ore tantum docuit, & post ejus Ascensionem in Cælum, & Spiritus Sancti missionem Sancti quatuor Evangelistæ divinitus inspirati diversis locis, & temporibus Evangelium scripserunt.

LIV. Septimò, in duodecimo Alcorani capitulo fabulosè narrat historiam Sacrificij Abelis, & Caini. Sic enim ait: *Illis (scilicet Cain, & Abel) holocaustum Deo igni supposito facientibus, alterius holocaustum minimè Deo collectum est. Unde alteri (scilicet Cain) dicenti fratri suo, ego te interficiam; alter respondit: licet manum tuam ad inferendam mihi mortem extenderis, ego nequaquam manum meam ad te extendam. Hæc narratio fabulosa est. Nam Genes. 4. v. 5. legimus, quòd obtulit Cain de fructibus terre munera Domino: Abel quoque obtulit de primogenitiis gregis sui, & de adipibus eorum, & respexit Dominus ad Abel, & ad munera ejus; ad Cain verò, & ad munera ejus non respexit. Porro ubi nos legimus, respexit Dominus ad Abel, &c. Theodotio transtulit: Inflammasit Dominus super Abel, & super munera ejus. Circa quod uniformiter docent Doctores, quòd Abel offerente ignis de Cælo veniens oblationem ejus incendit: quemadmodum 1. Paralipomen. 17. v. 1. de oblatione Salomonis, & 3. Reg. 18. v. 38. de oblatione Eliæ scriptum est. Non itaque Abel, & Cain ignem supposuerunt oblationibus suis: sed illis offerentibus, Deus ignem de Cælo misit super oblationem Abelis, & non super oblationem Caini. Rursus,*

sus, quod dicit de colloquio inter fratres illos, fabulosum est: nam ex Scriptura constat, quod Cain dixit dolosè fratri: *Egrediamur in agrum; cumque essent in agro, occidit eum.* Si autem priùs minatus fuisset mortem, non egrederetur Abel cum illo in agrum.

LV. Octavò, in decimosexto Alcorani capitulo significat, peccatum Angeli fuisse, quia noluit se humiliare, & prosternere coram Adamo, ut Deus præcipiebat. Sic enim Deum loquentem introducit: *Ego præcepi, ut Angeli patri vestro (scilicet Adæ) se humiliarent, præceptique meo omnes, excepto Beelzebub, parnerunt.* Quod sæpe repetit in Alcorão: nam alio loco asserit, Deum Angelis præcepisse, ut se in terram prosternerent coram Adam. Sed istud non consonat Scripturis, in quibus aliæ causæ ruinæ Angelorum docentur, ut Isai. 14. 1. Ezechielis 28. Deinde si unus duntaxat Beelzebub inobediens fuit, unus tantùm esset diabolus, siquidem Angeli boni post adimplerionem præcepti, statim beatificati sunt: constat autem, diabolos esse in magno numero. Nam Marci 5. Christus ab uno obsessio legionem dæmonum abstulit. Et Job 4. asseritur, quòd DEUS in Angelis suis reperit pravitatem. Et in Apocalipsi Draco dicitur traxisse secum tertiam partem stellarum, quia nimirum Lucifer tertiam partem Angelorum decepit.

Addit præterea in eodem capitulo: *Deo autem illum, scilicet Beelzebub, interrogante, qua de causa non obediret, respondit: Ego factus de igne, illi de terra*

limo plasmato pravealeo. Cæterùm hoc esse mendacium non solum contra Historiam, sed contra Philosophiam constat, nam ut docent Averoes, Avicenna, & omnes Peripatetici Philosophi cum Aristotele, Intelligentiæ, seu Angeli carent materiâ, & sunt substantiæ spirituales, & immateriales.

LVI. Nonò, in eodem capite 16. dicit: *Quòd Deus præcepit Noè, ut hominibus persuaderet, unum solum invocare Deum adorareq; & quòd ei plurimi contradixerunt, quasi multorum deorum cultores, quos idcirco Deus submersit.* Sed hæc narratio fabulosa est; constat enim in prima mundi ætate, quæ duravit ab Adam usque ad Noè, idololatriam non fuisse. Et Genes. 6. dicitur, Deum immisisse diluvium, non ob peccatum idololatriæ, sed ob nefanda carnis scelera: *Omnis quippe caro corruperat viam suam.* In illa namque prima mundi ætate propter recentem creationis mundi memoriam, unum duntaxat DEUM mundique creatorem homines adorabant. Idololatria autem post diluvium à Nino Rege cæpit, ut tangitur Sapientie 14. v. 15. *Acerbo enim luctu dolens pater, cito sibi rapti filij fecit imaginem: & illum, qui tunc quasi homo mortuus fuerat, nunc tanquam Deum colere cæpit, & constituit inter servos suos sacra, & sacrificia.* Vel ut dicunt alij, idololatria cæpit à Nembroth.

LVII. Decimò, eodem capite fabulosè narrat miracula Moyfis per virgam facta: ait enim, *quòd cum serpens Moyfis devorasset serpentes Magorum Pharaonis, omnes Magi superati genna sua*

H h 2

CORAM

coram Moysse steterant, conficientes se DEO Moysis subjacere. Idcirco Pharaon indignatus dixit eisdem: *Manibus vestris, pedibusque abscissis suspendam vos.* Hanc narrationem esse fabulosam constabit legenti cap. 7. 8. & 9. Exodi.

Undecimò ex dictis ejusdem capituli manifestè evincitur, Mahumetum has Historias imperitè & sine luce veritatis Alcorano inseruisse. Nam ibidem legitur: *Homines Pharaonis dixerunt ad eum, si Moysen, & Fratrem ejus terram tuam sic vastare, tuamque gentem sibi allicere dimiseris. Idolum tuum, & te prorsus negligendo dimittent. Responditque Pharaon: Ego fortis, & potens super eos, eorum infantes occidam, faminaeque custodiam. Hic manifestè cernitur Mahumeti imperitia, & ignorantia.* Constat enim ex capite decimo Exodi, occisionem masculorum infantum, & custodiam, seu reservationem foemellarum, coepisse, antequam Moyses natus esset; & illum Pharaonem, qui eam occisionem præcepit, alium fuisse ab eo, coram quo Moyses miracula operatus est.

Addit Mahumetius in eodem capite 16. quoddam postquam filij Israël mare rubrum miraculosè transierunt, submersis Aegyptijs, *invenientes homines idolorum cultores, precati sunt Moysen, ut eis similiter imagines constitueret.* Sed hoc fabulosum esse, facile evincitur. Constat enim ex cap. 13. Exodi, quoddam filios Israël de Aegypto eductos non duxit DEUS per terram Philistiim, quæ vicina erat, sed circumduxit per desertum, usque ad montem Sinai, quin in toto illo itinere civitatem aliquam, vel

populum invenit: constârque, eos vitulum conflatilem adorasse propè montem Sinai, & ob peccatum occisa fuisse viginti tria millia hominum, & non devenisse ad terras habitabiles, & ad gentes idololatrias, nisi post multum temporis. Et incredibile est, quoddam filij Israël statim post transitum maris rubri, in quo tam diram DEI ultionem contra idololatrias viderant, petivisse à Moysse, ut ipsis constitueret idola.

Decimocertio, ex eodem capite deprehenditur alius error Mahumeti contra veritatem Historiæ: ait enim, quoddam Loth increpavis gentem suam, videlicet Sodomitam, ob scelus inauditum à nemine priùs perpetratum. Constat enim, ante diluvium hoc peccatum fuisse commissum ab hominibus, ut enim dicitur Genes. 6. *Omnis caro corrupta est viam suam.*

Quartodecimo, in eodem capite affirmat, Moysè reliquisse Aaronem, tanquam sui Vicarium, & cum primò min montem Sinai ascendit, instanter Deum orasse, ut ostenderet sibi faciem suam, Deum verò ipsi respondisse: *Me non videbis, si mons à te visus loco suo permanet: eo autem montem ascendente ipsum montem in minimum atque minutum pulverem redactum esse: unde Moysen quasi mortuum cecidisse; postquam autem curatus est, dixisse: DEUS ego tuus sum, & primus inter credentes.* Verùm hoc fabulosum esse constat ex cap. 33. Exodi, in quo legimus, post tabularum digito DEI scripturarum collationem, & vituli augei contrafectionem, legisque relationem, Moysen hoc modo DEUM orasse. *Ostende mihi faciem tuam.* falsum

sum est ergo, quod Mahumetus narrat, nempe illum hoc postulasse, antequam legem, & tabulas susciperet.

Præterea ex Scriptura 2. Exodi 19. constat, DEO in montem descendente, montem ipsum fumasse, & terribilem apparuisse; verumtamen integrum permanisse, Moysenque sæpè in illum ascendisse, & ex illo descendisse; abeuntibusque filiis Israël, montem integrum fuisse relictum. Et dato, quod in pulverem fuisset redactus, verisimile non est, DEUM voluisse, ut Moyses vir sanctissimus ita læderetur; cum posset illum in aëre sustinere, sicut tenuit filios Core, igne partem eorum deglutiente, Num. 26. vel saltem illum cadentem præservare à læsione, sicut novo Testamento aliquos sanctos ab alto ruentes ab omni læsione servavit immunes. Quis deinde non videat, esse insigne mendacium, quod Moyses fuerit primus in DEUM credens, cum ante illum Abraham, Isaac, Jacob & multi alij in ipsum crediderint.

Quinto decimò, in eodem capite 26. affirmat, auream statuam à filiis Israël constatam, sonitum quasi stertentis emisisse; filios autem Israël sonitum illum audientes, confessos fuisse, se errasse, & statim dixisse: Nisi DEUS misericordiam fecerit, nos perdendis annumerabimur. Hanc narrationem esse falsam constat ex capite 32. Exodi, ubi dicitur, quod, cum Moyses de monte descendit, & appropinquavit ad castra, vidit vitulum, & filios Israël ducentes choros in honorem Idoli. Non ergo pœnituerant, antequam Moyses de monte descenderet.

LVIII. Decimosextò, in eodem capite narrat, Moysen reversum multâ commotum iracundiâ increpasse filios Israël propter peccatum vituli, & Fratrem suum arripuisse cum capillis. Et addit: Illi, qui tantum adoraverunt, pœnituerunt. Verùm ex textu Exodi 22. v. 26. constat, jubente Moysè occisa fuisse viginti tria millia hominum ex ijs, qui vitulum adoraverant: & altera die orasse Dominum, ut parceret populo superstiti.

LIX. Decimosesprimò, Mahumetus in eo capite de seipso testatur, se Nuntium DEI, esse legendi, & scribendi nescium, sui tamen mentionem reperiri in Testamento veteri ac novo, ibique esse prænuntiatum: sic enim habet Alcorani textus: *Imitatores Nuntij atque Propheta scribendi nescij, cuius nomen atque mentio reperitur in testamento ac Evangelico.* Ex his duobus primum est verum, Mahumetum fuisse legendi, & scribendi nescium. Et propterea, quia fuit omnio imperitus, non aliam habuit notitiam Historiarum veteris, & novi Testamenti, nisi eas, quas à Judæis, & Christianis accepit, & ideo illas confusè percipiens, mille fabulis sædavit.

Quod autem dicit, ipsum fuisse prænuntiatum in veteri, & novo Testamento, & tanquam Prophetam DEI promissum, est insigne mendacium, ut supra ostendimus cap. 13. Verum tamen est, Mahumetum in Scriptura fuisse prænuntiatum à Christo Mathæi 24. dicente: *Surgent multi Pseudo Propheta, & seducunt multos.* Et Luc. 21. *Hiernsalem calcabitur à gentibus,*

ibus, donec impleantur tempora nationum. Et Cornelius à Lapide exponens verba illa Apocalypsis 6. 8. Et ecce equus pallidus, & qui sedebat super eum, nomen illi mors, & infernus sequebatur eum, & data est illi potestas super quatuor patres terra, interficere gladio, &c. Cum Joachimo Seraphino, Firmiano, Pannonio, & Peterio, ait, per equum pallidum intelligi sectam Mahumetis, Turcas, & Sarracenos, insensissimos & celebritimos jam à mille annis hostes Christianorum,

Hi enim (inquit) post Gothos, Arianos, aliosque priscos hereticos mox Ecclesiam gravissime infestârunt, & jugiter infestant: *istque* hac quasi quarta etas Ecclesia. Hec secta rectè comparatur equo, quia planè irrationalis est, brutalis, & carnalis. Hic equus est pallidus, quia respondet sessori suo; sessor enim ejus est pallida mors. Rursus pallor significat Sarracenorum invidiam, livorem, & odium in Christianos, eorumque nequitiam, & malitiam, insuper libidinem: in hac enim suis præcelluit Mahomet, eamque lege sua permixit, imò promixit: unde & polygamiam induxit. Libido enim spiritus & sanguinem exhaurit; itaque facit pallidos, & luridos. Denique pallor notat eorundem avaritiam, uti videmus, Turcas auri esse cupidissimos, idèoque apud ipsos auro venalia jura. Avari enim ob curas & metus, congerendi & conservandi opes, pallefcunt. Quocirca argutè Diogenes rogatus, cur aurum palleret? Quia multos, inquit, habet sibi inhiantes, & insidiantes, teste Lærtio lib. 6. Hujus sessor est Mors, id est Mahomet, qui de-

ficiente secta Arrij, mox ortus est regnante Heraclio Imperatore, suamque sectam propagavit gladio, nimirum omnes sibi resistentes occidendo: hoc enim erat Mahumetis symbolum, quod quotidie Sarraceni in suis Moscheis sive sanis usque ad rabiem inclamant: Non est Deus nisi annus, & Mahomet Apostolus ejus, Quicumque hoc recipere, & profiteri volebant, necabantur ab eo; qui verò recipiebant servabantur, idèoque disti sunt Muselmanni, id est servati & liberati à morte (à radice schalam, quæ Hebraici, & Arabice significat, esse saluum, incolumem, prosperum) sed hi pejore, scilicet spiritali morte ab eo occidebantur: sequitur enim infernus, id est Anti Christus: est enim ipse præcursor Anti-Christi, qui erit vitiorum abyssus, & quasi infernus, illique viam præparat; putatur enim secta Mahometana duratura usque ad Anti-Christum, ait Firmianus; adeoque Ioannes Annius, & alij putarunt, ipsum Mahometum esse Anti-Christum. Rursum, totus infernus, omnèque demones ad juvandum Mahometem, ejusque sectam propagandam videntur concurrisse. Tertio propriè sequitur eum infernus, quia plurimos ipse præ Gothis, aliisque hereticis ad infernum detruxit. Ipsum enim secta victorij plurimis non tantum Trapezuntinum, & Constantinopolitanum, duo Orientis Imperia, sed & majorem orbem partem occupavit, & plura in dies occupat; adeo ut nuper, subacta majori Hungaria, & Transilvania, jam Germania, Italia, & Polonia imminet, idque per Christianorum Principum dissidia; hisce enim crescit, & Christiani quasi excacati non vident, aut non curant, Unde dicitur

hic

hic per quatuor partes terra grassata; hinc proinde datum est interficere gladio, fame, morte, & bestijs terra incolus orbis. Ha enim sunt quatuor plagae Dei, de quibus ait Ezechiel capite 14. 21. Si quatuor iudicia pessima, gladium, & famem, ac bestias malas, & pestilentiam (quam Joannes vocat mortem) immisero in Hierusalem, ut interficiam de ea hominem, & pecus. Sarraceni enim multos Christianos gladio, alios fame, alios arumnis, indeque consequente peste, alios alijs generibus mortis, alios etiam leonibus, ursis, aliisque bestijs obijciendo occiderunt. Haecenus P. Cornelius.

LX. Decimo octavo Mahumetus in capite 20. Alcorani, ait: *Quod DEVS praecepit Noë fabricare arcam, non praeponendo incredulos, ac injustos, quatenus mergerentur.* Hoc constat esse falsum, quia omnes Doctores tam Christianorum, quam Hebraeorum, sanctique Patres concorditer dicunt, DEUM per Sanctum Noë hortatum fuisse peccatores ad poenitentiam, eisque minatum fuisse diluvium, nisi vitam emendarent. Et cum certum sit ex cap. 6. & 7. Genesis, Noë in fabricanda arca centum, & amplius consumpsisse annos, dubitari non potest, interrogatum fuisse à plurimis toto illo tempore, ad quid arcam fabricaret; & virum DEI eis veritatem aperuisse, & illo tempore praconem fuisse Divinae Justitiae imminenti. Quod Christi praedicator facile amplificare poterit; praesertim cum semper fuerit consuetudo DEI in veteri Testamento, praemonere homines de futuro supplicio, nisi à peccatis desisterent, & poenitentiam agerent.

LXI. Decimo nono, in eodem capite 20. sic ait Mahumetus: *Noë in arcam conscendens filium suum ex alia parte stantem advocans ait: fili nobiscum equita, ne sis ultra incredulus.* Qui respondit: *ad montem, qui ab aqua me proteget, proficiscar.* Cui Noë: *Nihil, nisi cui Deus misericordiam fecerit, hodie salvari poterit.* Eos ita colloquentes unda disgregavit. Sed hoc fabulosum esse convincitur ex Scripturae testimonio Genes. 7. ubi ait: *Et ingressus est Noë & filij ejus, uxor ejus, & uxores filiorum ejus cum eo, in arcam propter aquas diluvij.* Constatque ex cap. 6. v. 31. Noë tres tantum habuisset filios, Sem, Cham, & Japhet, & hos omnes cum illo ingressos, & egressos fuisse ex arca Genes. 7. v. 18.

LXII. Vigesimo, in eodem cap. 20. haec habet in DEI persona: *Abraham meis nuntiis sibi missis gaudium, acque salutem afferentibus vitulum attulit saginatum: sed illis manum non apponentibus, hic stupidus, & timidus factus est.* Loquitur hic Mahumetus de tribus Angelis, qui venerunt ad Abraham. Constatque evidenter, hanc narrationem esse fabulosam: nam Genesis 18. dicitur: *Tulisse Abrahamum vitulum tenerimum, & coxisse illum; tulisse quoque butyrum, & lac, & posuisse coram eis.* Additque textus vers. 9. *Cumque comedisent, dixerunt ad eum, &c.* Ego falsum est, non comedisent, nec apposuisse manum; & fabula est, quod Abraham stupidus factus, quia illi comedere noluerunt.

LXIII. Vigesimo primo, in eodem cap. 20. ait Alcoran: *Tres illos Dei nuntios*

ios Abrahamum adinuissse, nec causam Sodomorum ulterius tractaret. Verum hoc quoque constar esse falsum: nam eo cap. 18. v. 23. dicitur, Abrahamum oblectasse Dominum, ut parceret Sodomitis, si inter eos inuenerentur quinquaginta iusti, & id obrinuisse; rursus oblectasse, ut parceret propter quinquaginta quinque: & tertio, ut parceret propter quadraginta; & quarto, ut parceret propter triginta. Quinto, ut parceret propter viginti. Sexto, ut parceret propter decem, si ibi inuenerentur. Et his omnibus vicibus exorasse, quod orauerat. Quis non videat, Abrahamum Virum Sanctissimum non toties, & cum tanto charitatis ardore oraturum fuisse pro Sodomitis, si Angeli id prohibuissent?

○ LXIV. In eodem cap. asserit Mahumetus, Angelos dixisse Loth, ut egredereetur cum tota gente sua, Prater unam mulierem; id. quod ceteri, passuram. Significans, Loth non abduxisse secum uxorem suam. Quod constar esse falsum. Nam Angeli apprehenderunt manum ejus, & manum uxoris, & filiatum, & eduxerunt eos. Et postea uxor Loth conversa est in statuam Salis, quia respexit retro Gen. 19. v. 26.

○ LXV. Vigesimo tertio; in capite vigesimo primo Alcorani narrat Mahumetus historiam de somnio Joseph, quod refertur Genes. 37. persecutionem, quam passus est à fratribus, ejus venditionem, & reliqua, & innumera miscet mendacia, contra id quod textus sacer habet. Chartusianus enumerat in narratione hujus Historiæ Josephi, prout habetur in illo cap. Alcorani tri-

ginta mendacia, & fabulas. Inter alia dicit Mahumetus, DEUM manifestasse Jacob, filium suum esse positum in cisterna, quod cōtat esse falsum: quia si sciret, operam daret, ut eum liberaret.

Secundo dicit, mulierem emptoris Josephum reperisse in suo thalamo, ipsūque precatam esse, ut secum concumberet. Constat autem ex cap. 39. Gen. vers. 7. & 11. id esse falsum. Tertio dicit, Josephum à domina sua sollicitatum parum abfuisse à consentiendo, Ferè tamen utriusque consensu fuit, inquit Mahumetus; licet postea à DEO inspiratus, fugerit. Sed ex cap. 39. v. 8, constat, ab initio acriter ipsam reprehendisse. Quarto dicit, mulierem illam, quando fugientem Josephum sequebatur, apprehendisse subuculam ejus, eamque rupisse; quasi ille nudus è lecto surrexisset ad arripiendam fugam. Constat tamen ex textu, non tunicam interiorem, sed pallium exterius apprehendisse: nam ille relicto in manu ejus pallio fugit. Mito alia fabulosa, quæ hinc interferit. Christi prædicator, si aliquem Mahumetanum Alcorani peritum inueniat, postulet ab eo, ut Historiam Josephi, prout in illo libro legitur, enarrat, & mendacia facili redarguet.

○ LXVI. Vigesimo quarto; in cap. 27. Alcorani dicit Mahumetus: Deus Alexandro Regi, omnium rerum scientiam dedit. Hoc fabulosum esse constar, quia Alexander Aristotelem habuit præceptorem, & quamvis multa ab illo didicerit, multò plura ignorauit; & passim ab illo interrogabat, quæ ipse nesciebat. Constâtque Alexandrum idololatram ambitiosum, & libidinosum fuisse;

quo-

quomodo ergo à Deo omnium rerum scientiam accepit?

LXVII. Vigesimo quintò, in cap. 28. ait: *Deus dixit ad Zachariam, habebis filium nomine nunquam antè cuiquam imposito, videlicet Joannem vocandum.* Sed hoc est aperte falsum, quia nomen Joannis frequens erat apud Hebræos. Ibidem ait: *Ismaël fuit Propheta.* Quod tamen confictum videtur; Nam Genes. 16. v. 12. de eo dixit Angelus: *Hic erit servus homo, manus ejus contra omnes, & manus omnium contra eum.*

LXVIII. Vigesimo sextò, cap.

46. Alcorani asserit; quòd Abraham, ducens filium suum ad immolandum, dixit ei: *O fili, mihi in visione nuntiaturum est, quòd te decollarem;* sed hoc est contra textum Genes. 22. v. 7. nam Isaac dixit patri suo. *Ease ignis, & ligna, ubi est vitulina?*

Mitto aliqua dicta Alcorani, quæ manifestè contradicunt Historiis Sacris; quorum aliqua in superioribus sectionibus attigimus; ut mendacium illud, quòd Christus non sit crucifixus. Duo tamen insigniora mendacia circa Annuntiationem, & partum Virginis seorsim confutanda sunt.

CAPUT DECIMUM TERTIUM.

Confutatur fabula Alcorani asserentis Angelum Gabrielem apparuisse B. Maria Virgini descendenti è domo parentum in terram Orientalem, & tunc illi annuntiassè Christi miraculosam Conceptionem. Vbi recensentur laudes, quæ in Alcorano de B. Virgine dicuntur.

LXIX. **S** Eipsum Mahumetus Prophetam ignorantem appellavit; siquidem in cap. 16. Alcorani, Se ipsum vocat *Nuntium Dei*; legendi scribendive nescium. In eo, quòd de ipsum Prophetam appellavit, mentitus est; in eo autem, quòd ignorantem dixit, verissimè pronuntiavit; nam cum Historias Sacras solum ex relatione Christianorum confusè nòsset, eis postea immiscuit mille mendacia, dum tanquam sibi revelatas iusticiis Arabibus proposuit. Ut inter alia cernitur in

Historia Annuntiationis, & Nativitatis Christi, de quibus nunc agendum.

Igitur Pseudo-Propheta iste sic in cap. 28. Alcorani rem narrat: introducit Deum sic loquentem: *Maria versus locum orientalem à sua gente descendens spiritum nostrum, id est, Angelum missimus, cuius visu illa pavesacta, Deum rogat, ut se ab illo tueatur. Quam spiritus ille affatus est: nihil nisi Dei nuntius sum, qui tibi puerum optimè crescentem promittit. Respondit ipsa, cum virum non tetigi, puerum quomo-*

do habebat. *Ait ille : Hoc Deo leve est
aigue possibile.*

Verum ex Evangelio Lucæ constat,
Beatam Virginem fuisse intra domum,
cùm illi Angelus apparuit: id enim fa-
ctus apertè ostendunt verba Lucæ cap. i.
v. 16. *Missus est Angelus Gabriel à Deo
in Civitatem Galilee, cui nomen Na-
zareth, ad Virginem, &c. Et ingres-
sus Angelus ad eam dixit, &c.* Ut
enim ponderat Venerabilis P. Petrus
Canisius. l. b. 3. de Maria Deipara Virgi-
ne cap. i. significanter dixit Evangelista,
Ingressus Angelus ad eam, ut palam no-
bis indicet, Virginem suo decore ser-
vientem, id est, non foris vagantem,
sed domi potiùs latitantem, privatum-
que sua curantem, & sacris vacantem
studijs. Hinc Maldonatus hunc lo-
cum exponens meritò reprehendit au-
daciam Hæreticorum, qui dubitant, an
Maria fuerit in secreto domus suæ,
cùm eam Angelus salutavit, & credere
malunt, eam fuisse apud cognatum
aliquem suum cum ancillis laboran-
tem, dicitque illos Judaico esse ingenio.
*Itaque non magis (inquit) illis, quàm
apocrypho illius Protoevangelij Authori,
quod Jacobi nomine circumfertur, cre-
dendum est, ubi scriptum est B. Virgi-
nem forsàn ad hauriendam exiisse a-
quam, cùm illi Angelus apparuit. U-
trumque enim, & Evangelista, & an-
tiquis omnibus repugnat Authoribus.
Nam & Lucas, cùm Angelum ad eam
ingressum dicit, sine dubio significat,
eam intra domum fuisse, & id Ambro-
sius, Eusebius Emisenus, & Andreas
Hierosolimitanus, & Beda, & Bernar-
dus affirmant. Sunt etiam, qui putant,*

*clauso domus ostio, Angelum ad Bea-
tam Virginem penetrasse: quod, & quia
Angelo, cùm spiritus esset, opus non
fuit aperire, & quia ad sanctitatem, pu-
ritatemque pertinebat Virginis, clauso
esse ostio, valde credibile iudico.*

Certissimumque est, Angelum mis-
sum fuisse ad Civitatem Nazareth: non
ergo Maria discesserat à sua gente, ut
Mahumetus fabulatur. Maria enim,
non solùm erat desponsa, sed verè nu-
pta Josepho, cùm Christum conce-
pit, ut probat Maldonatus in cap. i.
Matth. v. 16. Præcipua enim causa, cur
Spiritus Sanctus voluerit, Christum
ex nupta nasci, hæc ab omnibus fuisse
creditur, ut Virginis honori consulere-
tur; atqui non est consultum, si
desponsa tantùm, nondum nupta, con-
cepit. Dicit autem Evangelista, An-
gelum missum ad Virginem desponsa-
tam, & non dixit missum ad Virgi-
nem nuptam, non quòd nupta non
esset, & cum Josepho tanquam cum
marito habitaret, sed quia, ut Chryso-
stomus adnotavit, non magis à viro
cognita, quàm sponsæ, quæ nondum
nuptæ sunt. Itaque cùm B. Virgo
Christum concepit, jam verum erat
Matrimonium inter Josephum, & Ma-
riam, ut probat Augustinus lib. 5.
contra Julianum Pelagianum cap. 9. &
lib. x. de nuptijs & concupiscentia.
cap. 11. & tenent, *aut omnes, aut opti-
mi Theologi*, inquit Maldonatus. Ergo
fabula est, quòd Maria discesserat à
sua gente, cùm Christum concepit;
quomodo enim Virgo Sanctissima vi-
rum suum relinqueret? Quòd autem
B. Virgo Sanctissima fuerit, testatur
ipse

ipse Mahumetus in Alcorano in cap. 5. & in cap. 74. nam ibi introducit Angelum sic loquentem. *O Maria cun-ctis viris, foeminisque praelior, soli Deo perseveranter studens!* Et rursus ab eodem dicitur: *O Maria, Deum utique elegit te, & purificavit te, elegit te clavam super mulieres saeculorum!* Iterum verò: *O Maria, Deum annuntiavit tibi Verbum ex ipso: nomen ejus Iesus Filius Maria, & eris honorabilis in hoc saeculo, & in futuro.* Quid autem eo luculentius? *Maria se dirigendo nihil malitiae, aut pravitatis operata est: unde nostram ei animam insufflavimus.* Sic

in persona Dei loquitur Mahumetus, & in propria persona de eadem loquens inquit: *E viris multi perfecti fuerunt, nulla autem ex mulieribus unquam perfecta fuit, nisi Maria Mater Iesu.* Ita refert Canisius lib. 3. de Deipara. cap. 20.

Et sanè S. Lucas quæ scribit de Annuntiatione Angeli ad Mariam, ab ipsa Virgine accepit, ut probat Maldonatus, in cap. 1. Lucæ num. 8. *Quadam enim scribit, quæ nemo præter Virginem ex ijs, à quibus Lucas audire posset, quale est illud de mirabili Conceptione, & ortu Baptista, & illud de Annuntiatione Angeli.*

CAPUT DECIMUM QUARTUM.

Annuntiationem factam esse in domo Virginis, probatur contra Mahumetanos, ex miraculosa illius translatione in Lauretum.

LXX. **F**ALSITATIS convincitur illa narratio Alcorani; nam domum B. Virginis propter stupendum opus Incarnationis Verbi, quod Deus in ea operatus est, illustravit Dominus maximis miraculis: ut enim inquit Spondanus in Apparatu ad Annales Ecclesiasticos num. 26. *Domus illa, in qua de Verbi Incarnatione sanctissima Virgo cæleste accepit Nuntium, adhuc magno miraculo non tantum integra perseverat, sed Angelorum ministerio ab infidelium manibus vindicata, in Dalmatiam primum, inde in Italiam translata est in agrum Lauretanum, Piceni Provincia, quod perinsigne, ac nobilissimum.*

vetustatis monumentum totius Christianus Catholicus orbis veneratur, accolit. Quæ verba (umpsit ex Baronio tom. 1. ad an. 9. num. 1. De hac miraculosa translatione domus B. Virginis agit latè P. Canisius lib. 5. de Deipara cap. 25. & fusissimè P. Horatius Tursehnus nostræ Societatis, libris quinque ea de re conscriptis.

Rem narrat Canisius ex probatissimis Authoribus eo cap. 25. nimirum ex Biondio Historiographo, & rerum Italicarum peritissimo, ex Baptista Mantuano, sui quidem sæculi Theologo, & Poëta laudatissimo, & ex Hieronymo Angelica Reipublicæ Recanatensis

à secretis, viro valde sincero, & rerum ad præsentem historiam pertinentium diligentissimo exploratore, in libello de historia B. Virginis Lauretanæ, quem Summo Pontifici nuncupavit, & ex Leandro Alberto Historiographo Italico. Summa historiz est: *Non esse mirandum*, si Lauretana Ædes ingentem apud omnes obtineat auctoritatem: eo enim loco Beatissimæ Virginis cubiculum contineri, in quo eadem, & nutrita, & postmodum ab Angelo salutata, adeoque Spiritu Sancto obumbrata, Christum in utero conceperit, & conceptum magna ex parte educarit. Hoc Sacrum cubiculum primò in Nazareth Galilee oppido constructum, post Christum verò in Cælos receptum, in domum orationis, sive sacellum ab Apostolis commutatum, & divinis usibus consecratum, deindequæ à Christianis reverenter habitum esse, quoad Palæstinæ dæmum sub Cosdroa Rege immanissimo Christianis adempta in Agarenorum potestatem devenit. Postea verò Angelorum ministerio ad Iliricos propè Castellum, cui nomen est *Flumen*, translatum est. Deinde anno 1294. decima die Decembris Bonifacio Octavo Pontifice Maximo, miro modo exinde Angelorum manibus transvectum super æquora, in agro Recanateni confedit, in mediis nemoribus nobilissimæ cupidam mulieris ejus civitatis, cui nomen fuit Laurera.

Nec fides hujus historiz labascit, quòd mirabilis, & juxta naturam impossibilis hæc translatio fuerit; ut enim se ad Baptistam Mantuanus ait: Mirum

id sanè, atque adeò incredibile non immeritò videretur, si virtutem Cælestem excluderemus, quæ & Habacuc Prophetam Dan. 14. ex Palæstina in Babilonem transtulit, ac eundem incolumem suis illico restituit. Unus Angelorum centum octoginta Assiriorum millia sine armis, sine copiis, nocte una percussit, prostravit, extinxit 4. Reg. 16. Rursus Angelico ministerio effectum est, ut Philippus Christi Discipulus, velut per aëra deportatus, nobili Eunuchò confociaretur, eoque baptizato ad suos in Æzorum confestim rediret, longis itinerum spacijs brevissimo tempore confectis, ut omnes subitam illam translationem, atque restitutionem ejusdem hominis admirarentur. *Achor. 8.* Quid verò magis prodigiosum videatur, quàm Eliam 4. Reg. 2. ex hominum conspectu subito rapi, & curdù igneo excipi, & in loca remotissima devehì, ac demum post multa sæcula in Palæstinam reverti, & in Majestate quadam conspici; postquam verò in monte *Matth. 17.* cum Christo de futuro ejus excessu collocutus esset, statim rursus evanescere. Nec defuerunt, qui cum Gregorio Neocæsariensi tanta fide excelluerint, ut rupes & montes ingentes oratione sola moverint, atque in alium locum transtulerint. Quo circa cum divinæ virtuti nihil possit resistere, & similibus miraculis referta sint veteres historiz, quas nullus in universum, nisi perficitæ frontis homo abicere possit, certè non adeo incredibile videri debet, Mariæ quoque domunculam Deo famgram, cum malè neglecta jaceret, impijs

plis ademptam esse cultoribus, & invisibili quadam virtute ad locum honestiorem tandem demigrasse, ubi ad verum, & salutarem Christianæ gentis usum, & fructum converteretur. An non omnia propter electos? Quibus & Angeli Sancti, utporè spiritus administratorij, sive (ut loquitur Cyprianus scdm. de Nativit. Christi) salutis nostræ ministeriales, in ijs præsertim rebus propensè serviunt, quæ ad Christianæ fidei, ac pietatis profectum magis, ac magis in pijs animis excitandum, fovendumque spectant. Quis autem non videat, hoc Matris cubiculum, non modò propter personæ quondam inhabitantis nobilitatem, nos ad amorem & honorem quendam rapere, verum etiam velut pulcherrimum quoddam esse symbolum, quo parvi, & magni semper, multumque commoneantur de Sanctissimæ Virgi-

nis vita, & conversatione jam olim in eo loco transacta, deque Christi Domini, & Matris ejus domesticæ, & perquam suavi familiaritate ibidem habitæ, sed & de proprio Christiani hominis officio per hanc velut imaginem adumbrato? Nihil enim nobis in omni vita, si sapiamus, diligentius curandum, ac elaborandum est, quam ut nostros animos; velut sedes virgineas, & domos spirituales hospiti Christo præbeamus, ejusque mysticæ matres, post MARIAM, & naturalem & spiritua-lem Domini Matrem, efficiamus. Id verò fiet pulcherrimè; si ad voluntatem Dei præstandam nos die nocteque componamus, illiusque Christi sermonem intimis animi sensibus complectamur: *Quicumque fecerit voluntatem Patris mei, qui in Cælis est, ipse meus frater, soror, & Mater est.* Matth. 12.

CAPUT DECIMUM QUINTUM.

Exploditur fabula Alcorani, affirmantis, B. Mariam Christum peperisse, cum juxta palmam consisteret, & alia fabulosa narrantis.

LXXI. MAHUMETUS in Alcorano cap. 18. hæc habet: *Mariâ pregnantæ cum puero concepto in locum remotum aufugit, tandem menstruo parium præcedente destillante, cum juxta palmam consisteret, dixit: utinam mortis, oblivioni que succumberem. antequam hoc mihi contigisset. Christus autem subitus egressus est: ipsam-*

que consolans, ne timeas, inquit: ego enim tecum hic affideo: deinceps Deus ipsam allocutus in; unxit, ut palmam ex-cuteret, atque de ejus fructibus decidentibus vesceretur, atque roboraretur. Addi que, eos, qui eam videbant gestantem puerum, & cognoscebant, ejus parentes esse justos & sanctos, ei exprobrasse vitam turpiter actam cum

suorum dedecore, & quasi culpabilem, ac fornicariam reprehendisse; ipsam verò, ut suam innocentiam defenderet, ab eis rogasse, ut infantem illum de veritate interrogarent: tunc verò infantulum in hanc vocem erupisse: *Ego sum Dei minister, qui mihi librum tribuens me Prophetam constituit.* Concludit Mahumetus: *Hoc est de Christo Maria filio ve bum verax.* Dicere debuisset, *verbum mendax, & fabulosum.* Hæc enim narratio plura continet mendaciâ, quàm clausulas. Imprimis manifestum est, Prophetas antiquos annuntiâsse, Christum nasciturum in Bethleem, ut constat ex Michæ 5. & ita responderunt Sacerdotes Herodi interroganti Matth. 2. v. 6. *Et tu Bethleem terra Judæ, nequaquam minima es in Principibus Judæ; ex te enim exiet dux, qui regat populum meum.* Deinde clarè constat, Christum natum esse in Bethleem, ut narrat Matthæus cap. 2. *Cum natus esset Jesus in Bethleem, &c.* Idque mundo publicavit adventus Magorum, qui ducti à stella ingressi sunt Hierosolymam dicentes, *ubi est, qui natus est Rex Judeorum?* &c. Illumque ducti à stella quæsierunt, & invenerunt in Bethleem, & adoraverunt, offerentes ei aurum, thus & mirram Matth. 2. v. 11. Constat etiam ex occisione Innocentium; nam Herodes occidit omnes pueros quierant in Bethleem, & in omnibus finibus ejus à bimatu, & infra. Matth. 2. 17. supponens Christum ibi natum esse. Constat tertio ex Luca 2. cap. Mariam ascendisse cum Josepho in Bethleem ob edictum Cæsaris, &

ibi impletum fuisse tempus pariendi, & peperisse, & reclinâsse Infantem in præsepio; & Pastores ex admonitione Angeli venisse: *Et invenisse Mariam, & Joseph, & Infantem positum in præsepio.* Fabulosum ergo est, quòd B. Virgo in locum remotum aufugerit, quali ad vitandam infamiam fornicationis, quam ei imputabant. Certum enim est, Beatam Virginem Matrimonium contraxisse cum Josepho, & Christum reputatum fuisse filium Josephi ab omnibus, qui mysterium ignorabant: nam propter honorem Mariæ, ne scilicet putaretur mulier fornicaria, Spiritus Sanctus disposuit, ut Christus nasceretur de Virgine nupta. Ergo falsum est, quòd tanquam inhonesta fuerit reprehensa. Falsissimum etiam est, hanc Virginem purissimam profluvium sanguinis in partu passam fuisse: sicut enim sine opera viri, & sine delectatione concepit, ita peperit sine dolore, immò cum ingenti spiritus sui gaudio, & sine aliis imperfectionibus, quibus aliæ feminae obnoxie sunt. Hæc est enim Virgo illa, de qua Isaias cap. 66. v. 7. prædixit: *Antequam parirerit, peperit, id est, antequam dolorem pariendi sentiret: Antequam veniret partus ejus, peperit masculum, id est, antequam veniret dolor ex partu, peperit Christum.* Quis audivit unquam tale? *Et quis vidit huius simile?* Patrus namque iste fuit miraculosus. Et infans ille, quamvis corporis quantitate esset infans, judicij tamen, ac sapientiæ perfectione erat vir, juxta prophetiam Hieremij cap. 31. *Novum fecit Dominus super terram, femina*

mina circumdabit virum, id est in utero gestabit Christum, qui erit plenus sapientiâ in utero, perinde ac si foret jam grandævus vir.

Nec illud dictum, *utinam morti, oblivioniq; succumberem, antequam hoc mihi contigisset*, concordat cum summa perfectione, quam de B. Virgine prædicat Mahumetus, ut vidimus paulô sup. c. 13. Nec cum illo privilegio, quod concessum fuisse soli Christo ejûsq; Matri affirmat liber *Alkoam* magnæ autoritatis apud Mauros, & Turcas Discipulos Mahumeri: in illo enim libro sic legitur: *Nullus ex filijs Adam nascitur, quem non tangat Satân: & ideo plorat vociferans ex ejus tactu, præter Mariam, & Filium ejus.* Ut refert Canisius lib. 3.

de Deipara cap. 20. Hinc enim sequitur, Beatam Virginem neque peccatum originale contraxisse, neque actuale commississe. Si autem res ita se habuit, quomodo in illa impatientiæ verba erumperet? Si virgo concepit, & virgo permanfit in ipso partu, ut fatentur Mahumetaui, ut constat ex cap. 3. pag. 54. non ergo menstruum passa est. Denique fabulosum est, quod Christus infans locutus sit: etsi enim posset, voluit tamen aliorum infantum conditionem naturalem subire. Quod autem narrat, infantem dixisse, sibi à Deo datum librum; si intelligatur de libro materiali Evangeliorum, fabulosum est: nam Evangelia Apostoli scripserunt post Christi Ascensionem.

CAPUT DECIMUM SEXTUM.

Error Alcorani contra Mathematicam.

LXXII. **I**N Alcorano (secundum quod illo utebantur, Mauri cum distinctione librorum) lib. 2. cap. 9. & lib. 3. cap. 19. & lib. 4. cap. de *Dominatione*, dicitur, stellas esse in primo cælo; cum tamen constet ex Mathematica, esse in octavo. Liber Sunæ, qui est paræ autoritatis cum Alcorano (ut vidimus capit. 1.) affirmât, illas alligatas esse cælo, ab ipsôque pendentibus catenis aureis: & maximam stellarum non excedere magnitudinem magni montis. Idque ipsum narrat Mahumetus in Alcorano, quan-

do depingit fabulosam suam Ascensionem in Cælum, nimirum lib. 2. cap. 11. asseritque, Dæmones ascendere in Cælum ad audienda secreta divina; stellas verò, cum primò eos vident, concitato cursu, & assumpto titione ignito, illos fugare. Quæ omnia ridicula, & fabulosa sunt, cum stellæ corpora sint inanimata, & cælo ipsi infixæ, & tantæ magnitudinis, ut minima stellarum firmamenti sit quater supra sexagies major globo aquæ, & terræ, ut docet P. Ricciolus insignis Mathematicus.

Deinde

LXXIII. Deinde liber Sunæ affirmat, Deū fundāsse terrā supra Tauri cornua; & terræ motus tunc contingere, quando taurus ille movetur. Sed quis illi tauro herbam porrigit, ut alatur? Deinde si cornibus terram sustinet, ubinam figit pedes? Certè necesse est, ut pedes habeat sursum versùs Cælum, & caput deorsum, quia gravia deorsum gravitant. Hæc deliria refert Joannes Andreas in sua confutatione sectæ Mahumetanæ cap. 5. & cap. 8.

LXXIV. Deinde Mahumetus sæpè in Alcorano docet, septè tantùm esse cœlos; sed tamen lib. 2. cap. 11. ponit octavum cælum, in quo Deus existit. Cæterùm vera Mathematica præter septem cœlos Planetarum, & octavum cælum in quo existunt stellæ fixæ, ponit nonum cælum, quod dicitur primum mobile, & præterea Empyreum.

LXXV. In cap. 63. Alcorani dicitur, *Appropinquavit horā Luna, quæ bipartita est*, in hoc loco dicunt Mahumetani alludi ad miraculum sui Prophetæ. *Aliunt enim Mauri*, (inquit S. Petrus Paschasius num. 154.) *Lunam ad Mahumetum venisse, illamque in suo sinu accepisse, & in duas partes divisisse, & postea illas inter se junxisse.* Rem verò sic narrant cæci Mahumetani. Dicunt enim, quòd,

cùm quadam die esset cum Discipulis suis, illi ab eo postulārent, ut faceret coram ipsis aliquod miraculum; tunc verò Mahumetum digitis versùs Lunam concrepāsse; hac verò digitorum percussione Lunam in duas partes fuisse divisam, & medietatem illius cecidisse supra montem *Elicer*, qui ad latus Meccæ situs est, alteram verò medietatem supra montem *Rufum*, qui situs est è regione ad latus oppositum: Mahumetum verò collegisse illas duas Lunæ partes; & illas intronuisse per manicas subuculæ, & inter se conjunxisse, & compegisse. *Hinc Turcæ venerantur Lunam, illamque in vexillis castris præferunt*, ut inquit Cornelius à Lapide in Apocal. pag. 218. Quis hæc audiens risum continere possit, & non miretur, homines rationis composites hæc credere? Globus Lunæ major est, quàm ingens regnum; quia saltem complectitur decimam nonā partem globi terræ, & aqua: quomodo cadere potuit, quin totam Arabiam opprimeret? Quomodo in manicas tantæ molis corpus potuit Mahumetus intromittere? Quomodo rem tam insolitam, & tam sensibilem, & palpabilem nullus scriptor memoriæ tradidit, sicut tradidit e eclypsim

Solis, quæ in morte Christi accidit?



CAPUT DECIMUM SEPTIMUM.

Errores Alcorani contra Philosophiam Naturalem.

LXXVI. **L**iber Alcorani cap. 24. in persona Dei sic loquitur: *Hominem de terra, & luto plasmavimus, diabolo prius ex igne pastifero creato.* Hoc est contra veram Philosophiam, quæ docet, Angelos esse immateriales, & incorporeos. Rursus est contra Sacram Historiam, quia prius Deus Angelos creavit, quam elementum ignis formaverit. Siquidem Angelos creavit primâ die, simul cum cælo. Elementum verò ignis postea.

Rursus lib. 1. cap. 4. & lib. 4. cap. cuius titulus est, *de Quo quarat*, dicit, animalia bruta resurrectura in die iudicii, & taurum cornupetam, qui alios boves ferijt, hujus facti rationem redditurum. Et similiter arietes, qui oves facto impetu contuderunt. Præterea Mahumetus in libro Sunæ affirmat, omnes arietes, quos Mauri in suo pascu jugulârunt, resuscitandos in die iudicii, & preces fusuros ad Deum pro ijs, qui ipsos sacrificâunt: & quando S. Michæel in statera animas appenderit, accursuros arietes illos, & seipfos collocaturos in ea parte stateræ, in qua bona opera ponuntur, ut oppositæ parti malorum operum præponderet. Et hac de causa Mahumetani multos in pascu occidunt arietes, quamvis ex præcepto legis unum

tantum teneantur jugulare. Et hinc sequitur, animalia bruta in die iudicii præmio vel pænâ afficienda. Hæc refert Joannes Andreas in confutatione Alcorani cap. 4. quæ sunt planè ridicula: nam certum est, animas brutorum non esse immortales, nec esse capaces peccati, cum iudicio rationis, & libero arbitrio careant: & inter animalia solum hominem capacem esse resurrectionis, quia constat animam immortalis, quæ non perit simul cum corpore, ut animæ brutorum pereunt, quia sunt materiales, & corporeæ.

LXXVII. Affirmat etiam Mahumetus, quando Abraham in procinctu erat ad jugulandum filium suum Isaac, & illum immolandum Deo, adventasse Archangelum Gabrielem, & portasse arietem, qui per quadraginta continuos annos in Paradiso pascebat, ut eum loco filij Abraham sacrificaret. Cum hanc fabulam Joannes Andreas retulisset, per jocum à Mahumetanis rogat, numerent, quot excrementis globulos aries ille in Paradiso è ventre egisset.

Præterea lib. 3. Alcorani cap. 9. affirmat Mahumetus, formicam quandam ita vocem extulisse, quod illam Salomon audierit à tribus millibus distantia.

CAPUT DECIMUM OCTAVUM.

Errores Alcorani contra Dei misericordiam.

LXXVIII. **I**N octavo capitulo Alcorani inquit Mahumetus. *Malè operantes, neque ante mortem, sed in ipso mortis articulo digredi volentes, & similiter incredulos morientes Deus abhorrens pœnis affligit.* In quibus verbis affirmat, eandem fore sortem hominum peccatorum, qui usque ad horam mortis pœnitentiam differunt, & in illa hora à peccatis digredi volunt, & de illis pœnitentiam agunt, ac de incredulis, qui in infidelitate moriuntur, qui abs dubio damnantur. Hic autem est error contra Dei misericordiam, qui per Ezechielem cap. 18. universaliter promissit: *In quacunque hora ingemueris peccator, omnium iniquitatum ejus non recordabor: & homines in desperationem præcipitat.*

LXXIX. Præterea c. 9. docet, Deum non remittere peccata graviora, sed dumtaxat minora. Ita enim inquit: *Deus summè criminalia peccata, videlicet cæteris maiora non, sed minora, cui vult, condonat.* Quis ita cæcus, qui non videat, hoc assertum injuriosum esse Dei misericordiæ, quæ, cum sit infinita, nulla peccatorum gravitate potest vinci. Et sanè sicut non est magna laus medici, quòd medeatur infirmitatibus ordinarijs, & exiguis: sed quòd morbos penè desperatos cures; ita &c. Quis non videat hanc

Mahumeti cogitationem, præcludendo januam veniæ magnorum criminum, aditum recludere alijs majoribus, in quæ homines desperantes de venia primi peccati gravioris concitato cursu ruunt. Est præterea hoc placitum contra promissiones divinas veteris & novi Testamenti, in quibus generaliter veniam offert omnibus peccatoribus, quibuscunque itreantur delictis, dummodo peccata dimittant, & pœnitentiam agant. Immo juxta doctrinam Apostoli Roman. 6. tanta est Dei pietas, ut frequenter, ubi abundavit delictum, abundet & gratia.

Est etiam hæc doctrina contra id, quod in scriptura legimus, nempe Deum sæpè remisisse ingentia crimina; qualia fuerunt crimina Regis Manassæ, quæ Deus propter pœnitentiam dimisit, ut constat ex 2. Paralip. cap. 33. & ex 4. Reg. 21. Quæ majora crimina, quàm peccatum idololatriæ, blasphemix, occisionis Prophetarum, & similibus? quæ ramen propter pœnitentiam dimissa esse à Deo, in scriptura legimus. Multaque ex Christi crucifixoribus veniam propter pœnitentiam impetrarunt. Hoc argumentum facile amplificare poterit Evangelicus prædicator.

LXXX. Item cap. 12. Alcorani dicitur. *Homines praves ad viam re-*
tiam

Etiam Deus minimè dirigit. Hoc non solum est contra divinam misericordiam, sed contra experientiam, & contra id, quod ex Scriptura constat. Sane Mahumetus ipse aliquando fuit idololatra, & ipse fateretur, se misericorditer à Deo vocatum fuisse ad amplectendam veram fidem. Saulus crudelis fuit Christi hostis, & Christianorum inimicus, & mirabiliter à Chri-

sto conversus est. Actor. 9. & per Isaiam cap. 42. Deus ipse loquitur dicens: *Deducam cecos* (id est vitij obte-
nibratos) *in viam, quam nesciunt.* Denique si homines pravos ad viam rectam Deus non dirigit, in via prava semper necessariò manebunt: quia nec à diabolo, neque à se ipsis sine Dei auxilio, & directione educuntur à via prava ad rectam.

CAPUT DECIMUM NONUM.

Error Alcorani contra Dei providentiam, trahentem homines ad veram Fidem, & pietatem per miracula.

LXXXI. **C**APITE 19. Alcorani dicit Mahumetus: *Constat, nihil caelestium, siue terrestrium, neque miracula, seu virtutes incredulis quidquam proficere.* Cum hoc dixerit, facile cernitur; quia enim ipse miracula facere non valebat, ea quasi inutilia rejectit. In primis Mahumetus ipse in sequenti capitulo supponit, miracula utilissima esse ad convertendos infideles, ac proinde sibi ipsi contradicit. Nam cap. 20. hæc habet: *increduli dixerunt ad Huh: Nos propter verba tua nequaquam refutabimus, quod adoramus; cum tu minimè cum miraculis & virtutibus ad nos accedas.* Id autem ideo Mahumetus dixisse creditur, ne ipse solus inter Prophetas ac nuntios videretur absque miraculis advenisse. Estque error manifestus, quòd miracula nihil prosint ad conversionem infidelium. Constat enim,

Deum dedisse Apostolis potestatem patrando miracula in confirmationem doctrinæ, quam prædicabant, ut infideles traherent ad fidem. Et cum Divus Petrus curavit claudum à nativitate in nomine Jesu, occasione hujus miraculi quinque millia hominum conversi sunt, ut dicitur Actor. 4. v. 4. *Multi autem eorum, qui audierant verbum, crediderunt, & factus est numerus virorum quinque millia, & ut narrat idem Lucas in suo Evangelio cap. 23. Centurio videns miracula, quæ in morte Christi acciderunt, nimirum, quòd tenebræ factæ sunt super universam terram ab hora sexta usque ad novam, & quòd Christus voce magna expiravit dicens: Pater in manus tuas commendo spiritum meum, glorificavit Deum dicens, verè hic homo iustus erat, & omnis turba eorum, qui simul aderant ad spectaculum istud, & vide-*
bant,

bant, quæ fiebant, percutientes pectora sua revertebantur. Martyræque passim, & constantiâ in tormentis, & miraculorum virtute multos ad fidem Christi infideles converterunt, ut legimus in Breviario Romano 5. Februarij in Actis Sanctorum Faustini, & Iovitz, & in Actis S. Ianuarij Episcopi die

19. Sept. & in Actis S. Martinæ Virginis die 30. Ianuarij, & sic de alijs, & Christus Dominus Joann. 14. planè testatur, miracula ad conversionem incredulorum multum conferre. *Nisi signa (inquiens) & prodigia videritis, non creditis.*

CAPUT VIGESIMUM,

Error Alcorani contra Dei providentiam permittemtem, ut amici sui in hac vita tribulationem patiantur, ut in alia coronentur,

LXXXII. **M**AHUMETUS in capite duodecimo Alcorani hæc habet: *Vos Judæi, & Christiani, si Dei Filij, suique dilecti estis, prout vos dicitis, cur vobis, culpas & peccata gerentibus, pœnas & malum infert? Quæ verba non nisi ab homine totius spiritualis sapientiæ experte profecti potuerunt; sunt enim inscitiz plena: ad providentiam namque Dei spectat, filiorum suorum adoptivorum, & amicorum peccata hæc punire, ne in alia vita durius puniat; hæc per flagella eos corrigete, & admonete, ut resipiscant, & rectam virtutis semitam sectentur, & per adversos casus premere, ne rebus ca lucis nimium in hærentes æterna fastidiant: & tribulationibus quasi stimulo pungere, ut ad patriam cœlestem concitato cursu tendant. Hinc Deus Apocal. 3. v. 19. inquit: Ego, quos amo, arguo, & castigo. Et Paulus ad Hebræos duodecimo v. 6. *Quem e-**

nim diligit Dominus, castigat, flagellas autem omnem filium, quem recipit. Et Angelus Raphaël Sancto Tobie cap. 12. v. 13. dixit: Quia acceptus eras Deo, necesse fuit, ut tentatio probares te. Et Salomon Prov. 3. v. 11. inquit: Disciplinam Domini, fili mi, ne abjicias, nec deficias, cum ab eo corripis: quem enim diligit Dominus corripit; & quasi pater in filio complacet sibi. Et Sanctus Job cap. 5. inquit: Beatus homo, qui corripitur à Domino, Et per Hierem. cap. 30 ait Dominus: Castigo te in iudicio; ut non tibi videaris innoxius. Atque in 2. Mach. cap. 6. v. 13. Spiritu Sancto dictante scriptum est: Etenim multo tempore non sinere peccatores ex sententia agere, sed statim uliones adhibere, magni beneficij est indicium. Estque manifestum reprobationis signum, quando homines graviter peccant, & tamen in hac vita à Deo non puniuntur; cum enim Deus sit summè justus, nullum peccatum re-
linguit

linquit omnino impunitum. Unde si in hac vita non punit ut pater ad correctionem, puniet in alia ut iudex ad vindictam, & exterminationem. Unde de reprobis loquens Deus per os Davidis Psalm. 80. inquit: *Dimisi eos secundum desideria cordis eorum, ibunt in adinventionibus suis.* Et similiter Paulus ad Hebr. 12. *Si extra disciplinam es, ergo adulteri, & non filij es.* Quare Deum hic non punire peccatores, licet videatur miseratio, est maxima indignatio, ut ponderat Bernardus serm. 42. in Cant. expendens verba illa *saiz* cap. 16. num. 10. *Misereamur impio, & non discet iustitiam: in terra Sanctorum iniqua gessit, & non videbit gloriam Domini.* Audi Bernardum: *Misericordiam hanc ego nolo: super omnem iram miseratio ista, sapiens mihi vias iustitiae. Satis profectus mihi, iuxta Prophetam consilium, apprehendere disciplinam, ne quando irascatur Dominus, & peream de via iusta: volo irascaris mihi pater misericordiarum, sed illa ira, quae corrigis devium, non quae extrudis de via.* Hinc per Prophetam Ezechielem terribiliter minatur Deus cap. 16. v. 42. *Auferetur Zelus meus à te: & quiescam, nec irascar amplius.* Solo auditu contremisco, inquit Bernardus ibidem, postquam recitavit hæc verba: *Vides, quia tunc magis irascitur Deus, cum non irascitur? Si te zelus deseruit, deseruit amor: & nec eris amore dignus, qui indignus castigatione censuris.* Certè dum maritus uxorem zelat, & reprehendit; amat adhuc & secum retinet: cæterum postquam illi libellum repudij concessit, nihil amplius de illa curat, nec propter adulterium

castigat. Sic ergo se Deus gerit cum reprobis, quos hic non castigat. Quod alia similitudine explicatur: nam quando medico spes affulget de futura infirmi salute, prohibet illi nocitura, quæ appetit; quando autem nihil infirmo vetat, sed omnia ejus voluntati permittit, jam res deplorata est. Sic ergo, &c.

Non ergo ideo debuit putare Mahumetus, se à Deo dilectum, quia in hac vita Deus illum non punivit, sed prosperitatem ei induxit: quia potius hinc evincitur, illum abominabilem coram Deo fuisse, siquidem in hac vita eum ut pater non correxit, in alia castigaturus, tanquam severissimus Iudex. Ut enim 2. Machab. cap. 6. v. 14. de magnis, & cæcis peccatoribus dicitur, *Dominus patienter expectat, ut cum iudicii dies advenierit, in plenitudine peccatorum puniat.*

Nec gloriari possunt Mahumetani, quasi Deo placeant, quia prævalent Christianis, eosque sæpe optinunt. Dei enim mos est, ut imialis & infidelibus, ut instrumento, & tanquam virgâ ad flagellandum fideles, atque electos suos; correctis autem & castigatis filiis virgam illam projiciet in ignem. Ut constat ex verbis Dei per Isaiam cap. 10. *Va Assur (id est Regi Assiriorum) Virga furoris mei, & baculus ipse est.* Utur infidelibus, & peccatoribus tanquam malleo, & incude ad efformanda pretiosa vasa, quibus dona sua in æternum committat, & quæ in Cæli abaco reponantur. Id explicat optimè Michael de Medina lib. 2. de relecta in Deum fide fol. 6. & 7. *Nullum certè populum tot tantisque afflictionibus oppressum accepit.*

mus. quàm Israëliticum populum, cum tamen utcumque inter omnes mortales Deum coleret: contra verò nullus tam applausit fortuna, quàm profanis illis nationibus, Babilonijs, Assirijs, Egyptijs, Philistinjs, Romanis, &c. Admirandum profectò divina providentia consilium, ut cum & vetere illo saculo duos populos habuerit, idololatrarum unum, & vera Religiois expertem; Religiosum alterum, suæque saltem cognitionis participem, illum tantâ rerum affluentia, tantoque bellorum successu, contrâ hunc tantis, & internis, & externis cladibus, & calamitatibus fuerit profectus, ut cum hic infelix apud omnes finitimas gentes sit habuit, ille in toto orbe felicitissimus judicari potuerit. Hoc profectò non alio consilio factum est, quàm quòd ad populi sui peccata coercenda, satellitibus, non quibuscumque, sed summâ viribus humanarum potentia præditi, Deus indigeat. Nec enim principes in vindictam malefactorum inermes, & imbelles ministros assumunt: sed ingenti illos, & hominum, & armorum potentia circumdant, ut in peccatores, quancumvis potentes, intrepidi irruant. Non ergo infidelis populi felicitas, & fortune applausus inde provenit, quod eorum Religio sit vera, nostra contra falsa, sed quòd velit populum suum in disciplina contineri, qua ratione virga furoris Assue, & exercitus Domini Romani vocantur, quòd voluntatem ejus, quasi ministri iustitiæ, exequendo perficiant. Inundante igitur peccatorum diluvio, necesse est, ministrorum Dei potentiam exrescere. Atque id quidem, licet totius aliquando populi fidelia peccata contingat, potissimè vero

Regum, & Prefectorum vivendi licentia provenire docemur: nunquam enim nec est verum illud. Quidquid delirant Reges, plebuntur Achivi.

Id non modò pessimorum Regum, Jeroboam, Achab, Ochozia, Ioram, Achaz, Manassus, Hosia, Ioachim, &c. ingenti Israëliti populi malo, docent Historia, sed non minùs atrocibus exemplis Ecclesiastici annales. Totam certè Ecclesiasticum Imperium, quod olim ab Occidente in Orientem, & à Septentrione in Meridiem extendebatur, Romanorum, & Constantinopolitanorum Principum tyrannis, & licentia vivendi perdidit, & infidelibus prodidit; Hispaniam nobilissimam Europa, Provinciam Virgis, & Roderici Regum Gothorum criminosa vita, post enormem totius regionis vastitatem, Saracenis tradidit.

Et sanè quòd hæc duo rectè colligant, nempe aliquem esse eximie sanctum, & dilectum Deo, & tamen in hac vita multa perpeti temporalia mala; negare non potest Mahumetos, qui confitetur, Christum Dominum, & Beatam Mariam ejus Matrem homines fuisse sanctissimos; & omnis peccati expertes: constat enim, Christum Dominum à Judæis passum fuisse calumnias, persecutiones, ludibria, verbera, & mortem ignominiosissimam, & ejus Matrem gladio compassionis fuisse transfixam, & dum in Egyptum fugit cum puero Jesu, multos sustinuisse labores: ergo stat optimè, populum Christianum esse Deo dilectum, & tamen multas temporales calamitates perpeti.

CAPUT VIGESIMUM PRIMUM.

Error Alcorani contra providentiam Dei, permittentem homines fideles à diabolo tentari.

LXXXIII. **C**apite 21. Alcorani sic loquitur Mahumetus: *Impossibile diabolo, quidquam facere, nisi incredulis.* Hic est error manifestus contra Dei providentiam, quæ permittit, diabolum tentare fideles, justos, & sanctos. Sic permisit, ut tentaret Christum; ut enim inquit Mathæus cap. 4. *Jesus ductus est in desertum à spiritu, ut tentaretur à diabolo.* Quod de Spiritu Sancto intelligendum esse, probat Maldonatus, & Christus Dominus Luc 22. vers. 31. dixit: *Simon. Simon. ecce Satanas expetivit vos, ut cribraret, sicut triticum: ego autem rogo pro te, ut non deficiat fides tua.* Hinc Christus docuit Discipulos suos Matth. 6. vers. 13. ut orarent, dicentes, *Ne nos inducas in tentationem; postulando, vel ne nos permittat à diabolo tentari, vel ut nobis conferat gratiam, qua tentationem vincamus,* & Matth. 6. v. 21. dixit: *Vigilate & orate, ut non intretis in tentationem.* Et Apostolus Petrus Epist. 1. cap. 5. fideles hortatur: *Sobrius estote, & vigilate, quia adversarius vester diabolus, sicut leo rugiens circuit, quaerens quem devoret, cui resistite fortes in fide.* Sanè Job, Vir Sanctissimus erat, & tamen diabolus multa illi intulit mala temporalia: & S. Antonium Abbatem, aliòsque

Sanctos Viros, permittente Deo ad majus ipsorum meritum varijs molestijs & plagis affecit. Quid quod ipse Mahumetus in cap. 21. Alcorani narrat persecutiones, quas Joseph Patriarcha, quamvis justus, passus est: & dicit, Josephum in carcere detentum esse, quia suggerente diabolo, quando principem pincernarum rogavit, oblitus est nominare nomen Dei. Ceterumque est, diabolum potissimum in suis tentationibus aggredi fideles, & justos, ut à recta salutis via avertens, ad infernum trahat. Et Christus Luc. 8. testatur, quosdam ad tempus credere, & in tempore tentationis recedere. Cùm enim vera fides sit primum salutis fundamentum, diabolus enixè conatur, homines à vera fide avertere, & ad falsam trahere. Et hinc clarissimum argumentum formatur ad probandam veritatem Christianæ Religionis, & falsitatem sectæ Mahumetanæ, quia diabolus homines tentat, ne Christiani fiant, vel à fide Christi deficient: nunquam autem Mauris persuadet, ut à sua secta discedant. Assumptum variis exemplis comprobari potest: insigne est illud Theophili Presbiteri, qui tempore Justiniani Imperatoris chirographum signatum diabolo tradidit: *Quo negabat Christum, ejusque Matrem*, quia diabolus

ei promisit suam opem ad obtinendum Officium Ecclesiasticum, à quo per invidiam deturbatus fuerat, sub conditione, quòd Christum, ejusque Matrem abjuraret. Quod exemplum habes in magno speculo exemplorum part. 1. dist. 14. exemplo 24. desumptum ex speculo historiali Vincentij lib. 21. cap. 69. & 70. Illud etiam celebre, quod legitur in vita S. Basilij in vitis Patrum, & habetur in eodem speculo magno exemplorum dist. 8. exemp. 80. de quo-

dam juvene, qui ut nobilem Virginem Matrimonio sibi copularet, ad maleficum accessit, & ab illo instructus, diabolo scriptum fecit, in quo ferebatur, se Christo, & Baptismati, & Christianæ Religioni abrenuntiare: & sic Matrimonio illius virginis positus est. Postea verò pœnitentiâ, & orationibus S. Basilij à Deo obtinuit, ut diabolus scriptum restitueret: & ab ejus insidijs liberatus est.

CAPUT VIGESIMUM SECUNDUM.

Confirmatur doctrina præcedens exemplo recenti Mahumetana femina, quam à suscipiendo Baptismo demon ei apparens deterrebat.

LXXXIV. **A**NNO 1671. publicas conciones habuimus P. Joannes Gabriel Guillem, & ego ad Mahumetanos Xerâ, Gadibus, Portu Sanctæ Mariæ, Sanlucar de Barrameda, & alijs Civitatibus: non pauci in illis conversi sunt, solemnique pompâ Baptismus illis administratus est: Xera, & Gadibus in publico foro erectum est ingens tabulatum, in quo Catechumeni cum patrinis, & viris primatijs, tum Ecclesiasticis, tum Secularibus affidebant: in portu autem erectum est iura Templum. Gadibus Illustrissimus Episcopus Catechumenos Sacro fonte tinxit: Xera, & Sanlucar Vicarius Illustrissimi Archiepiscopi Hispalensis, Erat in portupius, & nobilis Ecclesiasticus, qui habebat ancillam Mahume-

tanam, ejus conversionem ardentè desiderabat, & enixè à Deo postulabat ejus pertinaciam in concionibus publicis expugnare non potuimus: bonus ejus herus suam sortem deplorabat, seque infelicem dicebat, quamdiu ejus ancilla Christi fidem non amplecteretur: illam ferventer sæpe allocutus est, cessit tandem hujus fœminæ obstinatio, & se Christianam esse velle palam professæ est, cum ingenti domini sui consolatione. Dilatus est Baptismus solemnus per aliquod tempus, donec Catechumeni bene in rebus fidei instruerentur. Ut hanc instructionem perficerem, ego rediî Civitate de Sanlucar, in qua astiti, vo tempore eo anno commorati sumus, ad Portum Sanctæ Mariæ. Jam omnia parata erant ad solemnem

lemnem Baptismum : diabolus molestè ferens illius Mahumetanæ conversionem, quadam die, dum illa sola existeret, in triclinio domini sui ei sub forma fœdissimi Æthiopis apparuit, & terribilibus oculis eam aspiciens, minis terruit, & imperavit, ne Baptismum susciperet; & quia dies sollemnis appropinquabat, in quo Catechumeni abluendi erant, ut illa erubesceret cum aliis ad Ecclesiam in solemni processione procedere, illi forciculum obtulit, præciens, ut crines detonderet, sperans fore, ut denudata capillis non auderet in publicum prodire: renuit illa; tunc diabolus ferociori vultu minas ingeminans ita illam terruit, ut horrore percussa, & ingenti metu consternata quasi exanguis in terram conuerterit: & ne formato Crucis signo illum fugaret, ita brachia ejus retro contorsit, & manus atque digitos ita inter se implicuit, ut nullâ humanâ industriâ id contingere potuerit. Advenit eâ tempestate he-

rus; ancillam reperit humi jacentem, oculis scintillantem, & præ terrore fatiscentem, brachia contorta habentem, & faciem pallore exanguis contectam: monet, ut nomen Iesu invocet, & signo Crucis se muniat, & cum illa brachia movere non posset, devotus Sacerdos aquâ benedictâ eam aspergens, & Dei opem implorans, brachia & manus ancillæ expedit, & illa signum Crucis formans, & nomen Iesu, & B. Virginis invocans, in se redijt, & omnia, quæ acciderant, hero suo narravit. Indeque non parùm in fide confirmata est, & ardentius Baptismum desideravit; sic apud se discurrens: diabolus saluti hominum insidiatur, & illos ad infernum ducere vult; si ergo à Religione Christiana suscipienda me vult amovere, signum est, quòd illa vera est, & certa ad Cælum via. Sic confirmata alacriter Baptismum cum aliis triginta septem in templo suscepit.

CAPUT VIGESIMUM TERTIUM.

Error Alcorani contra Dei iustitiam, & misericordiam.

LXXXV. **I**n capite 28. Alcorani hæc habet Mahumetus: *Sciendum, neminem esse, qui non ad ignem, quoniam hoc Deus mandavit, proficiatur: ubi corporaliter etiam increduli perseverabunt; timentes autem Deum salvabuntur.* Non loquitur Mahumetus indifferenter de igne Purgatorii,

& de igne Inferni damnatorum, sed determinare de hoc, ad quem increduli deferuntur. Est autem error manifestus, & enormis, contra Dei iustitiam, & misericordiam, quòd omnes homines in ignem Inferni Deus proijciat; cum plurimi iusti, & sancti ex hac vita decedant, quos Deus in ignem damnatorum

non proijcit, sed in ignem Purgatorij, si in hac vita pro reatu suorum peccatorum plenè non satisfecerunt; vel in Cælum statim eos evehit, & visione beatifica donat, si omnino purificati decedunt. Rursus certum est, pueros, qui in lege nova ante usum rationis cum Baptismo decedunt, statim ad Cælum evolare, & pueros decedentes cum circumcissione in lege Veteri ante usum rationis in sinum Abrahæ deportatos esse, ubi nulla erat pœna ignis. Immo pueri decedentes cum solo originali non detruduntur in Infernum damnatorum, in quo pœna ignis urit, sed in Lymbum, in quo pœnam damnitantum patiuntur; æquitas enim, & misericordia Dei non patitur, eos pœna acris ignis torqueri, qui propria voluntate nollum peccatum commiserunt. Et quamvis ex adultis homines iusti in peccata venialia labantur, exploratum tamen est, multos ex hac vita ita puros decedere, ut statim in Cælum volent. Sic enim S. Antonius Abbas animam S. Pauli primi Eremitæ vidit ab Angelis in Cælum deferri, & S. Severinus animam S. Martini, & S. Benedictus animam S. Germani.

Rursus error est, eos, qui in Infernum semel labuntur damnatorum, inde unquam extrahendos: nam ex Sacris Litteris constat, pœnam Inferni nunquam finiendam, ut ex illo Isaïæ ultimo: *Vermis eorum non morietur, & ignis eorum non extinguetur.* Et ex illo Christi Matth. 25. *Ite maledicti in ignem æternum, qui parati estis diabolo, & Angelis ejus.* Et Marci 9. ter in uno orationis contextu docuit, pœnas Inferni esse perpetuas illis verbis: *Mittite in gehennam ignis inextinguibili, ubi vermis eorum non moritur, & ignis non extinguitur.* Idem constat ex Judith 6. & Eccl. 7. & Apocal. 14. & 19. & ex verbis Baptistæ Matth. 3. *Paleas autem comburet igne inextinguibili.* Et Daniel 12. Sicut enim ad misericordiam, & justitiam remunerativam Dei pertinet, quod merces bonorum sit æterna; ita pertinet ad justitiam punitivam Dei, quod pœna impiorum sit æterna: cum enim animæ sint immortales, & tempus viæ sit finitum, duratio præmij & pœnæ debet esse æterna; ubi enim locus non est merendi, & demerendi, debet esse locus, vel præmij accipiendi, vel pœnam subeundi.

CAPUT VIGESIMUM QUARTUM.

Quomodo Mahumetani fabulentur, Mauros ab Inferno extrahi.

LXXXVI. **E**Xistimant cæci Arabes, animas suorum defunctorum ab inferno extrahi; quia

postquam corpora defunctorum humata sunt, elargiuntur Alfaquine suo, qui est veluti Parochus eorum, octo drachmas

drachmas eleemosynæ titulo, ut animam defuncti Deo commender. Ille verò non aliud suffragium, nec aliud sacrificium pro illa offert, quàm legem Alcorani illis diebus legere; arbitrantur enim, tantùm valere apud Deum illam Alcorani lectionem, ut vi illius anima omnino munderetur; & Mahumetus illam ab inferno extrahere teneatur; quod illum præstare existimant, quia se coram Deo vultu tristi sistit; tunc verò ab illo Deus rogat: *Cur tristis es Mahumete? & illi respondet: quomodo tristis non sim, si in inferno est Maurus?* Tunc verò Deus Mahumeto. *Vade* (inquit) *& Maurum ab inferno educito*: Mahumetus verò accedens verticis crine apprehensum Maurum deducit ab orco, & secum in Paradisum vehit; & ideo Mahumetani in vertice pusillum comæ nutriunt, reliquâ abrasâ, ut illo extrahantur ab inferno. Quasi verò, vel anima crines habeat, vel Mahumetus in continuo futurus sit motu descensus, & ascensus; vel continuò simulaturus sit illam vultus tristitiam. F. Antonius del Castillo in suo Itinerario Hierosolymitano lib.

3. cap. 3. affirmat, Hierosolymis supra portam *Aurcam* extare duo sacella, in quibus credunt Mauri, Christum, & Mahumetum futuros in die iudicii, quando venerit Christus ad iudicandum mundum; Mahumetum tamen futurum in sacello dextro. Dicunt insuper, Christum tunc dicturum Gentilibus. *Ite in infernum, quia fidem non habuistis*; ludæis verò; *Ite in infernum, quia me voluistis occidere*; Christianis; *Ite in infernum, quia vestram legem non observastis*; denique Mahumetanis; *Ite in infernum, quia peccastis*. Turcæ verò Mahumetum rogaturum pro suis Mauris, & Christo dicturum: *Propter me & mei amorem isti in infernum mittendi non sunt; si autem eos illuc miseris, amici non erimus*: Christum verò his precibus exoratum, responsurum: *Propter Mahumetum omnes Mauri in Cælum eant*. Tunc autem Mahumetum convertendum esse in magnum caprum, lanæ vellere contextum; animas verò Maurorum convertendas in pullices, & insinuas velleri illi deportandas à Mahumeto in Paradisum. Quis hanc fabulam audiens, risum teneat?

CAPUT VIGESIMUM QUINTUM.

Perniciosus alius Alcorani error contra Dei iustitiam, affirmantis, homines per confessionem Mahumetanae sectæ sine bonis operibus, & cum magnis criminibus fore salvandos.

LXXXVII. **M**ahumetus in Alcorano (ut testatur S. Petrus Paschasius num. 133. & num. 153.) *Maurorum de sua propria salute certos, & securos reddit,*

reddit, si in mortis hora in unum crediderunt Deum, & quod Mahumetus sit ejus nuntius. Assensitque, quod, quamvis in die judicii in una stateræ lance ponantur innumera, & gravissima peccata, si tamen in alia reponatur fragmen papiri, longitudinem atque latitudinem digiti non excedentis, in quo scripta sint hæc verba: *Leylehe illa, Alla, Mahomad, Arraculu, Alla*, hoc est, non est nisi unus Deus, & Mahumetus est ejus nuntius, & Propheta: statim hæc pars alteri præponderabit.

Sed hic est error manifestus contra Dei justiciam; quis enim non videat, æquum non esse, ut Dominus servum rebellem, & inobedientem non mino-

re præmio afficiat, quam servum obedientem? Certè si aliquis famulus erga herum suum hoc modo se gereret, ut palam fateretur: *Agnosco te esse Dominum meum legitimum, nolo tamen mandatis tuis obedire*; is dignus supplicio foret: ergo dignus supplicio est, qui credit in Deum, & tamen, quod Deus præcipit, opere exequi non vult. Unde Christus Dominus Matth. 7. vers. 21. verissimè pronuntiavit, *Non omnis, qui dicit mihi, Domine, Domine, intrabit in Regnum Cælorum*. Quia ut inquit Apostolus Jacobus cap. 2. 26. *Fides sine operibus mortua est*: ac proinde animam in vitam æternam ducere nequit.

CAPUT VIGESIMUM SEXTUM.

Errores alii Alcorani contra lumen rationis.

LXXXVIII. **M**AHUMETUS ut supra vidimus capit. 3. pagin. 63. docet: *Unumquemque salvari in sua lege, Indeos, Christianos, Turcas, &c.* Et docet, ultimam hominis felicitatem consistere in delectationibus gustûs & tactûs: & utrumque est error manifestus contra rationem; ut ibidem capit. 11. pagin. 126. ostendimus.

Sed nunc verba Alcorani proferamus: igitur in primo capite sic ait; *Sciendum generaliter, quoniam omnis rectè vivens, sive Christianus, sive Judæus, seu lege sua relicta in aliam tendens, indubitanter divinum assequatur amorem.*

Quod perinde est, ac asserere, unumquemque salvari posse in quacunque lege, dummodo secundum præcepta illius vitam instituat. Sed præterquam quod hoc est contra evidentem luminis naturalis rationem, ut ibi demonstravimus, Mahumetus sibi ipsi aperte contradicit. Nam in tertio capite hæc habet in Dei persona: *Suam legem propter aliam mutans, & in ea manens, hic, & in alio saculo rem igne indeficiente peribit.* Et cap. 6. inquit: *Christiani volentes imitatores legis Mahumetis ad suam convertere legem, efficiunt eos, quos antea boni fuerunt, malos.* Alia adduximus supra capit. 1. 379.

CA.

CAPUT VIGESIMUM SEPTIMUM.

*Error Mahumetanorum circa corpora &
animas defunctorum.*

LXXXIX. IOANNES Andreas sæpè citatus in suo libro contra Mahumetanos cap. 5. testatur, esse articulum fidei inter Mahumetanos, quodd statim, postquam corpus defuncti sepelitur, adveniunt ad ejus sepulcrum duo Angeli nigri, quos Arabicè vocant, *Munquiri*, *Guanquir*; altèrque eorum affert secum clavam ferream, alter verò uncinum, & corpus illud in sepulchro sedere faciunt, vel geniculari; & corpus illud induit animam extrinsecus, sicut tunicam interiorem, seu subuculam induimus, cæterùm usque ad renesantùm. Et statim Angeli illi interrogant, an credat in Mahumetum, ejusque legem, seu an credat, Mahumetum esse Dei Prophetam, & ejus legem esse à Deo latam? an in hoc mundo bona opera fecerit? nimirum an fecerit Zalà (quod est preces quasdam ad Deum fundere) an jejunium *Romadani* observaverit, an decimas solverit, & elemosynas dederit? Si bonam rationem reddit, abeunt inde Angeli nigri, & veniunt duo Angeli nive candidiores, qui corpori illi se committes adhibent, usque ad diem judicii, altèrque eorum ipsius capiti, alter verò crucibus brachia supponit. Si verò ma-

lam rationem reddit defunctus, Angelus clavam tenens tanto impetu illud percutit, ut septem stadia descendere cogat; alter verò uncino ferreo statim extrahit: primus iterum percutit, & dejicit; secundus iterum extrahit, & sic vicissim descendere, & ascendere cogunt usque ad diem judicii.

Hac de causa sepulchra nimis profunda faciunt, & concava relinquunt, ea tegendo tabulis, vel lateribus, ne terra immediatè corpus tangat: & ut remaneat in tumultu spatium vacuum, ut defunctus possit sedere, vel genuflectere. Et eadem de causa pedes, & caput cadaveris soluta ab omni vinculo relinquunt, ut possit assurgere. Ob timorem Angeli malleatoris, & Angeli uncinatoris quotidie post Zalà primæ auroræ recitant orationem quandam, cujus substantia est hæc: *Libera nos Domine ab interrogatione duorum Angelorum, & à tormento sepulchri, & à via prava. Amen.*

Quis non rideat tam crassum, & fabulosum errorem? Nam si anima cedit in peccato, statim ad infernum detruditur, & non redit ad locum corporis, quousque in die judicii cum illo reuniat. Si autem ab omni reatu li-

bera è corpore egreditur, statim ad cælum convolat, & inde ad corpus non regreditur, quousque illud gloriosum reddat. Rursus quomodo vivificare potest corpus, prout oportet, ut tormenti capax sit, si illud internè non informat, & solàm extrinsecus vestit? Deinde cùm certum sit, corpus in pulverem reverti,

quomodo potest usque ad diem judicij in sepulchro illam pœnam pati, descendendi, & ascendendi? Ut Mauri hunc errorem deponant, monendi sunt, ut aperiant monumenta defunctorum, & comperient, ridiculam esse fabulam illam, quam credunt.

CAPUT VIGESIMUM OCTAVUM.

Error Alcorani, affirmantis, diabolos credentes Mahumeto fuisse ab inferno liberatos.

XC. MAHUMETUS in Alcorano lib. 4. cap. 9. quod intitulum *Elgam*, id est, de dæmonibus, affirmat, turmam quandam dæmonum audivisse quadam die ipsum Mahumetum legentem Alcoranum Mauris, & hac lectione maximè delectatos fuisse, quia animadverterunt, se posse salvari, si in Mahumetum crederent, & Mahumetani fierent: & ita factos fuisse Mahumetanos, & ab inferno liberatos esse.

Hic est error manifestus contra Scripturas, ex quibus constat, pœnam dæmonum esse æternam, ut vidimus c. 23. & inde faciliè evincitur, esse fabulam; quia si aliqui dæmones ab inferno liberati sunt, quia crediderunt, Mahumetum esse Dei Prophetam, & ejus legem susceperunt, citò infernus vacuus maneret; quia omnes dæmones, ut ab illis pœnis liberarentur, hoc ipsum facerent.

CAPUT VIGESIMUM NONUM.

Error Alcorani circa durationem inferni.

XCI. MAHUMETUS in Alcorano cap. 23. lib. 13. affirmat, infernum non duraturum ultra mille annos; còque temporis spatio finito omnes damnatos ab inferno extrahendos. Qui etiam fuit error Origenis. Richoldus libro de Turcarum moribus cap. 12. affirmat, Mahumetanos existi-

mare, post diem judicij Mahumetum ob suam magnam auctoritatem & potentiam educiturum ab inferno omnes damnatos, cujuscunque sint conditionis. Sed hic est error manifestus contra Scripturas veteris, & novi Testamenti, ut constat ex cap. 23.

CAPUT TRIGESIMUM.

*Error Alcorani contra Dei sanctitatem, &
hominis libertatem.*

XCII. **M**AHUMETUS in Alcorani cap. 34. docet, Deum ab æterno ita præfixisse, & prædeterminasse, quidquid homines in tempore facturi sunt, ut liberum non sit homicidæ, homicidium vitare, nec adultero adulterium, quia omnia hominum opera ita subjacent Dei voluntati, ut nihil facere possit homo, nisi illud, ad quod fuerit a Deo destinatus fatali quadam necessitate. Quodd hoc sentiat Mahumetus, testatur Doct. Martinus de Vivaldo in eruditissimis marginalibus, quibus illustravit librum, cui titulus, *Zelus Christi, contra Judæos, & Saracenos*, compositum à Doct. Petro de Cavalleria: nam numero marginali 853. inquit: *Decimovertio, Mahumetum tollit liberum arbitrium*. Ex hoc errore consequens est alius, quodd nimirum Deus homines ad peccandum impellat; quem errorem docuisse videtur Mahumetus in Alcorano Azorà, seu cap. 21. Nam ut testatur Aeneas Silvius (postea Papa Pius Secundus) lib. 1. Epistolarum Epist. 396. hæc verba habentur in eo capite: *O Deus, quibus vis, bonam, & quibus vis, malam vitam præbes*. Et hoc ipsum testatur Theatrum vitæ humanæ tom. 1. fol. 5. & Catechism. Patriarch. lib. 1. Dialog. 15.

Et hunc errorem satis indicant Mahumetani; nam cum eis dicimus: *Hæus*

tu Amete, hæus tu Haly, vis Christianus fieri? Respondet: *Quando Deus voluerit*. Quasi dicant, jam à Deo statutum est, an futurus sim Christianus, an non. Si statutum est, infallibiliter Christianus siam. Si non est statu ù, infallibiliter non ero, quia Deus nō vult, ut ego Christian⁹ sim, si autē Deus non vult, quomodo sine ejus voluntate ego potero Christianus fieri? Ut ego sim Christianus, requiritur, quodd Deus id velit: Deus autem non vult, ut modò sim Christianus, quia si veller, quomodo ego possem non esse Christianus? Quodd si Deus non vult, ut ego modò convertar ad fidem Christi, quomodo ego potero velle, quodd Deus non vult? Exspectemus ergo, ut Deus velit me petere Baptismum, & tunc ego petam.

Hunc errorem renovavit Calvinus lib. 3. Institutionum cap. 21. §. 71. ubi ait: *Dicimus æterno & immutabili consilio Deum semel constituisse, quos olim assumere vellet in salutem, quos rursus exitio devovere*. Et cap. 23. §. 8. *Non dubitabo simpliciter fateri, voluntatem Dei esse rerum necessitatem, atque id necessarii futurum esse, quodd ille voluerit*. Contra hunc errorem agunt latè Doctores Catholici; est enim contra lumen rationis; quia, ut inquit August. lib. 3. de lib. arbit. cap. 18. *Quamvisque ista causa est voluntatis, si ei refi-*

resisti non potest, sine peccato ei ceditur: quis enim peccat in eo quod nullo modo caveri potest? Et ut idem inquit lib. de duab. anim. capit. 12. Peccati reum teneri quinquam, quia non fecit, quod facere non potuit, summa iniquitatis est atque infamia. Et ut ait idem S. Doct. in lib. de vera Religione cap. 14. *Tam certum, & omnibus manifestum est; neminem peccare, in eo, quod necessitate facit, ut nulla hic doctorum paucitas, nulla in doctorum turba dissentiat.* Et lib. de duab. animab. contra Manichæos sic scribit: *Nonne hoc cantant, & in montibus pastores, & in theatris poëta, & indocti incirculi, & docti in Bibliothecis, & Magistri in scholis, & Antistes in sacris locis, & in orbe terrarum genus humanū?*

Idque constat manifestissime ex Sacris Litteris, ut ex illo Eccles. 15. v. 14. *Nam Deus ab initio constituit hominem, & reliquit illum in manu consilij sui.* Unde Dominus Caino Gen. 4. 7. *Nonne si bene egeris, recipies, sin autē malē, statim in foribus peccatum tuum aderit? Sub te erit appetitus ejus (peccati scilicet) & tu dominaberis illius (appetitui scilicet, quo ad peccatum propendes, & alliceris.)* Et Deut. 15. *Considera, quod hodie proposuerim in conspectu tuo vitam, & bonum, & ē contrario mortem, & malum, &c.* Et infra: *Testes hodie invoco Cælum, & terram, quod proposuerim vobis vitam, & mortem, benedictionem, & maledictionem. Elige ergo vitam, ut vivas, & diligas Dominum Deum tuum.* Et Jolue 24. v. 15. *Sin autem malum vobis videtur, ut Domino serviat, optio vobis datur: eligite hodie, quod placet.* Et 2. Reg. 24. 12. *Trium tibi datur*

optio, elige unum, quod volueris ex ijs, ut faciam tibi. Et Eccl. 31. *Erit illi gloria aterna, quia potuit transgredi, & non est transgressus, facere mala, & non fecit.* Et Matth. 19. v. 17. *Si vis ad vitam ingredi, serva mandata.*

Estque impium, & blasphemum, Deum facere Authorem peccati: ut enim inquit David Psal. 5. *Quoniam non Deus volens iniquitatem tu es.* Et ibidem. *Odisti omnes, qui operantur iniquitatem.* Et Sapient. 14. 9. *Similiter autem odio est impius, & impietas ejus.* Et Hieron. 12. 5. *Ædificaverunt excelsa Baalim, quæ non præcepit, nec locutus sum, nec ascenderunt in cor meum.* Evidentique ratione concluditur, Deum non esse Authorem peccati: nam cū Deus dicat, *Non machaberis, non occides, non furtum facies; nequit velle, ut homines mæchentur, furentur, & occidant; sic enim vellet, ut agerent contra ejus voluntatem, & sibi ipsi repugnaret.* Impossibileque est, ut Deus efficaciter velit, homines facere id, quod seriō prohibet ab hominibus fieri: at prohibet peccata fieri ab hominibus: ergo non vult efficaciter, ut homines peccata faciant. Tertiō quia impossibile est, ut homo peccet, dum adimplet Dei voluntatem, & id facit, quod Deus vult efficaciter, ut homo faciat. Quartō, quia Deus nequit ad infernum detrudere homines, quia fecerunt ejus voluntatem; hoc autem contingeret, si Deus homines suo decreto efficaci antecedenti adigeret ad peccandum. Quintō, quia Deus nequit hominem damnare, quia non fecit aliquid impossibile: impossibile autem est, hominem vitare peccatum, ad quod

perpe-

perpetrandum à Deo necessitatur; & quia peccavit: ergo certum est, hominem non necessitari à Deo ad peccandū,

CAPUT TRIGESIMUM PRIMUM.

Quomodo perurgendi sint Mahumetani, qui interroganti, quando convertendi sunt ad fidem Christianam? Respondens

Quando Deus voluerit. Ubi exemplis, & aptis similitudinibus explicatur, prædestinationem, & præscientiam Dei non auferre nostram libertatem.

XCIII. CUM in hac responsione superponant errorem illum nuper relatum, urgendi sunt exemplo lepidissimo, quod ex Casario refert Becanus in Manuali controversiarum lib. 3. cap. 4. num. 4. ut convellat perniciosissimum dilemma, quo homines perdiri, sequentes errorem Calvini, de decreto divino antecedente, adigente homines, vel ad bona opera, vel ad prava, miserè cruciantur, & in desperationem aguntur; sic enim discunt: *Vel ab æterno sum prædestinatus, vel reprobatus: si prædestinatus, necessario salvabor, etiamsi pessimè vixero; si reprobatus, necessario damnabor, etiamsi velim bene vivere. Quo dilemmate miserè cruciantur miseri, dum se expedire nequeunt: & refert Augustinus lib. de bono persever. cap. 15. quendam Monachum sui Monasterij eò fuisse adductū hac argumentatione, ut tandem desereret vitā religiosā ad seculi voluptates reversus sit, & perierit. Qui est fructus illius impiæ doctrinæ, quam cum Mahumeto sectatur Calvinus. Ut hoc perniciosum dilemma convellat Becanus, loco citato hoc exemplum refert.*

XCIV. Ludovicus Landgravius, propter deploratam vivendi licentiam à Viris Religiosis correptus, ac graviter monitus, ut ad bonam fugam rediret, antequam inopina morte præveniretur; pro excusatione hoc adferebat: *Si prædestinatus sum, nulla peccata poterunt mihi regnum Cælorum auferre: si reprobus, nulla bona opera conferre. Item illud: Cum veneris dies mortis meæ, certò moriar. Illum nec bene vivendo potero extendere, nec malè vivendo prævenire. Quid factum? Incidit in gravem morbum: Medicum ad se vocat. Is, ut erat vir prudens, & verborum Landgravij memor: Domine mi, inquit, frustra me vocas. Nam si venit hora mortis tuæ, certò morieris, nec possum te juvare. Si non venit, non indiges mea ope. Quid ita verò, ait Landgravius? Quin juva me, antequam mors adrepāt. Tum Medicus: si putas vitam corporis conservari posse, adhibetā medicinā; cur similiter non credis, vitam animæ juvari posse pœnitentiā & contritione? Hoc verbo vicit Medicus, & Landgravius persuasit.*

Ratio verò est, quia cum Deus velit
M m omnes

omnes homines salvos fieri, & ad agnitionem veritatis venire, nullum hominē efficaciter destinat ad pœnas inferni, nisi sub conditione, quodd homo ipse contra Dei voluntatem malè operetur, & divina transgrediatur prœcepta: unde nunquam habet decretum absolutum & efficax, damnandi & detrudendi ad flammam æternam ignis, quousque ex altissima æternitatis suæ specula videat, hominem pro suo libito, & contra Dei voluntatem peccaturum, & vitam finituum in peccato: unde non ideo malus est homo, & perseverat in peccato, quia Deus voluit illum damnare; sed potius ideo voluit illum damnare, quia prœvidit, malum ex propria electione futurum, & perseveraturum in peccato.

Et dum Deus prœdestinat ad coronam gloriæ, non destinat ad finem sine medijs, sed ordinat hominem ad finem gloriæ per medium bonorum operum, quæ relinquit in hominis potestate, & prœcipit, ut homo illa bona opera exerceat, quando habet potestatem non exercendi. Unde homo sic discurrere debet: si prœdestinatus sum, id est, si à Deo ordinatus sum ad vitam æternam, per certa media, quæ in mea sunt potestate, consequendam, gloriam consequar, si illa media adhibuerim: si autem non adhibuerim, non consequar, quia Deus non me destinavit ad gloriam, nisi ut consequendam medio exercitio bonorum, quæ relinquit in mea potestate. Si sum reprobatus, id est, si à Deo ordinatus sum ad infernum propter mea peccata, quæ liberè commissurus sum, certò damnabor, si illa peccata commit-

tam: unde ad vitandam damnationem unicum medium est, vitare peccata. Quia cum certissimum sit, Deum neminem sibi obedientem, & sua prœcepta observantem, & in bono perseverantem damnare: & certum rursus sit, non damnaturum peccatorem, qui pœnitentiam in hac vita egerit, & perseveraverit in bono, certè si ego, ut possum, peccata nova evitem, & de prætēritis pœnitentiam egero, non damnabor, sed salvus ero.

XCV. Id optimè explicat S. Vincentius Ferrerius, serm. de prœdestinatione, qui habetur ad finem tomi tertij suorum operum pag. mibi 531. his verbis: *Omnes, quales sumus, & de prœdestinati, siue præsçiti, debemus conari ad bonam vitam perseverantem: Regula est Theologia, quòd quando Deus ordinavit aliquem finem, ordinavit etiam media ad illum finem, sine quibus non potest veniri ad illum finem. Et siامي non dixit intelligitur, dixisse, ut patet, quia si Rex faciat aliquem gubernatorem, intelligit, quòd faciat iustitiam, etiam si non ponat in mandamento, &c. Nota, quomodo salvandi scribuntur in libro prœdestinationis, scilicet, Salvabitur Joannes per innocentiam, Petrus per pœnitentiam, &c. Ita quòd non solum scribitur finis siue terminus, sed etiam via, siue medium, per quod, &c. Idem de præsçitis. Et si Papa facit Episcopum, intelligitur, quòd sit Sacerdos, etiam si non dixit. Idem in natura de pluvia per nubes, &c. Ita de prœdestinatione. Ideo ibi est triplex defectus in illis, qui dicunt, Quid me oportet operari? &c. Primò est ignorantia, quia quando scribitur in libro prœdestinationis*

visionis, Talis salvabitur, ponitur etiam via, & medium per quod, quia per humilitatem, vel misericordiam, &c. Ideo respicere finem sine medio, est ignorantia, & talis deficit dicendo: Quid me oportet laborare? Immo certe oportet operari: alioquin auferres unam partem predestinationis scilicet viam, & medium per quod, &c. Ideo Greg. 1. Dialog. & ponitur 23. quæst. 4. cap. Obtineri: Ipsa perennis regni predestinatio ita est ab omnipotente Deo disposita, ut ad hoc electi ex labore perveniant, quatenus postulando mereantur accipere, quod eis omnipotens Deus ante sæcula disposuit donare. Ideo si non vis ire ad infernum, remove viam, & medium, nempe peccatum, & non ibis: Esaiæ 3. Væ impio in malum. Secundus defectus: est stultitia, discere, Quid me oportet facere bonum? &c. Nota qualiter scit Deus omnia futura; scit, si hodie prandeabis, sicut si salvaberis. Si dicis, quid me oporteat parare cibum pro prandio? &c. Nullus facit argumentum de prandio, & arguit de anima. Idem, si es infirmus, quid me oportet vocare medicum? quia jam scit Deus, si ero curatus, &c. Si debes sanari, via est per medicinas, &c. Item, scit Deus, si hoc anno habebitis blandum (id est agrorum fructus) quid ergo oportet arare? &c. Responsio: quia illa est via. Item scit Deus, si Rex habebitis victoriam de inimicis, quid oportet habere gentes armorum? Responsio: quia illa est via ad victoriam, &c. Tertius defectus est error maximus. Unde negare Trinitatem, error est contra unum articulum solum, & sic de alijs: sed dicere, quod predestinati non debent facere bona opera,

est error contra omnes articulos, quos destruit: v. g. quare Deus voluit incarnari? Respondeo, ut homines ascenderent in Cælum. Et numquid sciebat Deus, an homines salvarentur. Quid oportebat, ipsum incarnari? Et sic de alijs. Item de quo servit fides, Baptismus? &c. Quia antequam Deus sciebat, qui essent salvandi, &c. Magnus est error, sumere finem sine medio. Modò ergo finalis conclusio est, ut dicit thema, Manete in me, scilicet per bonam vitam, & ego in vobis, per gratiam. Ideo 2. Pet. 1. Fratres satagite, ut per bona opera certam vestram vocationem, & electionem faciatis: Hac enim facientes non peccabitis aliquando. Sic enim abundanter ministrabitur vobis introitus in aeternum regnum Domini, & Salvatoris nostri Jesu Christi. Hactenus Sanctus Vincentius.

XCVI. Est ergo stulta illa responsio Mahumetanorum, Vel Deus statuit, ut ego sim Christianus, vel non, &c. Deus enim statuit, ut tu sis Christianus, si tu volueris admittere doctrinam fidei, illamque audire, & expendere: statuit, ut sis Christianus, si auferas impedimenta fidei Christianæ, nempe pluralitatem uxorum, & ritus Mahumetanos: & vult, ut admittas doctrinam fidei, quia in hunc finem sua admirabili providentia disposuit, ut captivus traheris ad terras Christianorum, & ut tibi fides vera annuntiaretur: in hunc finem sæpe internè te vocat, ut iugum Christi suscipias. Deus non trahit homines ad fidem necessitando, sed suadendo, & alliciendo; tibi autem suadet, ut Christianus fias; quia tibi proponit rationes efficaciter persuadentes,

Mm 2

Fidep

Fidem Christi esse veram, & sectam Mahumeti esse falsam: & voluntas manifestata Dei est, quoddam homines deserant fidem falsam & amplectantur veram: sicut voluntas Dei est, quoddam homines non furentur, non machentur, non injuriâ afficiant proximos. Unde sicut stultum esset, dicere: *Si Deus vellet, ut ego non furarer, ego furum non fecissem*: ita stultum est, dicere, si voluntas Dei esset, ut ego Christianus sim, ego Christianus fierem. Constat enim, homines per Dei voluntatem non semper efficaciter trahi ad id, quod Deus vult; quia voluntas Dei est, ut homines à vitijs abstineant, & virtutem sectentur, & tamen frequenter à vitijs non abstinere, nec virtutem sectantur. Et ratio est, quia Deus vult, ut homines hæc opera liberè exercent, illòsque relinquit in manu consilij sui, & ideo ipsi sæpissimè Dei voluntati resistunt, sicut Stephanus dixit Judæis: *Vos semper Spiritui Sancto resistitis*. Unde sicut stultè responderet Maurus fur, & adulter, si interroganti: *Quando desines furari & adulterari*: Responderet: *Quando Deus voluerit*. Ita stultè mihi interroganti: *Quando convertendus es?* Respondes: *Quando Deus voluerit*. Jam enim Deus vult, ut convertaris ad Christum, & suam voluntatem tibi exponit per lumen rationis, quo cognoscis, sectam Mahumetanam esse falsam, & Religionem Christianam esse veram: Deus tamen te non cogit, neque tibi necessitatem infert; quia vult, ut convertaris liberè & cum merito; tu autem huic voluntati Dei resistis, dum non vis relinquere sectam Mahumetanam; sicut resistis voluntati Dei, dum non vis deserere vitia.

XCVII. Quomodo autem scientia & prædestinatio Dei libertatem non tollat creaturæ, aptè explicabo hac similitudine, quâ utitur S. Vincentius Ferrerius in sermone illo de prædestinatione. Existit speculator in alta turri, unde intuetur duas vias, & exitus illarum; alteram initio asperam, sed securam; alteram initio delectabilem & planam, sed periculosam & latronibus plenam: ex illa specula detegit eos, qui tendunt per viam delectabilem & planam, quæ à sinistris est, tandem cadere in quoddam præcipitium: eos verò, qui tendunt per viam initio asperam, quæ est à dextris, tandem pervenire ad locum felicitate plenum. Desiderans verò, ut viatores omnes perveniant ad locum illum felicem, clamat è turri, Amici, viatores, deserite viam sinistram, & carpite dextram, quia sinistra, quæ delectabilis & plana est, ducit ad præcipitium & mortem; dextra verò, quamvis aspera appareat, ducit ad locum felicem. Plerique verò ex viatoribus sinistram ingrediuntur, quia delectabilis & plana, & per illam gradiuntur: speculator verò ex altitudine turris intuetur eorum præcipitium. An in hoc casu visio speculatoris detegentis præcipationem & perditionem eorum, qui gradiuntur per viam sinistram, est causa, cur illi præcipitentur? minimè. Neque enim ideo illi præcipitantur, quia speculator videt; sed potius speculator videt, quia illi præcipitantur. Unde potius illi sua voluntaria præcipatione sunt causa, quoddam speculator videat, & non è converso. Nec illa speculatoris visio illis libertatem adimit, sed qui præcipitantur, liberè præcipitantur, & quia volunt:

volunt : quia si viam dextram carperent, & illi insisterent, efficerent, ut speculator videret oppositum.

XCVIII. Sic ergo res se habet in nostro casa. Existit Deus in alta suæ æternitatis specula, unde omnia tanquam præsentia aspicit, quæ in tempore fiunt. Dux sunt viz : altera spatiosa & lata, quæ ducit ad perditionem : altera aspera, quæ ducit ad vitam. Clamat Deus per os Prophetarum, & Apostolorum, & per internas inspirationes : *Hæc est via, ambulate in ea, & non declinetis neque ad dexteram, neque ad sinistram.* Iſai. 30. 21. id est neque amore prosperitatis temporalis, neque timore adversitatis, deſertis viam rectam mandatorum Dei, quæ ducit ad vitam : omnibus hominibus præstat auxilia necessaria ad ambulandum per viam rectam, sed illi ob difficultatem viz hujus accipiunt viam latam, per quam tendunt ad perditionem. Deus ex alta specula æternitatis infelicem eorum exitum prospicit : & tamen hac sua scientia non est causa, cur ipsi pereant, neque enim ideo illi præcipiuntur, quia Deus videt, sed potius ideo Deus videt, quia illi præcipiuntur. Ut enim inquit Hieronymus in caput 26. Hieremix, *non quia Deus scit futurum aliquid, idcirco futurum est ; sed quia futurum est, novit Deus, qui est præsci futurorum.* Et ut ait Origenes lib. 7. in Epistol. ad Romanos explicans illud, *quos præſciuit : Non propterea erit aliquid, quia id scit Deus futurum ; sed quia futurum est, sciunt à Deo, antequam fiat.* Et ut loquitur Damascenus in Dialogo contra Manichæos pag. 562. *Prævidens Deus ea, quæ à nobis sponte futura erant ; vi-*

delicet, quæ in nostra sunt potestate, virtutum dico & vitium, prædestinata, quæ non sunt in nostra potestate. Præſcientia Dei vera est, & aliter quàm ipsa habet, res fieri nequit ; sed ipsa non est causa, cur, quod futurum est, omnino fiat ; sed quia hoc vel illud futurum sumus, ideo præſciit : præſciit autem multa, quæ ipsi non placent, sed horum causa non est. Et ut ait Augustinus lib. 5. de civitate cap. 10. Neque enim ideo peccat homo, quia Deus illum peccaturum præſciuit, imò ideo non dubitatur ipsum peccare, cum peccat, quia ille, cuius præſcientia falli non potest, ipsum peccaturum esse præſciuit : qui si nolis, omnino non peccat : sed si peccare nolveris, etiam hoc ille præſciuit. Et ita loquuntur alij Patres apud Faſolum tom. 2. pag. 47. & apud Leſſium in opusculo de gratia efficaci cap. 3.

En ergo apertissimam rationem, cur prædestinatio divina, licet infallibilis sit, non auferat nostram libertatem, quia prædestinatio secundum Augustinum nihil aliud est, quàm *præſcientia & præparatio beneficiorum Dei, quibus certissime liberantur, quicunque liberantur ;* ac proinde duo includit, nempe voluntatem divinam conferentem ea beneficia & dona, quibus homines de facto liberantur ab æterno interitu, & vitam consequuntur æternam : & præſcientiam, per quam Deus videt, quod homines illis donis & beneficijs bene usuri sunt. Exijs duobus primum nequit auferre libertatem, quia Deus dat auxilia, & dona prævenientia, quæ necessitatem non inferunt, sed talis sunt naturæ, ut eis possit voluntas creata dissentire, si velit, eaque abjicere, ut definit Tridentinum :

vel illis resistere, ut definit Senonense Concilium: præscientia autem Dei, quâ prævidet, arbitrium creatum bene usurum illis donis, nequit officere libertati, quia non est causa nostri operis, sed

potius nostrum opus est causa illius præscientiæ. Neque enim ideo homo rectè operabitur, & perseverabit in bono, quia Deus scit; sed è contra ideo Deus scit, quia homo sic perseverabit.

CAPUT TRIGESIMUM SECUNDUM.

Demonstratur, Alcoranum non esse testimonium Dei, quia fabulæ ridiculis plenum est.

XCIX. **A**SSUMPTUM probatur a primò, ex dictis in toto capite præcedenti. Secundò, ex dictis cap. 1. Tertiò, quia teste Joanne Andrea cap. 8. sui libri, Mahumetus in Alcorano lib. 2. cap. 11. narrat, sibi Almedinæ commoranti apparuisse Angelum Gabrielem septuaginta alarum paribus instructû, secûmque adduxisse brutum quoddam nive candidius, nomine *Albraeh*, & iussisse, ut in illud conscenderet, brutum verò equitem admittere noluisse, nisi facta prius sponsione, quod ipsum in paradysum esset adducturus; Mahumetum verò ita spondisse; & sic equum illum se facilem præbuisse; & confectum conscendisse; & Angelo dextrante pervenisse ciussimè in Templum Sanctum Hierusalem; & ibi in occursum ejus processisse Prophetas omnes, illûmque tanquam maximum Dei Prophetam salutasse; ad fores autem Templi appositam esse scalam, quæ cælum contingebat: & per eam conscendisse ad primum cælum, & post illud alios sex penetrasse; primum cælum esse argenteum, secundum aureum, tertium, quartum, quintum, & sextum,

ex varijs lapidibus pretiosis, septimum verò lucis; in primo cælo stellas suspensas esse ex catenis aureis, & maximam illarum esse sicut montem, qui juxta Almedinam exstat. In primo cælo invenisse Adamum, qui eum arcè complexus est, & gratias Deo egit, quia talem filium ei donare dignatus est: in secundo invenisse Noë: in tertio Abrahamum: in quarto Josephum: in quinto Moysen: in sexto Joannem Baptistam: in septimo Christum. In omnibus his cælis, affirmat, se vidisse varios Angelos diversis muneribus destinatos: sed specialiter narrat; se in septimo cælo vidisse Angelum, qui septuaginta millia capita habet; & in singulis capitibus septuaginta mille linguas, & singulis linguis septuaginta mille voces formabat, quibus Deum laudaret.

C. Deinde dicit, manente Angelo comite in septimo cælo, se sine socio ad octavum cælum ascendisse, & immensæ altitudinis juga superasse, & invenisse nives, & pluvias, & jam præ nimio frigore penè defecisse; tunc verò audisse vocem dicentem sibi: *Amplius appropinqua Mahumete, & creatorem*

finis

enim saluta: hac autem voce confortatum prope Thronum Dei ascendisse, Deum verò manum suam super humeros ejus posuisse; illam verò ita frigidam fuisse, ut præ nimio frigore ejus contactum vix ferre posset. Hic Deum magna ipsi secreta manifestasse, & præcepta dedisse. Postea rediisse ad septimum cælum; & Angelum, qui eum comitabatur, eum duxisse ad videndum paradisum, quem Deus Mauris præparaverat. Hæc deliria referre sufficiat, quia illa quisvis poterit impugnare.

Quartò, teste eodem Joanne Andrea in capite 5. sui libri 1. Mahumetus lib. 3. cap. 9. (secundum Alcoranum, qui legitur sine distinctione librorum, est caput 36.) narrat, Salomonem cum exercitiis suis tum hominum, tum avium pervenisse propè *fluvium formicarum*. Et cùm adhuc per leucam distaret, audivisse vocem cujusdam formicæ, quæ cæteris præcipiebat, ut se reciperent in antra sua, ne conculcarentur ab exercitu Salomonis. Et in illo itinere locutum fuisse cum upupa, quæ illi multa dixit de Regina Saba, & cum upupa illa epistolam misisse ad Reginam. Cùm verò scivisset, Reginam Saba in occursum ipsius à sua curia jam processisse, dæmonem coëgissee, ut palatium ipsum Reginæ Saba in ictu oculi illuc transportaret; idque dæmonem præstitisse, atque ita Reginam à Salomone in suo ipsius palatio fuisse exceptam, & propterea potentiam Salomonis fuisse admiratam.

Quintò, lib. 3. Alcorani cap. 14. (teste Joanne Andrea) affirmat, quod Salomon

habebat plures dæmones in ergastulo catenis & compedibus ligatos: & cùm morti appropinquavit, præcepit, ut cadaver suum unguentis condirent, & medicaminibus præservatum in Sella Regia collocarent, ut quasi vivus timeretur. Ita verò fuit executioni mandatum. Cæterum in ipsius dexterâ virga appositâ est, cujus extremitas terræ infixâ erat: à qua egrediens vermis virgam corrodit; & sic Salomon in terram corruit; & hoc pacto dæmones cognoverunt, eum esse mortuum; & sic à pœnâ liberati sunt.

Et cap. 43. Alcorani in persona Dei sic loquitur: *Davidi divitiarum abundanter contulimus, & montes ac aves illi parere fecimus, ferrumque mollii præcepimus; ipsum quoque loricas bonas exinde texere jussimus. Salomoni quoque ventos, & pluvias vespere, ac mane parere fecimus, suæque manui mineralia auri, & diabolos opifices, ut illi pro velle suo aras & imagines, & paropsides, ac amphoras fabricarent, subjecimus.* Hæc tamen fabulosa esse facile constabit legenti libros Regum, & Paralipomenon.

Cl. Item cap. 47. hæc habet: *Pharaon jussit sibi ædificium usque ad caelestium altitatem portarum parari, ut sic Moyses Deum conficeret.* Hæc & alia multa fabulosa habet in Alcorano, quæ libens omitto. Duas tamen historias vel potius ridiculas fabulas præterire non possum, quas Mahumetus scriptas reliquit, in responsione ad quædam quæstiones, quas illi proposuerunt tres Rabini Judæorum, de quibus supra mentionem feci cap. 1.

Inter

Inter has quæstiones una fuit, cur sepulchrum Moysis ignoretur? Ut huic responderet, sequentem fabulam composuit, & ijs verbis recitavit: *Moses cum solus per per desertum vagaretur, fortè sepulchrum apertum vacuumque invenit, rectè ad quantitatem suam effossum: quod admirans cepit ad propriam staturam metiri. Interea Angelus mortis venit ad interficiendum Moysen. Quem cum cognovisset Moyses, quasivit: ad quid venisti? Respondit: Missus sum pro anima tua. Cui Moyses, quomodo ergo putat eam eripere? Per os enim non poteris, quo locutus sum cum Domino; neque per aures, quibus vocem Dei audivi; neque per oculos, quibus faciem Dei vidi; neque per manus, quibus donum Dei recepi; neque per pedes, quibus montem Sinai ascendi. His auditis abiit Angelus Domini, formæque mutatâ, attulit pomum de paradiso. quod cum olfaciendo porrigeret, recepit Moyses; cumque naribus apponeret, arripuit enim Angelus per naves, per quas tanquam emungens, animam ejus extorsit; quo factò, mansit corpus ejus in sepulchro nunquam reperto. Plenum est, hæc ridicula, & fabulosa esse. Veritas constat ex capite ultimo Deuteronomij. Alia quæstio, seu interrogatio fuit: cur caro porcina edi non debeat? Ut huic interrogationi satisfaceret Mahumetus, sequentem fabulam contexuit: *Jesus Christus (inquit) dum rogaretur à Discipulis, ut modum arce**

Noë, habitumque superstitium in eo generis humani exponeret, rogantes audiens, formulam ex luto inter manus suas confectam projecit humi, & ait: surge in nomine patris mei, & surrexit homo canus: cui Christus: tu quis es? Respondit: Ego sum Iaphet filium Noë. Cui Jesus; itane canus mortuus es? Respondit: Nequaquam, sed in hac ipsa hora putans me ad diem judicij surgere, metu canus effectus sum. Præcepit ergo Jesus Iaphet, ut omnem historiam arce Discipulis rogantibus exponeret. Tunc ille rem omnem à primordio narrans, pervenit ad locum, ubi cum domum secessus pondere, inquit, egestionis arcam inclinarer, timuimus valde. Consuluit itaque Pater Noë Deum: cui Deus; adduc, inquit, elephantem, & verte posteriora dorsæ ejus super locum, & fecit sic. At ubi elephas firmum suum hominum egestionis iniecit, surrexit sus grandis: quæ cum massam omnem disperderet, conceptum in suæ naribus edidit murem: qui cum tabulas roderet, consulto Domino, percussit Pater Noë illico leonem in fronte: percussus leo concitatus, flamine anxio catum naribus ejecit. Satisne ergo videatur causa, Abdia, vitandi animal immandum? Hucusque Mahumetus; qui similes fabulas, & ineptias adhibuit in responsione ad multas alias interrogationes, quas Judæus Abdias, & alij duo Rabini ei proposuerunt.



CAPUT TRIGESIMUM TERTIUM.

Ostenditur, legem Mahumeti non esse à Deo, quia lex Domini convertens, à quo procul abest lex Mahumeti-

CII. CUM finis legis Dei sit, animas ad Deum ducere, & veram sanctitatem procurare, qua anima conjungitur Deo, illique placet; nequit esse lex divina illa, quæ vitia non cohibet, & virtutes promovet, & media ad generandam veram sanctitatem non habet. Talem autem esse legem Mahumeti, facile est probare ex dictis, cum illa proponat, tanquam articulos fidei, & veritates salutares, mille errores, & præcipiat, vel consulat, vel saltem ut licita permittat multa fœda & illicita, & hominum corda sursum non eleve, sed potius rebus terrenis, & delectationibus corporis, & bonis sensibilibus immergat. Sed nunc breviter hoc ipsum ostendendum est, cum à posteriori, tum

à priori. A posteriori quidem, quia nullus fuit unquam inter Mahumetanos homo verè sanctus, cuius sanctitatem Deus mundo ostenderit per signa illa & virtutes, quibus in Ecclesia Christi in omni sæculo Deus multorum sanctitatem ostendit, tam virorum, quàm foeminarum. Hoc assumptum Christi prædicator amplificare poterit, in medium producendo ea, quæ sincerissimè & verissimè narrat Fr. Antonius del Castillo è Seraphica Familia, qui inter Turcas diu versatus est, in suo *devoto peregrino*, seu *itinerario* Hierosolymitano lib. 3. cap. 6. ubi describit vitam & mores eorum, quos Turcæ ut sanctos venerantur, & *Morabitos*, *Turlacos*, vel *Truncos* appellant.

CAPUT TRIGESIMUM QUARTUM.

Quales sint Mahumetanorum sancti.

CIII. EST doctrina inter Mahumetanos recepta, homines jejunando, elemosynas largiendo, à delectationibus carnis abstinendo, & penitentiam agendo initio vitæ suæ, tandem acquirere naturam Angelicam, & impeccabiles reddi, & in præmium vitæ antea præ posse jam, quidquid li-

buerit, deinceps facere, & quamcunque delectationem capere. Audiamus Thomam Bozium tom. 1. de signis Ecclesiæ lib. duodecimo cap. 20. pag. mihi 543. ubi hæc scribit: Est inter Turcas quorundam, qui religiosissimi habentur, secta; Vocantur hi Turlachi. Mos est istis, palam per obscœni-

Na

tatem

tatem spurcissimam coire cum quibusvis, ipsis etiam belluis, præcipue verò cum asinabus, quibus ipsi vehuntur: & quò fidentius hæc ij perpetrârint, eò sanctiores existimantur. Id ego, si in uno, aut altero scriptore legissem, nullo modo inducere in animum possem, ut crederem: sed omnes, qui Turcarum mores latius describunt, id constantissime affirmant: in his Joannes Antonius Menaulius Genuensis, Theodorus Spanduginus Cantacuzenus, Bellonus Gallus, Joannes Leo Africanus; qui quidem è Mahumetanorum sanguine ortus, Mahumetique diu addictus, cum fuisset à nostris captus, Romamque Leone X. Sedente adductus, Christo se dedit, & Africæ descriptionem, morisque suæ Gentis proprio libro diligentissime notatos nobis reliquit. Adjicit hic aliud longè obscœnissimum, solitos hujusmodi homines, ubi eos impetus libidinis arripere, violare mulieres obvias, quas posuerint in mediis viis, nisi obstiterint illæ, præ naturali, qui reliquus est humanæ menti, pudore. Quod verò est insanissimæ mentis, & ad præsens argumentum spectat, tanta superstitione defixi populi tenentur, ut credant, hos homines divinissimos; mulieres verò, quæ compressæ fuerint ab istis, ex hoc factò quasi consecratas, ac sanctiores effectas. Secundum sit illud: Siquis inter Mahumetanos, ac præcipue Turcas, incidit in amentiam, ac mentis stuporem, pro sancto habetur, & honore præcipuo, cælestique à cunctis colitur, quamvis furiosos ipsi constriquant, & credant. Refert idem Joannes Leo,

à Rege Tunetano exedificatas fuisse non ignobiles ædes, bonæque assignata suis opulenta stupido cuidam; unde alebantur illius sectatores, & cognati multi. Ex his judicare possumus reliqua istorum. Qui vult legere ridenda multa ad hoc pertinentia, videat itinerarium Ludovici Barthenæ cap. 5. & seq. lib. 2.

CIV. Addit Joannes Leo Africanus lib. 3. Historiæ Africanæ cap. 43. se vidisse unum ex his Morabitis, seu Turlachis publicè aggredi in platea Babylonæ, seu Cayri scæminam nobilem, egredientem ex balneo, & cum illa coram omnibus coivisse: peracto autem turpissimo concubitu, statim certatim omnes confluisse ad tangendas in venerationis signum vestes illius scæminæ, quas jam sacras arbitrabantur; maritum verò illius, re cognita, mille gratias egisse Deo ob felicem sortem suam: & ad manifestandam cordis sui lætitiâ publicum parasse convivium, fortunatum se existimans, quia Propheta Mahumetus sub specie delectationis capiendæ uxorem suam divinis voluit sanctificare favoribus. Idemque testatur Fr. Antonius del Castillo. Persuasum enim habent cæci isti homines, Prophetam Mahumetum hos turpissimos congressus inspirare illis Morabitis, ut quasi nomine illius, & personam ipsius agentes commisceantur scæminis, ut illis ipsarumque domui insignia conferat beneficia: & hinc oritur, quòd mulieres illas à Morabitis cognitatas ut rem sacram, & à Mahumeto sanctificatam, venerentur.

Quis non videat, turpissimam, & abomi-

abominandam esse legem, quæ tales fructus producit, animasque non ad Deum convertere, sed in bestias transformare? Conferat hic Christi prædicator puritatem Religionis Christianæ cum hac impuritate, & in medium proferat vitam & gesta eorum, quos Sancta Ecclesia, ut Sanctos colit: discursat per singula sæcula, & breviter enumeret celebriores sanctos, qui in singulis floruerunt, ut Mahumetani ocu-

los aperiant & lucem veritatis videant, Ut autem præ oculis habeat sanctos famosiores, qui singulis sæculis floruerunt, legat Cardinalem Bellarminum in tomo concionum S. 6. de fide, ubi breviter & dilucidè eos proponit: & Patrem Franciscum Arias nostræ Societatis tom. 1. de Imitat. Christi, tract. 5. à cap. 23. usque ad 37. ubi copiosè & eruditè rem tractat.

CAPUT TRIGESIMUM QUINTUM.

Ostenditur, legem Mahumeti carere mediis perveniendi ad sanctitatem. Et primò de Maurorum Zalà, seu oratione.

CV. **M**IRUM non est, quòd lex ista homines non ducat ad sanctitatem, quia cum sanctitas à Deo provenire debeat, medijs instrumentis ab ipso designatis, & ad generandam sanctitatem aptis, eiusmodi instrumentis carent. Universale instrumentum est oratio, & obsecratio (qua à Deo aliquid petimus ob ejus misericordiam, & ob Christi merita) ut enim inquit Chrysostomus lib. 1. de orando Deo, *Oratio est instar clavis cujusdam, per quam omnes Dei thesauros possumus aperire, & ex illis accipere, quidquid nobis commodum videtur ad æternam salutem consequendam.* Et ideo Christus *Matth. 7. & Luc. 12.* ad orationem homines hortatur dicens: *Et ego dico vobis, petite & dabitur vobis: quærite & invenietis:*

pulsate & aperietur vobis: omnis enim, qui petit, accipit, & qui quærit, invenit, & pulsanti aperietur. Quod Christus explicat similitudine ab humanis ducta: Si enim vos, cum sitis mali, nōstis bona data (quæ non à vobis habetis. sed aliunde accepistis) dare filiis vestris, quanto magis Pater vester de cælo dabit spiritum bonum petentibus se.

Hoc instrumentum universali ad omnia saluti opportuna facilè obtinenda carent Mahumetani: etsi enim sæpe repetant formulam orandi, quam *Zalà* vocant, in ea nihil petunt: dicunt enim solum hæc verba: *Deus magnus est, & Mahumetus à dextris Dei existit. Benedictum sis Deus.* Quæ verba cum magnis cæremonijs proferunt, quandocumque faciunt *Zalà*, Faciem enim versus meridiem vertunt, ut te-

statutur S. Petrus Paschasius num. 84. & jam oculos in cœlum attollunt, jam caput usque ad terram demittunt; oculos utraque manu abstergendo, & quasi lingendo, & maxillas contrectando. Quinquies autem in die faciunt hanc orationem, seu *Zalâ*; nimirum 1. primâ aurorâ. 2. meridie. 3. quasi horâ quartâ post meridiem. 4. cum sol occidit. 5. horâ & dimidiâ à prima nocte. Habent etiam suas rosaria satis longa, quæ nimirum centum globulis constant; quæ percurrunt, & in singulis globulis hæc tantum dicunt verba; *Bismila*, id est, *nomen Dei*. Et hæc rosaria recitare, sæpe

reperendo illam vocem, *Bismila*, seu *nomen Dei*, esse existimant magnum suffragium ad extrahendas animas defunctorum ab inferno. Conferat Christi prædicator hanc formulam orandi cum formula orandi, qua Christiani utuntur, dum orationem Dominicam, & salutationem Angelicam proferunt; & exponat petitiones septem, quas Pater noster continet, & preces, quas continet *Salve Regina*; atque laudes B. Virginis, quas continet salutatio Angelica, & salutarem petitionem: ut Mahumetani hæc inter se comparantes, veritatem agnoscant.

CAPUT TRIGESIMUM SEXTUM.

De Mahumetanorum lotionibus, & lavacris.

CVI. MAHUMETUS in Alcorano cap. 12. hæc habet: *Viri boni cum oratum surrexeritis, facies vestras, ac manus & brachia usque ad cubitum, & pedes usque ad tibias abluere, & capillos revolvendo abstergere, & post coitum mulierum, vos balneari oportet. Infirmi autem & in itinere positi, ab egestu, aut mulierum coitu venientes, & aquam minimè reperientes, facies suas, & manus terra munda pulvere tergant: Deus namque vestram mundiciam diligit.* Idem repetit cap. 9. his verbis: *Post coitum, & egestionem, & antequam orent, abluantur, &c.* Et si aqua non adsit, terra munda pulvere, quasi aquâ, tergendo munden-

tur. Verùm hæc vana & superstitiosa esse, & à perfidis Judæis desumpta, facile est probare: Deus enim mundiciam interiorem animæ præcipuè quaerit, & hanc præcipit. Anima autem non inquinatur egestionem, quæ opus naturale est, neque coitu cum uxore legitima, quando uxoratus ad confortem accedit ex desiderio prolis ad obsequium Dei educandæ, vel ex fine honesto reddendi debitum, vel se liberandi à periculo incontinentiæ: ergo superstitiosè tunc præcipitur lotio illa. Si autem coitus sit illicitus, macula, quam anima ex illo opere contraxit, non ablutione exteriori corporis, sed animi contitione, & veniæ petitione, & fer-

& ferventi oratione ad Deum fusa, obtinenda est. Unde Christus Matt. 15. 19. *De corde exeunt cogitationes male, homicidia, adulteria, fornicationes, furta, falsa testimonia, blasphemia. Hac sunt, quæ coinquinant hominem: non lotis autem manibus manducare, non coinquinat hominem.* Quod à Judæis illas ablutiones sumplerit Mahumetus, probati potest: nam ut Marcus testatur cap. 7. 3. *Pharisæi, & omnes Judæi, nisi crebrò laverint manus, non manducant, tenentes traditionem seniorum. Et à foro (scilicet venientes) nisi baptizentur, non comedunt: & alia multa sunt, quæ tradita sunt illis servare baptisimata calicum, & urceorum, & paramentorum, & leclorum, in quibus scilicet ad mensas accumbebant: Quia enim in foro omne genus hominum versabatur, Judæi, & Gentiles, mundi & immundi; cum ex foro redibant Judæi, se totos in aquam immergebant, ne quid in corpore immunditiæ remaneret: & omnia, quæ contrectaturi prandentes erant, ne eorum attræctatione, si forè immun-*

da essent, contaminarentur, prius eluebant. Sed hæc tam crebra lavatio inutilis & superstitiosa erat, & tempus ad alia utiliora consumebat.

Diabolusque miseros Mahumetanos decipit, dum eis persuadet, eis ablutionibus animam lavari à maculis peccatorum; cum tamen ad hoc nullam virtutem habeant, sicut habet ablutio Baptismalis; nam Christus applicat meritum suæ Passionis Baptismo, & dum corpus exterius abluitur, Deus internè gratiam infundit virtute illorum verborum: *Ego te baptizo in nomine Patris, & Filij, & Spiritus Sancti:* gratiâ illà anima emundatur à sordibus culpræ. Conferat Christi minister vanitatem harum ablutionum, quibus utuntur Mahumetani, cum efficacia, quam habent ad mutanda corda hominum Sacramenta à Christo instituta; & in hunc scopum legat P. Franciscum Arias tom. 1. de Imitatione Christi, tract. 5. cap. 49 & 50. ubi appositissima narrat exempla ad hanc rem persuadendam.

CAPUT TRIGESIMUM SEPTIMUM.

De Mahumetanorum Ieiunio.

CVII. **M**ahumetus in Alcorano capite secundo ita loquitur: *Tota die jejunate, nocte jejunium solvite, & tunc comedentes & bibentes quantum libuerit, ferè usque ad principium horæ, quæ solis ortum antecedit.*

Sanctus Petrus Paschasius, num. 85. de hoc jejunio loquens, inquit: *Mauri, statim ac dies lucescere capit, jejunare incipiunt, & nihil comedunt, neque bibunt, neque cum mulieribus coeunt; sed post solis occasum, cum nox jam suas*

senebras super terram fundere cœpit, comedunt, & bibunt, & cum mulieribus coeunt.

Habent autem jejunium continuatum per integrum mensem lunarem, quod *Ramadân* appellant. Non habet verò fixam anni stationem, sed jam uno, jam alio tempore incidit: & sæpè incidit in æstate, quando messes colliguntur: tantòque rigore illud observant, ut quamvis sit pereant, nec fauces quidem aquâ humectare liceat, quia si aliquis deprehenderetur jejunium solvisse, illicò suspenderetur.

Hoc tamen jejunandi præceptum à Deo non esse, neque aptum disponere homines ad sanctitatem, nec ex temperantia, sed ex superstitione procedere, faciliè probatur; ut enim testantur Spanduginus, Cambinus, Nicolaus à Nicolais, ac Petrus Bellonus apud Bozium, tom. 1. de signis Ecclesiæ, signo 46. cap. 3. cum Turcæ hæc jejunia agunt, licèt usque ad noctem cibum non gustent, tamen ubi advesperascit, sic insatiabili aviditate corripuntur, ut totas noctes vorando, & bibendo consumant. Et ut scribunt viri Religiosi, qui diu inter Mauros captivi detenti sunt, postquam Mauri initio noctis voracissimè comedunt, sive ex piscibus, sive ex carnibus, & cubitum eunt; media nocte procedit per vicos homo, quasi publicus præco, clavam gerens, qui fores percutiens alta voce clamat: *Surgite Mauri ad comedendum, & bibendum, & gignendos filios contra Christianos.*

Et sanè cum naturalis ratio dicit, ut

de cibo & potu non plus sumatur, quàm utile sit naturæ ac expediens animæ ad bene agendum: & tota penè nocte ad libitum epulari valde gravet naturam, & animam impediatur ab exercitijs virtuosissimis, lex ita comedendi post jejunium est divinæ atque naturali legi contraria. Secundò, quia cum lex divina jubeat, ut sensualitas reprimatur, & sub rationis dominio servetur; nequit esse à Deo lex, quæ consulit, vel saltem tamquam licitum permittit, tot horis ad libitum comedere, & bibere, & sensualitati frænâ laxare. Tertio, quia cum finis jejuniij sit, vitia comprimere, passiones frangere, pro culpis præteritis satisfacere, mentem elevare, & ad contemplationem divinorum disponere, nequit Deum habere Authorem lex illa, quæ post jejunium licentiam præbet se ingurgitandi per totam noctem: quia hoc ipso ea admittit, quæ impediunt omnia illa bona, quæ per jejunium intenduntur.

Conferat Christi prædicator hoc jejunium cum jejunio Christianorum, & illam Mahumeti doctrinam cum doctrina Christi, sic præcipientis, Luc. 21. *Videte, ne graventur corda vestra crapulâ, velebrietate; aut curis hujus sæculi.* Et Luc. 6. *Va vobis, qui saturati estis, quia esurietis.* Et cum doctrina Petri Epistola 1. cap. 2. sic monentis: *Charissimi, abstinete vos à carnalibus desiderijs, quæ militant adversus animam.* Et Pauli, Roman. 8. dicentis: *Si secundum carnem vixeritis, moriemini; si autem spiritu facta carnis mortificaveritis, vivetis.*

CAPUT

CAPUT TRIGESIMUM OCTAVUM.

Concluditur ex dictis, quàm impudenter Mahumetus dixerit, suam legem esse supra omnes.

CVIII. **I**N cap. 18. Alcoran sic legitur: *Nuncium suum, videlicet Mahumetum, cum via recta, legēque bona Deus misit, ut ipsam manifestet, & super omnes leges extollat.* Verum hoc esse mendacium impudenter confictum à Mahumeto, constat evidenter ex dictis in toto capite præceden-

ti: & ex dictis in his postremis capitibus constat, nullam ex conditionibus legis Domini convenire legi Mahometi. Hic Christi prædicator facile potest probare, omnes proprietates legis Dei, convenire cum summa perfectione legi Christianorum.

CAPUT TRIGESIMUM NONUM.

Quamvis Mahumetus in Alcorano dicat, sibi non esse datam potestatem faciendi miracula: tamen aliqua testibus carentia, in sui commendationem finxit.

CIX. **I**N capite 15. Alcorani introducit Deus sic loquens cum Mahumeto: *Tu nequaquam ad incredulos cum manifestis Dei miraculis venies, quoniam ea velut otiosa atque contraria reputarent: Nisi sciremus, eos tibi non credituros: sicut nec aliis crediderunt, daremus tibi signa atque prodigia. Increduli, licet omnes virtutes, omniāque Dei viderent miracula, nunquam nisi tecum disputatione facta crederent: cum dicant, hac nequaquam fieri nisi per praviarum incantationes.* Hæc assidue confinxit Mahumetus, ut declinaret ignominiam, & dedecus, quod ex publica

obmurmuratione Judæorum contra ipsum resultare ipsi poterat apud sui sectatores: palam enim Judæi obmurmurabant, Mahumetum non esse Prophetam, quia non habebat potestatem faciendi miracula, ut diximus, cap. 1.

Ut æstimationem tamen apud suos lucraretur, aliqua de se confinxit, quæ refert Joannes Andreas, cap. 10. sui operis contra Alcoranum: ne tamen de falsitate convinceretur, ea confinxit, quæ testes non habuerunt, vel quæ coram testibus jam mortuis narrabat facta.

I. Est

I. Est illud de pectore sibi aperto, & guttâ nigrâ extractâ: de quo supra c. 5.

II. Quodd cum esset septemdecim annorum, & camelos Domini sui duceret, Deus miraculosè illum protexit nube, ne à nimio solis ardore ureretur.

III. Quodd illuni in spelunca sæpe Angelus Gabriel visitaverit.

IV. Quodd ipsum redeuntem ex colloquio cum Angelo, arbores, lapides, & aves salutabant.

V. Quodd cum calore solis premere-

tur, vocavit arbores procul existentes, ut sibi umbram facerent; & illæ statim accurrerunt.

VI. Quodd se iter agente, & in contemplatione Dei absorpto, magnus truncus arboris per medium scissus est, ut pergenti viam præberet.

VII. Quodd cum ab ipso patruus ejus, & alij (quijam obierant, quando hoc primum narravit) postularent, ut coram ipsis miraculum faceret, lunam divisit, ut habes supra cap. 16.

CAPUT QUADRAGESIMUM.

Miracula, quæ de Mahumeto narrant Sarraceni.

CIX. **H**Æc enumerat P. Cornelius à Lapidè in *Caput XIII. Apocalyps. pag. 218.* Primum, quodd sine dolore prodierit ex utero Matris, circumcisus, & hilaris. Secundum, quodd in ejus natali omnia idola per totum orbem corruerint. Tertium, quodd Lucifer arreptus ab Angelis, tunc immersus sit in profundum maris. Quartum, quodd venti, aves, & nubes de ejus educatione decertârint. Quintum, quodd asina voce humana eum vocaverit *sigillum Prophetarum.* Sextum, quodd nubes atra semper, etiam cœlo sereno, ejus capiti incubue-

rit. Septimum, quodd lunam bipartito divisam conjunxerit, & compegerit: hinc Turcæ venerantur lunam, illamque in vexillis castris præferunt. Octavum, quodd Angelus sit ei locutus. Nonum, quodd arbor fici ab eo evocata, ei se humiliter inclinaverit. Decimum, quodd bos & agnus ei, tamquam maximo inter nuncios Dei, locuti sint. Quocirca asserant, Mahumetis nomen fuisse ante mundi creationem in conspectu Dei; & quodd, nisi fuisset, nequaquam mundum condidisset.

LIBER

LIBER SEXTUS.
 IN QUO TRADITUR PRAXIS,
 convertendi Mahumetanos, petita ab experientia
 Authoris, & designantur themata Concionum, & loca etiam
 ex totq. opere, quibus expleri possint.

CAPUT PRIMUM.

*Quantum expediat, publicas ad Mahumetanos
 Conciones habere.*

I. **I**N PRIMIS utilissimum est, publicas Conciones ad Mahumetanos habere in urbibus, & oppidis, ubi illorum non est adeo exiguus numerus, ut sunt Malaca, Portus Sanctæ Mariæ, Gades, Hispalis, Xera, Calpe, S. Lucar de Barrameda, Velezmalaga, Granata, & alia oppida Beticæ Provinciæ, item Matritum, & aliæ civitates maritimæ in Hispania prope mediterraneum. Harum concionum multiplex est fructus, 1. Ipsorum Mahumetanorum conversio, qui his sermonibus publicis non parùm commoventur, ut constat ex dictis in hoc tractatu: & sanè concurrente fidelium multitudine ad has conciones, ardens desiderium in ipsis excitatur de Mahumetanorum reductione, illamque à Deo enixè postulant, & sæpè obtinent.

Secundò, cum multi sint occulti

Judæi in magnis urbibus, ubi viget commercium, ut in civitatibus maritimis; & cum non possimus directe conciones in Hispania habere contra Judæos, qui non nisi occulti & incogniti habitare in his regnis possunt, oportet, ut hæ conciones contra Mahumetanos publicè habeantur; nam ad illas venire non renuunt Judæi, & saltem curiositate ducti confluunt. Et cum plurima ex argumentis, quæ contra Mahumetanos fiunt, militent contra perfidos Judæos; unâ operâ omnes convincuntur, & Christi minister sub titulo prædicandi Mahumetanis potest contra Judæos discursus & argumenta dirigere. Et ita ego præstiti Hispali, & maxime optavi, ut conciones istæ fierent in Ecclesia Cathedrali, vel propè illam, quia illuc sine nota, & sine incommodo concurrere poterant hujusmodi homines; inclementia tamen temporis cōgēgit anno præterito 1679. Ut conciones

nes incæptas ad januam Majoris templi, quæ meridiem respicit, prosequeretur in Domo Professæ Societatis Jesu, in qua anno 1672. habitæ fuerant conciones illæ, in quibus 38. Mahumetani Baptismum petierunt.

Tertio, quia in magnis urbibus Indiarum commercio frequentatis degunt occulti non pauci hæretici, ut Hispali, Gadibus, Malacæ, & etiam Matriti, qui libenter ad has conciones audiendas veniunt; & occasione arrepta potest Catholicus concionator adversus illos sermonem convertere, eosque argumentis premere. Id ego sæpè observavi, præsertim quando impugnabam illum Mahumetanorum errorem, quòd unusquisque possit in sua lege salvari: tunc enim converti sermonem contra Sectarios Calvinistas, & Lutheranos, fatentes, esse salutem in Ecclesia Catholica Romana. Item quando recensentur notæ, quibus manifestè comprobatur, Ecclesiam Christi esse veram Dei Ecclesiam; & sectam Mahumetanam esse Synagoram Satanæ, facile est, discursum dirigere contra hæreticos; nam signa veræ Ecclesiæ Christi in sola Catholica, & Romana Ecclesia reperiuntur. Item cum ex depravatis Mahumeti moribus, & ex contradictionibus Alcorani falsitas Mahumetanæ sectæ detegitur, idem argumentum torquetur contra Sectarios Lutheranos, & Calvinistas. Et ita ego præstiti Malacæ, Gadibus, & Hispali.

Quarto, istæ conciones utilissimæ sunt ipsis Christianis Catholicis, ut in fide magis radicentur, & crescente fidei fervore, & vivacitate, crescant re-

liquæ virtutes. Et in oris maritimis, unde quotidie Christiani à Mauris captivi abducuntur, est res ista maximè necessaria: quia plebei homines ignorantes motiva credibilitatis, quibus manifestè demonstratur, Religionem Christianam habere Deum Authorem, facilè à Mahumetanis seducuntur, & à Christo deficiunt. Unde Christiani Prædicatores deberent in ijs præcipuè locis populo expendere argumenta illa, quibus Christus suam Divinitatem probavit, & reliqua omnia, quæ in prima parte ego confeci. Utinam Oratores Christiani omissis discursibus alijs prorsus inutilibus, quos sæpe concionibus inserunt, quandoque populo Christiano exponerent argumenta illa, quibus evidentissimè demonstratur, Deum revelasse mysteria Religionis Christianæ. Experientia me docuit, fideles maximam consolationem accipere ab ejusmodi concionibus, & intimè commoveri ad agendas Deo gratias pro beneficio Fidei Christianæ, sine qua impossibile est, Deo placere. Observavi ego non semel, aliquos fideles auditis ijs argumentis, quibus probavi Christi Domini divinitatem contra Mahumetanos, & Judæos, lachrymas continere non potuisse ob redundantiam spiritualis consolationis, quæ eorum animus reficiebatur.

II. Certè cum in Domo Professæ Societatis Jesu Matritensi anno 1670. conciones publicas ad Mahumetanos primùm habuimus, tanta erat has conciones audiendi aviditas, ut necessarium fuerit, fores templi & domus prætoria cohorte cingere, ut aditus reservaretur Magna-

Magnatibus, & Principibus fœminis. Et quamvis hæc diligentia prudenter præmissa fuerit; tamen multi Dynastæ vix potuerunt liberum ingressum invenire, & magno cum labore locum ad audiendum consecuti sunt. Inter Proceres primariæ sortis quidam, vir severæ frontis, & non modici supercilij, & qui signa tantæ affabilitatis exhibere non solebat, cum prædicatorem audivit de Christi Divinitate disputantem, & evidentiam argumentorum expertus est, quibus Veritatem Religionis Christianæ ostendit; se continere non potuit, quin illum è pulpito revertentem ad cubiculum insequeretur; ipsūque arctè complexus est, & gratias habuit pro concione tantæ utilitatis & consolationis.

III. Cùm primùm Hispali, anno 1671. ad Mahumetanos publicè verba fecimus in Domo Professæ, quæ in meditullio civitatis sita est, necesse fuit, ob multitudinem auditorum eodem tempore simul in duobus locis prædicare: in Templo fœminis, viris autem in peristylis domus, quod amplissimum est, & quinque millia hominum capere potest, qui ex pavimento, & ex fenestris, & pergulis concionem audiebant. Contigit autem, ut, dum concio haberetur, non semel plueret: & quamvis per tegulas, & canales aqua supra auditores copiosè decideret, & concionator ab illis rogaret, ut loco illo decederent, quia periculum erat, ut aqua usque ad interiora penetraret, ab ipsis imperrare non potuit, ut locum illum defererent, nec ut paterentur, concionem inter-

rumpi per aliquod temporis interval- lum. Tantâ enim cum voluptate conciones illas audiebant, ut indignum judicarent, ob ullum temporale incommodum hoc bono privati.

Quintò, his utilitatibus accedit, quòd cùm fideles vident, aliquem ex Mahumetanis argumentis convictum, publicè Baptismum petere, lætitiā continere non possunt, Deum laudant, & ei ex intimo cordis affectu gratias agunt, quia cor illius infidelis tetigit, ab eo precantur, ut ei constantiam, & perseverantiam largiatur, illūque arctè amplexantur, & alia charitatis signa ei exhibent; & multarum virtutum ætus exercent: & hic publicus plausus, & conclamatio infideles accendit, & emollit, & fideles maxime consolatur. Id ego sæpius expertus sum, præsertim Malacæ, Hispali, Xeræ, Gadibus, Calpe, & Matriti.

Sextò, non exigua est utilitas, quòd his concionibus instruuntur Christiani perspicacis ingenij, & bono intellectu præditi, ut cum Mahumetanis servis possint de Religione disputare, & illos ad Christianismum adhortari, & veritatem Religionis Christianæ argumentis ostendere, quæ à concionatore audierunt. Ipsique Mahumetani, quavis tunc non convertantur, ex concionibus colligunt fidei semina, quæ postea suo tempore fructum faciant; ut constat exemplo illo, quod narraui cap. 6. Et aliis duobus, quæ illi adjunxi eodem capit, & ex ijs, quæ ibi dixi cap. 10.

CAPUT SECUNDUM.

Quomodo Mahumetani convocandi sunt ad has conciones publicas audiendas.

IV. **U**T has conciones utiliter audiant, curandum est, ut non tam vi cogantur, quam rationibus, & benevolentiz signis adducantur: & ut libentes veniant, providendum imprimis illis est de pecunia, quam singulis diebus pendere solent dominis suis; cum enim arceantur propter concionem ab operibus, in quibus mercedem diurnam lucrantur, quâ solvunt heris suis vectigal diurnum, de quo conventum est inter illos; debet aliunde merces illa compensari. Servi namque Africani plerumque pacisci solent cum heris suis, & quotidie pendunt in tributum drachmas aliquas, donec libertatem acquirant; & tributum illud lucrantur sudore vultus sui, & ex mercede diurna partem reservant ad propriam sustentationem, partem ad solvendum tributum dominis suis. Unde ut sine violentia ad conciones adducantur, vel heri remittere debent illius diei vectigal; vel illis donandum est, unde solvant. Libenter autem veniunt, si sciant, post concionem eis tribuendum esse tantum pecuniz, quantum possent lucrari, vel onera portando, vel agros colendo, vel alio modo laborando. Unde optimus modus eos congregandi est, pecunias quærere, quibus solvant vectigal illius diei. Scien-

tes enim, se tantundem lucraturos audiendo concionem, quantum lucrarentur tota die laborando. libenter accedent. Hoc modo usi sumus Hispali anno 1672. Nam quamvis primò Dominus Archiepiscopus in Paræclis edictum publicari jussisset, quo monebatur, ut heri suos servos & ancillas adducerent in Domum Professam Societatis, & hujus rei executionem impensè commendavisset Vicario Domini Assistentis, seu Præpatori, qui Ministros justitiæ distribuens per vicos, seu vicinities civitatis eos cogeret in unum, postea tandem meliori initio consilio, epistolium scripsi ad Dominum Michaëlem de Mannara equitem Calatravensis militiæ, præstantis sanctimoniz virum, & amore Dei, & zelo animarum flagrantem, qui Præfectus erat, vel Frater Major Sodalitatis Charitatis, quæ Hispalensis nobilitate constat; ferè sub hac forma: *Domine mi. Deus Charitatis est, & qui manet in Charitate, in Deo manet: nisi Charitatis hoc munus suscipiat congregandi Mahumetanos. nihil agemus, quia barbari isti, si compellantur à Satellitibus Domini Assistentis, non libentes, sed coacti audiunt; ac proinde sine fructu. Rogo ergo te, ut rem hanc commendei Sodalibus Charitatis. His acceptis litteris, congregavit Sodales,*
&c re

& re inter ipsos consulta, decretum est, ut hujus Sodalitatis equites inter se partirentur vicos, & Paræcias civitatis, & singuli curarent Mauros congregare, qui in suo vico, vel Paræcia debebant Sodalitâsq; ipsa in se sumpsit onus solvendi Mahumetanis pretium illud, quod illi lucrari poterant; & in hoc insigni charitatis opere expendit sexcenta scuta, quia singulis Mahumetanis venientibus ad concionem, eâ finitâ, donabatur certa pecuniæ summa, unde ea die ali possent, & heris suis tributum solvere. Mirum est, qua diligentia, quo zelo, & charitatis ardore Dominus D. Michaël de Mannara & reliqui hujus nobilissimæ Sodalitatis alumni conversioni Maurorum operam navaverint. Eos secum adducebant ad concionem, non vi, sed amore, & in ipsa concione inter ipsos sedebant, & verbis ardentibus adhortabantur, ut Baptismum peterent; preces ad Deum fundebant, eleemosinas, jejunia, flagellationes, & alias mortificationes Domino offerrebant pro eorum conversione. Et huc *Charitatis Hispalensis nobilitatis* insigni pietati debetur felix exitus harum concionum, in quibus quadraginta quatuor conversi sunt, quorum octo supra triginta una die solemniter baptizati sunt à Domino Archiepiscopo, & latè narratur in historica Relatione, quæ de hoc solemnî Baptismo typis mandata est. Certè non alium solemniorum triumphum habuit unquam *Hispalensis* civitas, postquam à Sancto Ferdinando debellata est, quàm illum, quem illa die spectavit. Instituta est sollemnis processio, in qua ducebantur trium-

phantium more catechumeni à Domino Professa Societatis in Ecclesiam Cathedralè, in qua erectum erat ingens theatrum in eo ipso loco, in quo in hebdomada sancta collocatur celebre illud *Monumentum*, quod omnibus admirationi est, ut in editiori loco admissus stratus Baptismus posset ab omnibus spectari. Processionem præibat *Imago crucifixi*, quæ est insigne *Sodalitatis Charitatis* proprium: Sanctam Imaginem accensis cereis immediatè sequebantur triginta sex pauperes, quos Sancta Sodalitas vestivit: subinde catechumenos ipsos comitabantur Charitatis Sodales, qui trecentorum numerum implebant, & Religiosi Societatis; alij à dextris, alij à sinistris catechumenis associati. Et sic peractus est Baptismus ea pompa, & majestate, quæ in ea Relatione describitur.

V. Quantum Deo placuerit cura illa, quam Sancta Sodalitas Charitatis suscepit donandi Mauris pretium, quo tributum diurnum solverent, manifestavit eventus singularis, anno præterito 1679. in quo Missionem repetens in illa civitate, conciones quoque publicas ad Mahumetanos habuit. Rogavi Dominum D. Michaëlem de Mannara, ut nunc eandem curam susciperet Sodalitas Charitatis, circa Maurorum conversionem, quam prius susceperat anno 1672. hoc munus libentissimè amplexa est: cæterum cum tota illa provincia annonæ penuriâ laboraret, siquidem trium librarum panis quinque drachmis emebatur: & Sodalitas Charitatis ingentem pecuniæ summam quotidie alendis pauperibus infunderet, non

habebat Sancta Sodalitas, unde solveret denarios illos diurnos Mauris donandos: & re maturè inter Sodales deliberata, decretum est, non posse eleemosinas à fidelibus collatas ad pauperum sustentationem, & ægrotantium curationem, in alios usus quantumvis pios converti; & hujus decreti Author præcipuus fuit Dominus D. Michaël de Mannara; qui tandem conclusit, sibi ut Fratri Majori Sodalitatis incumbere onus, industriè quærendi pretium donandum Mauris. Sequenti die illum de hac re nihil cogitantem convenit civis Hispalensis, quem antea non noverat; qui in hunc modum eum allocutus est: hîc afferro, Domine D. Michaël, mille scuta in eos pios usus expendenda, in quibus sancta Charitas solet eleemosinas sibi erogatas expendere. Tunc ille omnino immemor Maurorum: satius erit, inquit, ut mihi designes opus, in quo vis hanc pecuniam expendi: vix hæc verba protulerat, cum recordatus est pretij Mauris donandi, nihil tamen exteriùs pronuntiavit: illius autem eleemosinæ largitor, quasi cogitationem Domini D. Michaëlis legeret, illicd adjecit: meæ voluntatis est, ut hanc pecuniam expendas in eo opere pio, quod nunc in tua cogitatione volvis: & cum tunc cogitatione volveret eleemosinam elargiendam Mauris, miratus est singularem Dei providentiam, quam in se confidentibus exhibet. Hunc mirabilem successum mihi narravit Dominus D. Michaël, paucis diebus antequam incideret in morbum, quo ingenti cum luctu totius Hispalensis civitatis & uberimis pauperum lachrimis sublatus est

die 9. Maij anno 1679. Et cum ego eventum mirarer, alios mihi tunc mirabiliores narravit, quos sæpè expertus est. Hujus præclari viri vitam & gesta in lucem hoc anno edit R. P. Joannes de Cardenas nostræ Societatis Exprovincialis, satis ex suis scriptis orbi, & civitati Hispalensi ob pietatem notus. Ego sanè id sanè testari possum, sæpè hanc cogitationem animum meum subijisse, fore, ut aliquando Dominus Michaël de Mannara in altaribus collocaretur: sæpè cum illo de rebus divinis locutus, ardentis in Deum amoris in illo manifesti signa deprehendi: cum de Deo loquebatur, totus ardebat, & quasi extasim passus extra se veluti rapiebatur: nihil aliud quærebat, nihil aliud cogitabat quàm majorem Dei gloriam, & proximorum salutem, pauperumque & ægrotorum levamen. Epistolam apud me habeo Patris Cardenas, in qua testatur, hujus viri corpus, post septem menses effossum, integrum & incorruptum repertum esse. Et sanè quamvis mihi diceretur, eum mortuos suscitasse, nihil mirarer. Nam mihi ejus vitam & mores contemplanti, sæpè occurrit, non aliter vixisse, quos Ecclesia in altaribus veneratur.

VI. Quod si Sodalitas Charitatis provinciam hanc non sibi vendicasset; illam absque dubio amplexus fuisset illusterrimus pauperum Pater, Dominus Archiepiscopus D. Ambrosius Ignatius de Espinola & Guzman, quia ultra quingentorum ducatorum millia tempore famis in alimoniam pauperum expendit. Et sanè hoc opus dignissimum est Episcoporum largitate. Ubi autem

Episcopi

Episcopi non fuerint, vel Sodalitates alia similes Hispalensi Charitati (si forte in toto orbe Christiano perfecte similem habet illustris illa Sodalitas) quaerenda est eleemosina inter divites populi. Ubi autem Mauri non de proprio vivunt, sed heris suis tanquam famuli ministrant, monendum est, ut domini illos ad conciones adducant; idque illis injungendum est à Prætoris urbis, præconis voce, si opus fuerit. Et cura hujus rei committenda est Sacerdotibus plijs, aliisque personis devotis, qui in-

vigilent, ne ullus Mahumetanorum à concione absit. In ipsa autem concione expedit, ut Mahumetanæ fœminæ à Mahumetanis viris separentur, ne illas volentes petere Baptismum cohibeant; & ne se mutuo impendant infideles, intermiscendi sunt cum Christianis, viri cum viris, & fœminæ cum fœminis. Experientia enim docet, quòd, ubi Mahumetani inter se conjuncti sedent, obdurati & pertinaces decinent dociles, ne Baptismum petant.

CAPUT TERTIUM.

Quòd pro Maurorum conversione preces, eleemosina, jejunia, & alia pia opera à Christianis exercenda sunt, ut predicatio effectum sortiatur. Vbi singularia hujus rei exempla ab Hispalensibus exhibita recensentur.

VII. CUM infidelium conversio non sit opus hominis currentis, sed Dei misericordis, quia, ut ait Christus: *Nemo potest venire ad me, nisi Pater meus traxerit eum*: non solum concionator debet enixè à Deo postulare, ut internè illuminet, quos ipse externè admonet: sed à Christianis auditoribus rogare, ut intimo cordis affectu postulent à Deo illorum conversionem, & pro illa impetranda eleemosinas, jejunia, & alias mortificationes Deo offerant. Idque initio singularum concionum debet impensè commendare. Et hac in re reliquæ Christiani orbis civitates imitari possunt insignem pietatem, & religiosum fervorem

Hispalensium, qui vix cognoverunt; Missionarios Societatis publicas velle ad Mahumetanos conciones habere anno 1672. cum ad expugnandam eorum perfidiam, Deo pro eorum conversione obtulerunt Communiones, Missas, jejunia, pœnitentias, & mortificationes in magno numero. Persona nobilis obtulit pro singulis, qui converterentur, quinquaginta Missas; alia obtulit, inservire pauperibus hospitalis feriâ sectâ nudis pedibus & cruribus. Alia pro singulorum conversione corpus suum cilicio cingere, & exosculari ulcus scætidius pauperum in hospitali jacentium (& hic fuit D. Michaël de Mannara.) Alia persona vovit Domino abstinentiam

tiam perpetuam à carnibus, si emolliret cor cujusdam obstinati Mahumetani, cujus conversionem vehementer desiderabat; conversus est ille, & ipsa votum suum religiosè adimplet. Puer decennis, à parentibus Mahumetanis genitus, & in prima infantia baptizatus, miram ostendit pietatem; nam à primis annis totam doctrinæ Christianæ summam diligenter didicit, & ab usu rationis suorum parentum conversionem sitiens, pro illa preces ad Deum fundebat, & ferventer ipsos hortabatur ut Christiani fierent; in hac autem occasione, in qua Mauris prædicabamus, coram multis se proolvit ad pedes obstinati patris, illòque exosculatus, cum lachrimis togavit, ut duritiem illam deponeret, & Baptismum peteret: qua pietate omnium oculos & amorem in se convertit. His diebus, quibus conciones habebantur, puer iste aquam afferebat ijs, qui in tanta gentium pressura sitiebant; & ex eleemosinis, quas ipsi viri pij erogabant ob hanc pietatem, octo drachmas congregavit, quas tradidit Sacerdoti, ut quatuor Missas Deo offerret pro conversione suorum parentum.

Sodalitas Charitatis Deo promisit, tot pauperes in integrum vestire, quot Mauri converterentur: id quod cumulatissimè adimplevit. Primariæ nobilitatis formine inter Mahumetanas sedebant, eisque plena charitatis viscera ostendentes, verbis ardentibus, affectibus ardentioribus ad Christum trahere conabantur. Inter has eminuit Princeps formina, inter Hispaniæ Proceres sanguine clarissima, quæ non solum so-

tidis Mahumetanis affidebat, eaque ardebat complectebatur; sed flexis genibus integram concionem audiebat, quæ plerumque per horam cum dimidia, & quandoque duas protraheretur, Deo offerens hanc pœnitentiam, ut illarum duritiem emolliret. Quandoque necessarium fuit, sedilia ab uno in alium locum mutare: tanta autem devotione has conciones Hispalenses equites audiebant, ut cum adessent servi & famuli, quibus hoc imperarent, ipsi suis manibus subsellia, & sedilia transportarent. Omnibus his concionibus adfuit Illustrissimus Archiepiscopus, qui Africanos, qui Baptismum petierant, spirituali gaudio plenus arctissimè amplectebatur, eos verbis suis in fide confirmans, & ad ardentius desiderandum Baptismum inflammans. Huic Hispalensium pietati post Deum debetur tam numerosa Maurorum conversio, cum pro magnitudine civitatis exiguus sit numerus eorum Mancipiorum, quæ Hispali degunt, quia vix attingit trigessimam partem eorum, qui Gadibus, in Portu Sanctæ Mariæ, & Malacæ commorantur.

Charitatem & pietatem Hispalensium animadvertentes Africani, non minus illâ, quàm concionibus ipsis movebantur ad fidem amplectendam: quam aliqui eo ardore susceperunt, ut prædicatores effecti alios ad Christum traherent. Maurus quidam uxoratus eam lucem in concionibus à Deo accepit, ut domum suam reversus uxori suæ prædicare cœperit, eam adhortans, ne hanc occasionem amitteret, lucrandi æternam animæ salutem; & quia eam obsti-

DATAM

nam vidit, ei omnem suam suppellectilem, & pecuniam donans, & nihil sibi reservans, Christo contentus, eam dimisit, nolens amplius cohabitare cum muliere, quæ fidem Christi amplecti nolebat, idque ipsum alius præstitit, dimisit enim uxorem, sibi nimis charam, quia converti noluit: utrumque tamen post aliquot dies Dominus consolatus est, quia mulieres illæ exemplo maritorum permotæ, Christum agnoverunt, & maritæ eas cum ingenti lætitia adfuerunt.

Turca quidam tanto cum fervore fidem Christi professus est, ut, quamvis haberet sufficientem pecuniam ad sui redemptionem, maluerit illam pecuniam alteri Africano, qui ipsius admonitione & exemplo conversus fuerat, donare, ut libertatem emeret, quam

propria libertate frui. Uno ex iis diebus, in quibus Mahumetanis prædabatur, accepit litteras Africana ancilla ab Algerio, quibus monebatur, ejus redemptionem peractam esse, facta commutatione inter ipsam, & civem Hispanensem, qui captivus in Algerio detinebatur: quibus generosè respondit, malles captivam in Hispania inter Christianos commorari, quam cum libertate ad perfidiam Mahumetanam redire.

Fuit inter Hispanenses cives nonnullus, qui tanto gaudio affectus est ob conversionem mancipij sui, ut statim ipsam libertate donaverit, quamvis bonis fortunæ non abundaret. Multi ex Patris fervorem eorum, quos in Baptismo tenuerunt, videntes, eorum libertatem emerunt.

CAPUT QUARTUM.

Singulare exemplum puellæ sexennis orantis pro Mahumetanorum conversione.

VIII. PRÆFATIS exemplis aliud adjungo; quod abundè probat, quantum apud Deum valeant ferventes orationes iustorum pro impetranda Maurotum conversione: inter familias nobiles, quæ Malacæ morum integritatem & præclaram pietatem cum sanguinis claritate conjungunt, non postremum locum obinet familia Domini D. Josephi Azedo del Castillo. Habebat eques iste filiam sexennem Marianam nomine, cujus cerè intelli-

gentia erat supra ætatem, pietas atque devotio supra naturam: nemo illam alloquebatur, qui non miraretur tam vividas rationis scintillas, ita ut mihi dubium non fuerit, eam in illa ætate jam capacem esse suscipiendæ Eucharistiæ, quia tam rationis compos erat, eoque judicio pollebat, quo vix aliæ polent in nono vel decimo ætatis anno. Habebant parentes ejus ancillam Mahumetanam, cujus conversionem desiderabant, eam verò à Deo impetravit

Pp

vix-

virgūcula illa sexennis, nam in genua coram altari provoluta magno devotionis affectu vitam suam Deo obrulit pro conversione ancillæ: *Obsecro Domine* (inquiens) *ne nobis concedas conversionem huius ancillæ: ne illa Christo vivat, ego libenter moriar: ego vitam meam tibi offero pro ejus salute.* Non potuit non maximè Deo placere hujus Angelicæ oratio: & ita, quod postulavit, obti-

nuit, nimirum conversionem ancillæ; quæ ob amorem hujus puellæ Mariana appellata est, cujus reductione remuneravit Deus Christianam curam, quam adhībuerunt parentes illius puellæ in ipsius educatione; pietatem enim à pijs parentibus hauriens, non prius incipit vivere, quàm devotionem ostendere, & orationes recitare. Accidit casus iste ad extremum anni 1669.

CAPUT QUINTUM.

Quantum expediat, quòd Mahumetani ad Fidem conversi magnam solemnitate baptizentur.

IX. **R**ATIO, & experientia doceant, multum omnino referre, quòd Mahumetani, & Judæi, qui inter Christianos convertuntur, cum solemnī apparatu ducantur ad sacrum fontem, & quòd, si fieri potest, ab Illustrissimis Episcopis, vel Archiepiscopis cum ingenti pompa baptizentur. Primò, quia cum homines rudes res spirituales in seipsis attingere non possint, manuduci debent per hæc exteriora ad ipsarum cognitionem. Et ideo Christus Dominus Sacramenta novæ Legis in signis exterioribus, & sensibilibus instituit. Ut enim inquit D. Thomas 4. contra gentes cap. 56. *Sicut cæteris rebus, ita etiam homini Deus providet secundum ejus conditionem: est autem talis hominis conditio, quòd ad spiritualia & intelligibilia capienda naturaliter per sensibilia deducitur: oportuit igitur, spiritualia remedia hominibus sub signis sensibilibus dari.* Et propter-

ea S. Ecclesia tot sacras ceremonias instituit in administratione Baptismi, ut illius mirabiles effectus his signis declarer. Secundò, quia tam infideles, quàm fideles, dum sacras illas ceremonias spectant, & solemnitatem considerant, quâ confertur, magnum aliquid ibi apprehendunt, sicut revera est; quòd sanè non facerent, si solum viderent homines exterius ablui. Tertio, quia infideles contemplantur hilaritatem catechumenorum, & spirituale gaudium fidelium, & auctoritatem Episcopi administrantis, hinc moventur ad venerationem Baptismi, & sæpe excitantur ad illum petendum, ut sequentibus exemplis constabit.

X. Quando ad finem anni 1669. Malacæ conciones publicas habui ad Mahumetanos, aderat tunc puella Mahumetana duodecim annorum, arguta valde & perspicacis ingenij, quam paucis ante mensibus captivam abdu-

xerant ex Orân: erat illa in secta Mahumetana pertinacissima, ejusque conversionem frustra sæpè tentaverat pia scœmina, cui ut ancilla inserviebat: & quamvis quadam curiositate ducta memoriæ mandaverat quatuor primas catechismi orationes, quas sæpè repetebant famulæ illius domus; ejus tamen cor longè erat à credendo, quod ore proferebat. Tristitiâ maximâ, & impotenti rabie afficiebatur, quando aliquis Mahumetanorum Baptismum petebat; & quadam die tam acerbè tulit conversionem Mahumetanae scœminæ, cujus cor in concione Deus mollivit; ut faciem propriam unguibus scdaverit præ doloris & impatientis furoris æstu; secundum consuetudinem illius barbaræ gentis, apud quam scœminæ in occasionibus magnæ tristitiæ unguibus faciem lacerant. Hujus tamen puellæ cor Deus mirabiliter mutavit, ea die, qua Illustrissimus Episcopus triginta tres catechumenos cum magna solemnitate sacro fonte lustravit, ut diximus suprâ cap. 1. Petivit illa à domina sua facultatem ad spectandam solemnem processionem catechumenorum, qui à Collegio Societatis ad Cathedralē Ecclesiam ducebantur, ubi eos expectabat Illustrissimus Episcopus, qui erigi mandavit ingens tabulatum iuxta sacri Templi fores, ut sacra illa functio liberè ab immensa populi multitudine spectari posset. Spectavit puella, quasi stupefacta, hilaritatem, quam vultu præferebant catechumeni, spirituale gaudium Christianorum, magnificam illam pompam, & devotionem, quâ tota nobilitas cate-

chumenos comitabatur, omnibus alta voce cantantibus nostræ fidei mysteria: irrumpit per mediâ multitudinem, ut in tabulatum ascenderet, & sacras ceremonias intueretur; & intus accensâ, exterius fervorem spiritûs promebat; veniebat honestè cooperta subtili pallio, seu nebulâ sericâ; & faciem, caputque discooperiens, hilaritate vultûs, & verborum fervore ardorem internum prodens, alta voce ab Illustrissimo Episcopo Baptismum petit; ille benignè ad se vocans, & in visceribus charitatis recipiens, ejus vocationem explorat, & motivum petendi Baptismum inquirît, & cognito virgunculæ fervore, me interrogat, an puella illa posset tunc cum aliis baptizari, quamvis non esset instructa eo pacto, quo adulti ante Baptismum instrui debent? quia propter ætatis teneritudinem videtur posse, inquit, ut parvula reputari; & aliunde periculum non est perversionis, quia existit in domo devotæ scœminæ, omnino separata à Mahumetanorum commercio, & intra breves dies potest integrè instrui, ejusque fervor hoc præmium postulat, ut cum aliis baptizetur; mæstitia enim non exigua illi erit, si Baptismus differatur. Prudentissimæ rationes illa Illustrissimi Episcopi mihi persuaserunt, posse illi tunc Baptismum administrari, omnisque ratio dubitandi ablata est, cum compertum est, eam memoriâ tenere symbolum, & sufficienter capere mysterium Trinitatis, & Incarnationis, & reliqua, quorum fides explicita exigitur ab adultis. Itaque dum alij baptizabantur, breviter eam ibi instruximus, & post alios ibidem so-

solemniter baptizata est cum festivo omnium plausu, & cum maxima consolatione Illustrissimi Episcopi, qui vehementer admirabatur ingentem lætitiā, quam vultu præferebat propter beneficium suscepti Baptismi.

Similem eventum expertus sum Xeræ anno 1671. Erat ibi Turca adolescens, corporis, & oris elegantia conspicuus, & qui potius Matriti, quam in Africa educatus videbatur: conceperat ille aliquando propositum suscipiendi Baptismum, & jam orationes didicerat, & mysteria fidei sufficienter noverat. Sed perfidus Mahumetanus, qui magnæ erat auctoritatis apud suos, eum ab hoc proposito deturbavit, illumque omnino decepit, ut in Mahumetana secta peristeret, & satagebat, ne conciones audiret, quas ibi predicavimus. Permanebat adhuc in sua perfidia toto illo tempore, quo missio Xeretana duravit, nempe tempore Quadragesimæ. Cæterum post aliquot menses solemniter baptizati sunt Mahumetani, qui conversi fuerant; non enim ibi potuimus remanere tempore illo, quod necessarium erat ad Catechumenorum instructionem. Urgebat enim Missio Gaditana, quam enixe Illustrissimus Episcopus poscebat, & civitas desiderabat, ob ingentem cladem, quam ingens ventorum procella intulerat, naves in Portu submergens, & domus non paucas subvertens, & ædificia quatens: urgebat etiam missio Portuensis, quam excellentissima Ducissa de Medina Cæli impetrabat. Post has Missiones peractas, & post Missionem habitam in Civitate de Sanlucar,

Xeram migravimus ad Baptismum solemnem, in quo quindecim Mauri Sacro fonte expiati sunt. Erectum est ingens theatrum in maximo foro, vulgò *Arenal*; confluit innumerabilis hominum turba, Catechumeni stipati equitibus, & Religiosis Societatis in processione ducti sunt ad locum Baptismi, sicut Malacæ factum fuerat.

Adolescens ille Turca hoc spectaculum contemplans, & Sacrum apparatus intuens, ita commotus est, ut alta voce medio in foro clamare cæperit. *Volo Christianus esse, & cum cæteris baptizari: locum date, ut possim theatrum descendere:* & per confertam multitudinem petrumperens, tandem ascendit, & magno fervore Baptismum petiit. Illum ego examinavi, & inveni sufficienter instructum in mysteriis fidei, quæ aliquando didicerat: & quanta potni celeritate disposui, ut Baptismo cum reliquis tingeretur à Vicario Domini Archiepiscopi: suo fervore, & vultus elegantia oranium oculos in se rapuit, & summo cum gaudio Baptismum suscepit.

XI. Tertiò, anno 1670. tempore Pentecostes celebratus est sollemnis Baptismus Matriti in nostro Collegio Imperiali, in cujus capacissimo templo ingens tabulatum erectum, & ornatum erat, prout sacra hæc functio postulabat; ibique inspectante Hispanica nobilitate, undecim vel duodecim Catechumeni, qui perfidi Mahumeti sectam deseruerant, convicti argumentis, quæ adversus illam confecimus in nostra domo Professæ, ab Illustrissimo Episcopo Arcadiæ (nam Eminentissimi

mus

mus Cardinalis Archiepiscopus Tolanus D. Paschasius de Aragon, vel defectu integræ valetudinis, vel aliis curis, & negotiis legitimè impeditus, per se ipsum hoc munus exequi non potuit) Sacro fonte lustrati sunt. Egressa est processio Catechumenorum à domo Professa, eos stipantibus à dextris, & à sinistris Dynastis, & Regni Proceribus. Adolescens Mahumetanus, hanc solemnitatem admiratus, à Deo in hoc itinere illuminatus est; in tota via ocu-

los avellere non poterat à Catechumenis, & quamvis sæpè vi repulsus sit, ne illis appropinquaret; ejus tamen perseverantia obtinuit, ut per mediam turbam pertumperet, & tabulatum ascenderet; ubi alta voce Baptismum petiit: qui tamen tunc ei administratus non est, quia non erat adhuc instructus in rebus fidei. Hi casus manifestè probant, convenientissimum esse, ejusmodi Baptismata cum pompa, & magno apparatu celebrari.

CAPUT SEXTUM.

Quomodo expugnanda sit obstinatio Mahumetanorum, qui veritatem Religionis Christiana cognoscentes, Baptismum suscipere detrectant, vel differunt.

XII. QUANDO Christi prædicator agnovit, intellectum Mahumetanorum convictum quidem esse, ceterum voluntatem adhuc rebellem existere; minas Dei ingeminet, novissima ponderet, severitatem divini judicii, & terribilitatem pœnarum inferni expendat, & effigiem animæ damnatæ è pulpito ostendat. Cùm in secunda Missionis Hispaniensi primò ad Mahumetanos verba fecimus, post aliquot conciones, animadvertens prædicator duram obstinationem quorundam, de inferno sermonem instituit; effigiem hominis damnati ostendit, & ad extremum ad parietem, vel columnam, cui suggestum innitebatur, conversus, & sudorem, quo madebat frons ejus, manu emundans, æstu quodam fervoris abreptus, manum sudore ma-

didam, columnæ marmoreæ impegit alta voce inclamans, *Columna, parietes, audite verbum Domini. Estes mihi estote, quòd veritatem huic obdurata genti predicaverim.* Et ad Mahumetanos faciem vertens, & minacia verba proferens: ego, ego, in Dei (inquit) judicio vester Fiscalis ero, ego vestram duritiem coram supremo iudice accusabo; sudor iste testis erit locupletissimus; ignorantiam ibi allegare non poteritis; luce meridiana clariùs vobis ostendi, Mahumetum non Dei Prophetam, sed seductorem nequissimum fuisse, & extra Christi Religionem salutem non esse: satis, arbitrator, vester intellectus convictus est; sed rebellis adhuc voluntas existit. O bone Deus! frange horum lapidum duritiem, & ex illis filios Abraham constitue, Hæc

& alia terribilia verba fulminavit. Et adspirante divina gratia, cujusdam obstinatissimi durities tandem fracta est; extorsere terrores, quod elicere rationes non potuerant: siquidem ad Baptismum iis minis tractus est. Solent obstinati Mahumetani, dum, quid respondeant, non occurrunt, ad hanc responsionem confugere: Pater meus Maurus, avus meus Maurus, proavus Maurus; & ego quoque Maurus usque ad mortem. Sed hanc esse stultam responsionem, facile convincitur, sicut stulta est eadem responsio, posita in ore Gentilis idololatæ, vel obstinati Hebræi Judæizantis. *Pater meus idololatra avus meus idololatra, &c.* Et si cum stultum esset, dicere: Pater meus in inferno est, avus in inferno &c. Majorum vita prava non est imitanda, sed deferenda: eorum præcipitium fugiendum, non querendum est, &c. Quid expectas, ut convertaris? An quoddam Deus miraculum aliquod faciat ad te convertendum? Sed Deo mos non est, miracula sine necessitate facere. Josue 5. v. 2. *Defecitque manna postquam comederunt de frugibus terra, nec usi sunt ultra cibo illo filii Israël.* Stella, quæ apparuit Magis, & eos duxit in Hierusalem; cum illuc pervenerunt, disparuit, quia jam ibi non erat necessaria, ubi Christi notitia aderat; & ideo voluit Deus, ne existeret otiosa: & ideo Job cap. 5. dixit: *Nihil in mundo sine causa fit.* Ideo Christus noluit miracula coram Herode facere, quia otiosa erant, & solum ad curiositatem quærebantur. Luc. 23. 3. Certè tentare Deum, petendo miraculum, non

est medium aptum, ut convertaris: nec, ut ad Christum venias, bona dispositio est, expectare, ut tibi miraculose appareat.

Sanè si tu fidem non habes iis, quæ conscientia tua tibi dicat, nec ei, quod probant miracula, quæ Christus fecit in confirmationem suæ doctrinæ, nec miraculis, quæ fecerunt Apostoli in confirmationem suæ prædicationis, nec credis mirabili mundi conversioni, nec innumerabilium Martyrum præconio qui sanguinem suum fuderunt in defensionem veritatis, quam ego vobis prædicavi: nec Christianus fies, quamvis ipse Christus tibi appareat. Luc. 16. *Si Moysen & Prophetas non audiunt, neque si quis ex mortuis surrexerit, credent.* Chrysostom. Hom. 9. in Lucam: *Si scivisses Deus, quod mortui excitati viventibus essent profuturi, nequaquam omisisset, neque tantum lucri præterisset, qui cuncta nobis profutura procurat. Lazarus, & Christus surrexerunt, & nec Lazaro, nec Christo crediderunt perfidi Judæi.*

XIII. Dum autem moras neſunt, & in tempus futurum prospiciunt, utgendi sunt verbis illis Spiritus Sancti: *Ne tardes converti ad Dominum, nec differas de die in diem, subitò enim veniet ira illius.* Si bonum est, Christianum esse, hoc bonum non est differendum. Si modò non vis fieri Christianus, forsitan veniet tempus, quando velis, & non possis: ut enim inquit Augustinus serm. de verbis Apost. Petri, & Pauli: *Cum vult, non potest, quia, quando potuit, noluit, ideo per malum velle, perdidit bonum posse.* Et lib.

lib. 3. de lib. arb. c. 18. *Illæ est pœna peccati iustissima, ut amittat unusquisque illud, quod bene uti noluit, cum sine ulla difficultate posset, si vellet: id est, ut, qui sciens recte non facit, amittat scire, quod rectum est; & qui rectum facere, cum posset, noluit, amittat posse, cum velit.* Hinc Gerson tractatu de parvulis ad Christum trahendis: *Plerumque fit iusto Dei iudicio, ut, qui gratiam Dei, vel neglexerit, vel repulerit, abutens donis Dei, & talentis summi Patris familias, in primo ætatis vigore, dum fas erat, postmodum ad eam veniendi nequaquam recursus habeatur.*

Narrat hic Christi prædicator exemplum illud, quod legitur in speculo Magnæ exemplorum part. 2. dist. 9. exemplo 215. de illo peccatore, qui pœnitentiam, cum posset agere, protrahens, in hora mortis constitutus clamabat, *O pœnitentia, pœnitentia! ubi es, quod te invenire non possum? Iusto Dei iudicio nunc pœnitere non valeo, quia, cum potui, nolui, & hoc dicens mortuus est.* Item illud, quod ex Cardinali Petro Damiano narrat idem speculum dist. 1. exemplo 94. de illo peccatore, qui pœnitentiam protrahens usque ad mortem; in illo articulo constitutus, cum de alijs rebus sermo miscbatur, vigil attendebat; cum autem de pœnitentia agenda monebatur, statim obdormiebat; & raptus in infernum à Diabolo est, &c. In hunc scopum potest ponderari illud 1. Reg. 26. 12. *Omnes dormierant, quia super Domini iuraverat super eos. Super quod Salvianus: Super infunditur, ut perditio sequatur.*

Possunt in hoc assumptum expendi verba illa Proverb. 1. 24. *Quia vocavi, & renuistis, &c.* Et illa Psalmi 17. 42. *Clamaverunt, nec erat, qui salvos faceret, ad Dominum, nec exaudivit eos.* Item illa Job. 27. 9. *Nunquid Deus audiet clamorem ejus, cum venerit super eum angustia? Aut poterit in omnipotente delectari, & invocare Deum omni tempore? Demum illud Christi Matth. 25. 11. Domine, Domine aperi nobis. At ille respondens ait: nescio vos.*

Cum ego Mauris Malacæ prædicaui ad finem anni 1669. honestus, & valde spiritualis Sacerdos, nomine Dominus Christophorus Brito, habebat servum Mahumetanum, cujus conversionem vehementer desiderabat: eum de hac re sæpe allocutus est, sed irritò: adduxit illum ad conciones, sed neque prædicatione, neque exempla aliorum illi persuadere potuerunt: denique ut nihil intentatum relinqueret, illum ad me adduxit initio anni 1670. ut privatim illi veritatem manifestarem; quantum potui, laboravi, ut illum ad Christum traherem, sed frustra. Cito ejus duritiem Dominus punivit: nam cum essem in nostro Complutensi Collegio de JESUS del Monte, accepit literas illius Sacerdotis subscriptas die 19. Augusti anni 1670. in quibus hæc formalia verba continebantur: *Miserabilis ille Maurus fratris mei servus infelici-ter obijt, violenter occisus; idque tam celeriter, ut post inflicta vulnera statim mortuus corruerit, sic Deo castigante duritiem cordis ejus: nobis manet dolor, quod*

quod infelix ille noluerit Doctrinam salutem convertere, sicut alij converterunt in sermonibus audita ad anima sua.

CAPUT SEPTIMUM.

Quid consulere debeat Christi predicator Mauris, quibus persuadere non potuit, ut Baptismum peterent.

XIV. **C**Uret Christi minister, Mauros pertinaces, quos sermonibus flectere non potuit, blandè, & charitative alloqui, illisque consulere, ut lucem à Deo petant, ut cor illorum tangat, ad Christi fidem amplectendam, si illa sit ad salutem necessaria, & ad deferendam Mahumeti legem, si verum sit, quod Christiani credunt, eam esse certam ad æternam perditionem viam. Legatur in hunc scopum consilium, quod dedit P. Ignatius de las Casas Cordubæ Mahumetano ægrotanti, suprà capit. 6. ut scilicet ex toto corde dicant illam orationem, quæ in Alcorano legitur: *Domine nos Domine viam rectam, & bonam.* Et quod ego dedi Fatimæ Malacæ, ut suprà, & quod dedi Hispali Joanni Baptistæ.

Refert Cardinalis Baronius tom. 2. ad annu 130. apparuisse senem venerabilem Sancto Justo Philosopho, & Martyri, cum adhuc esset idololatra, eique dixisse: *Veram Philosophiam non posso nisi in Schola Christi reperiri, & audidisse: At tu votis & precibus tibi ante omnia lucis portas aperiri postula: neque enim ab aliquibus percipiuntur aut intelliguntur, præterquam si Deus, & Christus eis concesserit intelligentiam.*

Insuper admoneat Mahumetanos, quòd, si velint à Deo lucem impetrare ad cognoscendam veritatem, non solum debent eam à Deo petere, sed vitia fugere, & peccata vitare: hæc enim sunt impedimentum, & quasi murus, ne lux de Cælo veniens animam illuminet. Ut enim inquit Hieremias cap. 5. 25. peccatoribus loquens; *Peccata vestra prohibuerunt bonum à vobis.* Et ut ait Isaias c. 59. 2. *Iniquitates vestra dividerunt inter vos, & Deum vestrum, & peccata vestra absconderunt faciem ejus à vobis, ne exaudiret.* Et Sophonias c. 1. 17. *Ambulabunt ut caeci, quia Domino peccaverunt.* Et David Psal. 39. 13. *Comprehenderunt me iniquitates meae, & non potui, ut viderem.* Ideo Christus Joan. 7. 16. *Mea doctrina non est mea, sed ejus, qui misit me.* Si quis voluerit voluntatem ejus facere, cognoscat de doctrina, utrum ex Deo sit, an ego à me ipso loquar. Et Spiritus Sanct. Ecclesiast. 1. 33. *Fili concupiscens sapientiam conserva justitiam, & Deus præbebit illam tibi.* Item David Psal. 83. 13. *Non privabit bonis eos, qui ambulant in innocentia.* Et Ecclesiast. 2. 20.

Qui timetis Deum, diligite illum, & illuminabuntur corda vestra.

XV.

XV. Consulendum etiam illis est, ut in hunc finem impetrandi à Deo lucem aliquas eleemosynas secundum suam possibilitatem pauperibus erogent: & ad hoc persuadendum narretur ipsis, quod S. Lucas Act. 10. refert de conversione Cornelij Centurionis, quam media oratione, & eleemosynis impetravit: siquidem Angelus dicit ei: *Orationes tuae, & eleemosyna tua ascenderunt in memoriam in conspectu Dei.* Act. 10. 4. Proferat etiam in medium exemplum S. Casildæ filiae Almenonis Mauri Regis Toletani, quæ propter eleemosynas, quas Christianis Captivis largiebatur, à Deo meruit illuminari, & baptizata ad magnam pervenit sanctitatem, ut scribit Mariana lib. 9. histor. Hispan. c. 3. Aliud exemplum admirabile refert Bar. tom. 7. ad An. Christ. 537. cuiusdam sceminae Gentilis, quæ propter eleemosynam, quam pauperi laqueo se suspendere volenti dedit, quo illum à suspendio liberavit, miraculosè meruit baptizari, & à turpi vita revocata est, & æternam salutem obtinuit.

Item, quandoquidem B. Virginem

ut eximie sanctam venerantur, consulendum ipsis est, ut ab ipsa precentur, ut si vera sunt, quæ Christiani de Filio ejus credunt, quodd scilicet sit verus Deus, à Deo ipsis impetret lucem ad suscipiendam fidem Christianam; sin verò, in sua Religione moriantur.

XVI. Denique si aliquem Mahumetanum invenerit Christi prædicator, qui libros Hispanicâ linguâ conscriptos legere sciât, ut ego inveni, ei consulat, ut libros devotos legat. R. P. Ludovicus Granatenfis in Prologo 2. part. symboli refert, quodd Mauritius captivus nomine Hamete habebat apud se librum ejusdem Authoris de oratione, & meditatione, & in eo frequenter legebat: & cum famuli ejusdem familiae ob hoc riderent, ipsi nunque quadam die interrogassent: *Quid tu hic legis?* Ille respondit: *Sinite me: ego scio, quid faciam:* tandem lectionem continuando meruit ab illo illuminari, qui Eunuchum reginae Candacis legentem Isaiam illuminavit Act. 8. & Baptismum petijt.

CAPUT OCTAVUM & VLTIMUM.

Insinuantur Verba Scriptura, quæ pro themate conclusionum contra Mahumetanos seligi possunt. Et quomodo ex dictis expleri possint.

XVII. **P**rimum Thema: *Sine fide impossibile est placere Deo,* ad Heb. 11. 6. Nequit dici arbor sine radice, neque domus, vel ædificium sine

fundamento, neque salus æterna animæ rationalis sine vera fide: est enim fides fundamentum spiritualis ædificij, in quo in hac vita hospitari debemus Deū

Q9

intra

intra animas nostras, ut in alia vita ipse hospitetur mos in suo Cælo: Spes est veluti paries, & charitas est quasi tectum, ut docet August. Fides autem generatur in anima audiendo prædicatores, qui Verbum Dei annuntiant. Ut enim inquit Apostol. Rom. 10. 17. *Fides ex auditu, auditus autem per Verbum Christi, id est, auditus creditum est per Verbum prædicatum, quod est Verbum Christi*, ita D. Thom. explicat verba hæc.

Hic explicare debet prædicator, Sanctissimam Christi Religionem docere, & præcipere, neminem violentè cogendum esse ad fidem suscipiendam; quia fides vera, quæ sit salutis æternæ Fundamentum, debet esse libera, & voluntaria adulto credenti: posse tamen incredulos cogi ad audiendum, quia credere non possunt, nisi audiant, & audire nequeunt sine prædicante, ut inquit idem Apostolus: *Quomodo credent ei, quem non audierunt? Quomodo autem audient sine prædicante?* Loquitur Deus hominibus per os hominum, quos ad prædicandum mittit; sicut loquutus est Ninivitis per os Jonæ, & Hebræis atque Ægyptijs per os Moysis: & sicut loquutus est filijs Israël per os Prophetæ Isaïæ, Hieremizæ, & reliquorum; & sicut loquutus est mundo per os Christi, & post Christum per Apostolos ab ipso missos in universum mundum ad prædicandum Evangelium. Etenim sicut fræneticum nolentem manus medici admittere, possumus ligare, & cogere, ut finat medicinam sibi applicari: Ita quia nos Christi anicertis sumus, & tanquã

fidei articulum tenemus, neminem extra fidem Christi salvari posse; jure merito possumus infideles cogere ad audiendam prædicationem veræ fidei. Sed quamvis possemus vos, ô Mahumetani, cogere ad audiendas conciones, nolumus tamen neque ad hoc ipsum violentiã uti; sed rogamus, & obsecramus, ut veniatis, & ut excusatione non habeatis, operam dedimus, ut nihil emolumenti temporalis amittatis, dum ad concionem venitis. Itaque nullum damnum vobis accidere potest ex ijs concionibus: siquidem illis auditis, liberum vobis erit, vel Christi fidem amplecti, vel in vestra perseverare. Potest autem ex eisdem maximum vobis commodum accrescere: si enim verum est, quod vobis prædicabo, ut verissimum esse certò credimus Christiani, vestra æterna salus hinc pender. A vobis hoc unum propter magni Dei reverentiam postulo, ut attendatis ad ea, quæ dixero; sanctè enim obtestor, me in hac prædicatione nihil aliud intendere, quàm æternam salutem vestram, quam diligo sicut propriam, & pro qua paratus sum vitam meam ponere. Si vera vobis non apparuerint, quæ dixero, manete in vestra Religione: si autem vera esse cognoveritis, debetis illam deserere, & Christianam amplecti. O Pater misericordiarum! ô Deus totius consolationis! qui neminem vis perire, sed omnes vis salvos fieri, & ad agnitionem veritatis venire, illumina mentes horum hominum, quos tanquam proximos propter te diligo, & quibus æternam felicitatem ex animo desidero,

ut

ut cognoscant *te verum Deum & quem misisti Jesum Christum*. Loquere Domine intus ad cor eorum, dum ego externè loquor ad aures; scio Domine, neminem posse *venire ad Christum, nisi tu traxeris eum*: trahe ergo Domine eos ad ad Filium tuum. Et vos ô Christiani, viscera charitatis ostendite erga hos proximos vestros: date vestris orationibus efficaciam verbis meis; petite ex toto corde conversionem istorum fratrum à Deo: offerte illi pro illorum salute Missas, Communiones, elemosinas, jejunia, pœnitentias, & alia pia opera: probè nôstis, quàm verum sit, quod summa veritas Christus dixit Joan. 12. *Nemo venit ad me, nisi fuerit ei datum à Patre meo*: rogate ergo illum, ut det donum fidei his fratribus nostris: & vos ô charissimi, & dilectissimi Mahumetani, quandoquidem Deum Cœli, & terræ Dominum colitis, rogate impensè in cordibus vestris, ut si ego prædicator veritatis sum, ab ipso verè missus, vobis supernè mittat lucem, quâ veritatem cognoscatis, & robur, ut veritatem cognitam profiteamini: si autem seductor sum, vos ab errore, & falsa fide liberet. Quid hâc petitione æquius? quid rationabilius?

XVIII. Hoc exordio præmissio, & in hunc modum captatâ benevolentia Mahumetanorum, sermonem inchoet à prima demonstratione propositâ c. 1. rêquæ amplifiet, & sermonem finiat in medium proferendo ali-quod exemplum ex iis, quæ suprà habentur & in fine concionis in brevem epilogum reducat, quæ fuscè di-

cta sunt in ejus decursu, & vehementiam affectuum cominovens, auditores hortetur ad petendum Baptismum publicè, & confitendum Christum coram hominibus, ut ipsos ille confiteatur coram Angelis Dei. Fideles commoveat ut hoc instanter à Deo precentur, & cum illis aliquam serventem orationem vocalem ad Deum, & B. Virginem fundat ad impetrandam illorum conversionem. Parata habeat Rosaria: & si aliquis auditorum Baptismum petat, & sit vir, jubeat, ut ad pulpitem adducatur, ibique eum arctissimè amplectatur, & Rosarium collo ejus imponat in testimonium fidei. Si autem sit fœmina, ei Rosarium porrigat, cæterum propter honestatem ab amplexu abstineat; & hoc munus amplexandi mulieres conversas committat alicui fœminæ nobili ex circumstantibus. Hanc praxim concionandi ego servavi.

XIX. Secundum Thema. *Sic non credideritis, quia ego sum, moriemini in peccato vestro*. Joan. 8 24. horum verborum explicationem quære in disp. de divinitate Christi 1. part. Quia primum fundamentum fidei Christianæ, in quo discriminatur à Judæis, & Mahumetanis, est credere, quod Christus est Filius Dei naturalis, verusque Deus; oportet ut Christi prædicator coram Mahumetanis unam, vel duas conciones instituat de Christi divinitate. Ad hoc autem assumptum explendum proferat argumenta in illa disputatione à me expensa. Item lib. 3. cap. 1.

Tertium Thema, potest etiam ad prædicandum de Christi divinitate, assumi hoc thema: *Hæc est*

rum, & liberam eas repudiandi licentiam licitam facit: quia sodomiam, & bestialitatem licitas facit: quia evidenter fabulatur, Evangelia esse corrupta.

Undecimum. *Testimonium Domini fidele sapientiā præstans parvulus.* Ph. 18. ostendatur legem Mahometi sapientiam non præstare parvulis, i. qua non ordinat homines ad supernaturalem finem, & divinum, in quo juxta S. Thomam consistit, quod præstet sapientiam parvulis. Secundò, quia proponit, ut res veras, fabulas ridiculas. Tertiò, quia contra evidentissima testimonia Evangelij, & omnium hominum, fabulatur circa Annunciationem, & Partum B. Virginis, ut constat ex suprà dictis. Quartò, quia non habet orationem, sacrificia, & alia media elevantia hominem ad Dei contemplationem, & amorem. Quintò, quia eos, quos Mahumetani vocant sanctos, brutales & bestiales facit. Afferat hinc prædicator Christi exempla sapientiæ, quam Religio Christiana tribuit pueris innocentibus: v. g. Justo, & Pastori, quam tribuit Agneti, Catharinæ, Cæciliz, Theresiz, Teclæ, & aliis.

Duodecimum. *Euntes in mundum universum prædicate Evangelium omni creaturæ.* Marc. ult. conferat Christi

prædicatori modum, quo lex Christi introducta est in mundum per pauperes Piscatores, contradicentibus orbis Principibus, cum modo, quo in vecta est secta Mahumetana, & convincet, illam esse veram, & hanc falsam. Ad hoc explendum thema legatur disputatio de Divinitate Christi, c. 39. Item expendat miracula, quibus floruerunt in omni sæculo Sectatores Christi, ut breviter, & dilucidè facit Cardin. Bellarm. in tomo concionum concione 6. de fide & impotentiam faciendi miracula, quam de seipso fatebatur Mahumetus, & miracula ridicula, quæ in sui commendationem confinxit, ut constat ex dictis.

Decimum tertium. *Ambulate, dum lucem habetis, ut non vos tenebra comprehendant.* Joan. 12. 35. ad expugnandam duritiem Maurorum, qui auditis concionibus nolunt ad Christum venire, quamvis veritatem cognoscant, vide lib. 6. cap. 6. & 7. Item ad impugnandam illam communem excusationem, *Convertar, quando Deus voluerit*, vide suprà, ubi in pugnatur error Mahumetanorum asserentium Deum destinare homines ad malum, & omnia ex necessitate evenire.



I N D E X

SECUNDÆ PARTIS MANUDUCTIONIS AD CONVERSIONEM MAHUMETANORUM.

P A R S S E C U N D A.

In qua Falsitas Mahumetana Secta convincitur, pariterque veritas Religionis Christiana, qua primâ parte demonstrata est, novis iterum argumentis stabilitur.

. L I B E R P R I M U S.

PRoemialis, exhibens brevem notitiam de Mahumeti vita, & moribus, de Alcorani erroribus, & de artibus, quibus secta hac introducta est.

Cap. I. Brevis notitia de Mahumetanorum erroribus, & quâ arte Mahumetus suam sectam invexerit ? pag. 2.

Cap. II. Quo pacto Mahumetana secta introducta sit ? pag. 7.

§. I. Qualiter Arabum historici sui

Prophetæ vitam, & gesta narrant ? pag. 14.

§. II. Aliæ notitiæ de Mahumeti vita, & moribus. pag. 17.

Cap. III. Mores, & instituta Mahumetanorum. pag. 25.

L I B E R S E C U N D U S.

In quo continentur apertæ aliqua demonstrationes contra hanc sectam, qua confirmantur ex mirabilibus quorundam Mahumetanorum conversionibus: specialiter verò falsitas Alcorani convincitur ex eo, quòd ponat ultimam felicitatem hominis in delectationibus Corporis.

Cap. I. Prima demonstratio inde petita, quòd ante Mahumeti adventum per sexcentos, & amplius annos in Christiana Religione homines salvari poterant: ex quo evidenter inferitur, illam esse ve-

ram, & sectam Mahumetanam ipsi oppositam, esse falsam. pag. 28.

Cap. II. Secunda demonstratio petita ex eo, quòd Mahumetus prohibuerit suis omnem de Religione disputa-

tio-

tionem, & voluerit legem suam gladiò potius, quàm rationibus persuaderi, pag. 31.

Cap. III. Tertia demonstratio inde petita, quòd Alcoranus docet, unumquemque posse in sua lege salvari, Christianum in Christiana, Mahumetanum in Mahumetana, & Judæum in Judaica, pag. 32.

Cap. IV. Quarta demonstratio inde petita, quòd salvatio in lege Christi sit certa ex dictis Alcorani; in Mahumetana autem sit dubia. pag. 34.

Cap. V. Quinta demonstratio petita ex eo, quòd ex confessione Alcorani Christus est Messias in lege antiqua promissus, & Sanctissimus Propheeta, pag. 36.

Cap. VI. Sexta demonstratio, quòd vera Religio est illa, quam homines ad moriendum eligunt; sectam autem Mahumetanam nullus unquam Christianus ad moriendum prælegit; cum interim passim Mahumetani eligant ad moriendum Religionem Christianam, quam ad vivendum nunquam suscipere

voluerunt. Ubi narrantur mirabiles conversiones Mahumetanorum in horam mortis. pag. 39.

Cap. VII. Septima demonstratio petita ex eo, quòd nullus unquam Christianus ex desiderio suæ salutis, divitias, uxorem, & filios, & temporalia commoda reliquerit, ut ad Mahumetanos transiret; contra verò multi Mahumetani hoc fecerint, ut in terras Christianorum migrarent. Ubi narrantur mirabiles vocationes ad Fidem Christi. pag. 40.

Cap. VIII. Mirabilis conversio Regis de Fez, postea Balthazaris de Loyola Societatis Jesu, pag. 53.

Cap. IX. Alia exempla, pag. 58.

Cap. X. Singularis Dei providentia, quam Author expertus est in Mahumetanorum conversione, satis probat, Religionem Christianam esse necessariam ad salutem viam, pag. 60.

Cap. XI. Convincitur falsitatis secta Mahumetana ex eo, quòd ponat hominibus beatitudinem in delectationibus carnalibus, gustus, & tactus, pag. 64.

LIBER TERTIUS.

In quo ex dictis Alcorani, & ex Scripturis Divinis, quas admittit, & ex Divinis visionibus, & miraculis probatur Divinitas Christi, & Trinitas Personarum. Vbi etiam apponitur longum colloquium, quod Author habuit cum arguto Mahumetano: & varijs similitudinibus exponuntur mysteria Incarnationis, & Trinitatis: & docetur, quomodo agendum sit cum Infidelibus, qui ob difficultatem mysteriorum nostræ fidei illam recipere detestantur: & demonstratur, legem Christi abrogari non potuisse per legem Mahumeti, quamvis lex Moysis sit abrogata per legem Christi.

Cap. I. Demonstratur Divinitas Christi ex dictis Alcorani, ubi Christum appellat *Verbum DEI*, & ex libris Divinis, quibus Mahumetus jussit haberi fidem, pag. 74.

Cap. II. Probatur Divinitas Christi, & veritas Religionis Christianæ ex notis, & insignibus, quibus dignoscitur, illam esse à Deo, pag. 87.

Cap.

Cap. III. Iterum ostenditur Divinitas Christi, & pluralitas personarum in Deo ex ipso Alcorano, & ex Scripturis, quas Mahumetus admittit, pag. 88.

Cap. IV. Solvitur crassa quædam obiectio Mahumeti, & exponitur, quo pacto sine uxore propriè Filius Deo conveniat, pag. 96.

Cap. V. Cur Evang. non dixit: *Verbum homo*, sed *Verbum caro factum est*, pag. 101.

Cap. VI. Ostenditur contra Mahumetanos pluralitas personarum in Deo, & Christum esse Filium naturalem Dei, verumque Deum ex Divinis testimoniis, visionum, & miraculorum, pag. 106.

Cap. VII. Narratur miraculum Divæ Virginis, quæ Cæsaraugustæ erus puero abscissum restituit anno 1640. pag. 111.

Cap. VIII. Aliæ B. Virginis miracula ex certis historiis à P. Jacobo Masenio narrata, quibus probatur, illam esse Dei Matrem & Christum esse verum Deum, pag. 113.

Cap. IX. Probatur Trinitas Personarum contra Mahumetum: & ostenditur, illum stultè negasse hoc mysterium, quia demonstrari non potest. Ejus cum Simone Mago similitudo: ubi quomodo Augustinus inductus fuerit ad deferendum errorem, in quo erat, quòd videlicet nihil credi debeat, quin firma præ ratione probetur, pag. 120.

Cap. X. Proponitur colloquium, quod Author habuit cum Mauro arguto, & inter suos erudito, qui nolebat

Christianæ Fidei nomen dare, quia capere non poterat, quomodo Deus sit Trinus in Personis, & quomodo potuerit fieri Homo. Ubi symbolis, & similitudinibus explicantur Mysterium Trinitatis, & Incarnationis, pag. 127.

§. II. Rationes probabiliter lucentes pluralitatem personarum in Deo, pag. 130.

§. III. Exponitur, quomodo in Deo detur Pater, & Filius, & Spiritus Sanctus. pag. 131.

§. IV. Cur in Deo dentur tres Personæ, neque plures, neque pauciores, pag. 132.

§. V. Quomodo exponendum sit Mysterium Incarnationis ex S. Thoma, pag. 133.

§. VI. Explicatur Mysterium Incarnationis varijs similitudinibus, pag. 137.

Cap. XI. Quomodo Prædicatores Evangelici persuadere debent Infidelibus, vera esse mysteria nostræ fidei, pag. 139.

Cap. XII. Demonstratur, legem Mahumeti non successisse legi Christi, sicut lex Christi successit legi Moyſis. Ubi exponitur, quomodo lex Christi non sit opposita legi Moyſis, sed ejus adimpletio, & perfectio: & convincuntur Judæi contententes, Sacramentum Circumcisionis, & cetera ceremonialia legis antiquæ debere in æternum durare, quia sunt à Deo instituta, pag. 145.

Cap. XIII. Demonstratur, legem Christi non potuisse abrogari per legem Mahumeti, quamvis lex Moyſis sit abrogata per legem Christi, pag. 151.

LIBER QUARTVS.

In quo demonstratur, Christum mortuum esse, & resurrexisse, contra id, quod Alcoranus fabulatur : & exponitur, cur Deus fieri voluerit homo passibilis, & ostenditur, nec novum, nec vetus Testamentum fuisse corruptum à Christianis, ne Mahumetus finxit.

Cap. I. Demonstratur contra Mahumetanos, Christum mortuum esse, & resurrexisse, indeq; evidenter ostenditur, Alcoranum mendacius, & fabulis plenum esse. pag. 156.

Cap. II. Crucis miracula clarè probant, Christum in ea mortem sustinuisse. pag. 160.

Cap. III. Cur Deus factus sit homo, & pro hominibus pati voluerit. pag. 164.

Cap. IV. Exponitur ex Patribus, cur Deus voluerit fieri homo passibilis, & mortem crucis subire. pag. 166.

Cap. V. Demonstratur contra Mahumetanos, neque vetus, neque novum

Testamentum esse adulteratum; & inde evincitur, Alcoranum utrique Testamento contradicentem, esse librum mendacem & diaboli suggestionem compositum. pag. 169.

Cap. VI. Demonstratur, vetus Testamentum non esse depravatum à Judæis, ut Mahumetani fabulantur. p. 171.

Cap. VII. Demonstratur novum Testamentum non esse corruptum: & inde convincitur, doctrinam Alcorani ipsi contrariam esse falsam. Ubi recensentur Hæreses præcipuè contra Trinitatem & Incarnationem, & Concilia Generalia, in quibus damnatæ sunt. pag. 174.

LIBER QUINTUS.

In quo ex contradictionibus Alcorani, ex fabulis, quibus est refertus, ex erroribus manifestis contra historiam, contra Mathematicam & Philosophiam, ex impura Mahumeti vita, & moribus eorum quos Mahumetani Sanctos appellant, evidenter demonstratur, legem contentam in Alcorano non esse legem DEI, nec illi convenire ullam ex proprietatibus legis Divinae, quas David descripsit,

Cap. I. Evidentes contradictiones in Alcorano contentæ manifestè probant, Mahumetum non fuisse Dei Prophetam, sed diaboli ministrum. Ubi cur vinum Mauris prohibuerit? p. 188.

Cap. II. Cur tot in Alcorano repariantur Contradictiones? pag. 193.

Cap. III. Ostenditur, inexcusabiles esse Mahumetanos, qui legentes Alcoranum, & percipientes, quæ do-

cet, non deserunt Mahumeti legem, pag. 195.

Cap. IV. Colloquium inter Patrem Ignatium de las Casas, & Mahumetanum quendam: ex quo probatur, Mahumetanos solo rationis ductu posse cognoscere Alcorani falsitates. pag. 196.

Cap. V. Impura Mahumeti vita clarè probat, eum non fuisse Dei Prophetam, R r

tam, sed sagacem Regnorum deprædatorem. pag. 198.

Cap. VI. Ideo diabolus Mauris persuadet, Mahumetum fuisse Virum Sanctum, ut ejus vitia sub larva virtutum imitantes, in infernum cum ipso detrudantur. pag. 206.

Cap. VII. Pluralitas uxorum, & eas repudiandi licentia, quam lex Mahumeti præscribit, clarè demonstrat, eam non esse legem Dei. pag. 209.

Cap. VIII. Facilitas repudiandi uxores, quam Mahumeti lex concedit, clarè ostendit, eam non habere Deum auctorem. pag. 217.

Cap. IX. Demonstratur, nullam ex proprietatibus Legis Domini assignatis à Davide, convenire legi Mahumetanæ. pag. 224.

Cap. X. Ostenditur, legem Mahumetanam non esse immaculatam, quia multa injusta præcipit, & multa turpissima ut licita permittit. pag. 215.

Cap. XI. Demonstratur, legem Mahumeti non esse immaculatam, quia Virginitatem prohibet; & omnibus imponit obligationem nubendi, cum ad vigesimum quintum annum pervenerint. pag. 233.

Cap. XII. Ostenditur, Alcoranum non esse legem, & testimonium Dei, quia testimonium Domini fidele, Alcoranum verò plenum est erroribus, mendaciis & fabulis. pag. 238.

Cap. XIII. Confutatur fabula Alcorani asserentis, Angelum Gabrielem apparuisse B. Mariæ Virgini descendenti è domo Parentum in terram Orientalem, & tunc illi annuntiâsse Christi miraculosam conceptionem.

Ubi recensentur laudes, quæ in Alcorano de B. Virgine dicuntur. pag. 247.

Cap. XIV. Annuntiationem factam esse in domo Virginis, probatur contra Mahumetanos, ex miraculosa illius translatione in Lauretum. pag. 249.

Cap. XV. Exploditur fabula Alcorani, affirmantis B. Mariam Christum peperisse, cum juxta palmam consisteret, & alia fabulosa narrantis. pag. 251.

Cap. XVI. Error Alcorani contra Mathematicam. pag. 253.

Cap. XVII. Errores Alcorani contra Philosophiam Naturalem. pag. 255.

Cap. XVIII. Errores Alcorani contra Dei misericordiam. pag. 256.

Cap. XIX. Error Alcorani contra Dei providentiam, trahentem homines ad veram Fidem, & pietatem per miracula. pag. 257.

Cap. XX. Error Alcorani contra Dei providentiam, permittentem ut amici sui in hac vita tribulationem patiantur, ut in alia coronentur. pag. 258.

Cap. XXI. Error Alcorani contra providentiam Dei, permittentem homines fideles à diabolo tentari. pag. 261.

Cap. XXII. Confirmatur doctrina præcedens exemplo recenti Mahumetanæ scæminæ, quam à suscipiendo Baptismo dæmon ei apparens deturbabat. pag. 262.

Cap. XXIII. Error Alcorani contra Dei Justitiam, & misericordiam. pag. 263.

Cap. XXIV. Quomodo Mahumetani fabulantur, Mauros ab inferno extrahi. pag. 264.

Cap. XXV. Petniciosus alius Alcorani error contra Dei Justitiam, affirmantis, homines per confessionem Mahu-

humetanæ sectæ sine bonis operibus & cum magnis criminibus fore salvandos. pag. 265.

Cap. XXVI. Errores alij Alcorani contralumen rationis. pag. 266.

Cap. XXVII. Error Mahumetanorum circa corpora & animas defunctorum. pag. 267.

Cap. XXVIII. Error Alcorani, affirmantis, diabolos credentes Mahumeto fuisse ab inferno liberatos. p. 268.

Cap. XXIX. Error Alcorani circa durationem inferni. pag. 268.

Cap. XXX. Error Alcorani contra Dei sanctitatem. pag. 269.

Cap. XXXI. Quomodo perurgendi sint Mahumetani, qui interroganti, quando convertendi sunt ad fidem Christianam? respondent, quando Deus voluerit. Ubi exemplis, & aptis similitudinibus explicatur, prædestinationem, & præscientiam Dei non auferre nostram libertatem. pag. 271.

Cap. XXXII. Demonstratur, Alcoranum non esse testimonium Dei, quia fabulis ridiculis plenum est. p. 276.

Cap. XXXIII. Ostenditur, legem Mahumeti non esse à Deo, quia lex Domini est convertens, à quo procul abest lex Mahumeti. pag. 279.

Cap. XXXIV. Quales sint Mahumetanorum sancti. pag. 279.

Cap. XXXV. Ostenditur, legem Mahumeti carere mediis perveniendi ad sanctitatem. Et primo de Mauro-rum Zalâ, seu oratione. pag. 281.

Cap. XXXVI. De Mahumetanorum lectionibus & lavacris. pag. 282.

Cap. XXXVII. De Mahumetanorum Jejunio. p. 283.

Cap. XXXVIII. Concluditur ex dictis, quàm impudenter Mahumetus dixerit, suam legem esse supra omnes. pag. 285.

Cap. XXXIX. Quamvis Mahumetus in Alcorano dicat, sibi non esse datam potestatem faciendi miracula: tamen aliqua rebus carentia, in sui commendationem finxit. pag. 285.

Cap. XL. Miracula, quæ de Mahumeto narrant Satacei. pag. 186.

LIBER SEXTVS.

In quo traditur praxis convertendi Mahumetanus, petita ab experientia Authoris, & designantur themata Concionum, & loca etiam ex toto opere, quibus expleri possint.

Cap. I. Quantum expediat, publicas ad Mahumetanos Conciones habere. pag. 287.

Cap. II. Quomodo Mahumetani convocandi sunt ad has conciones publicas audiendas. pag. 290.

Cap. III. Quod pro Maurorum conversione preces, eleemosynæ, Jejunia & alia pia opera à Christianis exercenda sunt, ut prædicatio effectum fortiat. Ubi singularia hujus rei exempla ab Hispanensibus exhibita recensentur. pag. 293.

Cap. IV. Singulare exemplum puelle sexennis orantis pro Mahumetano-
rum conversione. pag. 295.

Cap. V. Quantum expediat, quòd
Mahumetani ad fidem conversi ma-
gna cum solemnitate baptizentur.
pag. 296.

Cap. VI. Quomodo expugnanda sit
obstinatio Mahumetanorum, qui veri-
tatem religionis Christianæ cognoscen-

tes, Baptismum suscipere detrectant, vel
differunt. pag. 299.

Cap. VII. Quid consulere debeat
Christi prædicator Mauris, quibus per-
suadere non potuit, ut Baptismum pe-
terent. pag. 302.

Cap. VIII. Et ultimum. Insinuan-
tur verba Scripturæ, quæ pro thema-
te concionum contra Mahumetanos
felligi possunt. Et quomodo ex dictis
expleri possint. pag. 303.

F I N I S.

